

স্বাস্থ্য-বিবেকানন্দের জীবনালোকে

SUDHA SMRITI LIBRARY.
(Attached to Belgoria Tarun Sangha)
GOVT. SPONSORED RURAL LIBRARY.
P. O. Model Belgoria
Vila - Basirhat Dist. 24 Parganas



কুতূহল কোম দাগকটি, পাতা হেঁচা বা
মন্তব্য লিখিলে এবং সাতদিনের মধ্যে
ফেরৎ না দিলে অধিদপ্তর দ্বারা হস্তগত হবে।

উদ্বোধন কার্যালয়
বাগবাজার, কলিকাতা

মূল্য ৮০/০

প্রকাশক—

স্বামী আত্মবোধানন্দ

উদ্বোধন কার্যালয়

১নং মুখার্জি লেন, বাগবাজার

কলিকাতা

গ্রন্থলব্ধ সমস্ত লভ্যাংশ “যোগীন-মা স্মৃতি-ফণ্ড”

নাম দিয়া বাগবাজার শ্রীরামকৃষ্ণমঠের সাধুসেবায়

ব্যয়িত হইবে

সর্বস্বত্ত্ব সংরক্ষিত

পোষ, ১৩৪১

প্রিণ্টার—শ্রীমৃগেন্দ্রনাথ কোণ্ডার

উদ্যোগ প্রেস,

১২নং, গোরমোহন মুখার্জী ষ্ট্রীট,

কলিকাতা।

সূচীপত্র

চলার পথে	১
ঐশীপ্রেম—দৈবীসম্বন্ধ	৮
ঐশাস্ত্র, সংশয়বাদীর দৃষ্টি, ঠাকুর ও স্বামীজীর সার্বভৌমিকত্ব			১৪
লোকনেতৃত্ব, ব্যক্তিস্বাতন্ত্র্য, সংঘপরিচালনা	৩০
ঠাকুর ও স্বামীজীর ভাববাহীগণের কয়েকজন	৩৬
প্রতীচ্যে প্রাচ্যের আলোক-সম্পাত	৭১
ঠাকুর ও স্বামীজীর সম্বন্ধে কয়েকটি স্মৃতিকণা	৮৫
অভীর প্রতীক আচার্য্য বিবেকানন্দ	৯৮
পথের বাধা, অজ্ঞান ও মায়া, আপদ ও বিপদ	১০৫
তরুণের প্রতি পরমাপ্রীতির আহ্বানলিপি	১১০
সেবামধর্মের 'পাকা আমিত্ব'	১২৬
বর্তমানের ভাববল্লা	১৪৮
ভারতের কর্ম-সন্ন্যাস	১৬১
আশ্রমধর্মের স্বরূপ এবং জাতির নামে বজ্জাতি	১৭৪
ভারতীয় ভাবনাধারার বৈশিষ্ট্য, সবমতের পরিণতি মোক্ষতত্ত্বে			১৮০
ত্যাগ, কর্মতপস্তা ও যোগ, উচ্চতম আদর্শবাদ	১৯০
আত্মজ্ঞান সম্বন্ধে দুইএকটি কথা	২০০
লৌকিক আচার ও সন্ন্যাস	২০৬
সন্ন্যাসের আদর্শ-বিভাগ	২১০
নৈতিক সংঘম—ভাবপরিপুষ্টি	২১৬
জাতিসংগঠনে আত্মিকশক্তির আবশ্যিকতা	২২৮
কর্ম ও জ্ঞানের সমন্বয়ে অলৌকিক ভাবসাধনা	২৩২
জ্যোতির্ময় জীবনের দীপ্তিতে	২৪০

নিবেদন

আমার কনিষ্ঠ সৌন্দর্যপ্রতিম, আমাদের পরমপ্রীতিভাজন গ্রন্থকার যখন শ্রীরামকৃষ্ণ-সংজ্ঞের আবেষ্টনীর মধ্যে থাকিয়া, তাঁহার লৌকিক বিজ্ঞা-শিক্ষা সমাপনান্তে উক্ত সংজ্ঞে সন্ন্যাসিভাবে যোগদান করেন, তখন আমি হৃদয়ে এই আশা বিশেষভাবে পোষণ করিয়াছিলাম যে, ইহা দ্বারা আমাদের শ্রীরামকৃষ্ণসংজ্ঞের অনেক কায হইবে। ক্ষুদ্রবুদ্ধি আমি—তখন বুঝিতে পারি নাই, ঠাকুর তাঁহাকে কোন্ দিক দিয়া কায করাইবেন। আমরা . আমাদের বুদ্ধিমত তাঁহাকে বিভিন্ন সময়ে সংজ্ঞের বিভিন্ন প্রকার কাযে প্ররত্ত করিতে চাহিয়াছিলাম—কিন্তু Man proposes but God disposes মানুষ নানা কল্পনা করে, কিন্তু যা কিছু ঘটে, তা স্বয়ং ঈশ্বরই ঘটান। তাই আমাদের ইচ্ছা পূর্বোক্তরূপে পূর্ণ না হইলেও, আজ তাঁহার ‘রামকৃষ্ণ-বিবেকানন্দের জীবনালোকে’-গ্রন্থ পড়িয়া বুঝিয়াছি, শ্রীশ্রীঠাকুর তাঁহাকে বিভিন্ন অবস্থার ভিতর দিয়া লইয়া গিয়া, তাঁহার হাত দিয়া এই সুগভীর ভাব ও চিন্তাপূর্ণ গ্রন্থখানি বাহির করিয়া, তাঁহারই কার্য সাধন করিয়া লইয়াছেন।

গ্রন্থকার শ্রীশ্রীঠাকুরের যে সকল লীলাসহচর বা তাঁহাদের শিষ্য-প্রশিষ্যবর্গের সাক্ষাৎ সঙ্গ বা উপদেশ লাভের সৌভাগ্যলাভ করিয়াছেন, তাঁহাদের স্মৃতি বিশেষভাবে হৃদিস্থ করিয়া যে এক একটা তুলিকাপাত করিয়াছেন, তাহাতে আপাততঃ অসংবদ্ধ প্রতীত হইলেও একটা অতি সুন্দর সুস্পষ্ট ছবি ফুটিয়া উঠিয়াছে। আবার শ্রীরামকৃষ্ণ-বিবেকানন্দের . জীবনালোক সমাজ বা জাতীয় জীবনের অনেক স্থানে পাতিত করিয়াও, উহাদের সম্বন্ধে বহু সমস্যা সমাধানের পথ সুগম করিয়া দিয়াছেন। বিশেষতঃ এই যে, তিনি কোথাও একদেশদর্শী হন নাই, সমস্যাগুলির সব দিক্ আলোচনা করিয়াছেন, সকল স্থলে স্পষ্টতঃ কোন সিদ্ধান্তে না আসিলেও, চিন্তাশীল পাঠক-পাঠিকা সহজেই উহা হইতে সিদ্ধান্ত করিবার বিশেষ ইঙ্গিত পাইবেন বলিয়া মনে হয়। তাই আমি মুক্তকণ্ঠে বলিতে পারি, এই গ্রন্থপাঠে কি শ্রীরামকৃষ্ণসম্বন্ধে, কি তাহার বহির্ভূত সকল ব্যক্তিরই বিশেষ মঙ্গল হইবে।

‘রামকৃষ্ণ-বিবেকানন্দের জীবনালোকে’ নাম দিয়া অধুনাবিলুপ্ত ‘বিশ্ব-

বাণী' মাসিকপত্রে ১৩৩৬ সালের জ্যৈষ্ঠমাস হইতে ১৩ মাস ধরিয়া ধারা-বাহিকরূপে গ্রন্থকার কয়েকটা প্রবন্ধ লেখেন। ১৩৩৩ সালে খাতড়া ও বাঁকুড়ায় বসিয়া, সাধনভজনের অবসরে, এইগুলি লিখিত হইয়াছিল। ঐ ভিত্তি অবলম্বন করিয়া তাহার উপর বহু পরিবর্তন ও পরিবর্দ্ধন করিয়া গ্রন্থখানিকে বর্তমান আকার দান করা হইয়াছে। গ্রন্থখানি যেরূপ সূচিস্তিত ও ভাবপূর্ণ তাহাতে ইহা স্থায়ীভাবে সংরক্ষিত হইবার যোগ্য।

শ্রীরামকৃষ্ণ ও বিবেকানন্দের নামে বর্তমানে বহু অনুষ্ঠান-প্রতিষ্ঠান চলিতেছে। গ্রন্থকার অনেক স্থলে তাহাদের উল্লেখ ও বিশ্লেষণ করিয়া, সহানুভূতির সহিত অথচ নির্ভীকভাবে শ্রীরামকৃষ্ণ-বিবেকানন্দের জীবনালোকে তাহাদের দোষগুণ উভয়ই দেখাইয়া দিয়া, তাহাদের চরমলক্ষ্য শ্রীভগবদানুভূতির দিকে কিরূপে তাহাদের মোড় ফিরাইয়া দিতে পারা যায়, তৎসম্বন্ধে যথেষ্ট কাযের ইঙ্গিত করিয়াছেন।

গ্রন্থখানি লেখকের অন্তরের ভাবের অভিব্যক্তি—গ্রন্থকার 'ভাবের ঘরে চুরি' ছাড়িয়া, সকল জিনিষের মন্দের—আঁতের সন্ধানে বিশেষ উৎসুক। এই কারণেই হউক বা অথ যে কারণেই হউক, গ্রন্থের ভাষা শ্রেণীবিশেষের পাঠকের নিকট একটু অস্পষ্টতা দোষে ছুট বলিয়া মনে হইতে পারে, কিন্তু আমাদের বিশ্বাস, বহুলোকে ইহা পাঠে বিশেষ উপকৃত হইবেন এবং অনেকেই ইহাতে জীবনের যথার্থ লক্ষ্যের সন্ধানে যথেষ্ট সহায়তা পাইবেন। শ্রীভগবানের নিকট কায়মনোবাক্যে প্রার্থনা করি, গ্রন্থকার শ্রীরামকৃষ্ণ ও বিবেকানন্দের জীবন আরও গভীরতর ভাবে অনুধ্যানপরায়ণ হইয়া তাঁহাদেরই প্রেরণায় আরও গভীরতর ভাববাণী সাধারণকে উপহার প্রদান করিয়া তাহাদের চরম কল্যাণে সহায়তা করিবেন।

গ্রন্থকারের কোন বাল্যবন্ধু সমগ্র গ্রন্থখানি পড়িয়া এতই মুগ্ধ হন যে, তিনি স্বেচ্ছায় লোক-কল্যাণের জন্ত এই গ্রন্থপ্রকাশের যাবতীয় ব্যয়ভার বহন করিয়াছেন। ইতি—

জ্যৈষ্ঠমাস ডে
শ্রীরামকৃষ্ণ মঠ, বেলুড়।

২৫শে ডিসেম্বর

১৯৩৪

শুক্লানন্দ

রামকৃষ্ণ-বিবেকানন্দের জীবনালোকে

চলার পথে

নমামি নাথং গুরুদেবদেবং
প্রিয়ং চিদানন্দ-মহাবতারং ।
নিত্যং হি বিজ্ঞানমনস্তরূপং
পরাংপরং ব্রহ্মশিবস্বরূপং ॥

প্রবাহে চলেছি। পথে পথে। আঁকে বাঁকে। ঘুরে ফিরে। রেহাই
কারো নেই। ক্ষতি অগ্‌তেজের—“থোড় বড়ি খাড়া”—“খাড়া বড়ি
থোড়” দিয়েই যা কিছু বিষয়, ভোগ্যদ্রব্য চোখে দেখছি, নিজের ব’লে
কোলে টেনে নিচ্ছি, হের-পরিত্যাজ্য ব’লে সরিয়ে ফেলে দিচ্ছি,—
এ শুবরাজ্যের সবই ঐ উপাদানে সংগঠিত। কেবল দৃষ্টির তফাৎ।
একই ঘটনা, একই জিনিষকে দুজনে দুচোখে দেখছে, বুঝছে।
আবার অনন্ত বাদ বিবাদ বিসম্বাদ তাই নিয়ে।

কবি বায়রণের বালা পঠদশার সম্বন্ধে একটি গল্প শোনা যায়। স্কুলে
ইন্সপেক্টার সাহেব এসে আদেশ করলেন, বর্ষার নদী সম্বন্ধে তোমরা
সবাই কিছু কিছু লেখো। কিশোর স্ফুটনোন্মুখ কবি লিখলেন, “বর্ষার
নদী সব লাল হ’য়ে ওঠে কেন জানো কি? নববধু যেমন স্বামীর কাছে
যেতে প্রথম সরম পান, তটিনী-বধুরও প্রাণেশ্বর প্রিয়তম মহাসমুদ্রের সাথে
মিলতে গিয়ে তদবস্থা।—লাজে লাল!”

—আবার ঐ একই ঘটনাটি বৈজ্ঞানিকের চোখে আলাদা ব্যাখ্যা এনে দেবে। প্রেমিকের দৃষ্টি স্বতন্ত্র।

পটুয়া পট আঁকেন। ছবির লেখক ছবি লেখেন। কথায় তুলি দিয়ে কবি কাব্য রচেন। সুরের রেশে রেশে স্তরে স্তরে, স্তবকে স্তবকে গায়ক গাহিতে গাহিতে মেতে ওঠেন। বাজাতে বাজাতে বাদক আত্মহারা হন। আবার তর্কবিদ্যা, আত্মজিজ্ঞাসীতে পটু যিনি, তাঁর কথাই হচ্ছে, খালি কেন? কেন? কেন? চিরন্তন এই প্রশ্নই তুলে যাওয়া। তাতেই তিনি রপ্ত। ভাবুক বড় বেজার—বিশেষ উদ্যাস্ত হ’য়ে ব’লছেন,—“আরে ভাই, কেন-মেন অত শত জানি না। বুঝি না। প্রেরণা আসছে। মূর্তি দিয়ে যাচ্ছি। রূপ দিয়ে যাচ্ছি। সর্বরূপের যিনি আগার,—সেই রূপেশ বুঝেন। তিনিই রূপেশ্বর। তিনিই বিশ্ব-ঈশ্বর। এরি ভিতর তত্ত্ব কিছু ফুটছে কিনা, জানিনা। আমার এত বুদ্ধি নেই। সৃষ্টিতেই আমার সব আনন্দ।”

কথা-দিয়ে যে রচনা রচা যায়, তাহার সম্বন্ধেও আমাদের এখানে ঐ শিল্পীর দৃষ্টি। শিল্পীর ভাব। ভেতরে এলে,—দিয়ে যেতেই হয়। যদি বল, সিদ্ধান্ত কি? তবে বলি,—যদি সিদ্ধান্ত একান্তই একটা খাড়া করতে হয়, তবে বলব,—মায়ারহিত, ভ্রমভ্রষ্ট, অদ্বয়, অখণ্ড সচ্চিদানন্দৈকরস, অবায় একত্বেই সিদ্ধান্ত। আরও গভীর—বাক্য মন যেথায় গ’লে যায়। আর তা তো শেষ পর্য্যন্ত অতর্ক্য। অপ্রমেয়। মানবের ছটাকী বুদ্ধির চেন দিয়ে যা মাপা যায় না। বুটোপুটির বাহিরে। আর যা কিছু দ্বৈত প্রতিভাস তাহারই ভিতর মতদ্বৈত বেশী রকম। দ্বৈতরাজ্যে এমন কোন জিনিষ নেই, যেটা নিছক মন্দ। সেই জন্তই অনেক প্রসঙ্গে, বর্তমান গ্রন্থের ভিতর, আমরা বিভিন্ন দৃষ্টি, বিভিন্ন বার্তা, বিভিন্ন সম্ভা—

যথাসম্ভব সূত্রিত করিয়াছি। সিদ্ধান্ত পাঠকপাঠিকার। আরও কথা, সব জিনিষের 'ইতি' ক'রতে পরম-গুরু মানা আছে। দেখাও যায়, যে লেখা, যে মত, আজ লিখি বা বলি, কালকের নব আলোকে, তা' আবার বদলাতে হয়। সময় সময় মুছে ফেলতে হয়। আজ যে কর্মপদ্ধতি পাশ্কা ব'লে বোধ হ'চ্ছে, কাল তাই-ই উল্টে গেলো। নিজেরই অমনোনীত হ'ল।

হরেক রকমের সমস্যা। রামের পক্ষে যা সিদ্ধান্ত, শ্রামের পক্ষে তা' নয়। আবার বছর ক্ষতি হবে ব'লে, একের পক্ষে বিশেষ বিশেষ ক্ষেত্রে, বিশেষ বিশেষ অবস্থায় যাহা সিদ্ধান্ত, তাহা সব সময় লেখা যায় না। লিখিলে অনর্থ ই ঘটিয়া থাকে, গুরুমুখে শুনিয়া লইতে হয়।

স্বরের ভিতর, শব্দরাজ্যে দাঁড়িয়েই 'অস্বরম্ অশব্দম্'-কে ধরবার ছোঁবার চেষ্টা করতে হবে। খণ্ডের ভিতর জ'ন্মেই অখণ্ডের জন্ম হাতড়াতে হবে। প্রতি সৃষ্টির ভিতরেই বিরাটের, পূর্ণের, ভূমার ছায়া দিতে হবে। তাঁকে বা সেই অবস্থাকে যথাসাধ্য চিত্রিত, প্রতিফলিত, প্রতি-কল্পিত করবার দিকে লক্ষ্য থাকবে। তবেই শিল্পীর কাজ হবে। গণ্ডীতে চিরকাল বদ্ধ থাকিলে, গণ্ডগোল হবে। Art must fumble for the whole, once fixing on a part,—however poor, must surpass the fragment and aspire to re-construct thereby the ultimate Entire.

রে শিল্পী, অংশে রাখি বদ্ধ মন

চিত্ত তাহে সমর্পণ।

মহাপূর্ণ হেতু—তোমা—

সন্ধানিতে হবে অল্পক্ষণ ॥

হ'উক ক্ষুদ্র,
 হ'উক দরিদ্র,
 হে কবি, খণ্ডের ধরি তুমি
 দাও মোরে অখণ্ডের ছবি ॥

পাশ্চাত্যের নবযুগের কল্লনাদেবীর বরপুত্র, ভারতীয় চিন্তাধারার সহিত গোষ্ঠীভূত, কবি রবার্ট ব্রাউনিংএর বাণী আমাদের সকলের—ইউরোপীয় মহাযুদ্ধের পর, পৃথিবীর সর্বমানব-মানবীর জীবনের প্রতি কষ্টে, ধ্যানে, ভক্তিতে, তপস্যায় সত্য হ'উক, সার্থক হ'উক, সফল হ'উক।”
 রে আমার মন, অনন্ত সঙ্কল্প-বিকল্পের পুঁটুলি তুমি! অপূর্ণতা, অক্ষমতার মাঝেই সমাসীন হ'য়ে, তুমি অখণ্ডকে ধরবার ছোঁবার চেষ্টা কর। সীমাকে—ক্ষুদ্র, ছোট, অল্পকে শেষে অতিক্রম ক'রতেই হবে। ছাড়ান নেই। পূর্ণতার মাঝে, পূর্ণছবির ভিতর নিজেকে ডুবাতেই হবে। ভুলাইতে হবে। ব্যর্থতায় বারবার পথ হারাইয়াই বা গেলে। “বাজি জিত” না-ই বা হইল!

* * * * *

মহাসমুদ্রের মত সীমাহীন শ্রীরামকৃষ্ণ-বিবেকানন্দজীবনই আমাদের সম্বল। অবলম্বন। আশ্রয়। নিষ্কি। কষ্টপাথর,—যাহা কিছু সবই। তাঁহাদের ভাব সহায় করিয়াই আমরা যথাসাধ্য জীবনপথে চলিবার চেষ্টা করিতেছি। হয়ত ভুল করেছি, করছি, করিব অনেক। কিন্তু, ভুল বা' কিছু তা আমাদেরই সংস্কার। কষ্টের দোষ। আর যা' কিছু পূর্ণতা,—তা' তাঁরাই। বাংলায়—ভারতে নব জাতি সংগঠনে তাঁদের আদর্শকে সাম্নে পরিয়াই সমষ্টিগতভাবে আমাদের পথে আগুয়ান হইতে হইবে।

কোন মনুষ্য-রচনাই অশ্রান্ত, অপূর্ণতাবিহীন, অকাটা হইতে পারে না। রচনা মানেই চেষ্টা। স্মৃতরাং, তা'তে প্রমাদের এক মস্ত স্থান

আছে। সংশোধন, পরিবর্তন, পরিবর্দ্ধন,—সকলই তাহাতে চলিতে পারে। ইহা অকাটা, অপৌরুষেয় নিভুল বেদ নহে। মনুস্মৃতিচিহ্ন লৌকিক কথা! আপাততঃ অন্তরে যতদূর প্রতিভাত হইয়াছে, তাহারই আলোকে, রামকৃষ্ণ-বিবেকানন্দ-কথা কহিব। আপনারা অনুমতি করুন! অবহিত হউন, শ্রদ্ধাযুক্ত হউন।

শ্রীরামকৃষ্ণের দেউলে দেওয়ালি-মহোৎসবের দামায়া বেজেছে। কেউ বা ‘ডে-লাইট’ নিয়ে এসেছেন। কারো হাতে বিজলী। কারো মোমের বাতি, কারো হাতে মৃণ্ময় প্রদীপ। বিজ্ঞ ব’লছেন, “ওহে জোনাকি! তুমি আর আলোর কি গরব ক’রছো?” কিন্তু, জোনাকী তা’ শোনে না। অল্প আলো নিয়েই সে চলেছে। গুটি গুটি যাবে। বলে “একবার বেয়ে চেয়ে দেখি। বাদ থাক্বো না। ফাঁকে পড়্বো না। দেবতা ত অন্তর বোঝেন, হ’লই বা মিটি মিটি আলো!” তর্কে কাজ নেই। যেটুকু আলো ভিতরে তিনি দিয়েছেন, তাই দরবারে তুমি নিয়ে চল। এক পা এগোও। জ্যোতিঃস্বরূপ যিনি, তিনি করুণা ক’রে আপনি একশো পা এগিয়ে এসে, সব অল্পতা নষ্ট কোরে, লাখো গুণ তোমার পুজি বাড়িয়ে দেবেন।” ইহা বিচিত্র অনির্বচনীয় সৃষ্টির লীলা-বিলসন। সাধের নরেন্দ্র রামকৃষ্ণ-পূজা সম্বন্ধে পত্রে লিখছেন,—“যে তাঁর পূজা ক’রবে, মুহূর্ত্ত মধ্যে ‘মহান্ হবে।”

• পূজা পূর্ণাঙ্গ ক’রতে হলে, কোটি উপচার, বহু বলি আবশ্যক। কাকে দিয়ে কি কাজ হবে, জানি না। উপচারের ছোট বড় আছে। তা’ থাক্বোই বা। সু-নিয়ামক তিনি। তাঁর রাজত্বে ছোটরও একটা স্থান, একটা নির্দিষ্ট সার্থকতা আছে। তুমি তোমার গীত গেয়ে যাও। সমঝ-দার, উদার, উৎসাহদাতা, বিচারক দোষ গুণেরে নেবেন। খালি মনে মনে প্রার্থনা কর, “ওগো দেবতা! আমায় তোমার ওই দেবালয়ের প্রদীপ কোরে রেখো।” আবার দেউড়ীতেও প্রদীপের সার্থকতা আছে,

ইহাও সত্য। মঠের দেউলেও আলো দরকার। দেউড়ীতেও দরকার।
যতির দরকার। গৃহপতির দরকার।

নবজাগ্রত রাশিয়ার একজন শ্রেষ্ঠ চিন্তানায়ক ডষ্টয়েভস্কি বলেছেন,—
“বিশ্বজনীন মানবাত্মার ভাবের গোলা-ঘর আছে। আমাকে তোমাকে
সেই ঘরে আমাদের সংগ্রহ, সঞ্চলন, সঞ্চয়, সম্প্রদান ক’রতে হবে। রাশি
বাড়াতে হবে। সভ্যতার সংগঠনে আমাদের কি বক্তব্য আছে, বলতে
হবে নির্ভীকভাবে। তবেই, নিবুম মানবাত্মার নব-উদ্বোধন, পুনরুত্থান
সম্ভব হবে।” ডষ্টয়েভস্কির বাণী এখনো জীবন্ত। “Adding my bundle
to the granary of the human Spirit.....Saying my word
in civilization.....Full personal freedom for the re-surrec-
tion of souls” ব্যক্তিগত পূর্ণ-স্বাভ্যন্তর্যের কথাও এখানে আছে।

* * * * *

গণপতি-নামধারী দশবৎসরের এক চমৎকার দাদা ছিল। ভায়া
কাশীশ্বরের আস্তানায় যাবার আগে, জলখাবার পার্কণী ইত্যাদি হইতে
বাঁচাইয়া বাহা পুঁজি করিয়াছিলেন, তাহা পাড়ার মা-কালীর ভোগে
নিবেদন করিয়া যাত্রা করেন। সেই বিশ্বেশ্বরেরই সান্নিধ্যে,—স্বপনের
কাশীমুখে সংসারের পথে পথে সবাইকেই আমাদের যেতে হচ্ছে। “একই
ঠাই, চলেছি ভাই, ভিন্ন পথে যদি।” পুঁজি যা পথে জমেছে, সেটা
পরমাত্মার দেবতাপ্রতীকপূজায় লাগাইয়া দিবার সৌভাগ্য মিলিলে,
দেববাজী আমাদের পক্ষে মন্দ কি? এ ভাগ্য কার ঘটে?

রিস্তহস্তে, পারের লৌকিক সম্বল-বিহনেই,—কিন্তু মস্ত পাথেয়,
শ্রীগুরুর অলৌকিক আশীর্বাদ রতন মস্তকে ধারণ করিয়া, সঙ্গে সঙ্গে
কর্মজ বেদনার ভারে হিয়া ভরাইয়া লইয়া, হে পথিক! তুমি এগিয়ে চল,
তোমার প্রাণাধীশের সান্নিধ্যে,—থেমো না। নবযুগের নবাচার্য্য বিবেকানন্দ
মহারাজের বাণীতে দশদিক মুখরিত হইয়াছে,—সর্বত্রই আশা, আশা,

পরম আশা, মহতী আশা! সঙ্গে সঙ্গে মহাশক্তির আশীর্বাদসিক্ত,
 গ্রামার প্রিয়দর্শন, সুন্দর, সেই পরমবালক ভগবান শ্রীরামকৃষ্ণের প্রতি
 তাকাও। মহাযুদ্ধের পৈশাচিক নিষ্ঠুর লীলায় রক্তাক্তকলেবর হে
 পাশ্চাত্য! শ্রীরামকৃষ্ণের উপর লক্ষ্য ফিরাও। দেখিবে ইনি দেশকাল
 বাবধূন-বিহীন, অখিল অধ্যাত্মজগতের ছল্ভ মহীয়ান অধীশ্বর।
 অধ্যাত্মমহিমায় মহিমাম্বিত। ভাস্বরোজ্জ্বল। অধ্যাত্ম-শক্তিতে শক্তিমান।
 অধ্যাত্ম মাধুর্য্যে চৈতন্যময়। অধ্যাত্ম প্রাচুর্য্যে মধুময়। সবমতের
 সবপথের সত্য উপলব্ধির, রত্নাকরবিশেষ। অনাদি অনন্ত সাগর-সদৃশ।
 মানব-ঐতিহ্যে একপাটি এই প্রথম। বিশ্বয়কর—অতি অপূর্ব অলৌকিক
 অদৃষ্ট-পূর্ব দৃষ্টান্ত। অধ্যাত্ম মত হাতে নাতে সাধিয়া দেখাইবার জন্ত—
 বাংলার নির্জন নিরালা পল্লীর নিভৃত প্রান্তরে, মাটি ও খড়ের এক ছোট
 কুটিরে—অপূর্ব সাধকের বিশ্বরঙ্গক্ষে অপূর্ব অদ্বুত উদ্ভব। বাহিরের
 বিজ্ঞান একপ্রকার বিবর্জিত। অন্তরের আন্তরিকতা, আগ্রহ অপূর্ব।
 সাধনা-নিষ্ঠা অপূর্ব। একাগ্রতা অপূর্ব। আর তন্ময়তাও অপূর্ব। তাই
 স্মরদিকে, সবপথে সিদ্ধিও মিলিল অপূর্ব। এখন অশরীরী। তথাপি
 প্রতিদিনেই প্রায় নব নব মানবের মনোঘটে, মনোমন্দিরে, হৃদয়-দেউলে
 তাঁহার প্রতিষ্ঠা ও পূজা সুসম্পন্ন হইতেছে। কে বৃকছুকিয়া বলিবে,
 শ্রীরামকৃষ্ণ মরিয়াছেন,—ইহলোকে নাই? তিনি অজর, তিনি অমর।
 তিনি শাস্ত। তিনি সত্য। তিনি সনাতন। তিনি নিত্য।

বৈদিক যুগ হইতে শ্রীকৃষ্ণ, শ্রীবুদ্ধাদি—মতের উদারতা আজ পর্য্যন্ত
 অনেকেই প্রচার করিয়াছেন। নিঃসন্দেহ! সাধিয়া তাঁহারা দেখাইতে
 পারিতেন না, তাহা বলি না। হয়ত যুগ-প্রয়োজন ছিল না। এবার
 প্রয়োজন অধিক। তাই, একই অবতার-আত্মার প্রকাশও অধিক।
 প্রাচ্যগগনে নবাক্ষরের রাগচ্ছটা বিচ্ছুরিত করিয়া, রবিকবি যুগভাবের
 সুন্দর ভাষা দিচ্ছেন—

“তোরা শুনিস্‌নি কি শুনিস্‌ নি তার পায়ের ধ্বনি—

সে যে আসে, আসে, আসে।

*

*

*

সে যে আসে, আসে, আসে।”

প্রথম পরিচ্ছেদ

ঐশী প্রেম—দৈবী সম্বন্ধ

প্রেমের অত্যন্ত অভিনয়। তাঁহারই বালক। সম্ভান। আবার তাঁহারই সখা। সংসার বিরাগী ভগবদমুরাগী শ্রীপরমহংস। নরেন্দ্রপ্রেমে বিশেষ বিহ্বল। আত্মহারা, আপনভোলা। কখনও কখনও উন্মাদের ছায় আচরণ করিতেছেন। সচকিত, সদাই চঞ্চল। পাছে সে ধনে, “কান্নধনে” হারাই হারাই। “হৃদয়রঞ্জনে না হেরে নয়নে, কেমনে পরাণ’ বাঁধি—আমি সাধে কাঁদি।” বিচ্ছেদ অসহনীয়, বিচ্যুতি মর্মান্তিক। প্রিয়তম-প্রাণাধিকের সহিত বাঁধন অটুট, অচ্ছেদ্য। “অচলং ধ্রুবং”।

—এই যে ব্যাকুলতা—এটা অকারণ? কিম্বা সকারণ?—আবার তাহা হইলে কেমন সে কারণ?

*

*

*

“ওরে, তুই আয় রে, তোকে না দেখে আর থাকতে পারছি না—ব’লে ডাক ছেড়ে কাঁদতুম। ক্রমান্বয়ে ছমাস এমন হোয়েছিল। নরেন্দ্রের জন্ত যেমন মন কেমন করেছিল, তার তুলনায়, অপরের জন্ত কিছুই করেনি বল্লেও চলে।”

“এতো—দিন পরে আসতে হয়? আমি তোমার জন্তে কেমন কোরে কতদিন ধ’রে অপেক্ষা করছি, তাও কি একবার ভাবতে নেই?”

“নরেন্দর শুদ্ধ সত্ত্বগুণী। দেখেছি, সে অখণ্ডের ঘরের চারজনের একজন। আবার সাতঋষির শ্রেষ্ঠ ঋষি। ব্রহ্মে বিলীন। সদা সমাধিস্থ। • একটি ছোট ফুলে কাঁচ কাঁচ হাত দুখানি তার গলায় জড়িয়ে ধরে’ সোহাগের সঙ্গে বলে—আমি যাচ্ছি। তোমাকেও যেতে হবে। ঋষি নীরব। • মুহু মুহু হাসলে। —নরেন্দরকে দেখেই বুঝেছিলুম, এ সেই। একমাত্র ও-ই জ্ঞানের অধিকারী। জ্ঞানস্বরূপ। ইদানীংএর নেতারা সব এর তুলনায় দীপশিখা।”

“জানি আমি প্রভো, তুমি সেই পুরাতন ঋষি! নররূপী নারায়ণ! জীবের দুর্গতি নিবারণ করিতে পুনরায় শরীর ধারণ করিয়াছ।” নরেন্দ্র-সুভরত কর-কৃতাজলি ভক্তিবিস্মল পরমহংস। লীলামূর্তিধারণে স্বীকার করাইবার জন্ত ঐ দেববালক-বিগ্রহবেশে তিনিই কোমল করাঘাত করিতেছেন। “মানুষের কি সাধ্য যে টলাবে সেই স্বয়ম্ভূর আসন? দেবতার তপস্যাতে আসিল অবনীতে পতিতপাবন।” “উঠ বীর! আঁখি মেলি, ছাড়া ধ্যান, চল-চলি। ধরণী ডুবা বুঝি অবিদ্যা কাম-কাঞ্চন।”

*

*

*

“আমার নরেন্দরের ভেতর এতটুকু মেকি নেই। বাজিয়ে দ্যাখো—টং টং করছে। ঈশ্বরকোটিদের ভেতরও এর মত কেউ নয়। কারুর দশ দল। কিম্বা কারুর বিশ। নরেন্দর সহস্রদল।”

“দ্যাখো নরেন্দরের জন্ত প্রাণের ভেতরটা যেন গামছা নিংড়োবার মত জোরে মোচড় দিচ্ছে। এতো কাঁদলুম, কিন্তু সে ত এলো না। একবার দেখবার জন্তে প্রাণে বিষম যত্নগা হচ্ছে। ‘মাগো, আমি তাকে না দেখে আর থাকতে পারি না’—বলিয়া বিষম কাঁছনি।”

—এমনিধারা আর একটি প্রেমের হাট, সোণার বাংলার পুণ্যবাটে আর একদিন ব'সেছিলো। নবদ্বীপ-চন্দ্র শ্রীচৈতন্যের রক্তোৎপল আঁখি হইতে পুণ্ডরীক বিদ্যানিধির জন্য অবিরাম আপাত অকারণ উছল-উছল নয়ন জলধারা বহিয়াছিল। ইহার কাছে বাপমায়ের ভালবাসাও খাটো হইয়া যায়। কারণ, তাহাও উচ্চ-ইতর উভয় শ্রেণীর প্রাণীমাত্রের সাধারণ জীবধর্ম। স্বাস্থ্য-রক্ত-মেদ-মজ্জার আমেজ মাখানো। বিশেষত্ব-বিহীন। কিন্তু যে টানের কথা আমরা পাড়িয়াছি তাহার নিকট সংসারের সব টান তুচ্ছ। সতীর পতির উপর টান, প্রস্থতির সন্তানের উপর টান এবং অসতীর অসতের দেহাভিমুখীন টান—এই তিন টানই তুচ্ছ। ক্ষুদ্র। অল্প। সাধারণ দৃষ্টিতে এই টান নূতন, সম্পূর্ণ অহৈতুকী। দৈবী সম্পদ। আবার, একদিক দিয়া পরম হৈতুক টান। কারণ সেটা বৃহৎ—মহৎ—ভূমা লইয়া ব্যাপার। খতাইলে, এই কারবারের লাভকারী—অতুল অলৌকিক ঐশ্বর্য্যের অধিকারী। এই টান যাহার হয় সেই-ই জানে। মনে মনে —মন জানে। অল্প জনে কি জানিবে?

*

*

*

“নরেন্দর আমার স্বপুত্রঘর। ওর ভেতর যেটা আছে সেটা পুরুষ। আর এর ভেতর (শ্রীরামকৃষ্ণের) যেটা আছে সেটা মাদি। এ রকম চোখ কি কখনও শুকনো জ্ঞানীর হয়? ভেতর জ্ঞানের সঙ্গে, মেয়েদের ভেতর যা বেশী দেখতে পাওয়া যায়, সেই ভক্তির ভাব, তোর ভেতর যথেষ্ট রয়েছে। খালি পুরুষের ভাবগুলো যার ভেতরে থাকে, তার স্তনের বোঁটার চারদিকে ভেল্লার দাগ (কৃষ্ণবর্ণ) থাকে না। মহাবীর অর্জুনের এই দাগ ছিলো। তোর আছে।”

“নরেন্দর আগে মাকে মানতো না, কাল মেনেছে। সারারাত বুঁদ হোয়ে ‘মা স্বং হি তারা’ গানখানা গেয়েছে। নরেন কালী মেনেছে।

বেশ হয়েছে—না? নরেন্দ্র মাকে মেনেছে—বেশ হয়েছে!—
কেমন?

“কোল্‌কেতার কায়েতের ছেলের জন্তে অতো মন কেমন করে
কেন? আমার তবে হোলো কি? মা বলেন—তুই ওকে সাক্ষাৎ
নারায়ণ বলে জানিস্। তাই ভালবাসিস্। যেদিন ওর ভেতর নারায়ণ
দেখতে না পাবি সেদিন ওর মুখ দেখতেও পারবি না।”

—হঠাৎ পট-পরিবর্তন। একমাসের অধিক কাল ঠাকুরের নরেন্দ্রের
প্রতি একান্ত উদাসীন আচরণের একটি পর্ব সমাপ্ত। “আচ্ছা, আমি
তো তোর সঙ্গে একটা কথাও কই না। তবে তুই এখানে কি করতে
আসিস্ বল দেখি?” “আমি কি আপনার কথা শুনতে এখানে আসি?
আপনাকে ভালবাসি, দেখতে ইচ্ছে করে—তাই এসে থাকি।”

“আমি তোকে বিড়ে (পরীক্ষা কোরে) দেখছিলাম। আদর
যত্ন না পেলে তুই পালাস কি না। তোর মত আধারই এতটা অবজ্ঞা
ও উদাসীন ভাব সহ করতে পারে। অপরে হোলে এতদিন কোন-
কালে পালিয়ে যেতো। এদিক আর মাড়াতো না। মা জানিয়ে
দিয়েছেন তোকে তাঁর অনেক কাজ করতে হবে।...ওরে বারো বছর অথও
ব্রহ্মচর্যা পালন কলে, মানুষের মেধানাড়ী খুলে যায়।”

*

*

*

—পরমহংসদেবের সহিত নরেন্দ্রনাথের এই মধুর দৈবী সম্বন্ধ বে
বুঝিবে? সাধারণ নরনারী আমরা—আমাদের দেহের প্রতি রোমকূপে
রোমকূপে কামকাঞ্চন বিষয়াসক্তি জড়াইয়া রহিয়াছে। পাটোয়ারী বুদ্ধি
মগজ লইয়া আমরা কি বুঝিবে? উদ্ধৃত উক্তি হইতে নরেন্দ্রনাথের জীবনে
অলৌকিক দিকের কিছু কিছু আভাব পাওয়া যাইবে। আমরা উহ
সব বুঝি বা না বুঝি। কাহাকেও কেহ কখনও কথার দ্বারা এ ত

বুঝাইতে পারিবে না। অপ্রমেয়ং অতর্ক্যং। বোঝে, প্রাণ বোঝে যার।

যুক্তির 'ইতি' মেলা কঠিন। তথাকথিত যুক্তিবাদীর পদাঙ্ক অনুসরণ করিয়া, অলৌকিক দৃষ্টি সমূলে উৎপাটিত করিয়া, মা গঙ্গার জলে নিক্ষেপ করা যায় না। জানি বটে অলৌকিক রাজ্য লইয়া জুয়াচোরে জুয়াচুরি যথেষ্ট করে। বিশ্বাস করা বা না করা আমাদের সম্পূর্ণ ইচ্ছাধীন। আবার আজ যাহা বেশ যুক্তিযুক্ত বলিয়া বোধ হইতেছে কালকের দৃষ্টিতে তাহা অতি দুর্বল যুক্তি বলিয়া সপ্রমাণ হয়। পরন্তু আবার অগুরূপ প্রতিভাত হইবে। কতটা উপলব্ধি করিলে,—ঐশী শক্তির মহিমা কতটুকু ভিতরে ধারণা হইলে, মানুষের যুক্তিবৃত্তির বিরতি হয়, তাহা বলা যায় না! ধন ও পাণ্ডিত্য মদে আবার এক অতিরিক্ত অহংভাব আসিয়া দৃষ্টি কুয়াসাচ্ছন্ন করে। সেই জন্তই কি শ্রীঈশা বলিয়াছিলেন, স্বর্গরাজ্যে ধনীর প্রবেশ করা দুষ্কর? দুঃসাধ্য? একটা স্থূচের হেঁদার ভেতর দিয়া বরং একটা উট গলে যাওয়া সহজ, কিন্তু ধনীর ও-রাজ্যে যাওয়া মুশ্কিল। "It is easier for a camel to go through the eye of a needle than for a rich man to enter into the kingdom of God" তবে শ্রীমাক্ষ-ভক্ত বসু বলরামের ছায়া বিরল যে ধনী চোখে পড়ে—যিনি মদ ববর্জিত, তাঁহার কথা অবশ্য স্মরণ্য। শ্রীভাগবতেও বিতণ্ডাশীল পণ্ডিত-দর অনুভূতিরাজ্য দূরে থাকিয়া যায়, প্রবেশাধিকার থাকে না, একথা যাচ্ছে। পাণ্ডিত্য ও সাধুত্ব—বিবেক-বৈরাগ্য—একসঙ্গে থাকিলে, সোণায় দাহাগা হয়। যেমন শঙ্করের ছিল। চৈতন্যের ছিল। নরেন্দ্রের ইল। যোক্ষরূপ চরম ও চিরশান্তিকামীকে শ্রীশঙ্কর বলিতেছেন—পণ্ডিতগণের সহিত শাস্ত্র-বিবাদ বর্জন কর।

“বুধজনৈর্বাদঃ পরিত্যজ্যতাম্।” ঠাকুরও পরমাস্বদৃষ্টি হইতে লিখেছেন,—“তখন পণ্ডিত-ফণ্ডিতগুলোকে খড়কুটো ব'লে বোধ হয়।”

অলৌকিক বিষয়ে বস্তুর উক্তিই তাঁহার শক্তির অসাধারণত্বের শ্রেষ্ঠ প্রমাণ। বেদান্ত ইহাই বলিয়াছেন। “বেদাহমেতং পুরুষম্ মহাস্তম্”—আমি সেই মহান্ পুরুষকে জেনেছি। উপনিষদের ঋষিরা নির্ভয়ে ঘোষণা করিয়াছেন। দীক্ষা বলিয়াছেন,—“আমি চাপরাশ পেয়ে কথা ব’লছি।”—“I speak with authority.” শ্রীমহম্মদও সেই এক বিভূ-পরমেশ্বরের চিহ্নিত বলিয়া আপনাকে তাঁর দূত, গোলাম বা রগুল-উল্লা আখ্যা দিয়াছেন। বিবেকানন্দ ব’লছেন,—বা’দিয়ে গেলুম—দাগা বুলিয়ে যা। রামকৃষ্ণদা সাবরণ! ত্রিভুবনমুৎপাটয়ামো বলাৎ। কুর্শস্তারকচর্ষণম্। আমরা কি যে-সে? আমরা রামকৃষ্ণের দাস। বলের জোরে তিনটে ভুবন উল্টে দেবো। আর, আকাশের তারাগুলোকে কচম্ ক’রে চিবিয়ে খাব!—এতে অবশ্য অলঙ্কারিক শব্দ-প্রয়োগ আছে, কিন্তু, কত বড় জোরের কথা! শ্রীশঙ্করাচার্য্য সটান্ বুক ফুলিয়ে ব’লছেন,—কলাবত্র ভবাম্যহং। কলিতে একমাত্র আমিই জগদ্গুরু। শিষ্যকে পরমহংসদেব ব’লছেন,—আমি যেমন ব’লছি, সেই রকম যদি চলে যাস্, তো সোজা-সুজি (গন্তব্যস্থলে) পৌছবি। আর তা’ না হ’লে, ঘুরে মরবি। যার শেষ-জন্ম সে এখানে আসবে। এখানকার ভাব নেবে। পার্থকে গুরুদেব ব’লছেন,—আমার দয়াতে তরে বাবি। যজ্ঞ ক’রে তপ ক’রেও, তুই যেমন বিশ্ব-রূপ দেখলি, তা’ কেও দেখতে পায় না। তোকে করুণায় দেখা দিলুম। সত্যি ব’লছি, তুই আমার প্রিয়। তোকে ভালবাসি আবার একবার অভিমানের সুরে বলেছেন,—কথা না গুলে সর্বনাশ হবে। জাহান্নমে যাবি। কার কথা মেনে চলবার চেষ্টা করতে হবে, প্রশ্ন করায়, স্বামী সারদানন্দ একবার পরিষ্কার বলেছিলেন,—গুরুর কথা যিনি জেনেছেন। পেয়েছেন।

তুমি আমি শুধু মুখে ফড়্ ফড়্ ক’রে এরূপ কথা ব’ললে, লোকে মানবে না। কেবল কথায়—লম্বা-চওড়া বুলিতে, বড় একটা কেহ ভিজে না।

ভিজেও নাই এ পর্য্যন্ত। বলবে, স্পষ্ট সামনে দাঁড়িয়ে,—বুক ফুলিয়ে,
ও সব লোক-ঠকানো পুরুতদের বুজুকি থো কর। Theological
nonsense!—কিন্তু, পূর্বোক্ত মহাপুরুষদের চরিত্রে মুগ্ধ হয়ে, জগৎ
তাদের কথা মানতে বাধ্য হয়েছে।

দ্বিতীয় পরিচ্ছেদ

ঐশী-সত্তা—সংশয়বাদীর দৃষ্টি—ঠাকুর ও স্বামীজীর সার্বভৌমিকত্ব

যতক্ষণ যে রাজ্যে আছি, ততক্ষণ সে রাজ্যের দৃষ্টি তাগ করবারও
উপায় নেই। আমরা নাচার। নরেন্দ্রের শক্তি সর্ব্ব-বাধা সত্ত্বেও আজ
বিশেষ করিয়া বাংলার হাটে মাঠে, চত্বরে, পণ্ডিত-মহলে সর্ব্বত্র সকলে
মাথা পাতিয়া মানিয়া লইতেছে। তাঁহার অলৌকিক সত্ত্বায় বিশ্বাসী
হওয়া, বা বিশ্বাসী হইয়া কাজে নামিতে পারা, সকলের পক্ষে সম্ভব হয়
নাই—কিন্তু, তাঁহার লোকোত্তর শক্তি আজ অবিসম্বাদী।

ঋাহাদের মনের গঠন-প্রবৃত্তি অলৌকিকতত্ত্বে অবিশ্বাস আনিয়া
দিতেছে, তাঁহারা দেখিতেছেন—এই যুবক, মাত্র ঊনচল্লিশ বৎসর দেহে
খাকিয়া, মাল্লষকে বড় বিষম রকম,—কিন্তু বেশ পাকা স্থায়ীভাবে—মাতিয়ে
গিয়েছেন। ক্ষণিকে সে ভাব উবিয়া গেল না। তিনি শরীরে স্নদৃঢ়, স্নন্দর,
দৰ্ৰ-সৌষ্ঠবসম্পন্ন। মগজে অসাধারণ। হৃদয়ে বিশাল। সৰ্ব্বাণ্ডাঘটিত।
দাহসী। তেজী। বাগ্মী। ধ্যানী। লোকনায়কতায় দক্ষ। আদেশ
ক'রতে পটু, আদেশ নিতে পটু। স্ন-সেবক। সং-গঠনে অদ্বিতীয়।

বহু লোকে একদিন তাঁহাকে মানিত। নিজে উপস্থিত হলে, অতি বড় বিরুদ্ধ শক্তিও তাঁর কাছে কৈচো হয়ে যেত। এখনো অনেক লোক তাঁহাকে মানেন। তাঁহার ভাব অনুযায়ী স্বৈচ্ছায় জীবন সমর্পণ করেন। তিনি সংঘমী। মহাপবিত্র। পরহুঃখে কাতর। যোগ-সংসিদ্ধ। অতুল উৎসাহ-সম্পন্ন। কন্ম পটু। হৃদয় সূচরু শিল্পবোধে অদ্বিতীয়। আবার রক্ষন-নিপুণ। গায়ক। বাদক। কবি। ব্যায়াম-কুশল। সুর-রসিক মিশুক। কখনও কখনও ধীর, গম্ভীর—একান্ত উদাসীন। কখনও শিশু। আবার পরক্ষণেই জ্ঞানবুদ্ধ লোকাচার্য্য।

চুর্ণী কৃষ্ণনগরের পুতুল-মূর্ত্তি-গঠন-বিদ্যায় সুদক্ষ আচার্য্য দীর্ঘজীবী (১৯২৪ সালে বয়স ছিল প্রায় ১০৭ বৎসর) রসবিৎ ত্রীযুক্ত যদুনাথ পাল মহাশয়, অনেক কথার ভিতর, স্বামীর সম্বন্ধে বল্লেন, “দেখো, অনেক আসরে—জীবনে ঢের শোন্বার সুবিধা হয়েছে। কিন্তু, বাপু, তেমনটি পাখোয়াজ,—মিঠে, বড় মিঠে,—বাজনা আর কারোর হাতে শুনিনি। আর তাঁর শিল্প দৃষ্টি খুব পাকা ছিল সব বিষয়েই। আমাকে খুব ভালবাসতেন, যথেষ্ট উৎসাহ দিতেন।”

তাঁহার কথা শুনিয়া লোকে তাতিত। মাতিত। আজও পড়িয়া চঞ্চল, গরম, নরম সব রকমই হইয়া উঠিতেছে। সকলের ভিতর একটা প্রবল অনুসন্ধিৎসা দেখা দিতেছে। একটি যুবক, একজন অপেক্ষাকৃত বয়স্ককে, জিজ্ঞাসা করিতেছেন, “আপনি ত’ দেখেছেন, সঙ্গ পেয়েছেন, আচ্ছা, তাঁর ডান গালে বা বাম গালে, বা সমগ্র মুখমণ্ডলের কোথাও কোনও তিল ছিল কি?” জিজ্ঞাসিত ব্যক্তি ফাঁপরে পড়লেন। “সেটা বলা বড় শক্ত। কই? উল্লেখযোগ্য ত’ স্মরণ হচ্ছে না।”

বাল্মালী,—কলিকাতা সহরবাসী,—আজ তাঁহাদের গর্ভের বস্তু—বিবেকানন্দের স্মৃতিকে পূজা করিবে বলিয়া বদ্ধপরিবর। তাঁর সম্বন্ধে যিনি যেটুকু জানেন, সব তথ্য, সব সত্য, সব খুঁটিনাটি—ছোট বড়, পোষাকি,

আর্ট-পোরে, সকল কথা শোনবার জন্ত, অতীত কাহিনীর যাহু-পোটিকায় এখন মানুষ মাথা ঠুকছে। আহিরীটোলার দালপটীতে চটী পায়ে দিয়ে, বিবেকানন্দ মহারাজ—দাল কিন্ছেন, কল্‌কাতার বিষয়ী-ব্যাঙ্গাতী ব্যস্ত লোক কতদিন তাঁকে আপনাদের ভিতরেই একজন রূপে দেখেও, চিন্তে পারেনি। জ্যাস্তে চেনা দায়। আজ এতদিনে, কালের দীর্ঘ ব্যবধান বোধ হয় একটা চেতনা এনে দিয়েছে। এদিকে রাষ্ট্রিক পরাধীন আমরা, আমাদের কাছে, ঐ যে প্রভুর জাতেরা, জাতভায়েরা, বিবেকানন্দ রামকৃষ্ণের তারিফ কর্ছেন,—সেটাও কতকটা আমাদের জাগিয়ে দিচ্ছে। বলছি তাই,—কে জানো, কি জানো, ওগো বলো, বলো, বড় কুতূহল হয়েছে, অধৈর্য্য হয়েছে—সেই সরস, সতেজ জীবনের সব রহস্যটুকু আমাদের শোনাও। আমরা তৃষিত চাতকের মত চাহিয়া আছি। যত মধুবর্ণ পাইতেছি, ক্ষুধা, অনুসন্ধিৎসা ততই আরো বাড়িতেছে।

বিবেকানন্দকে আজ নব্য বাংলা ভালবাসিয়াছে। তাই তাঁর নামে এত উন্মাদনা, এত উত্তেজনা।

কেউ ব'ল্ছেন, রামকৃষ্ণ-বিবেকানন্দকে মানতে পারি, পরন্তু, দল মানিনি! ষাঁরা রামকৃষ্ণ-বিবেকানন্দের স্মৃতি নিয়ে,—ভাল ভাবে হোক, মন্দ ভাবে হোক,—ঘরদোর ছেড়ে জীবন-উৎসর্গ ক'রেছেন, ক'রছেন বা ক'রবেন, তাঁদের মানেন না! জনৈক কর্তার জীবনে এক সময়ে গৈরিক বসন দেখলেই অন্তরে গাল-মন্দ দেওয়ার প্রবৃত্তি উদ্ভূত হইত। ব'ল্‌তেন—“ব্যাটারা সব সন্ন্যাসি সেজেছে, পরের ঘাড়ে কাঁঠাল ভেঙ্গে, খ্যাটু জোগাড় করেন। চক্‌চকে পাকা বাড়ীতে বাস করেন। তায় আবার বিজলী বাতি লাগানো।”

আবার এক শ্রেণী আছেন,—মাসিক পত্র, দৈনিক পত্রের মালিক। তাঁদের রামকৃষ্ণ, সারদা দেবী, বিবেকানন্দ প্রভৃতির কথা লিখ্তে হয়। ছবি ছাপাতে হয়।—যেহেতু এঁদের নামে দেশে কিছু কিছু ভাল কাজ

হচ্ছে। এক শ্রেণীর পাঠক-পাঠিকাও, স্মৃতির আছেন,—যাদের কাছে, মাসিক ও সাময়িক পত্র বেশী বিক্রী হবেই হবে,—যদি এঁদের কথাবার্তা ছাপা হয়। এঁরা আরও বলছেন, রামকৃষ্ণ-বিবেকানন্দের ‘ভক্ত’ ছাড়া, আমাদেরও কাছে এঁদের জীবন পরম সম্পদ। আমাদেরও তাঁদের সম্বন্ধে বলবার আছে। অবতার, ভগবান, নারায়ণ, এসব কুসংস্কারপূর্ণ কথা তাঁদের সম্বন্ধে ব’লেত আমরা নারাজ। কাউকে ভগবান ব’লে, তাতে যে আমাদেরই মানহানি হবে। ইজ্জত যাবে। মূর্থ গেরো লোকে—ও সব শব্দ সস্তায় ব্যবহার ক’ৰ্বে। আমরা “চাইল্ড হারল্ড” পড়েছি, কীটস পড়েছি, সেলি, আরনল্ডকে গুলে খেয়েছি। বড় জোর সিদ্ধ সাধু, কিম্বা মহাপুরুষ, বা অতি-মানব এই পর্য্যন্ত উঠা যেতে পারে। (তাও ম্যাক্সমুলারিজম্ বা রোম্যাঁ রৌলাইজিমের মহিমায়!) আর পিদিম ধরে তাঁদের দেবতা বানাতে আমরা একেবারেই নারাজ।

এই শ্রেণীর একজন, কোন বিদ্যাপীঠের এম-এ পাশ করা বাঙ্গালী শিক্ষককে একদিন ব’লছেন,—“আর তুমি লেখাপড়া শিখে কিনা, স্টান্ বিশ্বাস ক’রছ যে, মধুরভাব সাধনের কালে রামকৃষ্ণের শরীর—পুষ্পিত হ’য়েছিল! ও সব গাঁজা। যদি আমরা হতুম ত’ তাঁদের সম্বন্ধে যা’ কিছু অলৌকিক—(অর্থাৎ যা’ কিছু বৈজ্ঞানিক আমরা বুঝি না)—সব ছেঁটে বাদ দিতুম। খালি কতকগুলো মিথ্যে—সাজানো গোজানো পুরাণ-রচনা। আর কেন বাবা? অষ্টাদশ প্রসিদ্ধ মহাপুরাণ, অসংখ্য উপপুরাণেও এঁদের সানায় না। বড় গল্পে,—এরা খেলা পেয়ে গেছে! তাঁরা সাধারণ মানুষই ছিলেন, তবে উঁচু দরের বটে। চরিত্রবান্। দয়াবান্। উদার।—তবে, চরিত্র ওরা যতটা বলে, ততটা বড় নয়। ওরা বাড়ায়। আজকাল রামকৃষ্ণ-বিবেকানন্দের নামে অনেক দল গজাচ্ছে। তাঁহাদের সম্বন্ধে এমন কেতাব বানানো উচিত, যাতে লেখক, সাঙ্খ্যের পুরুষের মত (তিনি

নাকি ছিলেন, সৃষ্টির আদিতে বা প্রাক্কালে প্রথম বৈজ্ঞানিক ইতিহাস রসিক) নির্বিকার হ'য়ে, কোন মন্তব্য না চাড়িয়ে, কেবল ঘটনাগুলি দিয়ে যাবেন। (অবশ্য, তাহা দিলেও, শেষে আবার এই ঘটনাগুলির সত্যাসত্য লইয়া তুমুল বিবাদ বাধিবে।) আর যদি মন্তব্য দিতে হয় ত' অলৌকিক তথ্যে বাতে অবিশ্বাস আসে, সে পক্ষে কোঁক থাকলে, আমাদের আর কোনই আপত্তি থাকবে না। খুব ভাল সমালোচনা কর'ব। আমরাও তাঁদের জীবন-কাহিনীর কম দরদী নহি। তাঁদের নামে আজ সহজে ভিক্ষা মেলে ব'লে, কতকগুলো বুজুর্কে দল পাকিয়ে, কাছা খুলে যা' তা' করছে। পেটকি ওয়াস্তে। ইত্যাদি। ইত্যাদি।

১৯৩৪ সালের ৬ই মে তারিখের ষ্ট্রেটস্ম্যানে খবর পাইতেছি যে, ইটালির পিরানো নামক ছোট সহরের এক হাঁসপাতালে একজন রোগিণী আছেন। তাঁর শরীর থেকে গভীর রাত্রে সত্য সত্য আলো বাহির হইয়া অন্ধকার ঘর আলোকিত করিতেছে। বিজ্ঞান সত্য-প্রকৃতির কতটুকু জানিয়াছে?—সামান্যই। ইটালির জাতীয় বৈজ্ঞানিক কৌন্সিলের (National Council of Scientific Research) প্রেসিডেন্ট মার্কনি সাহেব জগতের বৈজ্ঞানিকদের দৃষ্টি, এই অদ্ভুত ইলেক্ট্রিক—বিজলী-বিচ্ছুরণকারিণী নারীর প্রতি আকর্ষণ করিতেছেন। ভেনিস সহরের অধ্যাপক ভাইটালি (Vitali) কেস্ট্রি পরীক্ষা করিয়া—Self-produced—ভিতর হইতে আলো আসিতেছে—এই মাত্র ব'লছেন। কেন আসছে?—তিনি, এখন বলতে অক্ষম।

কিছুদিন পূর্বে, ঐ কাগজের মারফৎ আর একটি অপূর্ব মানবের পরিচয় পাইয়া, বৈজ্ঞানিক জগৎ বিস্মিত বিমোহিত হইয়াছিলেন। ইহাঁর নাকি উল্টা দিকে জ্বলিগু। অথচ বেশ সুস্থ আছেন। কর্মঠ আছেন।

শুনা আছে মানভূম জিলায় পুরুলিয়া সহরে একজন বাঙ্গালী মহিলা

আছেন, যিনি এক যুগের উপর আহাৰাদি করেন না, অথচ সংসারের কাজ কৰ্ম্ম করেন, অপরের আহাৰ্য্য রন্ধন করেন।

ঐ অঞ্চলের একটি লোকের, হঠাৎ একদিন, পুংদেহ স্ত্রীদেহে রূপান্তরিত হইয়া গেল বলিয়া, কিম্বদন্তী শুনিয়াছি। আমরা অবশ্য এই বিশেষ দৃষ্টান্তটি শুনিয়া হাসিয়া উড়াইয়া দিয়াছিলাম। কিন্তু, এই ধাচের আরও একটি দৃষ্টান্তের সংবাদ একবার কাগজে পড়িয়াছি।

‘ভক্ত’ নাম লইতে কিন্তু কিন্তু বোধ হয়। পাছে লোকে অবুঝ অ-বুদ্ধিমান বলে গায়ে কালি দেয়। বাধ বাধ ঠেকে। আর এটাও খুব স্বাভাবিক। যাদের সমাজে প্রতিষ্ঠা আছে, নামঘণের খুব বোল বোলাও আছে, তাঁদের কেউ অ-বুঝ অ-বুদ্ধিমান বলে সইবেন না। অথচ রামকৃষ্ণ-বিবেকানন্দের শক্তি, তাঁদের দাসানুদাস সেবকদিগের দ্বারা প্রতিষ্ঠিত, পরিচালিত সদমুষ্ঠানের সংপ্রভাব হ’তে, ইহারা আপনাদের বাঁচাইতে পারেন নাই। মহাত্মা গান্ধী অবশ্য এই শ্রেণীর টিপে টিপে কথা বলার দলে নহেন। তিনি রামকৃষ্ণের নামাঙ্কিত, মগের মুল্লকের সেবাশ্রম পরিদর্শন করিয়া লিখিয়াছেন,—ভারতের যেখানেই যাই, দেখি, রামকৃষ্ণের নামাঙ্কিত সেবকবৃন্দ আপনাদের কাজের দ্বারা দেশের চিত্ত জয় করিয়াছেন।

রামকৃষ্ণ-বিবেকানন্দের অমানুষিক ঐশী সত্তায় কতটা ভিতরে বিশ্বাস এলে, মানুষ অদম্য উৎসাহে, অবৈতনিকভাবে, স্বেচ্ছায় হাড়ভাঙ্গা পরিশ্রমের কাজে নামতে পারে, তা এঁরা ভাববার অবকাশ পাননা। ইহাই হইল সংক্ষেপে রামকৃষ্ণ-বিবেকানন্দের অ-ভক্ত নামধেয় ভক্তদিগের দৃষ্টি।

বারাণসীর সনাতন হিন্দু সমাজের নাম লইয়া, (লোকমুখে শুনিয়াছি, কোন শ্রেণী-বিশেষের এই মতের সহিত সম্বন্ধ নাই)—কোন এক ‘জাতি’সর্বস্ব ব্যক্তি পুস্তক মারফতে বলিতেছেন,—(সংক্ষেপে ভাবটা দিলাম)—রামকৃষ্ণ-বিবেকানন্দ-আন্দোলন দেশের ভিতর ক্রমশঃ ক্রমশঃ

শক্ত করিয়া শিকড় গাড়িয়া, সনাতন হিন্দুত্বের সর্বনাশের পথ সুগম করিয়া দিতেছেন। ব্রাহ্ম-আন্দোলনকারীদের অপেক্ষাও শতগুণে, এই নব-আন্দোলনকারীদের কর্মপদ্ধতি, আহার-বিহার, পোষাক, আচরণ নিন্দনীয়। ইহারা সনাতনত্বের আবরণে বেশীরভাগ আমিষ ভোজন করেন। যদৃচ্ছা পুরাতন প্রথা-সংস্কার পদদলিত করিয়া, ঘুরিতেছেন, ফিরিতেছেন। অগ্নায়—অগ্নায়—মহা অগ্নায়। একান্ত অগ্নায়! হে দেশ, হে জাতি, হেঁ হাঁড়ি-সর্ব্বশ্ব, ছুঁয়োনা ছুঁয়োনা মোরে লজ্জাবতী লতা-শ্রেণী, প্রতিরোধ করো, করাও,—সর্ব্বতোপায়ে, খুব শক্ত ক’রে, সর্ব্বভাবে। হে সনাতন অচলারতন সমাজের হিতৈষীগণ,—রামকৃষ্ণ ছিলেন মহা মূখ, ভক্তি-বাদী, কালীসেবী। বেদান্তসাধনাদির ইতিহাস ও তাঁহার নির্ভীক চরিত্র বর্ণনাচ্ছলে, তাঁর শিষ্যপ্রশিষ্যবৃন্দ বা’ ত’ লিখিয়াছেন। আর পূর্ব্বমীমাংসার ভাবব্যাখ্যা-তন্ত্রে পারগ আমরা—‘জ্ঞ’ আমরা, আমরা ত’ অকুতোভয়ে সটান বলিতেছি, রামকৃষ্ণের উক্তিগুলি বিচারের নিক্তিতে সমগ্রভাবে ওজন কর, কারচুপি ধরা পড়বে। দেখ্বে কর্তার মতের কোন সামঞ্জস্য নাই। বিবেকানন্দ ত’ একটা আস্ত মস্ত প্রতারক, ভণ্ড সন্ন্যাসী। শিলংএ থাকা কালে, ভেড়াকুল ঘেরে নির্মূল ক’রে, মাংস খেয়েছেন। বিলাসী বাবু। তবে বক্তা ভাল। দেখ্বে ভাল। চোখ ছুটো প্রকাণ্ড বড়। জীবদশায় দেশের আশাভরসাহুল ছল্লালদের যথেষ্ট তাতিয়েছেন। তাদের ভবিষ্যৎ জালাইয়া দিয়া, বংশবৃদ্ধির পূর্ব্ব অভ্যস্ত জীবনযাত্রার সনাতন পাকাপোক্ত রাজপথ হ’তে বিপথগামী করিয়া ছাড়িয়াছেন। এখন অশরীরী। অথচ, চেলা, নাতিচেলা লাগিয়ে, ছেলেদের ভুলাইতেছেন। তোমরা কেও এঁদের বার্তায় কর্ণপাত করিও না। রামকৃষ্ণ অবতার না হলে, তাঁর শিষ্য-প্রশিষ্য-কুলের ভোগরাগ, সম্মান, খাতির সব বন্ধ হ’য়ে যাবে।

বাঁচিয়া থাকিতেই, অনেক নিন্দা স্বামীজী হাসিমুখে সয়ে ছিলেন।

একশ্রেণী যখন গাল দিয়া থামিয়া গেলেন, একদিন হাসিতে হাসিতে বলিয়াছিলেন, “এরা থেমে গেল কেন? চলুক,—চালাক,—এই ত জীবন্ত সমাজের লক্ষণ। নইলে ব’লতুম—মরে আছে।”

ভিতরে দেবদেবীর দর্শন, অদ্বৈতানুভূতির তীব্র সুখানুভব তাঁহার দুর্লভ ভাগ্যে ঘটিয়াছিল। আর সঙ্গে সঙ্গে, বাহিরের জগতের নিকট হইতে—বিকারগ্রস্ত সমাজের তরফ হইতে—পদাঘাত, কশাঘাতে তিনি বিকট দুঃখের স্পর্শ পেলেন। এ স্পর্শও তাঁহার বন্ধু, তাঁহার মিত্র, তাঁহার স্নহৎ, তাঁহার চিরসাথী ছিল। সব সত্যসন্ধানীরও থাকিবে। যাদের উপকার করতে হবে, তাদেরই তীব্র তিরস্কার খেতে হবে। বাইবেলের এক বর্ণনায় ঈশা মহাত্মাকে, ক্রীড়ারত—আখড়ার সীমানায় বা বেঠনীতে লড়াই প্রতিদ্বন্দিতা লড়িতে উত্তত বলিয়া, রূপকের ভাষায় বর্ণনা আছে। নরেন্দ্রনাথকে এইভাবে কল্পনায় আমরা দেখিতে পাই,—
As a new Christ entering the list! ভারতীয় সমাজে, ভারতীয় ধর্মজগতে যাহা কিছু অশিব, বাজারচলন ঘূতের মত বাজারে চলিতেছিল, সেই সকলের ঘাড় মটকাইতে, তিনি বুক ঠুকিয়া দাঁড়াইয়াছিলেন। সঙ্গে ছিল, শ্রীগুরুর আশীর্বাদ, আর নিজের বুকের অনন্ত সাহস। অপরিমেয়, অপরিসীম, দুর্জয় সাহস! নরেন্দ্র-নিন্দা পড়িয়া মনকে বলিলাম, ঠিক হয়েছে, এই ত সজাগ সমাজের মত কাজ। রামকৃষ্ণ-বিবেকানন্দের আসা সার্থক। দেশ দেখুক, সত্য কোথায়। এ ত ছেলের হাতে মোয়া নয় যে, ভোগা দিয়ে কেও কারো খাবে! তগ্রারে, কথা কাটাকাটিতে, “তাৎপর্যনির্ণায়ক, ষড়বিধলিঙ্গ বিষয়ক” বাগ্জালের বিস্তার করিয়া, অনেক কথারই, সব কথারই জবাব দেওয়া যায়। কিন্তু, কাজ নেই। উহা করিয়া, আমরা রামকৃষ্ণ-বিবেকানন্দকে অবমাননা করিতে চাহি না। বড় বড় মত অনেকেই তোতাপাখীর মত আঙড়াইতে পারে। একতিল করিবার সামর্থ্য থাকে না। যদি রামকৃষ্ণ-বিবেকানন্দ আদর্শধারা নিঃশক্তি

হইয়া থাকে, কোন চিন্তা নাই, এ প্রদীপ অবিলম্বে কালের কুংকারে নিভিয়া যাইবে। নিঃশেষ হইবে। কেহ বাঁচাইতে পারিবে না। আর যদি ইহার ভিতর এখনও কল্যাণের বীজ উদ্ভূত থাকে, পাথর কাঁকরের উপর নন্দন-কানন সৃষ্ট হইবে।

রোম্যাঁ রল্যাঁ রামকৃষ্ণ-বিবেকানন্দের ফরাসী ভাষায় স্ততিমূলক জীবনী রচনা করায়, ভারতের শিক্ষিত বাঙ্গালী মহলের এক শ্রেণী বিশেষ উতলা হইয়াছেন। কোন কোন ব্যক্তি ফরাসী-চিন্তানায়ককে নাকি লিখিয়াছেন, “আপনি শেষটা কিনা, এক শ্রেণীর একদেশী সাক্ষ্যের উপর নির্ভর ক’রে এমনটা লিখে ফেললেন?—আমরাও যে ঐ দুই জীবনের অষ্ট দিকের সংবাদ রাখি।” রল্যাঁ ত নাবালক নহেন, তিনি সাহিত্যে আন্তর্জাতিক শ্রেষ্ঠ “নোবেল” পুরস্কার সম্মানে পৃথিবীতে সম্মানিত। এখন দেখা যাক্, ঐদের সাক্ষ্যের ফলে, ফরাসীমগজ পুরাতন মত কেমন পাল্টান।

রামকৃষ্ণ মঠের সন্ন্যাসী ভক্তেরা নাকি পাদরিগিরি করিয়া, ফরাসীর উর্ধ্ব মাথায় রামকৃষ্ণ-বিবেকানন্দ-ভক্তি ফুঁড়িয়া দিয়াছেন। ইহারা আরো বলিতেছেন যে, কেবল সেবাদ্বারাই রামকৃষ্ণ-বিবেকানন্দভক্তকুল দেশের ভিতর সর্বত্র নিজেদের প্রভাব, প্রতিপত্তি—বিস্তার ও প্রতিষ্ঠা আনয়ন করিয়াছেন। উচ্চ বিচার আলোচনা, উচ্চ আধ্যাত্মিক তত্ত্ব-সাধন প্রভৃতি সব বাজে।

শ্রীশঙ্করের বিরুদ্ধবাদিগণ—তঁার চরিত্রে অপরিমেয় অপবাদ দিয়া, তাঁকে অসুরের অবতার বলিয়া মধ্যযুগে বড় গলায় প্রচার করিয়াছিলেন। ইতিহাস-প্রসিদ্ধ মহাত্মাদের দ্বারা অনুপ্রবর্তিত সব আন্দোলনের জীবন কাহিনীতে এমনটি ঠিক ঘটয়া থাকে। এক হিসাবে ইহা তাঁদের বিজয়-অভিযানের জয়টীকা। ঘরে বসিয়া কিমাইলে ও কুকুর-বিড়ালের মত মরিয়া যাইলে, বিপুল গাল কেও কাণ্ডকে দেয় না, বড় একটা। দিবার অবকাশ দেওয়া হয় না। সেইজন্তই ত বিজ্ঞ কেহ কেহ বলেন, “ঝামেলায়

খামোকা যাও কেন?” বাহিরের বড় আসরে, ছনিয়ায় বড় আদর্শ নিয়ে, উপলব্ধি করব ব’লে বেরোবেন যিনি, তাঁকে অজস্র গালির ভার নিতে হবে। শিবক্ষেত্র দেওঘরে গুর্জরের মহান আত্মার প্রতি সে দিন যে শোচনীয় ব্যবহার শ্রেণীবিশেষ করিয়াছেন, মানুষমাত্রেয়ই পক্ষে তাহা ঘোরতর লজ্জার কথা! সমগ্র ভারতের অশিব শক্তি সেদিন ক্রুর সর্পিণী সম অহিংস-অপ্রতিরোধ্যতার মূর্ত্তবিগ্রহকে দংশনে উদ্বৃত্ত হইয়া, শতফণা বিস্তার করিল। ইহা তাহারই প্রতীক। কিন্তু, আমরা ঠিক জানি, যিনি বড় হতে চেষ্টা ক’রবেন, তাঁর আঘাতের ভারও বড়,—গালির ভারও বড়, বিপুল হ’তে হবে। ‘পিঠ ক’রতে হবে কুলো, কাণে দিতে হবে তুলো।’ আর ভিতরে যেটা খাঁটি ব’লে বুঝেছেন, সেইটেই কৰ্ম্মক্ষেত্রে সফল করবার জন্ত প্রাণ পণ ক’রতে হবে।

এক নব সজ্জ-প্রতিষ্ঠাতারা বাংলা দেশে কয়েক বৎসর আগে তাঁদের মুখপত্রে লিখলেন,—এ যুগে শ্রীরামকৃষ্ণ একজন মস্ত সাধক এসেছিলেন। কিন্তু, সাধনার সময়ে, দক্ষিণেশ্বর-ঈশ্বরের নারী সঙ্গে না রাখাটা একটা ত্রুটি। ঐ ত্রুটি নিবারণ করিবার জন্ত,—ঐ ভুল শোধরাবার তরে, ইহার নারী সঙ্গে রাখিয়াই নবযুগে, নবভাবে, নব-আদর্শের উদ্বোধন করিতেছেন বলিয়া মনে করেন। নব জাগরণের এই দিনে, জাতির সমক্ষে, হয়ত’ এরূপ সবরকমই চাই।

আবার কেউ বলছেন, রামকৃষ্ণ অত বড়ই হতেন না, যদি না বিড়ালের ভাগ্যে শিকে ছিড়ে গিয়ে, বরাত জোরে, বিবেকানন্দের মত ও রকম একজন সর্বাঙ্গসুন্দর সুদক্ষ কাজের ছোকরাকে পেতেন,—প্রচারের জন্ত, সোরগোল বাধাবার জন্ত—ছনিয়াময়। বিবেকানন্দই রামকৃষ্ণকে অবতার বরিষ্ঠ—ভগবান্ বানিয়েছেন। আর বিবেকানন্দের ঘোর আধ্যাত্মিক সাধন শক্তি-ফক্তি ও সব বাজে। তবে তিনি খুব লোকহিতকর কাজের পত্তন ও শুভপ্রেরণা দিয়ে গেছেন। এটা জাতিগঠনের দিক হইতে—

বড়ই মঙ্গলপ্রদ। আর এইটাই তাঁর জীবনের সব্বে সেরা মস্ত বাহাহুরি। তিনি স্বদেশ-প্রেমিক ছিলেন। ধর্মগুরু নন। একটা রাণাপ্রতাপ, গুরু গোবিন্দসিং, শিবাজীরই সামিল। যদিও হাতে ছিলো না ঢাল বা তলোয়ার। আর যদিও পরতেন, গেরুয়া। বলেছেন, মুক্তি ফুক্তি—সব ফেলেদে। আগামী পঞ্চাশ বৎসরের জন্য জননী জন্মভূমিই তোমাদের একমাত্র দেবতা হউন। আর সব অকেজো দেবতাগুলোকে গঙ্গার জলে ফেলেদে। জ্যোন্তো নরনারীর সেবা কর। তিনি প্রচ্ছন্ন ধর্মের আবরণে দেশচর্য্যাই শিক্ষা দিয়া গিয়াছেন। ও সব মালসা-ভোগ খাবার ব্যবস্থা করলে চলবে না; বিবেকানন্দকে ভাঙ্গিয়ে বাবাজীরা আর কতকাল খাবেন? আর তিনি যে নয়া-বাংলার দেবতা বনেছেন, যুবক-বাংলার অন্তরের রাজা হয়েছেন, তা সেটা নিহক তাঁর ঐ সুন্দর স্মৃতিময় নয়নাভিরাম তেজঃপুঞ্জ বপুখানারই জন্য। আত্মিক শক্তি নয়। দেহটাও তাঁর ওপর প্রকৃতির হঠাৎ দান, পড়ে পাওয়া চোদ্দ আনা। তাঁর ঐ চোখ দুটো মস্ত বড় বড়। আর ওরই জোরে তিনি সবাইকে বশ করতে পারতেন। কিন্তু বলি, ভূস্বর্গ কাশ্মীর ভ্রমণ-করলে, এইরূপ তুলিতে আঁকা বহু বরবপু চোখে ঠেকবে। তাঁরা কিন্তু কেউ ভারতের নিত্যসত্য আত্মিক—আধ্যাত্মিক চৈতন্যময় জীবন্ত ইতিহাসে—বিবেকানন্দ বনছেন না। আর সঙ্গে সঙ্গে এও সত্য, অখিল বিশ্বের মনোময় ও আত্মময় গৌরব অবদান—জগতের বাজার-চলন জড়দৃষ্টিবহুল, রাজ-নৈতিক ইতিহাস-লেখকদের নজরে আসা সম্ভব নয়। তা হোলে কি স্থূল-অবয়ব অতিরিক্ত আরও কিছু আছে নাকি?

*

*

*

*

পাঁচশো টাকা মাইনের গরম দেখা গেল বেশ। রামকৃষ্ণ-বিবেকানন্দের পদাশ্রিত একটি বাবাজী পাড়াগাঁয়ে, অপরাধের মধ্যে, ভগবানের নামজপ করছিলেন। ভিক্ষায়ে উদর পূরণ করছিলেন। বাবু বলেন, “রামকৃষ্ণ বিবেকানন্দের নামে ভণ্ড আপনি। আপনি পরগাছা। নিদেন একটা

নাইটস্কুল করেন না কেন?” বিশেষতঃ বিশ্ববিদ্যালয়ের দরজায় বাবাজী, অপরাধের মধ্যে, সঁধিয়েছিলেন। “বিবেকানন্দকে তো আপনি মেরে ফেলছেন, মালা ঘুরিয়ে।” চাপরাশীদের সেলাম খেয়ে, আর মাস মাস সরকারী বেতনের মোটা “চেক” পেয়ে বাবু, আরাম কেদারায় বসে ভেবেছেন, নব ভারতের, নব্যজগতের কাছে আচার্য্যপাদ বিবেকানন্দের নববার্তার সবটা বুঝে নিয়েছেন। বা আসল শিক্ষা ধরতে পেরেছেন। বাবাজী হাসতে হাসতে বাবুকে বলেন “বেশ তো উকীল বাবুর বাসায় খাই। তাঁকে ব’লে খাবারটা বন্ধ করতে চেষ্টা করুন না। আর ব্রাহ্মণের ছেলে আপনি। ফস্ কোরে একটা মানুষকে পাশ্চাত্য বুলির কদম্ব-করণ কোরে পরগাছা বলা কি বিবেচনার কাজ? তা হোলে এই পর্য্যায় পড়িবেন, আচার্য্য বুদ্ধ, আচার্য্য ঈশা, আচার্য্য শঙ্কর, আচার্য্য চৈতন্য। বিশ্বসমাজ কি এতই বোকা, এতই হাবা, যে এঁরা তাঁতশালা বা পাঠশালা হাতে না করলেও, এঁদের ভিক্ষার দিতে নারাজ হলেন না কোনদিন? গৃহস্থের মাথার ঘাম পায়ে ফেলা পয়সা, এঁদের পায়ে গৃহস্থই নিজহস্তে অকাতরে ঢেলে দিয়ে ধুত্ব হয়েছেন। সব যুগে। সব শতাব্দীতে। সবক্ষণে, সব পলে। সবদিন, সব রজনীতে।” যে গৃহস্থ এত হিসাবী—যে—তুই পয়সা দামের হাঁড়িটা আজ কিনে, তিনদিন পরে আকাশে গ্রহণ লাগলো বলে, আঁস্তাকুড়ে ফেলে দেবেন জানেন,— তাও কানা ফুটো কিনা, কুমোর ঠকালো কিনা, পরখ করবার জন্য সাতবার ফং ফং টং টং করে বাজিয়ে, যাচাই করে চোখ চেয়ে দেখে নেন্ !!!

*

*

*

*

দেহত্যাগের কিছুদিন আগে নরেন্দ্রনাথ একদিন শরচ্চন্দ্রকে (স্বাঃ সারদানন্দ) বলিয়াছিলেন, “ওরে আর সে মেয়েকে দেখতে পাচ্ছি না। বেটা—আমার হাত ছেড়ে দিলে।” শরচ্চন্দ্রের মুখে শুনিয়াছি, তিনি নাকি তখনই তাঁকে বলেন, “সেকি ভাই, তা কি কখন হ’তে পারে?”

মা তোমার সর্বদাই হাত ধরে আছেন।” মুখে এই কথা বলিলেও, শরৎ মহারাজ আমাদের বললেন, “দেখ, সেইদিন থেকে আমিও বুঝলুম স্বামীজীর শরীর দিয়ে মার যা কাজ করাবার ছিল—তা সাজ হয়েছে।” যে সন্তান (১৮৯৬) নিউইয়র্ক থেকেই, ‘খেলা মোর সাজ’ বলে’ জগদম্বার উদ্দেশ্যে গান গেয়ে উঠেছিলেন, সেই বালককে কঠোর পরিশ্রমের পর, মা আবার অঙ্কে ধারণ করিয়া বিশ্রাম দিবেন বলিয়া, উতলা হইয়া অপেক্ষা করিতেছিলেন। অতি প্রয়োজনীয়—যোগ্যের সুযোগ্য বিশ্রাম দিবেন। সোহাগে নিবিড় করিয়া বৃকের ছেলেকে আবার বৃকে জড়াইয়া রাখিবেন। বাহিরে সে তো বেশ খেল্লে।

স্বামী সারদানন্দ শেষবার শ্রীক্ষেত্রে শশীনিকেতনের ছুতোলার এক খানি ঘরে বসিয়া, সন্ধ্যায় নরেন্দ্র-প্রসঙ্গ করিতেছিলেন। সে দিন পরিষ্কার বললেন, স্বামীজীই তো একটি অবতার। ঠাকুরের কথা ছেড়েই দাও। বার বার তিনবার একদিন ঠাকুর তাঁকে বলেছিলেন, তুই ঠিক থাক্—তোকে এখন কেউ বুঝতে পারবে না।

একটা বালক ব্রহ্মচারী শরৎচন্দ্রকে জিজ্ঞাসা করলেন, “আচ্ছা আঠারটা গুণ স্বামীজীর ছিল ব’লে ঠাকুর বলতেন। তা কোনদিন আপনাদের কাছে এই আঠারটা গুণ কি কি, বলেছিলেন?” শরৎচন্দ্র উত্তরে, আওয়াজে চটাভাব জ্ঞাপন করিলেন। এবং কিঞ্চিৎ শ্লেষের সহিত বলিলেন—“না কা-চন্দ্র লিপিট চাইবেন বলে, তিনি রেখে যান নি।

নির্ভরানন্দ পাঁচ মাস শয্যাশায়ী। স্বামীজীর সন্ধ্যাস সন্তান। স্বামীকে রেঁধে খাইয়েছেন। অঙ্গসেবা ক’রেছেন। দিনের পর দিন এক ঘরে শুয়েছেন। স্বামীর কথা কইতে তিনি শতমুখ। সমালোচক কেউ কেউ হয়তো মনে করবেন, এসব তো পরম্পর তারিফকারী সভার সভ্যদের সাক্ষ্য (Mutual Admiration Society.) কিন্তু যাই-ই বলো আসল সত্যের অনেকখানি এই সব হাতে নাতে মেশা লোকদের দেবার অধিকার।

এঁদের সাক্ষ্যের মূল্য অনেক, নিঃসন্দেহ। নির্ভয়ানন্দ বলেন, ভুরুর উপর একটা দাগ ছিল। বড় শাস্ত শিষ্ট ছেলে ছিলেন কিনা! বেশ নাচতে পারতেন। বেলুড় মঠে তাঁর ঘরে সাহেবী (পাশ্চাত্য) নাচ আমাকে দেখিয়েছিলেন। নানান্ রকম নাচ। আর একবার খোল-করতালের সঙ্গে রাস্তা দিয়ে নাচতে নাচতে তাঁকে যেতে দেখেছি। রামকৃষ্ণপুরে শ্রীযুত নবগোপাল ঘোষের বাটীতে, যেদিন তিনি স্বয়ং ঠাকুর প্রতিষ্ঠা করেন। পুণ্যশ্লোক নবগোপালের এই দুর্লভ ভাগ্যোদয় ঘটয়াছিল। তুলি বা পেন্সিল দিয়ে ছবি আঁকতে, তাঁকে কখনও দেখেছেন কিনা, প্রশ্ন করায়, নির্ভয়ানন্দ বলেন,—না! শেষে আবার হাসতে হাসতে বললেন, তবে ছেলে স্কোয়ার ছিলেন।

নিজে বিষয় ভোগ কর'ব, এ বোধ, নরেন্দ্র বিবেকানন্দে কোনদিনই ছিল না। তাঁর মত রূপে গুণে সরেস জামাই পাবার জন্ত, কোন সম্ভ্রান্ত ব্যক্তি, তাঁর পিতাকে প্রস্তাব করিয়া পাঠান যে, ‘রাজ্যি রাজকন্তে’, সবই তিনি দিতে প্রস্তুত ;—খালি নরেন্দ্র রাজি হইলেই হইল। তবে, তাঁর রাজকন্তা শ্রামা,—সেই জন্ত তদোষ স্থালনার্থ অর্থদণ্ড—দশ সহস্র মুদ্রাদানে তিনি প্রস্তুত।—‘পোষাইয়া’ দিতে চাহেন। নরেন্দ্র কিন্তু জানিতেন,—“শ্বশুরখ্যাতো ধমামঃ।”—ঘরজামাই বা শ্বশুরের ভেড়ুয়া ব'নে, ইজ্জত বংশমর্যাদা জলাঞ্জলি দিতে তিনি প্রস্তুত হন নাই। তিনি আজকালকার ‘সস্তার তিন অবস্থার’ গ্রাজুয়েট ছিলেন না। তখন বি-এ পাশ করা মানেই, কিছু না হোক—নিদেন একটি ডেপুটিগিরি। তাহা ছাড়া, তাঁহার শরীরের বহিঃসৌন্দর্য্যে বিমোহিত কয়েকটি নারীও তাঁহার দৈন্ত দেখিয়া, কাঞ্চন-বিনিময়ে তাঁহার সুন্দর তনু কিনিয়া লইবার প্রস্তাব পাঠাইয়াছিলেন। তাঁহার নিজের কথায়—“বাবা মারা যাবার পর, সময় বুঝে, অবিজ্ঞা মহামায়া পেছ নিয়েছিলেন।” এই শ্রেণীর সঙ্গতিপন্ন একজনকে, তিনি শাস্ত গম্ভীরভাবে উত্তর করিয়াছিলেন,—

“বাছা, এই ছাই-ভস্ম শরীরটার জন্তু এতদিন কত কি ত করলে ; মৃত্যু সাম্নে, তখদকার জন্তু কিছু সম্বল করিয়াছ কি ? হীনবুদ্ধি ছাড়িয়া পরমেশ্বরকে ডাক ।” যুবতী অধোবদনে রহিলেন । বাচ্চা পরমহংসের আচ্ছা জবাব ।

উত্তরকালে নিজ চেষ্টায় শ্রীবিবেকানন্দ লোক ও অর্থ সংগ্রহ করিয়া মঠ-সম্পত্তি বানাইয়া, নিজে কর্তা, এমন কি কার্য্য-নির্বাহক-সমিতির কোন পদই গ্রহণ করেন নাই । বা নিজ নামে ব্যাঙ্কে টাকা মজুত রাখিয়া, সুখে দিনযাপনের সুন্দর ব্যবস্থার দিকে দৃকপাতমাত্র করেন নাই । তিনি সহজ স্বাভাবিক স্বার্থত্যাগী । বসন্তঋতুর মত লোক-হিতকারী । গুরুভাইদের দু’জনকে উৎসাহ দিবার জন্ত, প্রেসিডেন্ট ও সেক্রেটারী বানালেন । ভাবস্থ হয়ে—নিজেকে শ্রীরামকৃষ্ণ পর্যায়ে দেখতে পেয়ে,—পত্র লিখতে লিখতে, এই সব ছলভ ভ্রাতৃমণ্ডলীর কাহাকেও কাহাকেও তিনি একদিন, পরিষ্কার লিখতে সঙ্কোচ করেন নাই—“My Children !” মদীয় বৎসবৃন্দ !—কি মধুর সম্বোধন !

শ্রীরামকৃষ্ণের স্থল অন্তর্দ্বানের পর—কল্পনা করিতে ভাল লাগে, বাইবেলের আলঙ্কারিক ভাবায়—প্রভুর সবাই বৎস । আর নরেন্দ্রই তাহাদের রাখাল । তিনিই একক চালক, আর সবাই চালিত । “খাপ খোলা তলোয়ার,” শ্রীমৎ তুরীয়ানন্দ অসুস্থ অবস্থায় খাটে শুয়েছিলেন । শরীরটে কালো । আর, মুখমণ্ডল—অরুণোদয়ে বে লাল চোখে পড়ে, সেই লালে লাল । বিছানার উপর বাবু হয়ে বসে ব’ল্লেন, “আখো, তাঁর পায়ের কড়ে আঙ্গুলেরও যোগা, আমাদের মধ্যে কেহই নয় ।” কি অদ্ভুত সরল মহাপুরুষ-স্থলভ স্বীকৃতি ।

ফ্রান্সের বিশ্ববিখ্যাত মনীষী রামকৃষ্ণকে পাশাপাশি জঁশার সঙ্গে এক কোঠায় ফেলে প্রবন্ধ লিখছেন । বল্চেন জঁশা ক্রুশে তহুত্যাগ ক’রলেন । আর রামকৃষ্ণ আর একভাবে তিলে তিলে বহুজনহিতায় বহুজনসুখায়

নবযুগে আত্মদান ক'রলেন। রামকৃষ্ণকে দেবমানব বলছেন। যাহা “লীলাপ্রসঙ্গকার” ব'লে গেছেন। আর বিবেকানন্দ সম্বন্ধে ব'লছেন— নির্বিকল্প সমাধিযোগের অতো বড় আধারটা যে ব্যবহারিক ধূলোর জগতে নেমে এসে গরীব, আর্ন্ত, বাধিত, অশ্রুসিক্তের জন্ত বৃকের পাঁজরখানা বলি দিলে—এইটাই,—এই সর্বমানব-প্রেমবতাই,—রক্তে রক্তাক্ত যুরোপের আজকের ইতিহাসে,—এই বিগ্গোভ মনস্তাপের জ্বালাময় বর্তমান জীবনে অমৃতের মত কাজ ক'রবে। বাহিরের দিক হ'তে সর্ববিষয়ে বিবেকানন্দই পূর্ণত্বের প্রতিচ্ছবি। আমি ফরাসীতে রামকৃষ্ণ-বিবেকানন্দের জীবনকথা, কথার তুলিতে এঁকে, লোকের যুদ্ধবিদ্ভূত অস্থির চঞ্চলপ্রাণে অমৃত পরিবেশন ক'রবার সৌভাগ্য লাভ ক'র্বো, মনে মনে ভাবছি।”

যুরোপের কালচার, সাধন, সংস্কৃতি, কৃষ্টি বা সভ্যতার ফ্রান্স অনেক বড় আসন, এমন কি, আচার্য্যের পদ পেয়ে এসেছে। মধ্যযুগেও তাই। যুরোপ কতটা এগুচ্ছে, তা জানবার জন্ত লোক ফ্রান্সকেই এককালে মানদণ্ড ব'লে ঘোষণা ক'রছেন। রামকৃষ্ণ-বিবেকানন্দের হাওয়া এই রঁল্যার ভিতর দিয়ে ফ্রান্সের এবং সঙ্গে সঙ্গে যুরোপ মার্কিনের গায়ে আর একবার লেগে, রাষ্ট্রিক হিসাবে পৃথিবীজয়ী পাশ্চাত্যজাতিসমূহ, যাহারা বীরভোগ্যা বস্তুধরা ভোগ করিতেছেন, তাঁদের নবজীবনে অনেক কিছু বা অন্ততঃ কিছু কিছু, সত্য সত্যের দিকে পরিবর্তন ঘটাতে ব'লে আশা করা যায়। রঁল্যা নব্যভারতের অত্যাশ্রয় সাধক মনীষী ও বিজ্ঞবৃন্দ, যথা, মহাত্মা গান্ধী, রাজা রামমোহন, মহর্ষি দেবেন্দ্র নাথ, আচার্য্য কেশব-চন্দ্র, গোস্বামিপাদ বিজয়কৃষ্ণ, বিশ্বভারতীর বিশ্ববিশ্রুত প্রতিষ্ঠাতা কবির রবীন্দ্রনাথ প্রমুখ অনেকেরই চরিতকথা আলোচনা করিয়াছেন।

রাশিয়ার কোন চিন্তা-নেতা ব'লছেন, বিবেকানন্দের জীবনীশক্তিপূর্ণ সতেজ কথাগুলি তাঁর প্রাণ মন নূতন আশুনে ভরিয়া দিয়েছে। তিনিও

আপন সমাজকে নূতন পথে নবদর্শে স্বতন্ত্র গঠন দিবার ক্ষমতা ধরেন !
 তিনি রাশিয়ানে বিবেকানন্দ তর্জমা করিবেন । জার্মান ভাষায় নরেন্দ্র
 ইতিপূর্বেই রূপান্তরিত হইয়াছেন ।

তৃতীয় পরিচ্ছেদ

লোকনেতৃত্ব—ব্যক্তিস্বাতন্ত্র্য—সংঘপরিচালনা

কেউ বলছেন বিবেকানন্দ—ব্যক্তিস্বাতন্ত্র্যের উপাসক ছিলেন ।
 গণ্ডীবদ্ধ গেড়ে ডোবা তোয়ের করা তাঁর উদ্দেশ্য ছিলনা । অসাম্প্রদায়িক
 সম্প্রদায় বাঁধিয়া, মানুষের ব্যক্তিস্বত্বকে ফুটাইতে, তিনি সচেষ্ট থাকিতেন ।
 কেউ বা বলছেন, তা কেন হবে, তিনি যান্ত্রিক আজ্ঞাবহতার পৃষ্ঠপোষক ।
 সামরিক আইন । ভৃত্যকে হয় গুলি করা হবে, নতুবা, প্রভুর আজ্ঞা-
 বহতা সাধন ক'রতে হবে । আঁট চাই । বাঁধাবাঁধি চাই । কর্তা যা
 বলেন, মক্‌সো ক'রে যাও, নিজের ছটাকী বুদ্ধি, শিকের তুলে রেখে
 দাও । কারও মতে তিনি জ্ঞানী । কখনও তিনি ভক্ত । কখনও কর্মী ।
 কখনও প্রেমিক । কখনও একেবারে মায়ের মত ! আবার কখনও
 সৈনিক, কঠিন—কঠোর ! তিনি কত কি, কে জানে !! কত কি
 লিখে গেছেন, বক্তৃতায় বলি গিয়েছেন । চিঠি গুলিতে এক একজনকে
 এক এক রকম উপদেশ দিয়ে গেছেন ।

সামঞ্জস্য কোথা ? মিল কই ?—একি সবই গরমিল না কি !

শ্রেণীবিশেষ বলছেন—স্বামীজী এসেছিলেন, সংহতিশৃঙ্খ ভারতে একতার বজ্র বাঁধনে, প্রীতির পবিত্র মসল্লায়, একটা আদর্শ সংঘ এবং তদনুসারে জাতীয় জীবনের প্রতিবিভাগে অনন্ত সংঘ সৃষ্টির জন্ত। এই করে আপ্রাণ চেষ্টা করে গেছেন। তবে ব্যক্তিত্বের পূর্ণ বিকাশ থাকবে, কিন্তু সঙ্গে সঙ্গে মিলনের সূত্র বার করে ফুলের মনোলাভা মালা গাঁথতে হবে। প্রত্যেকটা স্বতন্ত্র সৌন্দর্য্য সুবর্ণা সত্তা-ময়—কিন্তু সোণার তারে সংবদ্ধ, একত্রিত। রামকৃষ্ণ বিবেকানন্দই কি এই নবমিলনের স্বর্ণসূত্র? বহু প্রতিভাকে একত্রিত করিয়া জননী জন্মভূমির বোধন পূজা আরম্ভ করিয়া, পথের খেই দেখাইয়া, চক্ষের আড়ালে চলিয়া গেলেন! বুঝি আড়াল হইতে আড়ি পাতিয়া দেখিবেন সন্তানেরা আরদ্ধ কর্ম্ম কতদূর আগাইয়া দিল, কোন্ গতিতে, কেমন ছন্দে, কোন্ ভঙ্গীতে চলিতে সুরু করিল, আর পরিশেষে কোথায় বা গিয়া দাঁড়াইল? কে ইহার উত্তর দিবে?

Unity not uniformity must be our aim. Through variety—differences must be *integrated*, not *annihilated*, nor destroyed. * * * Give your difference, welcome my difference—unify all differences, in the larger whole.—Madam Follet.

মিলন!—জোর করিয়া সব জামা-কাপড়গুলোকে এক ছাঁটকাটে বানাতে চলে না। মিলনই আমাদের উদ্দেশ্য। প্রত্যেকের ভিতর সৃষ্টির যে বিশেষ বাণী, বিশেষ সুর, পৃথক্ মৌলিকত্ব ফুটিয়াছে তাহাকে জবাই করিয়া নয়। বহুত্বে একত্ব। পার্থক্যগুলিকে—স্বতন্ত্র সাত সুরকে একটি ছন্দবদ্ধ পূর্ণ গীতে একত্রিত—পরিণত করিতে হইবে। কাহাকেও বিনাশ

করলে চলবে না। এস ভাই, তোমাতে কি পার্থক্য, বিশেষত্ব ফুটিয়াছে সেইট দাও ও আমারটি আদর করে লও। সকলের সব পার্থক্য সর্ব-ব্যাপ্তি ধূলি ধূসরিত করিয়া রাষ্ট্রিক conscriptionism বাধ্যতাবাদকেও আজ কোন কোন দেশে মাথা নীচু করিতে হইতেছে। অধ্যাত্ম সাধন-রাজ্যের নেতৃবৃন্দকে সাবধানতা অবলম্বন করিতে বলি। স্বামী সারদানন্দের মত একজন অদ্বিতীয় গঠনিতাই কার্যের দ্বারা—তিরিশ বৎসর সজ্জের কার্য্যকরী সমিতির সম্পাদকতা পদে, ক্ষমতায় আচার্য্য কর্তৃক ভারপ্রাপ্ত অধিষ্ঠিত হইয়া, সবটিকিই একসঙ্গে দীর্ঘদিন বাধিয়া রাখিতে পারিয়া-ছিলেন। ইহার তাৎপর্য্য এ নয়, যে প্রমাণ পাইয়াও তিনি অসাধু আচরণ কখনও কাহারও সমর্থন করিতেন। সে রকম সাংসারিক আপোষবাদী বলিয়া তাঁহাকে কোনদিন দেখিয়াছি মনে হয় না। আর তাঁহাকে দেখিয়াছি সুদীর্ঘ একুশ বৎসর। জীবনের শ্রেষ্ঠ অংশ। অবশ্য ইহাও বলিতেছি, তিনি অহেতুকী করুণাধারা আমাদের নানা দোষ সত্ত্বেও নিত্য প্রবহমান রাখিয়াছিলেন। নিজগুণে। স্বেচ্ছায়। রূপা করিয়া। তিনি দেখা দিয়াছিলেন বলিয়া, কাছে রাখিয়াছিলেন বলিয়া, দেখিতে ও থাকিতে পারিয়াছিলাম। নতুবা আমাদের কি সাধ্য ওরূপ সাধুর সঙ্গ পাই। কি স্মৃতি থাকতে পারে?

স্বামী বিবেকানন্দের প্রায় সমবয়সী এই গুরুভ্রাতা—অনুপম শরৎচন্দ্রের দুর্লভ চরিত্রের প্রাণস্পন্দন কথঞ্চিৎ অনুভব করা আমাদের ভাগ্যে ঘটিয়াছিল।

স্বামী সারদানন্দের চরিত্র একটি মহান অবদান। ১৯০৬এ আমরা ছয় বৎসরের বালক। ছয় হইতে নয় পর্য্যন্ত মধ্যে মধ্যে বাড়ীতে বসিয়া বইহাঁকে দেখিয়াছি। বালকের দৃষ্টিতে—বৈরাগ্যাশ্রয়ীর আঁখিতে নহে। ১৯০৯ হইতে ১৯১৫, রবিবার রবিবার, সপ্তাহে একবার, একবার বৈকাল হইতে সন্ধ্যা পর্য্যন্ত দেখিয়াছি। ১৯১৫ হইতে যে কালরাত্রির কালবেলায়

শ্রীরামকৃষ্ণের পাবনকারী শ্রীনাম গুণিতে গুণিতে সাধুভক্ত সন্তানকুল সমাবৃত হইয়া, তিনি আমাদের—দেহধী আমাদের, ছাড়িয়া চলিয়া যান, সেই রাজ অবধি, এক যুগ, তাঁকে দিনে দেখেছি। রেতে দেখেছি। বখনতখন দেখেছি। কাজে দেখেছি, ধ্যানে দেখেছি। উৎসবে দেখেছি। আশানে দেখেছি। গম্ভীরভাবে বই লিখছেন দেখেছি। আমাদের সঙ্গে Carrom, wordmaking খেলা করেছেন দেখেছি। ফাল্গুনো ফষ্টি-নষ্ট করছেন। স্নুখে ভক্তের সহিত আনন্দ করছেন। আবার তারই স্নুখে মাতৃসম সমবেদনা করছেন, তাও দেখেছি। দিনের পর দিন। রাতের পর রাত। পক্ষের পর পক্ষ। মাসের পর মাস। ঋতুর পর ঋতু। বৎসরের পর বৎসর। সবই ঘুরিয়া চলিয়াছে। আবার ফিরিয়া আসিয়াছে। শ্রীরামকৃষ্ণের ভাবের হাঁড়ির এই ভাতটি বেশ করিয়া টিপিয়া দেখিবার ভাগ্য, আমাদের হইয়াছিল। কিন্তু ক্ষুদ্র আধার। ক্ষুদ্রাদপি ক্ষুদ্র আধার আমাদের। আমরা তাঁহার মহিমা মোটেই বুঝি নাই বলিলে, মৌখিক বিনয়, অতিশয় উক্তি প্রভৃতি দোষ মোটেই হয় না। যৎসামান্য বুঝিয়াছি, নিশ্চয়ই। তবে নিরাশ হই না। একদিন একটি বালককে অপর একটি ব্যাধিগ্রস্ত বালক মা তুলিয়া গালি দিলে এবং প্রথম বালকটি আকুল হইয়া কাঁদিয়া এই কথা তাঁহাকে জানাইলে তিনি সেদিন (আবার সেদিন বিশেষ গুণদিন—শ্রীশ্রীসারদাদেবীর জন্মতিথির দিন) যেমন—সেই গুণ সকালে এই বালকের বৃকে আস্তে আস্তে হাত বুলাইয়া বুঝাইয়াছিলেন, উহাতে বালকের মৃতগর্ভধারিণীর কোন কিছু হানি হয় নাই,—সেইরূপ তিনি তাঁহার অহেতুক করুণায়, দয়া করিয়া আমাদের বৃকে মাথায় আমাদের চিরবাস্তিত চির-পরিচিত তাঁহার সেই অদৃশ্য আশীর্বাদ-হস্ত বুলাইয়া—বুঝাইয়া দিলে, একদিন তাঁহাকে—তাঁহার জ্যেষ্ঠ শ্রীনরেন্দ্রকে আর তাঁহাদের মূল্যধার শ্রীরামকৃষ্ণ—সারদাদেবীকে ধোল আনা, সম্যক্

বুঝিতে পারিব। কাহারো ইহারা? কেন ইহারা? পৃথিবীর ভিতর কেনই বা আমরা ইহাদের সঙ্গে?

স্বামী সারদানন্দ ১০৫ ডিগ্রি জরে জ্বরজ্বর হইয়া, দেহের অসহ্য জ্বালা অনুভব করিতে করিতে, অত্যন্ত পরিশ্রান্ত দেহ হইতে নাভিঃ শ্বাসের সঙ্গে সঙ্গে সব চেতনবত্তা গুটাইয়া লইয়া, ধীরে ধীরে প্রাণবায়ু পরিত্যাগ করিলেন। যেন একটি শয়ান ঘুমন্ত সিংহ। কিন্তু তৎপরক্ষণেই সঙ্গে সঙ্গে রোগের ক্লান্তি জড়িয়া সহসা দূর হইয়া শ্রীমুখমণ্ডলে বোগীর অপূৰ্ণ সমাধি-শান্তি ফুটিয়া উঠিল। তিনি বাকরোধ হইয়া তেরদিন পড়িয়াছিলেন। জীবন-উপক্রমে, প্রথম প্রভাতে ভূমিষ্ঠ হইয়া একদিন সব শিশুরই মত তিনি “ম্যা ম্যা” করিয়াছিলেন। আর আশ্চর্যের বিষয়, দেখিলাম—এই সুন্দর, শক্তিসাধক, কালীর তনয় শনিবার সন্ধ্যায় সন্ধ্যাস রোগাক্রান্ত হইলেন হঠাৎ। শেষ যে শব্দ তাঁহার শ্রীমুখ হইতে উচ্চারিত হইল, তাও শুনিলাম। “হুর্গা” “হুর্গা”। অবশ্য ঐ নামের ডাক্তার বাবুকে লক্ষ্য করিয়াই। জীবনের উপসংহার কি সুন্দর! মার নামে হে দেব-বালক! হে দেব-শিশু! তুমি একদিন ধরণীর বুকে এসেছিলে, মাতৃনামে জেগেছিলে। আবার খেলাশেষে মার নাম নিয়েই তুমি আর এক রাতে, তোমার কৰ্ম্মক্লান্ত তপঃশ্রান্ত তনু মার বুকে, ধরিত্রীর কোলে মিলিয়ে দিলে। রামকৃষ্ণ-বিবেকানন্দ-আদর্শের, এই হিমাচলটির কথা যতই ভাবিতেছি, মোহিত হইয়া যাইতেছি।

দেহে যৌবনের উদ্ভব হইলে, সাধারণ নরনারীর জৈবধর্ম্ম হিসাবেই বলো, আর যাই বলো, মা বাপের উপর টান অনেকটা কমিয়া যায়। শৈশবের সেই আপনভোলা মা-পাগ্লা মাতোয়ারা মাতৃনামে সর্ব্বশরীরে শিহরণ অনুভবকারী বালককে আর খুঁজিয়া পাওয়া যায় না। বালক পূর্ব্বের সেই আকুলতা লইয়াই ভোগক্ষেত্রে, সংসারে মাতামাতি করেন। মার ক্রপায় শরৎচন্দ্র যৌবনে মা ভুলেন নাই। তাই বুঝি বরষার বারিধারার

প্রায় শরতের মাথার উপর মার এত করুণা ! এত আশীর্বাদরাশি !
আবার দেখাও যায়, তিনি বিরুদ্ধশক্তির সহিত লড়াই আজন্ম করেছিলেন ।
তিনি যেন “পৌষ-আকাশে শারদ চাঁদিয়া” । পৌষ মাস শরৎচন্দ্রের
জন্মমাস । তিনি অঘটন-ঘটন ।

তাঁহার খুৎনীটা খুব ভারী ছিল । আন্তরিক দৃঢ়তার বাহ্য লক্ষণ ।
সুন্দর ব্যঞ্জন । যখন বেলুড়মঠে চিতায় পুড়ছেন, ঝড় ঝুটি হ’তে
লাগলো । মাঝে একবার মনে হল, বুঝি চিতা নিভে যাবে । কিন্তু চিতা
ঠিক ধুমায়িত রহিল । আগুন দেহ থেকে গেল না । সব বাধা শেষবার
মানিয়া লইয়া, তিনি যেন শুইয়া শুইয়া জীবনের শেষ লড়াই লড়িলেন ।
আগুন একেবারে নিভিল না । দমিল না । তিনি পুড়িলেন । পুড়িয়া
আমাদের সামনে ছাই হইলেন । পোড়াতেও যেন সুন্দরভাবেই তাঁহার
দেবোপম সত্তার দৈবীসম্পদ শ্রীরামকৃষ্ণ করুণা করিয়া আমাদের দেখাইয়া
দিলেন । কাঁদিলাম—কিন্তু ভাবিয়া মোহিত হইলাম ।

ভাবনয়নে একদিন দক্ষিণেশ্বরের ভগবান—তাঁহার ভগবান, তাঁহাদের
দুই ভাইকে ঈশার পুতসঙ্গে সংযুক্ত দেখেছিলেন । বাস্তবিকই ধুইকের
পূর্ববর্তী অপর এক ঋষির সহিত তুলনা করিয়া তাঁকে বাইবেলের
ভাষায় আমাদের বলিতে ইচ্ছা হয়, হে সখা, তোমার মহাত্মা জোবের
•(Job) মতই ধৈর্য্য ছিল । অমন সহিতে কাউকে দেখিনি । Thou
hadn't the patience of a Job !—এ উক্তি অসমীচীন হইবে না ।

চতুর্থ পরিচ্ছেদ

ঠাকুর ও স্বামীজীর ভাববাহীগণের কয়েকজন

কি দিনই না উদ্বোধনে পাইয়াছিলাম ! ঠাকুর ঘরে মা। পরণে গেরুয়া নাই, গলার রুদ্রাক্ষ নাই। সচরাচর চোখে পড়া বাঙ্গালী বিধবার মত মুখে কপালে চন্দন চর্চিত চিহ্ন নাই। কালী বা কৃষ্ণ নামের নামাবলী অঙ্গে নাই। হাতে হাঙ্গরমুখো বালা দুগাছি। পরণে নরুণপাড় ধুতি। সাদাসিধে। যেন বাঁকুড়া জেলার কারুদের বউমা-টি। শরীরে বাইরের একটা মাদকতাকারী রূপের স্পর্শ নাই। মা শ্রামা।

ভোর তিনটে থেকে চারটের মধ্যে, নিত্য বারমাস সব ঋতুতে শয্যাভাগ। প্রাতঃকৃত্য অন্তে ঠাকুরকে শয়ন হইতে উত্তোলন, বাল্য ভোগ দেওয়া, নিজ হাতে রোজ ঠাকুর ঘর গোছা, ঠাকুরকে অন্নভোগ দেওয়া, সকাল-সন্ধ্যা জপে বসা—ইত্যাদি সবই একে একে মনে পড়িতেছে—অস্তুতঃ ঠাকুরঘরের সব কাজ নিজ হাতে কলিকাতাতেও করিবার তাঁহার বিশেষ ঝোঁক ছিল। মাকে দেশে, কলিকাতার মত,—শরৎমহারাজের হেফাজতে থাকিতে হইত না। সেখানে তিনি পিত্রালয়ের ঝিউড়ী। গ্রামের বালিকা। নিজে হাতে কুটনো কুটে, বাটনা বেটে, দুধ মেগে এনে, ছেলেদের ‘চা’ পর্য্যন্ত খাইয়েছেন। কলিকাতাতে এই পল্লীবালার যে, কৃত্রিমতার দরুণ খানিক অসুবিধা হইবে, তাহা বলাই বাহুল্য। এখনকার উদ্বোধনের আধখানি উদ্বোধন—(সাম্মুনে দিকের) তখন। যেন একটি পাখীর ছোট বাসা। ছোট বারান্দাটি চিকে ঘেরা। আলো বাতাস কম। জয়রামবাটীর মত ফরদা ফাঁক উন্মুক্ত নহে। বাড়ীশুদ্ধ ঠাসা লোক। দোতলা তে-তলায় পুরুষদের একরকম ওঠা নিষেধ। উদ্বোধন-

সম্পাদক নীচের ঘরে সম্পাদকতা করেন। রবিবার সাম্নে (তখন থোলা মাঠ ছিল) মাঠময় লোক,—হুই রোয়াকে লোক! আর বাড়ীতে—গিস্ গিস্ ঠাসা! থৈ থৈ! উপরে মেয়েরা। আশী সত্তর জনকে রবিবার রবিবারে, বৈকালে হাতে হাতে মিষ্ট প্রসাদ দিয়াছি। এক এক দিন পঁচিশ-ত্রিশজনকে মা দীক্ষা দিয়েছেন।

কলিকাতায় গৃহ-কর্ম নিজহাতে তাঁর করিবার ইচ্ছা থাকিলেও, শরৎমহারাজের ভয়ে, গোলাপ-মা যোগীন-মার ভয়ে, বেশী ক'রতে সাহস ক'রতেন না। বয়সে তিনি গোলাপ-মা, যোগীন-মা—এঁদের ছোট ছিলেন। মনে হইত, গোলাপ-মা বা যোগীন-মা—যেন স্বাণ্ডী—আর মা তাঁদের অধীন বউ-মা। আ-গঙ্গার দেশের লোক তিনি—উদ্বোধনের ছাদ হইতে গঙ্গা, দক্ষিণেশ্বর মার মন্দির দেখা যায়। তিনি সুস্থ থাকিলে, বাত বেশী চাগান্ না দিলে, নিত্যগঙ্গাস্নান করিতে পারেন,—ইহাই ছিল তাঁহার কলিকাতার উপর আকর্ষণ। মার দেহান্তের পর—একদিন সারদানন্দ মহারাজ ব'ল্ছিলেন,—আমার সাধ মিটে গেছে। ধার ক'রে উদ্বোধন করেছিলাম, (জায়গাটুকু দান, খড়ের ব্যবসায়ী কেদার বাবুর)—ধার শোধ হয়েছে। আর এতকাল, মধ্যে মধ্যে কখনও বেশী দিন, কখনও অল্প দিন, মা এখানে বাস করেছেন।

মায়ের আমলে উদ্বোধনে বিজলী বাতী ছিল না। কেরোসিন পুড়িত। বিজলী থাকিলে, সোণায় সোহাগা হইত। কারণ মায়ের সুন্দর জ্যোতির্ময়ী অলৌকিক শাস্ত্র অধ্যায় জীবনের ভাস্বরতা ত' ছিলই।

পূজা নিজে শেষ করিয়া বা যখন নিজে না ক'রতেন, পূজা সাজ হইলে—কয়জন ভক্ত নীচে আছে, তা একটি বালককে গণিয়া আসিতে বলিতেন। শালপাতায় করিয়া ঠাকুরের মিষ্ট, ফলমূল, প্রসাদ ভাগা ভাগা সাজাইয়া দিতেন। কালো বড় একখানি বারকোষের উপর ঐগুলি

চড়াইয়া, বালক বিতরণ করিত। শেষে ব'লে দিতেন,—এইটি মোহনের ছেলেকে দিও। মায়ের পুরাতন চাকর মোহিনীর একমাত্র শিশুপুত্র। অত ভিড়ের ভিতর দেখিতাম—কোনদিন মা তাহাকেও ভুলিতেন না। মার সবদিকেই নজর।

প্রসাদবিতরণকারী ঐ বালকটিকে একদিন, তাহারই কৌচড়ের কাপড় নিজে খুলিয়া, কতকগুলি আম বাঁধিয়া দিয়া, বালিকার মত বলিতেছেন,—“যা বাবা, খপ্ ক'বু নীচে নেমে বাড়ী চলে যা'। দেখো, সাবধান, গোলাপ না দেখতে পায়। দেখতে পেলে, আমাকে ব'ক্বে।”

ছেলেটি তখন রবিবার রবিবার তাহাদের কলিকাতার বাটী হইতে আসিত। তারা গরীব। ভাল খাইতে পাইবে বলিয়া, মার নিকট আসিত। ছেলেটি উপরন্তু মাবাপ-থেকো। মার—তার উপরেও কি করুণা! আবার সর্বাধিষ্ঠাত্রী হইয়াও, গোলাপ-মার সম্বন্ধে কি মধুর ভয়!

মাকে জয়রামবাটীতে দেখিবার ভাগ্য আমাদের হয় নাই। ভক্তমুখে শুনিয়াছি, সে মা নাকি আরো মধুর! আরো দরদ-কারিণী!—আরো আপনার! বাই হোক, ক'ল্‌কাতাকে তবে আর আমরা ঠাকুরের ভাষায় ‘এঁদোপড়া’ বলিব না। কারণ, ইহারই উপকণ্ঠে অনেককাল ভগবান্ শ্রীরামকৃষ্ণ বাস করিয়া, ইহার হাওয়া শুদ্ধ করিয়াছেন। মা অনেককাল ছিলেন। কলিকাতা আমাদের কৈলাস। কাশী।

শ্রীমার আশীর্বাদপ্রাপ্ত জন্মকের কথা কহিব। তাঁহার দেহ যাইলে স্বামী সারদানন্দ বলিয়াছিলেন, আহা, ইদানীং মার কৃপায় উহার কি সুন্দর পরিবর্তনই না হইয়াছিল। মার খুড়ো যখন মারা বান তাঁকে ঘাটে নিয়ে যাওয়া হবে। রামকৃষ্ণ লেনের সামনে সদর রাস্তার উপর ভাড়াটীয়া বাড়ীতে। কি একটা কাজের জন্ত থানিকটা ফালির দরকার হয়েছে। জন্মেক একখানা নূতন দেশী কাপড় পরিয়াছিল। ষট্ কোরে তার

পাড়টাই ছিঁড়ে দিল। জয়রামবাটীর ডাক্তারখানা, মন্দির, পাঠশালা ইত্যাদির জন্তু মার কত কাজ করেছে। নিজের শরীর খারাপ। মোটেই ক্রক্ষেপ কর্তো না। রোদ তৌদ কিছু কেয়ার কর্ত না। কত লোকের সঙ্গে কাজের জন্তু দেখা কর্তো। কত খাট্তো।

জনৈক আমাদিগকে বলিয়াছিলেন, পূর্বে তাঁহার পানদোষ ছিল। মা সর্ব দোষ দূর করলেন। মা নিজে তাঁর বাটী গিয়া তাঁকে দীক্ষা দেন। মার দেহ বাইলে, তাঁহাকে ঠাকুর ঘরের বারাণ্ডার দাঁড়াইয়া বালকের মত ব্যাকুলভাবে কাঁদিতে দেখিয়াছি। বেন বৃকে বেঁধা যন্ত্রণায় Shooting Pain-এ ছট্ফট্ করছেন। মা বিহনে ঠিক ঠিক—অনাথ বালক।

রামকৃষ্ণ-বিবেকানন্দের জীবনালোকে জাগ্রত নিখিল নরনারী, আসুন! আমরা মার জীবনের এই সব ছোট ছোট ঘটনাগুলি জানিয়া মার মতন কিছু কিছু হইতে সচেষ্ট হই। সভায় সাধু সেজে বসে থাকা নয়। জীবনের দৈনন্দিন প্রতি ক্ষুদ্র কাজে, মার আদর্শ, মার দৃষ্টান্ত সামনে রাখ্তে হ'বে। শুধু হাউ-হাউ ক'রে ভাব-প্রবণতা দেখালে চ'লবে না।

তে-তলার ঘরে গোলাপ-মা, তাঁর কাজ কর্মের—যথা কুটনো কোটা, রান্নার খাবার ব্যবস্থা, মশলা ধুয়ে রোদে দি়ে রাখা, অবসরসময় সুপুরী-কুচুনো ইত্যাদি সব খুঁটিনাটির উপর শোনদৃষ্টি—সুন্দরধারা—পাকা গিন্নীর অনুপম পদ্ধতি।—তিনিই সেই শোকাতুরা ব্রাহ্মণী—বাহার পিঠে হাত বুলাইয়া শ্রীরামকৃষ্ণ রাজরাণী একমাত্র কণ্ঠার শোক ভুলাইয়া দিয়াছিলেন। তিনি দক্ষিণেশ্বরে এক খোরা মোহনভোগ ঠাকুরকে একদিন খাওয়াচ্ছেন, আর সাদা চোখে দেখছেন, একটা সাপ লক্ লক্ ক'রে ভিতর থেকে উঠে, আহাির টেনে নিচ্ছে। যতদিন সুস্থ সবল ছিলেন, ততদিন দিনের বেলায় ও রাত্র নয়টা পর্যন্ত যোগীন-মাকে এখানে দেখা যাইত। তিনি

কর্মে, জপে, পূজায়, ব্রতচরণে, নিষ্ঠায়, শাস্ত্রপাঠে,—বাংলাদেশের রমণী-চরিত্রের, সীতা সাবিত্রীর স্মৃতিপূত ভারতে, একটা অভূজ্জল অধ্যাত্ম দৃষ্টান্ত। পাকা সিঁড়ি দিয়ে উঠতে, ডানহাতি ঘরে রাতে শরৎমহারাজ। নতুবা, দিবাভাগে নীচের ছোট বৈঠকখানাটিতে শরৎ মহারাজ। মধ্যে মধ্যে, ব্রহ্মানন্দ স্বামীজী, মহাপুরুষ শিবানন্দ মহারাজ (যিনি একবার অসুস্থ হয়ে কয়েকদিন ছিলেন), প্রেমানন্দ মহারাজ, সুবোধানন্দ মহারাজ প্রভৃতি আসেন বান। মাকে প্রণাম করেন। কয়েকদিন বা এইখানেই থাকেন,—মা না থাকিলে, দেশে গেলে—বাড়ী খালি থাকিলে। পীড়িত অবস্থায় স্বামী তুরীয়ানন্দ মহারাজ এখানে কয়েক মাস (কাঠের সিঁড়ি দিয়া উঠিতে, ডানহাতি ঘরে) খাটের উপর অবস্থান করেন। পূজনীয় প্রেমানন্দ মহারাজ (১৯১৭) কালাজরে পীড়িত হইয়া এখানে কিয়ৎকাল চিকিৎসিত হন। শ্রীস্বামী রামকৃষ্ণানন্দের সাধনা-কর্মময় পুণ্যদেহ এই মার বাটীতে অসীমে বিলীন হয়। মার। শরৎ মহারাজের। বোগীন-মা, গোলাপ-মার দেহ এইখানে যায়। এখানে যে সাধুভক্তদের ঘন ঘন আগমন আবাল্য দেখিব, তাহা আর বিচিত্র কি? আবার মারার এমনি লীলা, কলিকাতা সহরের এই পল্লীর এই লেনেই আগে, এই মার বাটার পাশেই, সন্ধ্যা হইতে না হইতে, অবিচ্ছিন্ন তাহার মোহনকারী জাল বিস্তার করিয়া থাকিতেন। ভায়ে ভায়ে এই পথে যেতে একটু সঙ্কোচ বোধ হইত। উপায় ছিল না।

রামকৃষ্ণ-বিবেকানন্দ-ভক্তদের এই তীর্থক্ষেত্রে যে কয়েকটি সুন্দর জীবন দেখিয়াছি, আদর্শ বুঝিবার—এবং জীবনে যাপন করিয়া ধৃত হইবার সুবিধা হইবে বলিয়া, আমরা এখানে তাহার কিছু কিছু বিবৃত করিব।

ঠাকুরের জীবদ্দশাতেই শরৎচন্দ্রের আমহাষ্ট্র' ষ্ট্রীট ও হারিসন রোডের সঙ্গমস্থলে অধুনা-বুলিঙ্গুরিত দোমহল্লা বিরাট পৈতৃক বাটীতে গিয়া, নরেন্দ্রনাথ পরিচয় করিয়া শরৎচন্দ্রকে জানাইয়া দেন যে, দুইজনে বন্ধুত্ব

প্রাক্তন ও নিগূঢ়! তখনও দুইজনে সন্ন্যাসী হন নাই। রামকৃষ্ণ-সঙ্ঘ গঠন করিয়া, নরেন্দ্রনাথ স্থলে মণ্ডলী পরিত্যাগ করিলেন। বাসুকীর মত, জগতে এই যুগভাবধারা, এই যুগধর্ম, যাঁহারা জীবন দিয়া কর্ম দিয়া ধ্যান সমাধি দিয়া মাথায ধরিয়া রাখিয়াছিলেন এবং পরিপুষ্ট করিয়াছিলেন, তাঁহাদের মধ্যে একটা বিরাট বিশিষ্ট স্থান কলিকাতাবাসী পুণ্যশ্লোক-গিরীশ চক্রবর্তী মহাশয়ের এই জ্যেষ্ঠ পুত্রের।

নেতাকে কেমনতর হতে হয়, তাহা সারদানন্দ মহারাজকে দেখিয়া বুঝিয়াছি,—মুগ্ধ হইয়াছি। ‘হাম্কে’ চাপিতে খুবই মজবুত দেখা যাইত। হুঁহা বিরল। সাধারণতঃ, অধ্যাত্ম দর্শনের কথা কহিতে গেলে দেখিয়াছি, বলতেন, ঠাকুর এমনি দেখেছিলেন। মা এমন দেখেছিলেন ব’লে বোগীনমার মুখে শুনেছি। স্বামীজী এমন দেখেছিলেন। মহারাজ এমন দেখেছিলেন।

নরেন্দ্রনাথকে উপযুক্ত চালক দেখিয়া, ঠাকুরের অন্তর্দ্বানের পর তাঁহারই নিকটে তিনি আত্মসমর্পণ করেন। একেবারে গুরুবৎ। স্বামী বিবেকানন্দ একদিন মহেন্দ্রনাথকে বলিতেছেন—“শরতের ভার, ঠাকুর আমার উপর দিয়া গিয়াছেন। ওর কুলকুণ্ডলিনী জেগেছে।” প্রত্যেক কাজটি স্বামীজীর কথা ভিন্ন শরচ্চন্দ্র করিতেন না। একবার শরৎকে বলেন, “কিরে মঠে (বেলুড়ে) বসে বসে খালি অন্ন ধ্বংসচ্ছিস্। যা, ওপারে দক্ষিণেশ্বরে ভিক্ষা করে খেগে। আর ধ্যানধারণা করগে।” স্বামী সারদানন্দ বলিলেন, “তাই গেলুম। ওয়া! ছতিন দিন যেতে না যেতেই, মঠে কার অসুখ করেছে—সেবা করবার জন্ত লোকের দরকার। ব’লে পাঠালেন, শিগগির আয়। ফিরে এলুম।”

শরচ্চন্দ্র অসীম ধৈর্য্যসহকারে, স্বভাবতঃ গলাবিহীন, সেই অসীম ধৈর্য্যের একটু আধটু ছিটে কোঁটা বিশিষ্ট ধীর বালককে গান শেখাচ্ছেন। বালক বলিল—“এই যে লাইনটা গাইলেন। তাতে কি কি পর্দা ব্যবহার

করলেন বলুন। আমি লিখে নি। মনে রাখবার, শেখবার সুবিধা হবে।” জবাব দিলেন, “আমি তোমাদের মতন সা-রে-গা-মা সেধে গান শিখিনি। স্বামীজী, গলা দিয়ে যেমন শেখাতেন, ঠিক তেমনটিই শিখেছি। আর তার একচুলও এধার ওধার এখনও আমার হচ্ছে, ব’লে মনে হয় না। তুমি হারমোনিয়ম টিপে কি কি পদা লাগছে, পারতো, মিলিয়ে ঠিক ক’রে নাও।”

“মহারাজের (স্বামী ব্রহ্মানন্দ) কাণ খুব ভাল ছিল। আমি স্বামীজীর কাছে শিখে নিয়ে, ঠিক ঠিক হচ্ছে কিনা, মহারাজের কাছে একজামিন দিতুম। তিনি অনুমোদন যতক্ষণ না করতেন, ছাড়তুম না।”

শরচ্চন্দ্রের দেখিতাম, যেন সব মাপকাটিই স্বামীজী। লোকটিকে এক এক সময়ে স্বামীজীময় বলিয়া বোধ হইত।

একদিন ঐ বালককে বল্ছেন—“কিরে, সিন্ধুড়া সুর শিখছিলি নাকি?”

বালক বালকোচিতভাবে বলেন—“আপনি কি ক’রে জানলেন ওটা সিন্ধুড়া?” উত্তর, হাসিমাখা মুখে—“আমরা নিজেরা না জানলেও, স্বামীজীর মুখে শুনেছি।”

স্বামীজীর বই পড়লে ছেলেদের কল্যাণ হবে। বিশ্বাস ক’রতেন। পড়তে বলতেন। বাঁকুড়া কলেজের একজন পাশ্চাত্য অধ্যাপক চটে একবার একখানা চিঠি লিখেছেন। সম্পাদক সারদানন্দের কি অধিকার আছে জগৎবিখ্যাত স্বামীজীর ইংরাজী পুস্তকের ভাষার উপর হাত দিবার? উদ্বোধন হইতে প্রকাশিত তাঁর গ্রন্থের দুই সংস্করণে (সম্ভব— কর্ম্মযোগ—ইং) তফাৎ অনেক। সারদানন্দ দেখিতেছি যেমন ইচ্ছা কাটিয়া ছাঁটিয়াছেন।

শরচ্চন্দ্র বলেন, “এ চিঠির কোন জবাব দিবার দরকার নেই। তবে তোমরা জেনে রেখো, তাঁর লেখা যথা যেমন ইচ্ছা কাটিয়া ছাঁটিয়া ছাপাইবার অধিকার স্বামীজী আমাকে দিয়া গিয়াছেন।” উত্তরকালে

এই শরচ্চন্দ্র অনেককাল লেখাপড়া পরিত্যাগ করিবার পর ১৯২৬ সালে, রামকৃষ্ণ মঠ-মিশনের প্রথম কন্ভেনশনের সময়, একটি ইংরাজীতে প্রবন্ধ নিজহাতে লিখিলেন। তখন তাঁর লিখিবার সময় হাত একটু একটু কাঁপা শুরু হইয়াছে। লেখা শেষ হইবার কয়েকদিন পরে একদিন মাধবানন্দকে ডাকাইয়া সটান বলিলেন, “ওহে অনেকদিন আর লেখা অভ্যেস নেই। এটা তুমি নিয়ে যাও। এবং correct সংশোধন করে পাঠিয়ে দিও।” ছোট ঘটনা—আপাতদৃষ্টিতে সামান্যই। কিন্তু শরৎ-চরিত্রের একটা বিশিষ্ট দিক্ ইহা হইতে উঁকি মারিতেছে। ইহা স্মরণ করিতেছি আর মনকে বলিতেছি, রে মন! আর সঙ্গে সঙ্গে পারিপার্শ্বিকে যে যেথায় আছো, হে নবীন, হে প্রৌঢ়, হে প্রাচীন, এটি শোনো। এবং শেখো। স্বামী সারদানন্দ মনে প্রাণে জানিতেন কর্তা, ঠাকুর শ্রীরামকৃষ্ণ বা শ্রীশ্রীমা সারদা। একটি শিক্ষিত বালক একটি ততোধিক বালকের সঙ্গে বচসা কোরে শ্রীশ্রীমার বাটী খাওয়া ছাড়িয়াছিল। কথাটা কর্তা সারদানন্দের কাণে গেলে বল্লেন, ও ছোঁড়াটা তো মস্ত আহান্নক। মার প্রসাদে আমাদের সকলেরই সমান অধিকার আছে। কেউ কাউকে ‘পাবে না’ বলতে পারেন না। অনধিকার।

একদিন একজন খুদে কর্তাবুদ্ধিসম্পন্ন ‘কর্তা’ একটু বেহেজ্ রকমের কাণ্ড করাতে, রসিক শ্রীশ্রীশরৎ মহারাজ বলেছিলেন—ওরে এই কর্তা কোথায় রবে “সেই কালাকালের কর্তা” এলে? ঘরে শ্রীরামকৃষ্ণের আলোখ্য অবশ্য ঝুলিতেছিল।

ইহারা আর একজনকে দেখিয়ে দিয়ে, নিজেকে অহমিকাবোধ থেকে রক্ষা কর্তে চান। শ্রীরামকৃষ্ণ মা কালীকে দেখিয়ে দিতেন। আমার আশীর্বাদ করে! বল্‌বি—মা কালীর কৃপায় এমনতর হলো। মা কালীর আশীর্বাদে। আর একান্তই যদি ওটা বলতে চাস, তো মনে মনে বল্‌বি। সাধু যোগানন্দকে একদিন তিনি বলিয়াছিলেন।

সন্ধ্যা হইল। মোহিনী মোহন মণ্ডল কেরোসিনের একটি লণ্ঠন লইয়া গিয়া উদ্বোধনের ঠাকুর ঘরে দিলেন। মোহিনী মার চাকর। ছেলেবেলা থেকে আশ্রয়ে আছে। স্বামী সারদানন্দ ও যোগীনমাকে বলিতে শুনিয়াছি—ও চোর নয়। খাঁটিলোক। মোহিনী ঠাকুরকে মারবেলের মেজেতে মাথা নত করিয়া একটি প্রণতি ঠুকিয়া নীচে চলিয়া গেলেন। মা—পা ছড়াইয়া বসিয়া পাঁচজন মহিলা ভক্তের সঙ্গে কথাবার্তা কহিতেছিলেন। বালিকার মত মুখচোখে সরলতা ফুটিয়া উঠিল! সন্ধ্যার আলো দেখিলেন। সচকিতে সঙ্গে সঙ্গে সন্ধিক্ষণে হরিনামের মালা হইতে আঙুল বাহির করিয়া লইয়া, মালা কোলে রাখিয়া করজোড়ে প্রণাম করিলেন—“জয় গুরুদেব! জয় গুরুদেব!” বলিলেন। মা সব সময় নয়, অধিকাংশ সময় ঠাকুরকে দেখাইয়া দিতেন। সারদানন্দ স্বামী কাহাদের দেখাতেন তাহা তো ইতিপূর্বেই বলিয়াছি।

স্বামী সারদানন্দের চরিত্রে সবগুলিকে মিলাইয়া পরিপূর্ণ শ্রীশ্রীরামকৃষ্ণ-প্রতিমা গড়িয়া তুলিবার সামর্থ্য ছিল। তিনি অনেক কিছু হজম করিয়া সংশোধন করাইয়া দিবার ক্ষমতা বৃকে ধারণ করিতেন। যেহেতু, ঠাকুর মায়ের যন্তরূপে নিজেকে দেখিতে পাইতেন।

বিশ্বাস হয় না, ইহাদের স্মৃষ্টিশক্তি রামকৃষ্ণ ভক্তমণ্ডলী হইতে দূরে সরিয়া গিয়াছে! বহুত্রে একত্ববুদ্ধি কার আছে—আমরা তোমাকে বা তোমাদিগকে বা আমাদের মধ্যে কে আছে তাহাকে বা তাহাদিগকে আকুল হইয়া আহ্বান করিতেছি এসো হে, কোথা সেই মাতৃবক্তের দেব স্বত্বিক? সত্য—অতি সত্য—একমাত্র সত্য—আমাদের কর্ণধার শ্রীরামকৃষ্ণ। শক্তি একমাত্র তাঁরই। তিনিই ধরবেন। ধরিতেছেন। ধরিয়াছেন। নরেন্দ্রনাথ বিশ্ববাসীকে ইহা একদিন শুনাইয়া আসিয়াছিলেন। তুমি আমি, বিবেকানন্দ, ব্রহ্মানন্দ উপলক্ষ্য—মাত্র।

মাদাম ফোলের যে উক্তি পূর্বে উদ্ধৃত করিয়াছি তাহা খুবই সুষ্ঠু এবং

শ্রীরামকৃষ্ণ বিবেকানন্দ ভাবধারার অন্তর্নিহিত গুপ্ততত্ত্বেরই আত্মীয় ভাব বলিয়া আমাদের ধারণা। তাই সযতনে উহা উদ্ধার করিলাম।

শ্রীরামকৃষ্ণ বিবেকানন্দের আদর্শ প্রতীক স্বামী সারদানন্দকে বারো বৎসর কাছে থাকিয়া ও দেখিয়া মনে হচ্ছে, যেন বারো দিন। ফস্ ক'রে কেটে গেলো। ধরা ছোঁওয়া যাচ্ছে না। এখন জাবর কাটতে হচ্ছে সেই স্মৃতি নিয়ে! অধ্যাত্ম শক্তির কি অনির্বচনীয় মহিমা। মনে হইতেছে যে, জীবনের ঐ গুলিই চমৎকার দিন! মাতৃহারী গাভীকুলের মত ভক্তবৃন্দকে আর কতকাল শ্রীরামকৃষ্ণ-বিবেকানন্দ পৃথিবীতলে ঘুরাইবেন, তাহা তিনিই জানেন। ব্যক্তিগত কথা বলিতেছি, তাহার একটি গভীর অর্থ আছে। সাধারণতঃ আমরা সব এমন লোক যে, বেশীকাল যে ব্যক্তিই আমাদের সঙ্গে থাকেন তিনিই ঘনিষ্ঠভাবে হয়ত আমাদের সঙ্গে মিশিয়া আমাদের উপর হাড়ে চটিয়া, বিরূপ হইয়া ছাড়িয়া চলিয়া যান। আর কাছে যেঁসতে চান না। বলেন, কাছে মিশে দেখলুম—মুখে মধু। অন্তরে গরল। আরে ছ্যা—ছ্যা! এমনই মহিমা আমাদের! আর বাঁহাদের সম্বন্ধে এই গ্রন্থে আলোচনা করিতে বসিয়াছি, এই সামান্য কথাটার দিক দিয়ে কতই না তফাৎ—আমাদের সঙ্গে তাঁহাদের। অবশ্য তত্ত্বতঃ আমরা যদিও সকলেই পূর্ণ ব্রহ্ম!

‘বুড়ী’—শ্রীরামকৃষ্ণ। তিনি ভবে ভাল খেলা খেলতে ত্যাগী বালকবৃন্দকে সঙ্গে নিয়ে এসেছিলেন। রেখেছিলেন। খেলা সাজ করিয়া এক-একটি খেলুড়ে আবার যেই সেই বুড়ীকে ছুঁইয়া, তাঁ’তে লর হইতে চলিয়াছেন—অপর বালকবৃন্দের সতীর্থ-বিহনে কষ্ট হইতেছে। লীলায় ইহা হইতে নিষ্কৃতি নাই।

শ্রীরামকৃষ্ণের পদঃপূত বলরাম মন্দিরের হল ঘরে ব্রহ্মানন্দ স্বামীজী মহাসমাধি লীন হন (১৯২২)—সে দৃশ্য অপরূপ দৃশ্য! মনে হইতেছে যেন, শিব গুইয়া আছেন। বৃকের উপর হাত জু’খানি জোড়া! যেন,

অভীষ্ট ব্রজরাজকে প্রণাম জানাইয়া, জুড়াইতে—জুড়াইতে—আলিঙ্গন করিতে চলিয়াছেন। আগের দিনের ব্রহ্মানন্দ স্বামীর ভাবস্থ মহাবাক্য-বলীর সবকথা শরৎ মহারাজ বুঝিতে পেরেছিলেন। কর-ষোড়ে ভক্ত-মণ্ডলীর সঙ্গে দাঁড়িয়ে, বিদায় বেলায় রাখালরাজের অভয়বাণী শুনিয়া-ছিলেন।—“ওরে শরৎ, তুই ব্রহ্মজ্ঞানী, তোর ব্রহ্মজ্ঞান আমায় একটু দে।” স্বভাবজ গাঙ্গুরীয়া ও চাপা ভাবকে ভাবের রাজার সাম্নে ঠেকাইয়া রাখিতে শরৎমহারাজ অক্ষম হইয়াছিলেন। রাখাল বিহীন হইয়া, কেমন ক’রে জীবন ধারণ করিব, ভাবিয়া আকুল হইয়াছিলেন। স্রবধুনীর ধারা ছ’চোখে প্রবাহিত হইতেছিল।— “ওরে শরৎ তুই, থাকতে আমার এই হ’ল?”—বাণীটি বুঝিয়া উঠিতে, পরেও পারেন নাই।

বাবুরাম মহারাজও বলরাম মন্দিরে তনুত্যাগ করিলেন। বাড়াবাড়ির খবর পৌঁছিবামাত্র, শরৎচন্দ্র ছুটিয়া গেলেন। বাবুরাম তখন বাক্শক্তিহীন। (১৯১৮) ব্রহ্মানন্দ মহারাজ হল কাঁপাইয়া কাণের কাছে চীৎকার করিলেন—“বাবুরাম দা, ঠাকুরকে ভুলোনা।” পুনঃ পুনঃ কয়েকবার বলিলেন। বাবুরাম দা’ হাসিলেন। সঙ্গোহার হইতে হইবে ভাবিয়া সেদিনও, আদরের বাবুরামের জন্ত সকলের সঙ্গে—রাজা মহারাজের সঙ্গে—শরৎচন্দ্র কাঁদিলেন। চাপিতে পারিলেন না। খালি যোগীন-মার বেলা, নিজে “পূর্ণমিদং”—বেদমন্ত্র শিয়রে শুনাইলেন। চোখে সকলের সাম্নে ঠিক সেই সময় জল পড়িতে দেখা যায় নাই, তবে একটু পরে দেখিলাম, গায়ের সাদা পাঞ্জাবিটির বুকপকেট হইতে রুমালখানি বাহির করিয়া, বারবার, ঘন ঘন মুখ মুছিতেছেন। তিনি বড় চাপা ছেলে ছিলেন।

মোট কথায় আছে, “জপতপ কর কি? ম’রতে জানলে হয়।” রামকৃষ্ণ-বিবেকানন্দের জীবনালোকে আলোকিত কয়েকটি জীবনের

তিরোভাবের কথা কহিলাম। লোভনীয় দেহত্যাগ—অনেকগুলিই স্বচক্ষে দেখা।

তুরীয়ানন্দ স্বামীর কাছে কাশীতে, শরৎ মহারাজ আচ্ছাদের সহিত বলছেন,—(সনৎ মহারাজ প্রমুখাৎ)—“দেখ,—মা যে আমাকে অত ভালবাসেন, তা ভাই, আগে বুঝিনি। শেষ অসুখের সময়, একদিন গায়ে খুব জ্বালা হয়েছে। কাপড় ফেলে দিচ্ছেন। ছুটফুট ক’রছেন, আর ব’লছেন—শরৎকে কোলে কোরে নিয়ে, আমি এখুনি পালিয়ে যাব। তাদের কাছে আর থাকবো না। (অর্থাৎ, উদ্বোধনে ঠাকুর ঘরে) তবে শরৎ যদি আপনি নিজে খাইয়ে দেয়, থাকো। তাদের কারুর হাতে নয়।”

এইদিন শরৎমহারাজ জীবনে বোধ হয় প্রথম, মাকে নিজ হাতে খাইয়ে ছিলেন। আর তাঁর থপথপে ঠাণ্ডা বুক পিঠে হাত বুলিয়ে, মা তাঁর জ্বালাময়ী তনু শান্ত করেছিলেন।

কিন্তু, একটি কথা এখানে বলি, বুঝবেন শরৎচন্দ্র—কি দুর্লভ সংঘর্ষী ছিলেন, কি মানসিক তন্তুতে গঠিত ছিলেন। বুঝবেন রামকৃষ্ণ বিবেকানন্দ-আদর্শ সেবীর কিরূপ হওয়া উচিত। বৈদিক প্রার্থনায় আছে—হে পরব্রহ্মন্, আমার চক্ষু যেন, তোমার রূপার সায়েস্তা থাকে। যথা তথা অসংযত ভাবে না তাকায়। মা—ঠাকুরের আমলের মহারাজদের সামনে ঘোমটা দিতেন। যেই খবর দিলুম, মা, মহারাজ (শরৎ) প্রণাম কন্তে আসবেন কি? বল্লেন—খাটের ওপর বসে, হাঁটু বুলিয়ে—“হাঁ বাবা, ডাকো। ও নলিন (তাঁর ভাইঝি) চাদরটা দেতো, মা।” কাপড়ের উপর চাদর চড়াইয়া ঘোমটা দিলেন। মা-টি যেন তখন পাড়া-গেয়ে বউমা-টি। শরৎ মহারাজ মিনিট পাঁচ ধরে, পায়ে মাথা দিয়ে প্রণাম কল্লেন। সে কি দীর্ঘ শ্রদ্ধা নিবেদন! হৃদয়ের সহিত জীবন্ত প্রতিমার পূজা। মাটির দিকে চেয়ে, রাধু প্রমুখ মার সাজোপাজদের সব খুঁটী-

নাটী সংবাদ নিলেন।—কার জন্যে কাপড় কিনতে হবে, কার জন্ম ডাক্তার আনাতে হবে। ইত্যাদি। আর মা আলতো আলতোভাবে আস্তে আস্তে সব কথার, ছএক কথার, সাঁটে সাঁটে, জবাব দিলেন। আবার পিছু হটিয়া বিরাট বপু সারদানন্দের ঠাকুর ঘর হতে বহির্গমন। সঙ্গে সঙ্গে আর ঘোমটা সরে গেল। আমরা সব একে একে গড় করতে লাগলুম। এমনতর রোজ।

লাটু মহারাজ এবং বুড়ো গোপাল দা, মার এই নিয়মের ব্যতিক্রমস্থল ছিলেন। দক্ষিণেশ্বর গগনে শ্রীরামকৃষ্ণ সকাশে লাটু, দত্তের চাকর হইয়া, ছোট হইয়া, জগদম্বার ইঙ্গিতে আসিয়া দেখা দিয়াছিলেন—উদয় হইয়া ছিলেন। প্রভু তাঁহাকে দেখিয়া, তাঁহাকে চিনিয়া, আশীর্বাদের দ্বারা তাঁহাকে বিশ্বে বড় বানাইয়া গিয়াছেন। শ্রীশ্রীঠাকুরের অঙ্গসেবা, গাডু গামছা বহার অবাধ অধিকার শ্রীমৎ লাটুর ছিল। মা—বলরাম বাবুর বাটীতে থাকিবার সময় নিজে খাওয়া শেষ হইলে, একবাটী দুধ ভাত হাতে করিয়া নীচের তলা হইতে লাটুকে ডাকাইয়া বলিতেন, এই নাও নাটু, খাও।—নিজহাতে দেওয়া মার নিজের প্রসাদ!

একদিন শরত মহারাজকে জিজ্ঞাসা করিলাম, মার যে ছবি পূজা হয়, ও মূর্তিতে তাঁকে তো আমরা দর্শন করি নি! ইদানীং এর মূর্তিই (আমরা ১৯০৯ খ্রীশ্রীম্বার যখন ৫৮ বৎসর বয়স তখন হইতে) আমাদের মনে আঁকা আছে। কোন্ মূর্তি চিন্তা করতে হয়?

তিনি বল্লেন, তোরা যা দেখেছিস, তাই ভাববি। আমার কিন্তু ভাগ্যে একদিন ঐ আগেকার মূর্তি দর্শন হয়েছিল। সেটা সম্পূর্ণ অঘটন-ঘটন। সেন্ট জেভিয়ার কলেজ থেকে বৃহস্পতিবার বৃহস্পতিবার দক্ষিণেশ্বর যেতুম। একদিন আচম্বিতে (ঠাকুরের দেহ থাকিতে, মার ফটো তুলিতে দেওয়া হয় নাই)—দেখি, ঠাকুরের ঘরে, ঠাকুরকে ভাতের থালা ধরে দিতে এসেছেন—মা। নবৎ থেকে : (সিঁথের সিঁছর। পরণে কস্তাপেড়ে

লাল শাড়ী)—তখন সচরাচর কারুর ভাগ্যে তাঁকে দেখা ঘটতো না। আমার সেই এক দেখাই, মনে মনে আছে। তাই—ভাবি।

শরচ্চন্দ্র একদিন বলেছিলেন, জাম্বুক বা না জাম্বুক, যে একবার মাকে দেখেছে, তার হয়ে গেছে। ঠাকুর ও মা, এক। তোমরা মাকে দেখেছো, তাঁর করুণা পেয়েছ। ঠাকুরকে দেখা হয়ে গেছে। পত্রে একজনকে বলছেন; তুমি মাকে গুরুরূপেই পেয়েছো। এখনও তাঁহাকে জগদম্বারূপে দেখো নাই। তাঁর রূপায় একদিন দেখিবে। স্বামী ব্রহ্মানন্দ, তাঁহার একটি বালককে একদিন বলিয়াছিলেন,—মাকে দর্শন ক’রে আয়। তাঁকে দেখলেই ঠাকুরকে দেখা হবে। মার জীবদ্দশায়, মার সম্বন্ধে নরেন্দ্র লিখিয়াছিলেন,—“মা ঠাকুরাণী যে কি বস্তু, তা আজও বুঝতে পারিনি; এখনও কেউ পারবে না; ক্রমে ক্রমে পারবে……মা ঠাকুরাণী ভারতে পুনরায় সেই মহাশক্তি জাগাতে এসেছেন; তাঁকে অবলম্বন কোরে আবার সব গাঙ্গী, মৈত্রেয়ী জগতে জন্মাবে।” ১৮৯৫এ লেখা পত্র। নিছক যুক্তিবাদী এই অবতারণতত্ত্বে যুক্তি দেখিতে পাইবেন না। তবে যুক্তির আবার স্ফুট আছে। মোটা বিচার আছে। অধ্যাত্মজগতের যুক্তি,—আলাদা জগতের যুক্তি। তাহা মোটেই অযৌক্তিক নহে। তাহাই স্ফুটযুক্তি। গভীর যুক্তি—ঠিক যুক্তি। তবে, অধ্যাত্ম জগতের যুক্তি রুখিতে হইলে দেহযন্ত্রকে সংযম ব্রহ্মচর্যা পবিত্রতা ও গুরুবল সহায়ে অধিকারী, তৈয়ারী করিয়া লইতে হয়। গুরু অবশ্য ব্রহ্মজ্ঞ হওয়া চাই। ঠাকুরের কথা বলিতে গিয়া বিবেকানন্দ মহারাজ বলিয়াছেন—অধ্যাত্ম-শক্তির দুর্বলভদান, জড় দ্রব্যের মতো, দেওয়া যায়। যদিও যখন যারা পায়, তখন হয়ত সবাই তারা, সে দানের দেয়ত্বটা টের পায় না। Although they who receive it, are not conscious of the gift. ‘কিছু পেলেম’ বোধ হয় না।

সীতা হারাইয়া গেলে লক্ষণ বলিয়াছিলেন, “সীতা দেবীর পারে

যে যে অলঙ্কার ছিল, সেগুলি আমার জানা আছে। অত্ন কোন্ অঙ্গে কি কি ছিল, জানি না।”

মা লজ্জা করিতেন বলিয়া, শরচ্চন্দ্র তাঁর সেবাভার লইয়াও, তাঁর মুখের দিকে দীর্ঘকাল, এমন কি, দূর হইতেও কোনও দিন তাকান্ নাই। শেষ পীড়ার পূর্বোন্নিখিত ঘটনার দিন নিশ্চয়ই না—বুক ঠুকিয়া বলিতে পারি। শরচ্চন্দ্রকে জীবনে কোনদিন মিথ্যা বলিতে শুনি নাই। ভাবিলাম, লক্ষণ সত্য। কারণ—শরচ্চন্দ্র সত্য। বেশী কিছু মাকে নিবেদন ক’রবার দরকার হ’লে, যোগীন-মাকে দিয়ে বা অত্ন সেবিকাকে দিয়ে ব’লে পাঠাতেন।

একবার অধিকানন্দ স্বামী রামকৃষ্ণ-বিলীনা মাকে—স্বপ্নে মা রামকৃষ্ণপুরে ব’ল্ছেন,—“বউমা, গুল্ খাবো। তোয়ের ক’রে শরন্তের ওখানে, দিয়ে এস।” (তখন, মা স্থূল নাই।)

সারদানন্দ স্বামী বৃত্তান্ত শুনিয়া, অভিমান ও আনন্দের সহিত বলিলেন,—“বেটী ও-কথা আমাদের জানাতে পারলেন না!”

বাকুড়ার একজন শ্রীরামকৃষ্ণভক্ত একটি সভায় একদিন সর্বসমক্ষে সুন্দর বর্ণন কর’লেন,—এবার !নারায়ণ শ্রীরামকৃষ্ণ। নর বা নরোত্তম—নরশ্রেষ্ঠ শ্রীনরেন্দ্র। দেবী সরস্বতী—মা সারদা। শ্রীরামকৃষ্ণ বলিয়াছেন,—“ও সরস্বতীর অংশ,—মহা বুদ্ধিমতী।” জ্ঞানদায়িনী, সার-দায়িনী—মা সারদা। তাহার পর ব্যাসদেব—স্বামী সারদানন্দ। প্রভুর লীলাপ্রসঙ্গ যিনি জগতকে শুনাইয়াছেন। এই সকল মহান্ আত্মার মৃত্যু নাই। বারে বারে প্রভু ভগবান্ লীলায় এই সব সাক্ষোপাক্ষ লইয়া আসেন। চারকাল আসেন, ঘুরিয়া ফিরিয়া আসেন।

*

*

*

*

একদিন সন্ধ্যায় পীড়িত প্রেমানন্দ দোতলার ঘরে একখানি চৌকীতে শুইয়া আছেন। ঠাকুরের কথা বলিতে বলিতে, তিনি সুস্থ অবস্থাতেও

লাল হইয়া যাইতেন ; তাঁহার স্বভাব—সুন্দর ভাবপ্রবণতা আরও প্রকট হইত। শুইয়া শুইয়া, করজোড়ে ঠাকুরের দেওয়ালে টাঙ্গানো ছবির দিকে চেয়ে চেয়ে, বলছেন গুণিলাম,—“ওরে হতভাগারা, আমাদের কি সাধ্য, আমরা কি নিজের চেষ্টায় সাধু হোয়েছি ? তিনি কৃপা ক’রে এনেছিলেন। এবং কৃপা কোরে রেখেছিলেন ব’লে—হ’তে, থাকতে পেরেছি।” জিব শুকাইয়া আসিল। হাঁপাইতে হাঁপাইতে ভাবটি সেবক বালকদের মনে গাঁথিয়া দিবার জন্ত পুনঃ পুনঃ বলিলেন—“কৃপা, কৃপা, কৃপা ! ওরে বেটাছেলেরা, আবার বলছি, কৃপা ! কৃপা ! কৃপা ! পরীক্ষার ভয়ে ঠাকুরের কাছে বাড়ী থেকে পালিয়ে আসি। এখন দেখছি, জীবনে প্রভু, প্রতি পদে পদে পরীক্ষা করেছেন। আর প্রতি পদে পদে প্রভুই রক্ষা ক’রছেন।”

ভাবলাম, ইনি রিপূর অধীশ। রামকৃষ্ণদেব নিজমুখে বোলেছেন। তথাপি ইনিও এই কথা ব’লছেন ! আরও—ইনি আকুমার সন্ন্যাসী। গোলাপ-মা যোগীন-মা সংসারকরা শ্রীরামকৃষ্ণের মহিলা ভক্ত। ইনি তাঁহাদের পায়ে সাষ্টাঙ্গ হইয়া পড়িয়া যাইতেছেন,—বলরাম বাবুর বাটীতে দেখিয়াছি। জোড়হাতে ব’লছেন, ঠাকুরের পাদপদ্মে যেন ভক্তি হয়। শায়ের! তাঁকে প্রতি-নমস্কার ক’রছেন ও ব’লছেন, “ও কি গো, বাবুরাম, তুমি বাপু অমনতর কোরো না। আমাদের অপরাধ হবে।” বাবুরামের দেহান্ত হলে, তাঁর এষ্টেটের ভিতর খান দুই চার গেকুয়া বসন, বুদ্ধি একটি তুলার জামা ও একখানি আলোয়ান বাহির হইয়াছিল মাত্র।

বিনয়ের জীবন্ত মূর্তি ! অপরূপ সুন্দর স্তূঠাম তনু, গায়ের রঙের সঙ্গে গৈরিক বসনের সোণালী লাল মিলাইয়া গিয়াছে। হাতের চেটো ছুটি—গোলাপী লাল। পা দুটি যেন স্বয়ং প্রকৃতিদেবী কর্তৃক আলতায় রাস্তানো। সাধারণ বাঙ্গালী মেয়েদের মত বেঁটে। তামার থালা হাতে কোরে, ঠাকুর পূজোর পর ফুল পাতা চন্দন লইয়া গঙ্গায় গঙ্গাপূজা করিবার জন্ত—ঐগুলি ভাসাবার জন্ত বেলুড মঠের ঘাটের সিঁড়ি বেয়ে নামছেন।

মনে হচ্ছে, যেন স্বয়ং মা গৌরী!—ধরায় শিবের লীলা দেখতে নেমেছেন! দেবভোগ্য দৃশ্য। বাবুরাম মহারাজের অনন্ত কৃপায়—তাহা দেখিয়া—তঁাহাকে দেখিয়া মশ্গুল হইয়াছি।

আমাদের মনে হয়, শ্রী প্রেমানন্দের রূপ ও গুণের অনুধ্যান করিলে, আমাদের শরীরে কাম-রিপু মাথা তুলিতে পারিবে না। একটি পুরাতন মন্তকে আমরা রূপান্তরিত করিয়াছিলাম—প্রেমানন্দের পুত্ৰ অনুস্মরণে, “যত্র যত্র রামকৃষ্ণকীর্তনম্। তত্র তত্র কৃতমস্তকাজ্জলিম্॥ বাম্পবারি-পরিপূর্ণ লোচনম্। বাবুরামম্ নমত কামান্তকং॥”

বাবুরাম মহারাজের ভালবাসার কথা বলিতে বলিতে, রামকৃষ্ণপুরের বৃদ্ধ রামলাল ডাক্তার বাবুকে, ভুবনেশ্বর শ্রীরামকৃষ্ণ মঠের লম্বা বেঞ্চের উপর বসিয়া, ঝর ঝর করিয়া বালকের মত, কাঁদিয়া আকুল হইতে একদিন স্বচক্ষে দেখিয়াছি।

আবার রসিকও ছিলেন খুব। উদ্বোধনে একদিন পরামর্শের জন্য, কোন গুরুতর সাংসারিক বিষয় সবিশেষ তাঁহার কাছে যোগীন-মা বর্ণন কর'লেন। তাঁর মন তখন ঈশ্বরীয় ভাবে ভরেছে, কাণ কোন কথা নিচ্ছে না! শেষে যোগীন-মা থেমে, সব কথা শেষ ক'রে ব'ল'ছেন, “এখন তুমি কি যুক্তি দাও বল, বাবা?”

তিনি ব'ল'লেন, হাসতে হাসতে এবং করে জপ ক'রতে ক'রতে, “কি, আর ব'ল'ব, যোগীন-মা, হরি-হরি বলুন?”

*

*

*

*

কাকু বন্দো, কাকু নিন্দো? তুরীয়ানন্দ আর একটি শ্রীরামকৃষ্ণের চুলভ কীর্তি। অত জ্ঞানী—অত তপস্বী। ললিত মহারাজ ব'ল'লেন,—ভাগবত সব শোনালুম, শেষে বালকের মত লাফিয়ে উঠে ব'ল'ছেন—ও সব কিছুই নয়, দশম স্কন্ধ যা শোনালে। ভগবানের লীলা,—ওর আর তুলনা নাই। এ না হ'লে আশা মিটে না।”

তুরীয়ানন্দ মহারাজ দেহবোধ জয় করিয়াছিলেন। ক্লোরোফর্মে বেঁহশ না হইয়া, দেহ হইতে সহজভাবে মন উঠাইয়া লইলেন। পুরীতে দেহ ডাক্তারদের হাতে যেমনতর ইচ্ছা, কাদার তালের মত নাড়াচাড়া ক'রবার জন্ত ছাড়িয়া দিলেন। ভীষণ কার্কস্কল ক্ষত। ডাক্তাররা -সুগভীর ক্ষতে হাত পুরিয়া ড্রেস করিলেন! যেন কার গা—ত' কার গা! ধীর সহনশীল শরচ্ছত্র ভয়ে জড়সড়, জোড় হাত,—ঠাকুরের নিকট প্রার্থনারত। সামনে দাঁড়াইয়া, দেখিয়া, বিশ্বয়ে অবাক। প্রভুর লীলা-প্রসঙ্গের এও একদিক—তুরীয়ানন্দ এক বিশেষ দিক। তুরীয়ানন্দ সহাস্যে বল্লেন,—(ডাক্তার কাঞ্জিলালকে)—“কি কাঞ্জিলাল, বুকে কি বাবা, ভৃগুপদ-চিহ্ন ক'রে দিলে!”

এই সব দেখে শুনে একজন পুরাতন বাঙ্গালী এল-আর-সি পি, লগুনে শিক্ষাপ্রাপ্ত—ডাক্তার, এস, বি, মিত্র অধ্যাত্মজগতের অস্তিত্বে বিশ্বাসবান হবেন—তাহা আর বিচিত্র কি?

যতদূর জানা আছে, তুরীয়ানন্দ বড় একটা দীক্ষা দেন নাই। কাশীতে একদিন একটি সেবককে বল্ছেন—“তুমি তো ভারি বোক। বুঝতে পারছো না, এই সব লোক—যারা এখানে আসে—তাদের, আমাকে—দিতে হচ্ছে।” অর্থ—স্বল্প অধ্যাত্মশক্তি তাহাদের কল্যাণকল্পে দান করতে হচ্ছে। শাস্ত্রানন্দকে তুরীয়ানন্দ বলিয়াছিলেন, “জগৎকে আমার যা দেবার, আমার চিঠির মধোই তা দিয়েছি।”

অবিশ্বাসের ভিতর দিয়া সবাইকেই অধ্যাত্মপথে ভ্রমণ করিতে হয়। আবার—বাস্তবিকই চোখের সামনে দেখিয়া—প্রথম বিশ্বাস হইল, অধ্যাত্মসাধন সত্য। দক্ষিণেশ্বরে মুহুমূহুঃ ভাবপ্তিমিত দেহবোধ-তিরোহিত শ্রীরামকৃষ্ণকে সাক্ষাৎ দেখিলাম। সংসারে ভ্রমণ করিতে করিতে নানা ঘাত প্রতিঘাতে ঐ দেখা—বিস্মৃত হইতে হয়। স্বামী তুরীয়ানন্দের গ্নায় অসামান্য একনিষ্ঠ সিদ্ধসাধক। ঈহাকে পাকা অবস্থায় একবার দর্শন

করিলেই বোধ হইত, ভদ্রলোক বুকে করিয়া অধ্যাত্মআগুন বহিয়া চলিয়াছেন। একদিন সেই অগ্নির রক্তরাগের স্নন্দর রক্তিম আভাষ তাঁহার শ্রীমুখমণ্ডল আলোকিত—উদ্দীপিত দেখিয়া জীবন-যৌবন ধত্ত হইয়াছে। নরেন্দ্রনাথ সত্যই বলিয়াছেন—“তু-ভায়া বাল-ব্রহ্মচারী। জলরিব ব্রহ্মতেজসা। ছিলেন নমো ব্রহ্মণে। হয়েছেন—নমো নারায়ণায়।” তাঁহারও বলিলেন, মার্কিনে কিছুদিন নাস্তিক জড়বাদী সাহিত্য পড়িতে পড়িতে বাংলায় প্রকট যুগেশ্বর শ্রীরামকৃষ্ণের অবতারত্বের উপর ভীষণ সন্দেহজাল মনকে জড়াইয়া ধরিল। “কিছুদিন সব পড়া বন্ধ করিলাম। বেশী করিয়া অন্তর্মুখ হইলাম। ক্রমে মেঘ কাটিয়া গেল। তিনিই বুঝাইয়া দিলেন।”

হৃদয়গহ্বর হইতে সাধনাপ্রসূত যে আলোকধারা সমুথিত হয় তাহা সব গ্রন্থের গ্রন্থিৎ কাটাইয়া দেয়। বিজ্ঞানময় কোষের পরের স্তরে—ভুরীয়েরও পারে লইয়া যাইয়া, জীবকে সমাহিত করাইয়া ধত্ত করে। কৃতকৃতার্থ করে।

হরি মহারাজ কলিকাতা বাগবাজার বসুপাড়া নিবাসী পরম নিষ্ঠাবান ব্রাহ্মণ—চট্টোপাধ্যায়দের ঘর আলো কোরে এক পরম শুভক্ষণে জন্ম পরিগ্রহ করিয়াছিলেন। বাংলার নাট্যসাহিত্যের রাজা, নটগুরু—অসামান্য প্রতিভার আগার—শ্রীরামকৃষ্ণ ভগবানের অশেষ রূপাসিদ্ধ গিরিশচন্দ্রের বাটীর সম্মুখেই এই—চাটুয্যোদের বাড়ী। হরির মা হরির ছেলে বেলায় স্বর্গারোহণ করেন। তখন কলিকাতার এই অঞ্চল পাড়া গাঁ—পাড়া গাঁ গোছের ছিল। বিকাল ঘনাইয়া আসিলে শৃগাল ডাকিত। একদিন দাওয়ায় হরি শৈশবক্ৰীড়ারত। হঠাৎ সেই কালবেলায় একটি শেয়াল তাহাকে কামড়াইতে আসিল। মা কড়া নিয়ে রান্নাঘরের ভিতর রাঁধছিলেন। উর্দ্ধ্বাসে ছুটে এসে, প্রাণের হরিকে বুকে করলেন। শেয়াল ছাড়িল না। প্রসূতিকে কাল-কামড় দিয়া চলিয়া গেল। ঘায়ের এই

ফলে মা মারা গেলেন। হরি বলতেন, সত্য সত্য মা আমার প্রাণ দিয়েছিলেন। নিজের প্রাণের বিনিময়ে।

কৈশোর হইতে হরি পরম আচারী—নৈষ্ঠিক ব্যক্তি ছিলেন। বউ দিদিদের হাতেও খেতেন না। স্বপাক—পঞ্চগ্রাস হবিষ্যাস। পঞ্চভূতের আহুতি। তখন তাঁহার লম্বা লম্বা চুল মাথায় ছিল।

জেনারেল এসেমব্লীতে, স্বামীজীর কলেজের, স্কুল বিভাগে ফাষ্ট ক্লাস পর্যা্যন্ত পড়লেন। পাদরী সাহেবদের বাইবেল ক্লাস খুব ভাল লাগতো। ঈশার লীলা আশ্বাদন করিয়া ধন্ত হইতেন। শুভকালে মনে বৈরাগ্যোদয় হইল। বুঝিলেন, যার যটা পাশ। তার তটা, পাশ। মনকে বললেন, কাজ নেই মন, লেখা পড়ায়। গৌরপদে তিনি গিয়া পড়িলেন। বুঝিলেন—নরেন্দ্র বিবেকানন্দ বুঝাইলেন—গদাধরই গৌর। নদের নিমাই কামারপুকুর আলো ক’রে, কলিকাতার উপকণ্ঠে রাসমণির রমণীয় কালীবাটীতেই এবার কালীনামে মাতিয়াছেন। গৌর—নববেশে নূতন লীলারত। দীন্তবোসের বাটী, বলরাম বোসের বাটী, বিশ্বাসী ভাব-ভৈরব নটরাজের আঙিনায়, ভগবান রামকৃষ্ণকে দেখেছেন—বোস পাড়াময় কলিকাতার বাগবাজার পল্লীটি একহিসাবে রামকৃষ্ণময়। বাগবাজারের প্রতি রেণুকণা—রামকৃষ্ণ-বিবেকানন্দ সাধক-সাধিকার তীর্থ—পরম তীর্থ।

হরির মেজ দাদা স্বর্গীয় ডাক্তার উপেনবাবু (যাঁর ডিসপেনসারীতে লাটু মহারাজ একবার অস্ত্রোপচার করান) আমাদের বল্লেন—বাবার বুড়ো বয়সের ছেলে—হরি। গঙ্গাযাত্রায় যাবেন। তাঁকে মায়াবদ্ধ করবার জন্ত, ছোট ছেলের দোহাই পাড়িয়া, আমাদের বাড়ীর কে যেন তখন বল্লেন,—বাবা, হরি ছোট। হরিকে ছেড়ে কোথা যাবেন, বাবা? হরির জন্ত আপনার মন কেমন কর্চে না? হরিকে কার হাতে দিয়ে যাচ্ছেন? হরি যে মাতৃহীন। মহাপুরুষের মহান্ পিতৃদেবতা বল্লেন—“বাবা, হরিকে আর কার কাছে দিয়ে যাবো? হরি জগতের। আর জগৎ—হরির।”

উত্তর কালের ‘হরি মহারাজ’ দেখিয়া ভাবিতেছি, বাবার শেষ কথায় ফুলচন্দন পড়িয়াছে। বর্ষে বর্ষে শ্রীরামকৃষ্ণ করুণা করিয়া উহা সার্থক করিয়াছেন। হরি জগতের—জগৎ হরির। বাস্তবিকই সত্য সত্য—হরি জগতের—জগৎ হরির। হুনিয়া শ্রীহরি—শ্রীতুরীয়ানন্দের পদতলে। তাঁর শেষ সময়ের কথা—অপূর্ব ও বিচিত্র। সেবক সনৎকে সমস্ত ব্যাণ্ডেজ খুলিয়া দিতে বললেন। গলিত ক্ষতের যাতনা পরিহার করিয়া, শ্রীহরি তপস্বী দধীচীর গ্রায় অকুতোভয়ে, “সত্যং জ্ঞানং আনন্দং অনন্তং ব্রহ্ম”—“জয় গুরু, জয় রামকৃষ্ণ”—বলিতে বলিতে নশ্বরত্ব বিমুক্ত হইয়া স্বরূপলীন হইলেন। শোকাতুর মুহমান্ ভক্তগণকে চৈতন্যদান করিয়া, উদ্দীপিত করিয়া, প্রণবরূপ ধনুতে, ইন্দ্রিয়াদি শর সংযোজন করিয়া, অপ্রমত্ত সুরসৈনিক—ব্রহ্মবস্তুরূপে অমোঘরূপে বিধিলেন। রামকৃষ্ণের কৃপায় উপনিষদ, চক্ষুর সমক্ষে অক্ষরে অক্ষরে সত্য হইল, প্রতিফলিত হইল। জ্ঞানমূর্ত্তি গুরু তুরীয়ানন্দ সকলকে চমকিত করিলেন। যোগ্যের, যোগী-শ্রের স্মরণ—জীবন-যবনিকাপাত।

*

*

*

* *

আত্মলীন আত্মানন্দ মহারাজ এক সময়ে উদ্বোধনে ঠাকুর পূজা করতেন। তিনি মার ও স্বামীজীর কৃপাপ্রাপ্ত। প্রেমানন্দ মহারাজ ইহাকে ‘শুকুল মশাই’ বলতেন। তখন তাঁর শরীর নিটোল ছিল। রোগ স্পর্শ করে নাই। দুধের মত সাদা রঙ! গেকরয়া বসন। সাধনার এবং বস্ত্র-লাভের চিহ্ন চোখে মুখে ফুটিয়া উঠিতেছে। নিস্পন্দভাবে ধ্যানলীন হইতে কতদিন দেখিয়াছি। স্বাবলম্বী সর্বদাই। আর স্বল্পভাবী। বাজে কথা, আড্ডা—একেবারে বর্জন। হজুগে—মোটাই ছিলেন না।

একবার বেলুড়ে মহোৎসব। শরত মহারাজ সবাইকে জাহাজের ক্রী পাশ একখানি, একখানি দিচ্ছেন। কে উদ্বোধনে বাড়ী আগলে থাকবে? শুকুল মহারাজ বলেন, অতি শান্তভাবে, আমি আছি।

শরত মহারাজের নীচে বসবার ছোট ঘরে শুকুল মশাই বসিয়া তাঁর সঙ্গে কথাবার্তা বলিতেছেন। অতীত হওয়াতে শুকুল মশায়ের পাদুকা শরত মহারাজের দরজার চৌকাঠে—চোখের সামনে রহিয়াছে। কটু দেখাইতেছে। ছোট ঘরে অনেকগুলি লোক গিস্ গিস্ করিতেছে। শুকুল মশায়ের নড়িবার উপায় নাই। একটি বালককে বলছেন, ওহে, জুতোটা পায়ে কোরে সরিয়ে দাও তো। বালক সহজভাবে হাতে করিয়া সরাইয়া দিলেন। শরত মহারাজ মাঝে মাঝে তাঁহার জীবনের সেই গম্ভীর যুগেও (তখন তিনি অধিকন্তু দাড়ি রাখিতেন—দেখিয়া বাহির হইতে ভয় হইত) বালকদের সঙ্গে বেশ হাসাহাসি করিতেন। তিনি বালককে মজা দেখিবার জন্য বলিলেন, তোমার এ কোন্ দেশী কাজ?—(যেন কিছু অন্যায় হয়েছে) উনি তোমাকে পায়ে কোরে সরাতে বললেন। আর তুমি কিনা, হাতে কোরে সরালে! বালক কথা শুনিয়া গোড়াইয়া—অতো লোকের সামনে, একটু ঘাবড়াইয়া গেল—অপ্রতিভ হইল। পরে—বুঝিল। ঐ কথার কোন উত্তর দিল না। বুঝিল, তাহার কোন অপরাধ হয় নাই। শুকুল মহারাজের সহিত সকলেই হাসিলেন।

*

*

*

*

আর ঘন ঘন মনে পড়িতেছে—দেবব্রত প্রজ্ঞানন্দকে। কর্মভূমে থাকিয়াও যোগী, প্রজ্ঞানন্দকে। তাঁহার ভিতর একটা যোগজ স্তব্ধতা ও তুষ্ণীস্তাব সর্বদা দেখিতাম। নাক মুখ টিপিয়া কে কি বলবে, ভেবে—কৃত্রিমভাবে আমরা যে গুরুগম্ভীর হইতে চেষ্টা করি—সে অভিনয়কারী গাম্ভীর্য্য নহে। তিনি পূর্বজীবনে দেশের একজন নামকরা কর্মী ছিলেন। কলিকাতা ষ্টার লেনের বালক। স্বামী সারদানন্দের পর ওরূপ Balanced Mind স্থিতিধী ব্যক্তি কমই দেখিয়াছি। এখন যতই তাঁর কথা ভাবিতেছি মনে হইতেছে, ভিতরে অধ্যাত্মবস্তু কিছু লাভ না হইলে দেবব্রত—দেবব্রত হইতেন না। রামকৃষ্ণ মিশনের যখন তিনি মায়াবতী কেন্দ্রের অধীশ,

তখন উদ্বোধনে তাঁহা অপেক্ষা গুণে—শতগুণে নিকৃষ্ট একব্যক্তি একদিন কাজের ব্যাপারে দেবব্রত মহারাজের বুদ্ধিগুণি মোটেই নাই, স্পষ্ট বলছিলেন। দেবব্রত কিন্তু চুপ্ করিয়া চমৎকার Saradananda-like দোতলার সারদানন্দ নামক মোটা বালকটির মত—সব হজম করিলেন। তাঁহার স্বাস্থ্য খুব শক্ত ছিল। প্রভূত শাস্ত্র জ্ঞান ছিল। পবিত্রতা প্রভূত ছিল। ধ্যান ধারণা ছিল। বৃকে অনন্ত সাহস ছিল। গান বাজনা অল্প স্বল্প জানতেন। হোমিওপ্যাথি পড়তেন। কথাবার্তা চমৎকার কইতেন। ছেলে বুড়ো সকলের সঙ্গে সমানভাবে মিশতে পারতেন। খালি, দাঁড়িয়ে বলতে পারতেন না।

প্রথম যোগ দিবার পর (যদি দর্প কিছু থেকে থাকে—তা চূর্ণ করবার জ্ঞান) শ্রীরামকৃষ্ণের কোন সন্ন্যাসী তনয় কিছু কালের জ্ঞান গুনিয়াছি নিত্যকর্মরূপে ব্রহ্মচারী দেবব্রতকে বেলুড়মঠে স্বামীজীর ঘরের বারাণ্ডা, সিঁড়ি ইত্যাদি পুঁছতে আদেশ দেন। আত্মসমর্পিত-তনু-মন দেবব্রত তাহাই করিতেন। বাবুরাম মহারাজ বলিতেন, গোড়া থেকে এসেই একেবারে চেয়ারে বসা ভাল নয়। অহঙ্কার আসার সম্ভাবনা। দেবব্রত আট বৎসর সন্ন্যাসীসঙ্গে রহিলেন। ত্রিশে আসেন।

স্বামী সারদানন্দ কলিকাতা ছাড়িয়া মার দেশে গিয়াছেন। নিদাঘের এক তপ্ত রাতে ঠাকুরের ভক্তবৃন্দ দেবব্রতের শিব শরীর বহন করিয়া কলিকাতা শ্মশানেশ্বরের শ্মশান চুল্লীতে চাপাইয়া কাঠে আগুন জ্বালাইয়া দিলেন। হঠাৎ হৃদয়স্তরের ক্রিয়া বন্ধ হইল। মাত্র শেষ একদিন তাঁহাকে “আ—উ” করিতে শুনা গিয়াছিল! প্রায় ৩৮ বৎসর বয়সে, বৈশাখের সাত তারিখে শনিবার রাত্র ৮টায় (১৩২৫) শ্রীরামকৃষ্ণভক্তমণ্ডলী দেবব্রতকে অকালে হারাইলেন। দাহ-ক্রিয়া শেষ করিয়া ফিরিতে ফিরিতে একটি ছোকরার চোখে অবিরল জল ঝরিতে লাগিল। আদর্শ সংঘর্ষের যুগে রামকৃষ্ণ বিবেকানন্দের আদর্শ, বাঙ্গালীকে, ভারতবাসীকে,

জগৎজনকে তেমন পারঙ্গমভাবে আর কি কেহ বুঝাইতে পারিবেন ?
ঐ যুবক দেহধী। শ্রীরামকৃষ্ণের ইচ্ছা বুঝিবার ক্ষমতা এখনও তাহার হয় নাই।

প্রজ্ঞান মহারাজ সহজে তাতিতেন না। ছেলে যুবা বৃদ্ধ—সকল মনের
অভাব মিটাতে পারতেন। রামকৃষ্ণ বিবেকানন্দের আদর্শধারার
উত্তরাধিকারী নিখিল বিশ্বের নরনারী! আপনাদের অতি সংক্ষেপে দেব-
ব্রতের কথা বলিলাম। শুনাইলাম। ইহার অনুধ্যান করিবেন। মনে বল
পাইবেন। হৃদয়ে সাহস আসিবে।

* * * * *

আজ সেই সাধুজী বার্কিকোর সীমানায় এসে পৌছেছেন। (বাংলা
মূলক ফ্রান্স নয়। ফ্রান্সের এক অধ্যাপককে বলিতে শুনিয়াছিলাম—
পঁয়তাল্লিশ বৎসরের যুবক। ভারতের গড় আয়ু তেইশ।) আজকার
দিনের সেই পাশ্চ একান্ত শ্রান্ত। নাম করবো না। তাঁর জীবন তীর্থ-
যাত্রা প্রায় শেষ। আবার ভগবদ্ভিচ্ছা হইলে আরও ত্রিশ বৎসর গুলিয়া
যাইতে পারে। পথিক যেন মরণের সিংহদ্বার দেখতে পাচ্ছেন। তিনি
স্বামীর সন্তান। বড় একগুঁয়ে। শরীরে অটুট যৌবন বল, সুস্বাস্থ্য
বুকে অনন্ত সাহস ধরে, ঘর ছেড়ে তখনকার দুর্গম গিরি-কান্তার-
নগর অতিক্রম করে, যুবা বয়সেই হিমাচলের পূত আবহাওয়ায় গেল
বিবেকানন্দের—শিবগুরু—সন্ধান—কোল পান। সেদিন স্বামী
ঘোড়ার সওয়ার। ঘোড়া চেপে টগ্ বগ্ করতে করতে পাহাড়ী পথে
বেয়ে মায়াবতী আশ্রমে আসছেন। বিরজানন্দ যুবক হবু সাধুকে হাতে
একটি ছাতা দিয়ে আশ্রম থেকে পাঠিয়েছেন—তাঁর মাথায় ধরে নিয়ে
আসতে। মাথায় যেন রোদ না লাগে। মাটিতে দাঁড়িয়েই যুবক মহাপুরুষের
মাথায় ছাতি ধরতে সচেষ্ট। তৎক্ষণাৎ মুখ চোখে ‘কিন্তু’ ভাব পরিষ্কট
হ’ল। তিনি ঝট করে নেমে পড়লেন। বল্লেন—“থাক্ থাক্” ‘সখেতি
মত্কা’—সহজ বন্ধু ভাব।

তখনকার সেই যুবক একদিন প্রসঙ্গে বলেছেন—স্বামীজীর ব্যক্তি-
স্বাতন্ত্র্য ফুটাইবার জন্তই। তরুণদের দরদী। ছেলেদের গড়ে
উঠবার জন্তে তিনি পূর্ণ স্বাধীনতা আসা দিতেন।

স্বামীজী একপত্রও দেখিতেছি সন্তানকে লিখছেন “আমি চাই
আমার প্রত্যেক সন্তান, আমি যা হতে পেরেছি তার চেয়ে দশ গুণ বড়
হবে।” কি সুন্দর উৎসাহ বাণী! পুত্র পিতাকে পরাজিত করুন—পিতা
এদেশে কামনা করেন।

স্বামী সারদানন্দ একদিন আমাদের বলিয়াছিলেন, “স্বামীজীর কাজ
ছেলেদের ভিতর ও অনেক করেছে। তবে ও কারুর অধীনে কাজ
করতে পারে না।”

*

*

*

*

শ্রীমার শক্তিপ্রাপ্ত সহিষ্ণু তপস্বী পূর্ণানন্দ (ডাক্তার মহারাজ) কয়েক-
মাস পঞ্জাবের অমৃতসহরে কাটাইতেছিলেন। ১৯২০তে মার বিশেষ অসুখ
শুনে উদ্বোধনে চলে এলেন। ইনি এখন রামকৃষ্ণ-বিলীন। কলিকাতা
আহিরী টোলার বালক। স্বামীজীর স্নেহভাজন ঐ টোলার আজীবন
ব্রহ্মচারী নন্দলাল মহারাজের সংস্পর্শে আসেন। নন্দলাল ঐ পাড়ার বহু
যুবকের প্রাণে রামকৃষ্ণ-বিবেকানন্দ প্রীতি-প্রদীপ জ্বালাইবার নিমিত্ত-
স্বরূপ। পূর্ণানন্দের গলা মিষ্টি ছিল। ব্রাহ্মসমাজে মিশিয়াছিলেন—
ব্রাহ্মসমাজের আচার্য্যদের উপদেশ হইতে উপকৃত হইয়াছিলেন। ইনি
শাস্ত্র প্রকৃতির ছিলেন। হিসাবের কাজ জানিতেন। সোণার মেডেল
পাওয়া হোমিও ডাক্তার ছিলেন।

গুরুর ঘরে “গৌকা মাকোক্” থাকিতে হয়, হিন্দী বুলিতে বলে।
পূর্ণানন্দ মার বাড়ীর পাকা সিঁড়ির তলায় মাথার উপর একখানি চাঁদোয়া
খাটাইয়া প্রায় সাড়ে তিন বৎসর পড়িয়াছিলেন। আসনে সিদ্ধ।
জীবনে সব কাজে সুপদ্ধতি, নিয়মবদ্ধভাবে ফুটিয়া উঠিত। বছর চারেক-

সম্ভব ছাদে পর্য্যন্ত উঠিতে দেখি নাই। স্বামী সারদানন্দ অত্যন্ত স্নেহ করতেন। বঙ্গসাহিত্যে তাঁহার বেশ অধিকার ছিল। সারদানন্দ-মহারাজের কথাবার্তা যা শুনতেন রোজ তাহা ডাইরীতে লিখিয়া রাখিতেন। এই ডায়েরীগুলি এখনও পূর্ণানন্দের একজন নৈষ্ঠিক গুণগ্রাহী, বাগবাজার পল্লীর ভদ্রলোকের কাছে সঞ্চিত আছে। স্বাধায়ে তাঁর স্নন্দর অভিরুচি দেখিয়াছি। রাত তিনটেয় উঠে নিত্য জপরত থাকিতেন। নিজের উপর অপরের ঘৃণা উৎপাদিত করিবার জন্ত সাধারণতঃ মিষ্টভাষী হইয়াও কোন কোন সময়ে অনেক ভক্ত, অনেক সাধুর উপর অসাধুচিত কটুবাক্য, কটুব্যবহার প্রয়োগ করিতে দেখিয়াছি। যাতে কেউ তাঁর কাছে না আসে। সময়ে সময়ে ভাবিয়াছিও—আচ্ছা, কটু না বলিয়াও পূর্ণানন্দ মহারাজ তো এরূপ কঠোরত ধারণ করিয়া থাকিতে পারিতেন! ওটা—সাধু তিনি, না করিলেই ভাল হইত।

চৈত্র সংক্রান্তির পুণ্য দিনে শ্রীমার বাটীতে পূর্ণানন্দ তাঁহার প্রিয়, নীচের। ছোট ঘরখানিতে বিদেহ হইলেন। ঠাকুরের ছবি দেওয়াল থেকে নামিয়ে, চোখের সামনে রাখতে ব'ল্লেন। গীতা রোজ শুনতেন। যাবার আগে বল্লেন, “তোমাদের অনেক কষ্ট দিলুম।” পূর্বদিন বলেছিলেন,—“আর শরীর থাকবে না।” রামকৃষ্ণ-ভক্তদের কাঁধে চড়িয়া, পূর্ণানন্দ শ্মশানেশ্বরের শ্মশানে সমাহিত হইলেন। এই মহাশ্মশানে যোগানন্দ স্বামীজীর দেহ, গোপালের মার দেহ, গুপ্তমহারাজের দেহ, গিরিশচন্দ্রের, যোগীনমার মায়ের, বলরামতনয় রামকৃষ্ণ বসুর, দেবব্রতের, চিন্ময়ানন্দের, যোগীনমার, গোলাপমার, দেহ—একে একে রামকৃষ্ণ ভক্তেরা দেব-বৈশ্বানররূপী ভগবান্ শ্রীরাম-কৃষ্ণকে সমর্পণ করিয়া পর পর অনেকবার আঁখির বারি বিসর্জন করিয়াছেন।

সংসাহসী তেজস্বী চিন্ময়ানন্দের দেহ চমৎকার গিয়াছিল। পাকা সিঁড়ি

দিয়া শ্রীমা ‘আহা—আহা’ বলিতে বলিতে নামিতেছেন। শরৎমহারাজ বাড়ীতে আছেন। তাঁর গর্ভধারিণী মাকে জাগাইতে মা সারদা নিষেধ করিয়া দিয়াছিলেন। তিনি পূর্বরাত্রে জাগিয়া সকাল হইতে নিদ্রাভিভূতা। সংসারের মায়াকান্না পাছে চিন্ময়কে জ্যোতির্স্বার্গে—দেবখানে যাইতে না দেয়, পথে বিঘ্ন আনে, জগদম্বা সারদাদেবী তাহাই করুণা করিয়া ঘটাইলেন। এ না হইলে কি, প্রকৃত মায়ের দরদ হইত ?

কু—মহারাজ এখনও আছেন। রাখাবের জঙ্গলে তাঁর অত্যাশ্রিত তপের কথা, টাটানগরে এক ভদ্রলোকের বৈঠকখানায় একজন বলিলেন। উক্ত ভদ্রলোক ব্যবসা ব্যপদেশে ঐ জঙ্গলে যান—তপস্রা দেখিয়া মুগ্ধ হন। বল্লেন—আগে মনে করতুম স্বামীজী কথিত আদর্শের চেলা মানে, বৃষ্টি খালি রিলিফ কাজ, হাতে গ্লোব, ম্যাজিক লঠন, রোগীর সেবা বা আজকাল পাঠশালা। দেখলুম, এও বটে, ও—ও বটে। কারণ, কু—মহারাজ যে একজন সরেস সেবাশ্রমকর্মী ছিলেন, অমুসন্মানে তাহাও শুনিয়াছি”। সাধুমুখে শুনিয়াছি, কু—মহারাজের কয়েকবার জগদম্বার দর্শনও ঘটয়াছে। মানভূমের কয়েকটি ছেলের প্রমুখ্যৎ কু—র জীবন তাহাদের উপর যে খুব প্রভাব বিস্তার করিয়াছে, তাহাও বুঝিয়াছি। শ্রীরামকৃষ্ণ ভক্তমণ্ডলীর কু—এক গৌরব। কু—কে একদিন একজন কিছু উপদেশ দিতে বল্লেন। কু—সরল। বল্লেন—“কিছু ত করবেন না। ঠাকুরের উপদেশ বাজারে কিন্তে পাবেন”। লাটু মহারাজ সুন্দর বলতেন, —“হামি—কি বোলবে? ছাপা হোয়েছে তাঁর উপদেশ। রোপেয়া ফেলো, কিনো, কিতাব পড়ো। কিন্তু, জেনো কেবল তা’তে রামকৃষ্ণকে ‘মার দিয়া’ কোরতে পারবে না,—সাধতে হোবে।”

রামকৃষ্ণ-বিবেকানন্দ একটি খরস্রোতা গঙ্গোত্রী বমুনোত্রীয়া ত্রায় ভাবধারা। এই অমোঘ শক্তিময়ী ধারা কখন কাহাকে কেন যে আকর্ষণ অস্তে, তাহার অন্তর্ভুক্ত করিয়া টানিয়া লইবে,—তাহা ষাঁহার টানে

এসেছেন, তাঁহারাও জানেন না। জানেন, জগদম্বা। কোন্ চিন্তে কখন তিনি তাঁর সোণার সিংহাসন পেতে, আঁতের ঘর আলো ক'রে ব'সবেন, শ্রীরামকৃষ্ণ-বিবেকানন্দ তাহা জানেন। আজ যিনি বিপক্ষ, কাল হয়ত তাঁকে স্বপক্ষ দেখতে পাবো। অনেক আধারে, তাঁরা আশ্রয় হবেন।

সদানন্দ বা শ্রীগুপ্ত মহারাজ আর একজন স্বামীজীর সন্তান। তাত্ত্বিকী দীক্ষা এবং বৈদিক বিরজা হোমাস্তে সন্ন্যাসদীক্ষা—দুইই স্বামীজীর নিকট হতে পাওয়া। তাঁর ছিল—ব্রজের ভাব। জোর জবরদস্ত। বলতেন ‘প্রভু প্রভু’ খালি কি? কৈশোরে তাঁহার দর্শন আমাদের ভাগ্যে জুটয়াছিল। তখন ব্যাধি তাঁহার শরীরকে বিরিয়াছে। দেহে আর পূর্বের সে লাবণ্য নাই। তিনিও বিবেকানন্দের গ্রায়ই কলিকাতার বালক। বাগবাজার বহুপাড়া লেন ৮নং মোকামে তাঁহারই হাতেগড়া বালকবৃন্দ তখন তাঁহার সেবাশুশ্রূষা তত্ত্বাবধান করেন। তখন পরমহংস অবস্থা, এখন মনে হইতেছে। তখন বুকিতাম না মোটেই, তবে ভাল লাগিত। আর পবিত্রহৃদয় বালকের ভাললাগার একদিক দিয়া গভীর অর্থ, থাকিতেও পারে।

নিজের পায়ের উপর দাঁড়াইয়া স্বাধীনভাবে জীবন যাপন করিবার ভাব গুপ্তের কর্মজীবনের গোড়া হইতে দেখা দিয়াছিল। শূনা যায় তিনি বাড়ী থেকে ঝগড়া ক'রে ইউ-পীর জোনপুর সহরে যান। সেখানকার ষ্টেশন মাষ্টার তাঁহাকে প্রথম—রেলের পার্শ্বলের গাঁটে, দাগ মারিবার কাজ দেন। রোজ বিদায়—তিন আনা। “তাই দিয়েই রুটী কাবাব কিনে খেতুম।”

ক্রমে ক্রমে—রеле সংশ্লিষ্ট থাকিয়া তিনি টেলিগ্রাফ শিখেন এবং চাকরী লাইনে উন্নতি করিয়া উচ্চপদ পান। উত্তরকালে সন্ন্যাসী হইবার পরও, অপরকে সাহায্য করিবার বিশেষ প্রয়োজন হইলে, সিমলা পাহাড়ের Carrying Co.তে রেল সংক্রান্ত কাজ কিছুকাল করেন। তাহার পর সহসা কাজ ছাড়িয়া দিলেন যেই শুনিলেন স্বামীজী আমেরিকা

থেকে আসছেন। তখন দক্ষিণে ওয়াল্টেরের পর্য্যন্ত গাড়ী চলিত। তিনি বাকী পথ প্রাণের টানে, স্বামীজীর প্রতি অগাধ ভালবাসার জোরে হাঁটয়া কাবার করিলেন। এবং রামনাদে পৌঁছিয়া বীরেশ্বরের সহিত সংযুক্ত হইয়া ধন্য হইলেন।

স্বামীজী বেলাত মার্কিন থেকে নাম কিনে বিখ্যাত বিবেকানন্দ-মহারাজ হয়ে ফিরে এলে তাঁকে একদিন বলেছিলেন,—“কি মহারাজ, আর কি আমাদের মনে আছে?”—তিনি বললেন হাস্তে হাস্তে,—“সে কি রে গুপ্ত, আমি কি ঘোড়ার ডিম হয়েছি যে, তোকে মনে থাকবে না! তোর জুতো যে আমি বয়েছিলুম, সেদিনের কথা তোর মনে পড়ে?”—কর্তার চেয়ে গুপ্ত ছয় মাসের মাত্র ছোট ছিলেন।

একদিন বিদ্যাসুন্দরের একটি বয়েৎ স্বামীজী আওড়াইতেছেন, “বিশ্বে পাবার সাধ থাকে ত, চাঁদমুখে ছাই মাখ, যাছ।”—ঐ বচন শুনিয়া সদানন্দ বাস্তবিকই থপ্ করে গিয়ে খানিকটা উনানের ছাই মুখে মেখে, কর্তার সামনে এসে দাঁড়ালেন। স্বামীজী বললেন,—“আমি কি তোকে সত্যি সত্যি ছাই মাখতে বলেছিলুম?—আমি গান ক’রছিলুম।”—হাসির গরুরা উঠিল। সদানন্দের সরল বালকোচিত কার্য ও বিশ্বাস দেখিয়া বীরেশ্বর মুগ্ধ হইলেন।

যৌবনে সদানন্দের ব্রহ্মচর্য সাধনার আধার, বলিষ্ঠ দেহে এতদূর ক্ষমতা ছিল বলিয়া শুনিয়াছি যে, একদিন জোরের পরীক্ষা এইভাবে দিলেন। এক বগলে বন্ধু গুরুদেব, অপর বগলে রাজা মহারাজ (ব্রহ্মানন্দ স্বামী)। পরমহংসেরা বালকবৎ হন শাস্ত্রে আছে। এই দৃশ্যটি চোখের সামনে আর একবার সত্য হউক, একবার একবার দেখিয়া আনন্দ অল্পভব করিতে এখন ইচ্ছা হইতেছে।

সদানন্দ বাঁকুড়া জিলার বিষ্ণুপুর নামক প্রসিদ্ধ সহরে, কায়স্থ সেনে-দের আলায়ে কিছুদিন ছিলেন। এই পবিত্র বাটী, শ্রীশ্রীমার দেশে

যাইবার পথে—তাঁহার বিশ্রাম-আগার। পরমহংসদেবের শিষ্যদের অনেকেরই পদধূলিতে পবিত্রীকৃত। স্মৃতরাং, শ্রীরামকৃষ্ণ ভক্তের পরম লোভনীয় তীর্থ। এইখানে থাকিতে থাকিতে, তাঁহার ভিতর কতকগুলি অলৌকিক শক্তির পরিষ্করণ হয়। তাঁহার পূত সঙ্গপ্রাপ্ত জনৈকের প্রমুখাৎ, যেমন গুনিয়াছি, বলিয়া যাইব। একরূপ শক্তি যে তাঁহার ভিতর জগদম্বা ফুটাইবেন, তাহা মোটেই আমাদের চক্ষে বিচিত্র বলিয়া বোধ হয় না। পরমহংসদেবের আমলের সাধু মহারাজদের সঙ্গলাভে পরিষ্কার বুঝিয়াছি, এ সকলগুলি তাঁহাদের পক্ষে কিছুই নহে। তাঁহাদের শিক্ষার জোর—চরিত্রের উপর, স্বভাবের উপর, ব্যবহারের উপর, কার্যের উপর। অলৌকিক দর্শন ও শক্তি আসে—আসুক। কিন্তু, স্বার্থের জন্ত বা নাম কিনিবার জন্ত ঐগুলি ব্যয় করিলে, অপব্যয় হয়। ব্রহ্মসাক্ষাৎকারের বা আত্মোপলব্ধির পথে কাঁটা দেয়, বিঘ্নস্বরূপ হয়,—বুজুক বনিতে হয়। চেলা বানাবার বা ইমারৎ বানাবার প্রবৃত্তির উদ্ভব হইবার আশঙ্কা থাকে।

জনৈক যৌবনে মদ খাইতেন। তাঁকে কোনোদিন সাক্ষাৎ ঐ অভ্যাস পরিত্যাগ করিতে বলেন নাই। পরমহংসদেব ও গিরিশ চন্দ্রের দৃষ্টান্ত মনে পড়ে। কিন্তু, সাধুসঙ্গের এমনি মহিমা, তাঁহাকে ক্রমশঃ এই অভ্যাস আপনা হইতেই পরিত্যাগ করিতে হইয়াছিল। প্রথম তাঁহার সহিত, বাড়ীর আর আর পাঁচজনের মধ্যে একজন হইয়া—ব্যবহার করিতেন।

জনৈক পুলিশে কাজ করতেন। তাঁকে একদিন ব'ললেন, “গাথো, কখনও কোন লোককে শারীরিক পীড়া দিয়ে, কোন স্বীকৃতি আদায় করো না।” জনৈকের শিকারে ভারি ঝোঁক ছিল। ব'ললেন,—“যে প্রাণ দেবার ক্ষমতা তোমার নেই, নেবার ক্ষমতাও তোমার থাকা উচিত নয়।” ব'ললেন, ইংরাজীতে।

একদিন জনৈককে ব'লছেন। “তুমি জীবনে যা যা অশ্রয় করেছ,

আমার কাছে স্বীকার করো—Confess করো। তোমার সব দোষ ক্ষমা ক'রবার ক্ষমতা আমার ভিতর এখন এসেছে।” তিনি বলেন, “আমার ভয় হোলো। আমি ভয়ে কিছুই বলতে পারলাম না।” তিনি বললেন,—“তোমার ভাল হবে,—তবে—দেরীতে”। আধ ঘণ্টা পরে এই শক্তি তাঁহাকে পরিত্যাগ করিল, তাহাও তিনি বুঝিয়াছিলেন এবং বলিয়াছিলেন। অধ্যাত্মরাজ্যের সাধককেও অনুভূতির বিভিন্ন স্তরের ভিতর আনাগোনা, উঠানামা করিতে হয়। Men and women are all really multiple beings.

একজনের রক্ত-আমাশয় হয়েছে। তাহাকে তিনি ভালবাসেন। তার কাজে যেতে অসুবিধা হবে। তার মাথায় পেটে হাত বুলিয়ে দিলেন। সে সেরে গেলো। তাঁহার নিজের রক্তদাস্ত হইল।

দুই ব্যক্তি—একজনের স্বভাব ভালো, একজনের মন্দ। দুইজনেই একই দিনে, সদানন্দের সেবার জন্ত কিছু আহাৰ্য্য দ্রব্য পাঠান। ভাল লোকের খাবার বেশ খেলেন, দ্বিতীয়টা খেতে গিয়ে, আপনা হ'তে মুখ বন্ধ হ'য়ে গেলো। সেবকরা চাম্চে দিয়ে, চোয়াল ছাড়াতে চেষ্টা করেও পারলেন না।

খাবার নানারূপ করাইতেন। নিজে একটু আধটু চাখতেন। সেবকদের বেশ পরিতৃপ্ত ক'রে খাওয়াতেন। বালকদের খাওয়াতে খুবই ভালবাসতেন। তাঁকে উপলক্ষ্য মাত্র ক'রে খাবার প্রস্তুত হ'ত।

সদানন্দ বলতেন,—“আমরা স্বামীজীর কাছে, তাঁর glamour বহিঃ চাকচিক্য, ঐশ্বর্য্য দেখে আসিনি। সদানন্দ চাইতেন, সাধুরা ভক্তেরা সবাই ভিতরের অধ্যাত্মশক্তিতে দিন দিন বেড়ে উঠুন। রোজ রোজ মা-ঠাকুরগের বাড়ী গিয়ে ভক্তি করার অপেক্ষা, মার-জীবনের অমুখ্যায়ী জীবন, কিছু কিছু, গঠন ক'রবার ভাবটিকেই তিনি পছন্দ ক'রতেন।

দেহত্যাগের কয়েকদিন আগে, সদানন্দ বিশেষ নিবন্ধে প্রার্থনা

করে—পরমারাধ্যা শ্রীশ্রীমাতা সারদাদেবীর পাদপদ্ম মাথায় বুকে ধারণ ক’রলেন, ব’ললেন,—“মা, সেই সন্ন্যাস নিয়ে, স্বামীজীর আদেশে আপনার দেশে গিয়ে, আপনার পদধূলি নিয়েছিলুম। আপনার সেই এক আশীর্বাদের জোরে বাইশ বছর কোথা দিয়ে কেটে গেছে। আজ আবার বিদ্যুৎ-বেলায় আপনার আশীর্বাদ চাচ্ছি। এখন আমার মাথায় পা দিন, আমি হাসতে হাসতে চলে যাই।” মা প্রাণ ভরিয়া আশীর্বাদ দিলেন,—পাদস্পর্শ দিলেন। বললেন, “তোমার ভয় কি বাবা? তোমার নরেন আছেন।” বোসপাড়ার বালকদের কোলে, ছেলেদের কাঁদাইয়া, ছেলেদের অকূল সাগরে ভাসাইয়া (ফেব্রুয়ারী ১৯১১), সদানন্দ তত্ত্বাগ করেন।

তিনি ছেলেদের, রোগীর গা কেমন ক’রে টিপতে হয়, শেখাতেন। এমনভাবে গায়ে হাত দিতে হবে, যাতে রোগী স্পর্শ পেয়েই বুঝবে, এ লোকটা আমার মা।

অসুখ বাড়াবাড়ির সময় শয্যাশায়ী অবস্থায় মলত্যাগের জন্ত, কাগজের প্রয়োজন হইল। সদানন্দ সেবককে ব’ললেন,—“ছাখ্, অত্ন কাগজ দিবি না। কি জানি মা সরস্বতী রাগ ক’রবেন। যে কাগজে ঠাকুর—স্বামীজীর কথা ছাপা আছে, সেই রকম ছেঁড়া কাগজ দিবি। আমি কোন রকম দ্বিধা না ক’রে, তা ব্যবহার ক’রতে পারি। তাঁদের উপর দাবী আছে। তাঁরা আমার আপনার লোক।”

“একদিন একজন সেবককে ব’ল’ছেন,—“শুধু শুধু সময়টা নষ্ট করছি। কেন? খানিক স্বামীজীর বই পড়—যেখানটায় না বুঝতে পারবি, বলিস্, বুঝিয়ে দেবো।

সেবক পড়িতেছেন। তিনি অসুস্থ, নিস্তব্ধ, নিথর,—গুইয়া গুইয়া শুনিতেছেন। শুনিতে শুনিতে যেন বাক্যহার। মাঝে মাঝে চক্ষু জলভরাক্রান্ত হইতেছে। উত্তেজিত হয়ে ব’লছেন,—“ওরে, ত্রিতাপতাপিত হয়ে—মুক্তির জন্ত আসিনি। পীরিতে পড়ে এসেছি,—পীরিতে পড়ে এসেছি।

আবার বলি, নরেন দত্তের পীরিতে পড়ে এসেছি। সাফ্ কথা।—He was all love.—তঁার সব সত্তাটাই প্রেমময়—ভালবাসা জমাট।

হাথরাস ষ্টেশনে কাজ ক'রতুম। একরাত্রে সাধুর স্বপন দেখি। বাস্তবে, তাঁকেই খুজছিলুম। তিনদিন পরে এক ট্রেনে দেখি, একটা ফাষ্ট ক্লাশ কামরায়, এক লাল স্তন্যদর পাগড়ীবান্ধা বড় বড় চোখওয়ালা সাধু যাচ্ছে। দেখে বুঝলুম, হিন্দুস্থানী নয় বাঙ্গালী,—আমারিই স্বপনের সাধু। তাঁকে দেখেই মুগ্ধ হোরে গেলুম। আমারও খুব লম্বাচওড়া স্ত্রী চেহারা ছিলো। ব'ললুম, “মহারাজ, আমি বাঙ্গালী। এখানে নেবে আমার বাসায়, আপনাকে ছই একদিন, মেহেরবাণী করে, থেকে যেতে হবে।” তিনি ব'ললেন, “আচ্ছা, তোমার বাড়ী গেলে তুমি কি খাওয়াবে?”

স্বামীজীর বাবা আইন ব্যবসা ক'রতেন। সে যুগে আদালতে ফার্সী আরবির চাল ছিল। বাড়ীতে মৌলবী থাকতো। স্বামীজীও কিছু কিছু শিখেছিলেন। কাব্যটাব্য পড়েছিলেন। আমরা বাইরে, পশ্চিমে থাকতুম। তাই ওসব জানতুম। তৎক্ষণাৎ হাফিজ থেকে, এক ফার্সী বয়েদ ব'ললুম, ভাবার্থ,—“হে প্রেয়সী, তোমায় আর কি খাওয়াবো?—আমার এ সাধের কলিজাখানার কাবাব ক'রে খাওয়াবো।” তাঁর লালমুখ, প্রেমে ঢল ঢল আঁখি, আরও bright—উজ্জ্বল হ'য়ে উঠলো। পরে, ফিরবার পথে নেমে পড়লেন। তিনদিন রইলেন। (শুনেছি, সদানন্দ মাসিক বেতনের সব টাকাগুলি কর্তার পায়ে ঢেলে দেন।) তা জান্নলি প্রথম দেখা হতেই পীরিত। পীরিত—জমে গেলো! Love at first sight!—এ তত্ত্ব কে বুঝবে? বাস্তবিকই সদানন্দের সহিত বলিতে ইচ্ছা হয়, মার করুণা ভিন্ন এ টান বুঝা ভার। জগদম্বা করুণা করিয়া, যাহার দৃষ্টি, যাহার প্রবৃত্তি যৌবনে সাধুর দিকে, গুরু-বেদান্ত-পরমেশ্বরের দিকে মোড় ফিরাইয়া দেন, তিনিই বুঝিয়া, সদানন্দের শ্রায় কুলকে পবিত্র করেন, জননীকে কৃতার্থ করেন।

আবার এ ছাড়া, সদানন্দ চরিত্রে, “ময় গোলাম, ময় গোলাম তেরা”—
এই ভাবও ছিলো। ব’ল্‌তেন জোরের সহিত, উপলব্ধির সহিত ব’ল্‌তেন,
—We belong to the line of Prophets.—আমরা বড় ঘরের ছেলে।
বড়ঘর, ব্যবহার লইয়া, বড় ঘর। চরিত্র লইয়া বড় ঘর। ঋষির বেটা
আমরা। মানস পুত্র! মানস সন্তান। পয়গম্বরের সন্তান।

সদানন্দের শ্রীচরণে সদাই প্রার্থনা জানাচ্ছি, যেন শ্রীরামকৃষ্ণ-
বিবেকানন্দ তাঁদের প্রত্যেক পথানুসরণকারীকে, যিনি যথায় আছেন,
সেইখানেই, এই কথা বুঝাইয়া দেন। ইহা উপলব্ধি করিলে ফাঁকা গর্ব
আসিবার কোন সম্ভাবনাই নাই। প্রকৃত বিনয় আসিবে। আস্তিক্য
বুদ্ধি আসিবে। প্রত্যেক মতের সহিত সত্যাকার সহানুভূতি আসিবে।
শুধু বুদ্ধিপ্রসূত, নীরস বুলি আঙড়াইয়া বা লিখিয়া দায়িত্ব শেষ
করিলাম,—এ বালকোচিত বোধ বিদূরিত হইবে। আবার, সদানন্দ খুব
বেশী অপরের দোষ দেখতে নিষেধ ক’রতেন,—প্রায়ই ঈশার বাণীর
প্রতিধ্বনি ক’রতেন—Judge not that ye be not judged.

ছেলেদের অমুরোধে মহাপুরুষ মহারাজ (স্বামী শিবানন্দ) একদিন
বসুপাড়ার চনং এর উপর তলায়, গুপ্ত মহারাজের ঘর দেখিতে যান।
এইখানে গুপ্ত-সদানন্দের স্মৃতি স্মৃগুপ্ত, সুসংকীর্ণ আছে। মহাপুরুষ তাঁহার
সন্তান পর্যায়ভুক্ত সদানন্দের বিছানার নিকট শিয়র নত করিয়া সাষ্টাঙ্গ
হুইয়া ভূমিতে পড়িয়া প্রণাম করিয়া সকলকে চমকিত করেন, বলিয়া
শুনিয়াছি। সদানন্দের গুরু স্থানীয়—শিবানন্দ স্বামীজী। ঠাকুরের যে
মহিমা সদানন্দে ফুটিয়াছিল—শিবানন্দ মহারাজ তাহাকেই বোধ হয়
অভিবাদন করিলেন।

স্বামী সদানন্দের একটি অদ্ভুত ক্ষমতা উদয়ের কথা আমরা তাঁহার
সেবকদের মুখে পাইয়াছি। কেহ কোন অসং চিন্তা করিয়া তাঁহার ঘরে
চুকিলে তিনি তৎক্ষণাৎ তাহাকে দেখিয়া বলিতেন—একটু বাইরে

ঘুরে আয়। তোর গায়ের গন্ধ থেকে টের পাচ্ছি, খারাপ ভাবনা ভেবে এসেছিস। যা, আবার হাওয়া বদলে আয়।

“আমি সাধু”—এই বোধটি সদাই সদানন্দে পরিষ্কুরিত হইত। আরও বলিতেন,—আরে দাতা কোন্ হায়?—সাধুই দিতে পারেন। আর সবপ্রথম, ভদ্র হ’তে হবে। তারপর সাধু। First a gentleman, then a Sadhu.

আবার বলিতেন—সাবধান। ঠাকুর কল্লতরু। যা যাচুঞা করবি তাই পাবি। কিন্তু সাবধান। যা-তা, চাস্ নি।

বেলুড়মঠে চতুর্দশী তিথি, ৩০ শে ফাল্গুন, ১৩৪০। পূজনীয় কেদার-বাবা কয়েকটি চমৎকার কথা শুনাইলেন। হরিমহারাজের সহিত কিছুকাল, বাবা সাধন ভজনে কাটান। একদিন ধ্যান হইতে উঠিয়া পরে কেদার-বাবাকে, তুরীয়ানন্দ কহিলেন,—“সত্যি বলছি, কেদার বাবা, মা আমাদের আমিষটা অক্ষরে অক্ষরে মুছে দেন (হাতের দ্বারা মুছা কাজটি দেখাইয়া)।” সাধকের কাঁচা ‘আমি’ জগদম্বার রূপায়—সিদ্ধের ‘পাকা’ আমিতে পরিণত হয়, শ্রীহরি তাহা উপলব্ধি করিয়া জীবনে ধন্ত হয়েছিলেন।

কেদার বাবা স্বামীজীর সম্বন্ধে দুইতিনিটি কথা, বেশসুন্দর কথা বল্লেন। স্বামী তখন বেলুড়ে। বালকের মত থাকতেন। কাপড়খানি বগলে,—পরমহংস অবস্থা। দক্ষিণেশ্বরের ঈশ্বর যেমন সর্বদা থাকতেন। (শ্রীমতী গোলাপমাতা বলতেন, পরমহংস মশায় কচি ছেলের মতন খাট্ট খানিতে ব’সে থাকতেন, বগলে কাপড়। আমরা সব গেরস্তর সোমন্ত মেয়ে,—কোন সঙ্কোচ বা কুভাব কখনও মনে উঠিত না।) একদিন মঠের ভাণ্ডারীকে ছকুম দিচ্ছেন,—যে যে ঠাকুরঘরে বসেনি, সে সে খেতে পাবে না। (যিনি মূর্ত্তি সত্য সত্য মানেন না, তাঁর কথা অবশ্য স্বতন্ত্র।) আর একবার বলেছিলেন,—“সাধুর সব অপরাধ মাফ হয়,—খালি চরিত্র দোষ মাফ হয় না”।

পঞ্চম পরিচ্ছেদ

প্রতীচ্যে প্রাচ্যের আলোকসম্পাত

ঠাকুরের কাজে আমরা উপলক্ষ্য মাত্র। তাঁর কাজ তিনিই নিজে করে নিচ্ছেন।' আমাদের অহমিকা এলে সবই পণ্ড। দূর-দূরান্তরেও তিনি তাঁর ভাব নিজেই ছড়াচ্ছেন।—এইটি বুঝাইবার জন্য একদিন স্বামী সারদানন্দ একটি কৌতুকপ্রদ ঘটনার উল্লেখ করিলেন।

রামলাল দাদা বলেছিলেন, আর আমিও শুনেছিলুম একদিন সমাধি থেকে উঠেই তিনি ব'লছেন,—এক নূতন জায়গায় গেছলুম গো। কি রকমের সব লোক সেখানে। ধবো, ধবো—(ধলা, সাদা) অনেক লোক। তাদের নীল চোখ। এক নূতন দেশ।

তখন আমরা এ সব কথা কিছু বুঝতে পারিনি। বরানগর মঠে আমরা সব খুব তর্ক বিতর্ক করতুম। একদল খালি দেখাতো, তাঁর সব কথা সত্যি হয়েছে। আর একদল বলত, সব অমিল হয়েছে। লাটু মহারাজ সরল বিশ্বাসী। তিনি চ'টে ব'লতেন, ভাল হবে না ব'লে দিচ্ছি। অমন বোল না, কখনও! আলবৎ তাঁর সকল কথা মিলবে।

তা দ্যাখো, এখন দেখছি; (বুড়ো বয়সে) তাঁর প্রত্যেক কথাটি সত্য হচ্ছে। বোষ্টন নিউইয়র্ক এসব সহরে তখন আমি কাজ করি। মণ্ট্‌ক্লেয়ার ব'লে একটা জায়গায় মিস্ ওয়ালডোর বাড়ীতে থাকি। একদিন একটা কথোপকথনের ক্লাসে, তিনি একজন প্রোঢ়াকে এনে, আমার খুব কাছে বসিয়ে দিলেন, আর বললেন, ইনি কাণে কম শোনেন।

তার পর দু-চার দিন আসা যাওয়া ক'রতে ক'রতে এঁর সঙ্গে আলাপ হোলো। বয়স প্রায় তখন ৪৫। আমার একখানা ছোট্ট নোট-

বুকে, ঠাকুরের ছবি ছিলো। একদিন সেখানা তাঁকে দেখিয়ে বললুম,—“দ্যাখো, যাঁর কথা বলি, তাঁর এই চেহারা।” দেখেই তিনি হঠাৎ চমকে উঠলেন, আর ব’ললেন,—“আমার যখন বিশ-পাঁচিশ বয়েস, তখন প্রথম স্বপ্নে আমি এই মহাত্মার দেখা পাই। আর সেই অবধি, আমার অসুখ বিস্মুখ হলে বরাবরই দেখতুম, ইনি—এই ইনিই, অনন্ত দয়া করে, বাপের মত আমার মাথার ধারে এসে, মাথায় হাত বুলাচ্ছেন। সেই থেকে আমার এসিয়ার লোকদের উপর ভারি শ্রদ্ধা। প্রাচ্যদেশ হ’তে নূতন কেউ এলে বা পূর্বদেশের সম্বন্ধে কথাবার্তা বক্তৃতা কোন পণ্ডিত সজ্জন দিলে, সংবাদ পাবা মাত্র ছুটে যাই। তোমাদের এ বেদান্ত আন্দোলন আমার খুব ভাল লাগে। আমি পণ্ডিত নই। আমার দেখার দিক, বিশ্বাসের দিক। স্বপ্নে দৃষ্ট মহাত্মার দেশের লোকদের কণ্ঠ থেকে এ সবই যে, উচ্চারিত হচ্ছে!

পাঠক পাঠিকার ইহা বিশ্বাস হইবে কি না জানিনা। এ ছাড়া এমন দৃষ্টান্ত অনেক আছে। পরমহংসদেবের দেহান্তের পর, কেহ কেহ তাঁহার দর্শন পান। নরেন্দ্রনাথ পরিকার লিখিয়া গিয়াছেন যে, একরূপটি হইবে! আর, সেটা যে দ্রষ্টার মাথার খেয়াল নহে, তার প্রমাণ, ঐ দর্শনাদির ফলে, তাঁদের জীবনগতি সত্যের পথে, সত্যের পথে, ফিরেছে বা ক্রমশঃ ফিরেছে। এবং তাঁরা প্রভূত আত্মপ্রসাদ, পরমা শান্তি পাচ্ছেন। একজন বিদেশী চিত্রকর, পরমহংসদেবের স্বপ্নে দর্শন পেয়ে, মনোরম এক পট এঁকেছেন বলে শোনা আছে। ব্রাজিল দেশ থেকে এক প্রৌঢ় এঞ্জিনিয়ার, সঙ্গে একটি যুবক সহকারী সহচর নিয়ে, উদ্বোধন কার্যালয়ে স্বামী সারদানন্দের কাছে এসে হাজির। আন্দাজ ১৯১৮ হইবে। ভক্তি-পূর্ণ ক্যাথলিক পদ্ধতিতে হাঁটু পেতে মিনিট পাঁচ ধরে স্বামীর পাদবন্দনা করলেন। তাঁর থিওজফিতেও ঝোঁক ছিল! ভাঙ্গা ভাঙ্গা ইংরাজীতে বললেন, প্রভু রামকৃষ্ণের আজ্ঞা পেয়ে, তিনি তীর্থ ভ্রমণ হিসাবে ভারতে

এসেছেন। “হে স্বামিন্! তোমার কাছেও কি প্রভু, আমাদের সম্বন্ধে অগ্নরূপ কিছু জানান নি? নিশ্চয়ই জানিয়ে থাকবেন।” স্বামী একটু ভাবলেন। বললেন, না, আমি ত কিছুই পাইনি।

*

*

*

*

ধবধবে শুভ্রশির বুড়ী যোসেফিন্ ম্যাক্‌লাউড্। জীর্ণশীর্ণ শরীর নিয়ে রোগীহাড়ে ভেলকি খেলাচ্ছেন। বেলুড় আর বেলাত—এঘর ওঘরের মত একাকার করে ফেলেছেন। উড়ো জাহাজের চল এদেশে হবার আগের যুগ থেকেই। ক্ষীণ চোখে ভাল করে সবতনে চশমাখানা টেনে বসিয়ে, সরু লম্বা চিবুক আরও সিধে ক’রে, চোখ মুখ একপ্রকার আভাষ ফুটিয়ে, স্বামীজীর স্মৃতিকথা ব’লতে ব’লতে—লাল হয়ে উঠলেন। দাঁতে দাঁত দিয়ে, হাতের শীর্ণ স্নায়ুগুণ্ডী মুঠো করে, ক’সে শক্ত ক’রে ঘুঁসী পাকিয়ে—বিবেকানন্দ চরিত্রের দৃঢ়তার ছায়া—অতুল আত্মবিশ্বাসের কার্যকে জীবন্ত,—ফুটন্ত ক’রলেন। আত্মবিশ্বাস আত্মশ্রদ্ধা থাক্,—আর সব ডুবে যাক্। লোকে ব’লে,—তঁার সম্বন্ধে কিছু লেখো। আমি বলি, আমি কলুমে নই, কি লিখবো? আবার এও বলি, লিখলে সে জিনিষ খাটো হয়ে যাবে। পুঁথির পাতায় তাঁকে কে ধরে রাখবে? জ্যাস্ত মানুষের ভিতরেই তাঁর প্রকাশ; তিনি যাঁদের তৈয়ের ক’রে গেছেন, তাঁদের দ্বাখে। জীবনে—সেই জীবন মিলিয়ে নাও। বই ফেলে দাও। সে মহাশক্তিকে বইয়ে কি ধরে রাখবে? তোমার প্রাণে তবে সখ থাকে, ইচ্ছা প্রবৃত্তি হয়, আমার কাছে এসো, আমি তাঁর কথা ব’লবো,—আলবৎ ব’লবো—গুনে নাও। অবশু এখানের শ্রোতাকে তিনি নিজেই কাছে ডাকাইয়া কথাবার্তা কহিতেছেন।

“আজ ষাট বৎসর সেই স্মৃতি নিয়ে কেটে গেলো। (জো-কুমারী)—আমি তাঁর চেলা-টেলা নই। আমি তাঁকে গুরু-টুরু ব’লে মানিনা। তিনি আমার বন্ধু বটে; তাঁর দয়াতেই আমি আজ একজন অপেক্ষাকৃত

ভাল রকম খৃস্টান—a better Christian. সঙ্গীরা সব হিঁহু ব'ন্লো—
 তাঁর হাতে। আমার ওসব ভাব এলোনা! আমি ব'ল্‌লুম,—স্বামিন্! আমি কি হব? তিনি দৃঢ় গম্ভীর স্বরে আমার মুখের দিকে চেয়ে ব'ললেন,—Joe! *be your self*—পুঁথিতে ত' গলার স্বর ধরে দেবার পথ নেই? কেউ জোর সেই স্বর শুনতে চান, শোনাতে পারি।—বুড়ী কি দৃঢ়কণ্ঠে জোরের সহিত, হাত ছ'খানা ধ'রে বার বার ব'লতে লাগলেন। বেলুড় মঠের অতিথ্যশালার সুন্দর সাজানো দোতলার উপর তাঁর নির্জন স্নবহুং হল ঘর। ঘরে আর কেহ নাই,—নিস্তরু, একান্ত। কার্পেটের উপর মেঝেয় ব'সে একটি শিশু। আর তিনি যেন একটি বুড়ো ঠাকুমা। পল্লী শান্ত। দেবারাম নিথর। সম্মুখে কুলুকুলুনাদিনী কল্লোলিনী শীতের শান্তা, সুশান্তা গঙ্গা। যে পাবনী জাহ্নবীকে শিব শিরে ধরেছিলেন; আর এক্ষেত্রে, প্রসঙ্গ—সেই শিবপ্রসঙ্গই।

কাণে বার বার কথা বাজতে লাগলো। সজোরে বুড়ী শ্রোতার অন্তরে যেন একটা নাড়া দিয়া ব'ললেন, Joe *be your self*! Joe *be your self*! Joe, *be your self*! জো-র ইংরাজী উচ্চারণ অতি স্পষ্ট, শুদ্ধ—চমৎকার। শেলের মত বুকে কথা বিঁধলো, কম্পন হ'ল। ধ্বনি অন্তরে ঘন ঘন প্রতিধ্বনি তুললে। শ্রোতা ঐ মন্ত্র, স্বাতন্ত্র্যের ঐ বীজ ভিতরে আওড়াইতে লাগিলেন। এমনি কোরেই কি জীবন—জীবনকে জাগিয়ে তোলে? প্রভো, তোমায় দেখিনি। তোমার স্তবিসল সত্তায় খাঁরা জরিয়া রহিয়াছেন, তাঁদের দেখেই আমরা স্তম্ভিত!

জো আরো ব'লতে লাগলেন। ছাড়লেন না। “একবার কিছু টাকার একখানা চেক নিয়ে গিয়ে তাঁকে দিলুম। তিনি ব'ললেন, মুখের দিকে ফ্যাল ফ্যাল ক'রে চেয়ে,—‘কিসের জন্ত দিচ্ছ?’—‘আপনার জন্তই।’ সাম্মুনে ত্রিগুণাভীত ছিলেন। মঠের বাংলা কাগজের ব্যয়ের জন্তে, তিনি তৎক্ষণাৎ সেইটি তাঁর হাতে দিয়ে খালাস হ'লেন।

আখ্, বিবেকানন্দও যেমন সত্যি, আমিও তেমনি সত্যি। (পিঠে হাত চাপড়ে)—তুই—আমি—আমরা সবাইও তেমনি সত্যি। এটা অমুভব করিস্? তিনি এসেছিলেন, আমি এসেছি ব'লে। আর আমি এসেছি, তিনি এসেছিলেন ব'লে। তাঁর কাজের জগৎ—আমাদের প্রত্যেককে দরকার। কারকে ফেলবার উপায় নেই। তোরা বিবেকানন্দের ছেলে—You are the children of Vivekananda—You are the children of Vivekananda—Glory unto him. তাঁর জয়জয়কার! থাকে ব'লছিলেন, তিনি স্বামীজীর তিথিপূজায় শ্রীরামকৃষ্ণ-বিবেকানন্দ নামে উৎসৃষ্ট নবীন আনুকোরা সন্ন্যাসী, (জানুয়ারী ১৯২৭)। বিবেকানন্দের নাম জয়যুক্ত হোক! আর, (হাসিতে হাসিতে)—আমাকেও মান'বি, ভক্তি ক'র'বি, কারণ, আমি তোদের ঠাকুমা, দিদিমা-দের বয়সী।

আর তাঁর গান,—গলা বড় মিঠে ছিল। তাঁর সংস্কৃত-সুতব আওড়ানো বড় চমৎকার লাগতো। অর্থ বুঝ্তাম না সব। কিন্তু, আওয়াজ খুব প্রাণস্পর্শী। তাঁকে “যে দেখেছে, সেই মজেছে। অগুরুপ লাগেনা ভালো।” আর তিনি যখনই কোন কথা আরম্ভ ক'রতেন, এই ধর, নাগরিক স্বাস্থ্য-উন্নতির জগৎ, রাস্তার ডেণ পরিষ্কার পরিচ্ছন্ন রাখার অভ্যাস নিয়ে কথা উঠল। তিনি কিন্তু, শেষ ক'রতেন সেই অদ্বৈততত্ত্বে। যখন জ্ঞানানুভূতির অতি উচ্চ সোপানের কথাবার্তা কইতেন, আর আমরা ব'লতুম, স্বামিন্, আমরা তোমাকে অনুসরণ ক'রতে পাচ্ছি না। তুমি বড় উচুতে উঠে গেছো। তিনি তখনই ব'লতেন, জানিস্ না, আমি যে একজন কবি। Don't you know that I am a poet?

এই দীর্ঘ জীবনের বহুল অভিজ্ঞতায় কেন কেবল বিবেকানন্দ—বিবেকানন্দ ব'লে পাগল হ'য়ে ছুটোছুটি করি, জানিস্? কারণ—আজ পর্যন্ত তাঁর চেয়ে উৎকৃষ্টতর মানুষ, better man. চোখে পড়েনি,—

দেখিনি। যেদিন দেখবো, পাবো, সেই মুহূর্তে, সেইদিনই, তাদের বিবেকানন্দকে ছেড়ে, তাঁকে মানবো, তাঁর হ'য়ে যাবো। রীতিমত কাজে—ভজবো। Prayer—প্রার্থনা ক'রে নয়। তবে, এখনো মিললো না, এই যা। আখ্, আমায় তিনি একবার ব'লেছিলেন, ভারতের হিতের জন্ত কিছু করিস্। সেই জন্তে, যতটা সাধ্য, ছুটোছুটি ক'রে, হাত-পা নাড়ছি। আর জানিস্, আমাদের বংশে একজন ভক্ত খৃস্টান মহিলা জন্মেছিলেন। তিনি খুব ভজন—প্রার্থনা ক'রে গেছেন। আমাকে ওপথে কিছু ক'রতে হবে না। তাঁর ভাবের উত্তরাধিকারিণী আমি। তোরও পিছনে যেমন আছেন। (শ্রোতা এ মত সমর্থন করেন না,—ইহা জো-র ব্যক্তিগত তখনকার মত।)

তিনি ছিলেন পুরুষ-সিংহ,—সাহসের প্রতিমূর্তি। তাঁকে দেখলেই মনে বল আসতো,—আর যত সব 'আনন্দ-টানন্দ' সবাই তাঁর কাছে ছিলো, যেন কেঁচো। আর, সবচেয়ে বড় কথা এই,—তিনি ছিলেন আমাদের বড় আপনার জন। তোরা কি ভাবিস্—চ্যাপেলে, মন্দিরে তাঁকে বসিয়ে, খালি পিদিম ঘুরোবি, আর ভোগ চড়াবি? তাঁর একটা cult নিয়মবদ্ধ তন্ত্র বানাবি? তিনি যে এসব বড় ঘেন্না ক'রতেন। তিনি রক্তমাংসগোলা বাস্তবের 'মানুষ' ছিলেন। (তিনি থাকতে) আমি যেমন জুতা জামা পরে তাঁর কাছে, সটান গিয়ে বসতুম, আর তিনি নিজে কেদারা এগিয়ে দিতেন, সেই রকম যেখানে যেখানে পূজা হচ্ছে, আজও সেখানে সেখানে সেইভাবেই যেতে চাই। তাদের ও বহিরাচার—কনভেনশন, আমি মানতে প্রস্তুত নই।

জো একবার উদ্বোধনে আসিলেন। সটান জুতো পরে কাঠের সিঁড়ি বেয়ে তিনি সারদানন্দের ঘরের খাটের ওপর জুতোপুঙ্খ পরে—ব'সে পড়লেন।—কোন সঙ্কোচ নেই। স্বামী সাক্ষাৎ কথাবার্তা শুরু ক'রলেন।

জো বলেছিলেন যে তাঁরা বিবেকানন্দ স্বামীকে Swami no 1. এবং সারদানন্দ স্বামীকে Swami no 2. বলতেন। স্বামী শ্রীব্রহ্মানন্দ তাঁহার একটি ত্যাগী বালককে একবার বলিয়াছিলেন, আমাদের ভেতর যদি কেউ স্বামীজীর হৃদয়ের অধিকারী হোয়ে থাকে—তো শরত।

বেলুড়ে শ্রীরামকৃষ্ণ মঠের পাশে ই-আই রেল কোম্পানী ইয়ার্ড—কারখানা বানাবেন ব'লে একবার ঢেউ তুললেন। মঠবাসী এবং মঠের স্নহৃদবর্গ সবাই প্রমাদ গণিলেন। এই ভাবী বিপদের সময় ঝাঁপিয়ে পড়ে বুদ্ধা জো—যথাসাধ্য চেষ্টার দ্বারা সেই মেঘ, কাটাবার সহায়তা করছিলেন। তিনি ঐ কৰ্ম্ম ব্যপদেশে বাংলার মানাবর গভর্ণর বাহাদুর প্রমুখ ক্ষমতাপ্রাপ্ত ব্যক্তিবর্গের নিকট হইতে মঠের আনুকূল্যে শেষ নিষ্পত্তি করিয়ে নিয়ে ষ্টীমারে চড়ে ফিরছিলেন। সেদিন ২রা ফেব্রুয়ারী ১৯২৪, শনিবার। ষ্টীমারের জেটীর উপর কলিকাতা বাগবাজারগামী স্বামী সারদানন্দের সঙ্গে দেখা। স্বামী সহান্তে বলেন,—Victory to you Tantine! টানটান্, তোমারই জয়জয়কার। লড়াই তুমিই জিতলে। জো তখনই দাঁতে দাঁত দিয়ে দৃঢ়স্বরে চৈঁচিয়ে বিবেকানন্দের গগনস্পর্শী দেউলটির দিকে আঙুল বাড়িয়ে বলেন,—Victory to—me—Swami! Victory to that piece of Solid Rock which is seated over there! আমার কিসের জয়? ঐ অচল অটল নরেন্দ্রাদ্রিরই জয়। ঝাখো ঝাখো, চেয়ে ঝাখো, সে ঐ মঠে এখনও বসে আছে। স্বামী ঐরূপ প্রাণদ, সহজ, সরল বিশ্বাসের সত্য উক্তি শুনিয়া মুগ্ধ হইলেন। তাঁহার সুবিশাল বুকখানা যেন আরও চওড়া—প্রশস্ত হোয়ে গেল। মুখে মাধুর্য্য শতগুণ ফুটে বেরল। তিনি সামান্য ক্ষণ নির্ঝাঁকু রহিলেন।

বিবেকানন্দ বেলুড়কে যেভাবে গড়তে চেয়েছিলেন তাহা ক্রমে ক্রমে কার্য্যে পরিণত হতে চলেছে। ঠাকুরের মন্দির এখনও তাঁহার প্ল্যান

অমুখ্যায়ী গড়ে উঠে নি। যেখানে এখন ঠাকুর পূজা পাচ্ছেন সেটি একটি অস্থায়ী ব্যবস্থা। জো কল্লনার নয়নে বেলুড় মঠের ভবিষ্যৎ মহিমা ও সম্প্রসার,—নবজাতি সংগঠনের সর্বদ্বন্দ্বসুন্দর প্রতীকরূপে, সবই দেখতে পান বলিয়া বিশ্বাস করেন। আর সেই পথে ঐ মঠকে এগিয়ে দেবার জন্তে প্রাণপণ কাজ করেন। বড়গলায় বল্লেন, ওরে দেখ'বি শিগুগিরই সেইদিন এলো বোল, যেদিন এই গঙ্গার তীর থেকে সূর্য কোরে তোদের,—আমাদের এই মঠ গ্রাণ্ডট্রাঙ্ক রোড পর্য্যন্ত বিস্তৃত হবে। And you have your Ramakrishna Temple on that central place, Grand Trunk Rd! আর ঐ সদর রাস্তার বুকের ওপর শ্রীরামকৃষ্ণের মন্দির তোয়ের হবে।

মানুষকে এই দীর্ঘ জীবন ধ'রে যাঁর ভাব, যাঁর আদর্শ বেঁধে রাখতে পেরেছে সেই মানুষ যে মহাশক্তির মহা-আকর সে বিষয়ে আর সন্দেহ কি? বিবেকানন্দের কীর্ত্তির এই একটা দিক। জোর সম্বন্ধে স্বামী সারদানন্দ বলেছিলেন, বিদেশে যখন আমাদের দেখ'বার কেউ ছিল না, তখন ইনি ও এঁরা আমাদের কতো করেছেন।

শ্রীবিবেকানন্দকে কখনও কখনও একান্ত আপনার ঘরোয়া লোক ভাবতে ইচ্ছা হয়। বাহিরের নামঘণের ভিতর তাঁর যে স্বভাবসুন্দর সাদাসিধে ভাব, সেটা অনেক সময় চাপা পড়ে যায়। শিষ্যসন্তানদের সম্বন্ধে তিনি সর্বদা কতটা চিন্তাশ্রিত থাকতেন, তাদের প্রত্যেক খুঁটি-নাটিটি, সংসারের সব খবর জান'বার জন্তে কতটা আগ্রহযুক্ত ছিলেন, আর কতটা শিশুর মত সরল ছিলেন, তা' কতকগুলি পত্রের (এখনও অপ্রকাশিত) স্মৃতি হইতে খণ্ড খণ্ড অংশ উদ্ধার (তর্জমা) করিয়া দিলে বুঝা যাইবে। বিবেকানন্দ বিলীনা ভগ্নী কৃষ্ণিনা আমাদের অপার স্নেহ করিয়া,—চনং বসুপাড়া গৃহেই, তাঁহাকে লিখিত পত্রগুলির টাইপ কপি পড়িতে দিয়াছিলেন।

—গুরু নূতন স্থান, এতদিনে হয়েছে (বেলুডমঠ)—সেটা আমার একান্ত বাঞ্ছিত ছিল। মাথার এক মস্ত বোঝা নেমে গেছে।তোমাদের ওখানে বড় গরম লিখেছ। এখানেও খুব গরম।কাঁঠাল বলে একরকম ফল এখানে, আমাদের বাগানে, ফলেছে। তার এক একটা এত বড় যে, একজনে অতিকষ্টে তাকে ঘরে বয়ে নিয়ে আসে। ইচ্ছে হয়, তোমায় একটা পাঠাই, কিন্তু পথে যেতে যেতেই যে নষ্ট হয়ে যাবে!

আর মঠের সামনে ছোট ছোট অসংখ্য জেলে ডিস্কিতে ঈলিশ মাছ ধরছে। এ মাছের আশ্বাদ খুব চমৎকার! আবার যা মা গঙ্গায় জন্মায় তার আর তুলনা নেই। কিন্তু, এও তোমাকে পাঠাবার যো নেই।গরমে রোজ ঘোল খাবে। ঘোল এই ভাবে তৈয়ের করে নেবে।।

—তোমার শরীর সম্বন্ধে খুব খুঁটিনাটি সংবাদ দেবে। আর সকলের কথা লিখেছো, নিজের কথা লেখো নাই কেন?—তোমার শরীর একে স্বভাবতঃ দুর্বল। শরীরের উপর খুব যত্ন নেবে। ওটাকে অবদ্ব করলে চলবে না। সহরের বাগানে সন্ধ্যার সময় গিয়ে তারের দোলনায় দোল খাবে। তা হ'লে ঝির্ ঝির্ হাওয়ায় ক্লান্তি কেটে যাবে

—তোমার মাতৃ-বিয়োগের সংবাদ পেয়ে, হুঃখিত হলুম্। কিন্তু তোমাকে সাস্থনা দিয়ে, অবমাননা করব না। আমি জানি, তোমার চমৎকার সহগুণ, ঈশ্বর নির্ভরতা আছে। আমি তোমায় মহামায়ার পাদপদ্মে ফেলে দিয়ে, নিশ্চিন্ত আছি। আর তোমার জীবনের সব চেয়ে বড় গরবের কথা আমার কাছে এই, যে তুমি মাথার ঘাম পায়ে ফেলে রোজগার ক'রে, বোন্টুলোকে তাদের পায়ের উপর দাঁড় করিয়ে দিয়েছ, দিচ্ছ। মায়ের সেবা করেছে।

এবার তোমাদের দেশে আর বস্তা সেজে যাবো না। অত্যধিক পরিশ্রম করে বড় ক্লাস্ত, কাতর, বড় কাবু হয়েছি। এবার গিয়ে কোন কথা কইব না। এবার ছুটি ভোগ করবো। খাবদাব বেড়িয়ে বেড়াব। নিশ্চিন্ত হয়ে, যাতে তোমাদের বাড়ীতে সেই বিশ্রাম পাই, সেই ব্যবস্থা তুমি করবে। এখন থেকে লাগো। প্রতি মাসের আয় থেকে, কিছু কিছু ক'রে, আমার জন্তে জমাবে। বুঝলে?—অত্যা না হয়। (কৌশলে কি ইহা মিতব্যয়িতার উপদেশ?)

সিষ্টার ক্রিষ্টিন ২৭ শে মার্চ ১৯৩০ নিউইয়র্কে তলুত্যাগ করিয়া, গুরু-পাদপদ্মে বিলীন হইয়াছেন। তাঁহারই ইচ্ছা অনুযায়ী তাঁহার শরীর হিন্দু মতে পোড়ানো হইয়াছিল। ইনি ১৮৯৪তে মার্কিনের ডিট্রইট্ সহরে প্রথম স্বামীজীর দর্শন লাভ করেন। বল্লেন,—যদি আজও যীশু বেঁচে থাকতেন পৃথিবীতে, তা হলে তাঁর কাছে গিয়ে আমরা বলতুম, হে নাথ, তুমি আমাদের শিক্ষা দাও।—তোমার (স্বামীজীর) কাছেও আমরা সেই ভাবেই এসেছি।

বিবেকানন্দ বল্লেন, “বটে, কিন্তু বাপু, যদি যীশুর মত আমার অসামান্য অধ্যাত্ম-শক্তি থাকতো, তা হ'লে আর বলতে হোত না। এই মুহূর্তেই আমি তোমাদের মুক্ত ক'রে দিতুম।”

ইহাদের লক্ষ্য করিয়া, আচার্য্যদেব পরে বলেছিলেন,—আমার শিষ্যবৃন্দ যারা শত শত মাইল পরিভ্রমণ করে, আমাকে খুঁজতে এসেছিলেন,—তাঁরা বর্ষার বারিপাতের ভিতর আঁধারে এসেছিলেন।

সিষ্টার ক্রিষ্টিন বোসেফিনের সঙ্গী,—প্রায় সমবয়সী স্বামীজী বলেছেন, ক্রিষ্টিনার মত পবিত্র আধার ও দেশে বিরল দেখেছেন। এঁর পবিত্রতার সঙ্গে স্বামীজী ফুলের উপমা দিয়ে গেছেন। জো এঁকে খুব ভালবাসতেন। বেলুড়ে কিছুদিন কাছে রেখেছিলেন। ক্রিষ্টিন এদেশী ঠাকুরমায়ে রূপান্তরিতা হয়েছেন, দেখেছি। আর বিবেকানন্দের

লাল পদচিহ্ন একটুকরা কাপড়ে তুলে নিয়ে সেইটি বুকে রেখে, অসুস্থ অবস্থায়, শুয়ে ঈশ্বর চিন্তা করছেন দেখেছি। জপতপরতা। লেখাপড়ায় বেশ পাকারকমের জ্ঞান। শিক্ষা-বিজ্ঞানে, হাতে নাতে শিখাইবার ক্ষমতায় বেশ পোক্ত। আমাদের দেশের মেয়েদের নিয়ে অনেককাল কাজ ক’রে অভিজ্ঞতা অর্জন করেছেন ব’লে, আমাদের মাতৃসমাজের অভাব অভিযোগ, জীবনগতি বেশ সুন্দর আয়ত্ত ছিল। বাংলা জানতেন, ব’লতে পারতেন, পড়তে পারতেন, বন্ধিমবাবুর বই কিছু কিছু পড়তেন। আরও অনেকগুলি ইউরোপীয় ভাষায় দখল ছিল। তবে কেতাব টেতাব এঁর হাত দিয়ে বেশী বেরোয়নি ব’লে, লোক সমাজে তত সুপরিচিতা নহেন। কিন্তু দেখিলাম, কি সুন্দর নিজেকে চেপে রাখবার ভাব। আচার্য্যের একটি চমৎকার স্মৃতিকথা ইংরাজীতে লিখেছিলেন। টাইপ কপি পড়তে দিলেন। ব’ললেন—“বশীকে দিয়ে যাচ্ছি। আমি বিদেহ হলে ছাপাবে।” সাময়িক পত্রে এইগুলি ছাপার হরফে পরে পড়েছি।

ক্রিষ্টনুকে লইয়া বাংলাদেশে পুরস্কী-শিক্ষা কার্য্য বিবেকানন্দ চালাইয়া ছিলেন। ইনি মার্কিণের একজন বহুকালের অভিজ্ঞা স্কুল-শিক্ষয়িত্রী। ১৯০২ সালের প্রথমভাগে কলিকাতা আগমন করেন। ১৯০৩ সনের শরৎকালে নিবেদিতা ইহারই সাহচর্য্যে বালিকা বিদ্যালয়ের আরম্ভ বাগবাজার বসুপাড়ায় করেন। ভারত-প্রথিতা নিবেদিতা ইহারই সহ-কর্ম্মিণী। শেষজীবনে দেখিলাম, সিষ্টার ক্রি’র ভিতর অতুল অন্ত-মুখীনতা প্রকট। এ যুগের একজন শ্রেষ্ঠ সন্ন্যাসীর চিরব্রহ্মচারিণী মানস-কণ্ঠার যে এরূপ হইবে তাহা স্বভাবসিদ্ধই। নিবেদিতা তাঁহার সম্বন্ধে বলিয়াছেন,—“আজ পর্য্যন্ত বোসপাড়ার বালিকাবিদ্যালয়ের যে সাফল্য হয়েছে, তার জন্ত ভগ্নী ক্রিষ্টিনের সততা এবং নূতন কর্ম্ম শুরু করিবার উত্তমই দায়ী।” অবশ্য নিবেদিতার ত্যাগ ইহার শ্রেষ্ঠ পাণ্ডেয়, তাহা বলা

নিম্প্রয়োজন। ক্রি মহাযুদ্ধের পূর্বে পাশ্চাত্যে চলিয়া যান, ১৯২৪ এ ভারতে আসেন।

স্বামীজী অনেক ছাপ রেখে গিয়েছেন। অশীতি-উর্দ্ধা মাতা সেভিয়র পত্নী। তিনি যখন মায়াবতী হিমালয়ে থাকতেন, তখন জপমালা নিয়ে হিউ'য়ানী চালে নাম জপ ক'রতেন। কোন বালক সম্যাসীকে একদিন ব'ললেন,—“ছাথ্, আমি বিবেকানন্দ—বিবেকানন্দ নাম জপ করি। তিনিই যে ক্রাইষ্ট্ স্বয়ং!”

জগৎপ্রসিদ্ধ গায়িকা ফরাসী মহিলা মাদাম্ কাল্‌ভে, বিবেকানন্দের মানস-কণ্ঠা। তিনিও বিশ্ববিশ্রুত আত্মজীবনীতে বিবেকানন্দকে ঈশার আসন দিয়েছেন। ইহা নিছক গুরুভক্তি নহে। গুণেরই আদর। আর, মিস্ নোব্বলকে বিধিमत ব্রহ্মচর্য্যাদানে, নূতন ভারতীয় নামে বিভূষিত করিয়া, একেবারে খাস হিন্দুতে তিনি পরিণত ক'রলেন। তিনি নিশ্চিতই কোন যাহ্মন্ত্র জানতেন। বিবেকানন্দ একখানি পত্রে, তাঁহার বিদেশী ভক্তবৃন্দকে লিখেছিলেন,—যদি পরণে ত্যানা, আর সাধনে মহাসাগরের মত বিশাল পয়গম্বরকুলকে দেখবার বুকের পাটা থাকে, সাহস থাকে, ভারতে এসো! নতুবা, এসে কাজ নেই।

বিলাস-ব্যসন-বিভূষিত পাশ্চাত্য হ'তে এনে, একেবারে এক নগণ্য অকিঞ্চিৎকর ক্ষুদ্র হিন্দু-পল্লীর আবাসে কলিকাতায় নিবেদিতাকে' ভারতের প্রাণের সন্ধান দেবার জন্ত শ্রীগুরু তুললেন। ভারত কি চক্ষে ভয়ী দেখেছিলেন, তা তাঁর অমৃতময়ী সাধনাময়ী বাণীর ছত্রে ছত্রে, পত্রে পত্রে, আজও যিনি ইচ্ছা করবেন, তিনিই দেখতে পাবেন। স্থলে নিবেদিতা নাই বটে, কিন্তু স্থল্লে তিনি এখনও বাংলার কুটীরে কুটীরে তুলসীমঞ্চের মাটিতে, হাতে যাগ-পিদিম ধ'রে, মায়ের মঙ্গল-আরতি ক'রছেন—ঘন ঘন গড় ক'রছেন, কল্পনা করিতে ইচ্ছা যায়। সত্য সত্যই, হে বিবেকানন্দ, তোমার নিবেদিতা ভারতমাতার পুণ্যবেদীতে প্রস্তুটিত

নির্মল কুসুমের মত সত্য শিব-সুন্দরের পূজায় উৎসৃষ্ট। হাঁটুগেড়ে শাড়ী পরে ব'সে, উদ্বোধনে বাংলার ছল্লালীদের সঙ্গে ঠাকুরের প্রসাদগ্রহণ করে জীবন সার্থক করেছেন। পুস্তক মারফতে তাঁর জ্ঞান দেশ বিদেশে সুপ্রতিষ্ঠ। বছর চল্লিশের ভিতরেই দেহান্ত হ'ল। তখন রজোগুণের পরিপূর্ণ প্রকাশ তাঁহার ভিতরে। কাঁধে বোয়াল নিয়েই—জুশ তোমারই দেউয়া, বহনের শক্তি—তাও তোমার,—বলতে বলতে শিবক্ষেত্রে দুর্জয় লিঙ্গে—১৯১১ তে শিব-সান্নিধ্য পেলেন। অলঙ্কিতে যেন বিবেকানন্দ ব'ললেন, সাবাস্ বেটা আমার!—চমৎকার খেলা খেলেছি।

উদ্বোধনে বাল্যকালে দেখিয়াছিলাম, শশী মহারাজ শয্যাশায়ী আছেন। একদিন শুনিলাম, তিনি চীৎকার করিয়া একজন সমাগত ভক্তকে বার বার ব'লছেন, “বল,—নরেন শিব,—নরেন শিব,—নরেন শিব।”

নরেন্দ্র শিব—অংশে জন্ম লইয়াছিলেন!

শৈশবে দেখা আছে, নিবেদিতা পরম শ্রদ্ধার সঙ্গে বসে, শ্রীরামকৃষ্ণের পূত সঙ্গ প্রাপ্তা শ্রীযোগীনমাতার কাছে, সাগরেদের বিনম্র মুদ্রায় ভারত কথা, পুরাণগাথা কত দিন শুনেছেন ও পুস্তকের মালমসলা সব সংগ্রহ ক'রেছেন।

এমনি ধারা, ভারতের ভিতরে ও বাহিরে, মানুষের জীবন নিয়ে, তিনি —ছিনিমিনি খেলে গেছেন! সত্যের, সত্যের, কল্যাণের মার্গে, কত জীবন যে দাঁড় করিয়ে দিয়ে গেছেন, তার আর ইয়ত্তা নাই! এবং সবটাই, সুশিল্পীর মত,—প্রত্যেক লতাকে তার প্রকৃতি,—তার প্রবৃত্তি, তার আকৃতি, পূর্ণভাবে বজায় রেখে, গঠন দিয়ে গেছেন।

একজনের কাছে এক পত্রে বিবেকানন্দ তাঁর জীবনের সবচেয়ে বড় মূল্যবান্ একটি কথা অতি সহজভাবে, অকপটে, লিপিবদ্ধ করেছেন।—হে বিবেকানন্দ-মুগ্ধ বাংলার তরুণ! আজ আপনাদিগকে সেই কথার ভাবটি শুনাইতে চাহি। তুমি আমি যতই হীন হই, আমাদের নয়নমণি,

মাথার মুকুট, বাংলার হৃদনের গরব, যে কি জিনিষ ছিলেন, তার সন্ধান ইহাতে পাইবেন।—

Do you know why I have nothing to worry about ?
—nothing to grumble, complain of ?—That's because, even
my most wicked deeds in life, were done *for others, not
for me.*

জীবনে আমি সবচেয়ে সুখী। কারুর বিরুদ্ধে গজগজ্ করবার আমার কিছু নেই। অভিযোগ, নালিশেরও কিছু নেই। যা' কিছু খারাপও করেছি, তাও পরের জন্ত। অপরের স্বার্থ-সিদ্ধি তা'হতে হবে বলে। নিজের জন্ত কিছু নয়।—ইহাই শ্রীবিবেকান্দের মর্শ্বের ইতিকথা। এরূপটি না হোলে একজন রিক্তহস্ত, খাংটার দ্বারা অত কাজ করা সম্ভব হ'ত না। এখানেই তাঁর অত্যদ্বুত সাফল্যের কীর্তিস্তম্ভ—পাকা বনিয়াদ। আর কত বড় অসীম সাহসী হ'লে, বুকছুকে একথা ব'লতে পারে। খ্রিষ্টিকে লিখিত এ চিঠি এখনও প্রকাশ হয় নি। ভাবার্থ মাত্র দেওয়া গেল। হে তরুণ তোমরাই জাতির আশ্রয়—স্থল। এই সূত্র ধরিয়া স্বামীর জীবন আলোচনা করিলে খেই হারাইবে না।

ষষ্ঠ পরিচ্ছেদ

ঠাকুর ও স্বামীজীর সম্বন্ধে কয়েকটি স্মৃতি-কণা

.. যিনি যেটুকু স্মৃতি পেয়েছেন আজ তাই-ই তাঁর পরম সম্পদ। স্মৃতির দিন ব'লে গণনা করছেন। ডাক্তার বাবুর চুল পেকেছে। তিনি একদিন কথায় কথায় শ্রীনরেন্দ্র প্রসঙ্গে বলেছিলেন—একবার ট্রেনে তিনি যাচ্ছেন—দার্জিলিংএ, বাঁড়ুঘোদের সঙ্গে। আমি বাঁড়ুঘোদের তুলে দিতে গিছলুম। একটা লম্বা গেরুয়া, আলখাল্লা পরা। পায়ে একজোড়া মাদ্রাজী শ্লিপার। যেন কাণ্ডকে ‘কেয়ার’ নেই। আলু থালু অবস্থায়—চেটাং চেটাং করতে করতে একখানি ফাষ্ট ক্লাসে গিয়ে উঠলেন। সাহেবগুলো, বাঙ্গালী, হিন্দুস্থানী—ষ্টেশনে যতলোক ছিল, সব হাঁ কোরে চেয়ে রইল। ব্যক্তিত্বের অকাটা আকর্ষণ Magnetism of personality.

আর একবার আমরা জনকয়েক কলেজের ছোঁড়া, বিকেল নাগাদ চড়ুই ভাতি করতে—বেলুড়ে গেছি। নীলাম্বর মুখুয্যের, গঙ্গার ওপর, বাগানবাড়ীতে তখন ভাড়াটে বাড়ীতে মঠ। স্বামীজী দেখেই খুব খুসী। গুপ্ত মহারাজ (সদানন্দ) লম্বা চওড়া খুব বলবান স্তম্ভের চেহারা ; Lawn টায় পায়চারী কচ্ছিলেন—যেন কোন দেবতা। তাঁকে তখনি বল্লেন—ওরে গুপ্ত, এই ছোকরারা সব এসেছে। এদের তাড়াতাড়ি একটা খাবার ব্যবস্থা করে দে। আমরা বললাম—না। আমরাই করে নেব এখন। যা হোক, গুপ্ত মহারাজ খুব Expert পটু ছিলেন। ঘণ্টাখানেকের ভেতরে চমৎকার খিচুড়ি ও মাংস কোরে এনে হাজির। স্বামীজী তাঁর সেই Peculiar strong (নিজস্ব চড়াশ্বরে) ব'ল্লেন, “নে সব খেয়ে নে।”—যেন কত আপনার !

আর একবার কি একটা খাওয়ারদাওয়া ছিল। আমি এমনি গেছি। অতি সহজ ভাবে ব'ললেন,—“আয়!—ওরে একে, একখানা পাত দেতো। বোস্! খা!” তাঁর Voice গলার আওয়াজ—সে একটা চমৎকার জিনিষ। অমন কারো শুনিনি। কথা একবারে লোকের Heart এ (হৃদয়ে) পৌঁছতো। ধাক্কা দিত। গঙ্গায় ঈশ্বারে যেমন ভক্ ভক্ ক'রে ঈশ্ব ছাড়ে, সেইরকম, এক একটা impression দিয়ে যেতো। ভুলতে পারা যেতনা। গাঁথা থাকত। যেন বুলেটের মত খাপে খাপে লোকের আঁতে গিয়ে বস্ছে। আর ঘা মার্ছে।

নীলাশ্বর বাবুর বাগানে একদিন। আমরা তখন গেছি। এমনি; ধর্ম-টর্ম কিছু বুঝিনি। বিশ্ববিখ্যাত যুরোপে নামকরা বিবেকানন্দ দেখতে গেছি। কি চিঠি-পত্র লেখাচ্ছিলেন। বড়ো ব্যস্তসমস্ত। বাবুরাম মহারাজ এসে ব'ললেন, “চান্ ক'রবে চলো। বেলা হয়েছে ঢের।” ব'ললেন, “যাচ্ছি, চ।” তারপরই উঠলেন।

কিছুক্ষণ পরে, কামারপুকুর অঞ্চলের একটি পল্লীগ্রামের,—আন্তর্গো-লোক যাকে বলে, একেবারে ঠিক তাই,—এলো। ঠাকুরের আমলের লোক, মালুমে বোধ হ'ল। দক্ষিণেশ্বরে যাতায়াত ক'রতো। অত বড় যে বিবেকানন্দ—তিনি তা যেন এক নিমেষে ভুলে গেলেন। তার সঙ্গে সহজ, সরলভাবে, আগেকার ঘরওয়ানা রকমে ব'সে আলাপ-সালাপ হাসি ঠাট্টা-তামাসা করতে লাগলেন। ঠাকুরের দেশের লোক” বলে খুব খাতির। খাবারদাবার ব্যবস্থা—আদর যত্ন যথেষ্ট করলেন। সে লোকটি ত গোড়াগুড়ি একটু অবাক অবাক ভাব দেখাতে লাগল। তারপর সবই এক হয়ে, মিলে মিশে গেল। আবার যখন গম্ভীর হতেন কার সাধ্য এগোয়।.....আমাদের সামনে ত দেখলুম খুব active, লোককে খালি কাজ করতে, organise করতে বলছেন। রজোগুণবেলুড় মঠের গঙ্গার ধারে বারান্দায় একদিন দেখি, একা পায়-

চারি করছেন। আর গুন্ গুন্ করে আপন মনে গাচ্ছেন—পিলেরে
অবধূত হো মাতুয়ালা, পিয়ালা হরি রসকরে। ছবি! ছবি!

*

*

*

*

সারদানন্দ স্বামীর পূর্বাশ্রমীয় একভাই। অল্প বয়স। যাবেন জাপান
হয়ে মার্কিণে সিংহের মত বেলুড়ে ‘লনে’ পায়চারী করতে করতে বলছেন,
—“যা—বাইরে। চোখ ফুটুক। ঘুরে দেখে আয়। খুব কাজ কর।
কিন্তু, ভারতের Spirituality (অধ্যাত্মনিষ্ঠা) ছাড়িস্ নি। তা হলেই
মুক্তিলে পড়বি।.....(সারদানন্দের দিকে ফিরিয়া) কিরে
শ্রুতি? তোর এই ভাইটাকেও সাধু হতে বল না?” সারদানন্দ
বলছেন,—“আমি কি জানি, ওর যখন সময় হবে,.....হবে।”

*

*

*

*

আর একজন গায়ক। ভক্ত সন্তান। বলছেন, মারী পাহাড়ে স্বামীজী
diabetes এ ভুগে change এ গেছেন। সেইখানেই প্রথম দেখা।
শরীর কাহিল। —আমরা একটা বাঙ্গালী মেসে থাকতুম। সেখানে
একদিন বেড়াতে গেছেন! সঙ্গে গুপ্ত মহারাজ আছেন। বদ্বিতে
তঁাকে গান করতে মানা করেছে। কিন্তু, আমার ঘরে একটি তানপুরা
দেখে, ভারি খুসী হয়েছেন! বেঁধে গাইতে আরম্ভ করলেন—“গাও
জীব জন্তু আদি যে আছ যেখানে।” গানটার এইখান থেকেই ধরলেন।
গুরুগম্ভীর জমজমাট, খাসা গলা। শুনেই মনে হল, সচরাচর এমন গলা
শোনা যায় না। গুপ্ত মহারাজ হুঁস্ করিয়ে দিলেন। “মহারাজ—তবিয়ে
ভাল নয়। আপনার গান গাওয়া মানা আছে।” “আরে, রেখে দে
তোর ডাক্তার-ফাক্তার।”

আমার শরীর দেখে—(বস্ত্র টকটকে গোরবর্ণ। সাধারণ বাঙ্গা-
লীর চেয়ে বেশ দীর্ঘকায়। সুগঠিত সুচারু, সুন্দর দেহ, সুপুরুষ। বহু-
লোকের ভিতর দাঁড়াইয়া থাকিলে অগ্রে তাঁহারই উপর নজর পড়িবে।)

—ও গান শুনে ভারী খুসী হয়েছিলেন। আর বলেছিলেন,—“বাবা ! ব্রহ্মচর্য্য ! ব্রহ্মচর্য্যই আসল ! সত্যেন লভ্য স্তপসাহুেষ আত্মা..... ব্রহ্মচর্য্যেন নিত্যং”—কি সুন্দর, শুদ্ধ, সংস্কৃত আবৃত্তি !

*

*

*

*

পরমহংসদেবের চরিত—বিশ্লেষণ যতই করা যাচ্ছে, যতই তাঁর সম্বন্ধে ভাবা যাচ্ছে, ততই একদিক দিয়ে মনে হচ্ছে, তাঁর মত কৰ্ম্ম-কৌশলী—‘কাজের লোক’ বা অভিজ্ঞ ব্যক্তি ছনিয়ায় ছুটি মেলা ভার। যে, যেভাবে কথা ধরতে পারবে, পালন করতে পারবে, তার কাছে মাত্র তত্ত্বাবের কথা কইতেন। যাদের সংসারত্যাগীরূপে ভবিষ্যতে জগতের সামনে দাঁড়াতে হবে, তাদের কাছে খালি ত্যাগের মহিমা, ত্যাগের মাহাত্ম্যকথাই প্রায় বলিতেন। তাঁহারই বালক গঙ্গাধর (অখণ্ডানন্দ) একদিন কথায় কথায় ব’ললেন—বলরাম বাবুর বাড়ীতে বেশ মনে পড়ে একদিন হঠাৎ বলে উঠলেন (আমরা সব চার পাশে)—“কামিনীকাঞ্চন হ্যাক্—থু! হ্যাক্—থু! হ্যাক্—থু!” অনেক বার এইটি আওড়াতে লাগলেন। শেষে থুথু তাঁর মুখ থেকে গড়িয়ে মেজেতে পড়তে লাগল। আমাদের দৃঢ় সংস্কার জন্মিয়ে দিলেন—ও জিনিষ ছোটো কি জঘন্ত। হাজার লেক্‌চারেও ঐরূপটি হবার উপায় নাই। তাঁর অন্তরের সব শক্তি ঐ কথাগুলির ভিতর ফুটে বেরুতে লাগল। দক্ষিণেশ্বরে তাঁর ঘরে—বড়দরের বদ্ধবিষয়ী কেউ কথা কয়ে উঠে গেলে, আমায় ব’লেছিলেন—ঐ কোণে জালায় গঙ্গাজল আছে, ছিটিয়ে দে,—শালা, কামিনী-কাঞ্চনের দাস! ঐ জায়গাটায় বসে সাত হাত মাটি নোংরা করে দিয়ে গেলো।.....তিনি সাক্ষাৎ দর্শন করিয়ে দিয়ে ভক্তকে ঈশ্বরের পথে এগিয়ে দিতেন। কালী-মন্দিরে নিয়ে গিয়ে এক ভক্তকে ব’ললেন—শিব ত্যাখ্। সে সত্য সত্য দেখলে,—শিব, বিরাট, চৈতন্যময়, মন্দির ছুঁড়ে যেন উঠে দাঁড়াচ্ছেন।

তিনি ঐ কথা উচ্চারণ করে, শিবের দিকে আঙ্গুল বাড়িয়ে—সমাধিস্থ ! ভক্তটি প্রায় পনেরো মিনিট ঐ ভাবে তাঁর কাছে দাঁড়িয়ে রইল । কাশীপুর বাগানে তাঁর শরীর যাবার পর, আকাশের দিকে চেয়ে দেখি, তাঁদের চারপাশে এক জ্যোতির্ষ্মণ্ডল হয়েছে । শরীর ঠিক গ্যাছে কিনা, তখনও সকলের সন্দেহ । চন্দ্রমণ্ডলের দিকে সকলের দৃষ্টি আকর্ষণ ক’রলুম ! স্বামীজী সকলকেই ঐটি লক্ষ্য ক’রতে ব’ললেন ।

অথগুনন্দের মুখে, স্বামীজীর সম্বন্ধে আর একটি কথা এইখানে উল্লেখ-যোগ্য । স্বামী কখন কখন ব’লতেন, ওরে আজ আমার খাবার বন্ধ । শরীরে বিকারভাব এসেছে । কি সুন্দর সরলতা !

*

*

*

*

স্বামীজীর প্রসঙ্গে যোগীন-মার কয়েকটি টুকরা কথা মনে পড়িতেছে । —আহা ! তাঁর সেই সদাহাস্তময় মুখখানি মনে আসছে । যেন চোখের সামনে ভাসছে । জল্ জল্ ক’রছে । বেলুড় থেকে সকাল সকাল তাড়াতাড়ি অন্নপূর্ণার ঘাটে নেমে, আমাদের বাড়ী ঢুকলেন । ফটক পেরিয়ে, বারবাড়ীর উঠান থেকেই, ডেকে হেঁকে, চীৎকার করে ব’লছেন, ও যোগেন-মা, আজ বেলায় কাজ সেরেস্বরে এসে তোমার এইখানেই খাবো । ভাল করে এই এই রাঁধবে (বিশেষ লেখকের স্মরণ নাই)আবার একদিন বাবুরামকে রঙ্গ করে ব’লছেন,—ত্যাখো, ভেঁপু ! —তোমার ও খালি হায়রে লিতাই, হায়রে লিতাই, আমার এ মঠে চ’লবে না । এখানে পড়াশুনো ক’রতে হবে ।আমেরিকা থেকে ফিরে এসে, একদিন গল্পে গল্পে আমাদের বলেছিলেন,—“ওগো, অত নাম-যশ সম্মান-খাতির কি আমার শক্তিতে হয়েছে ? না, ওসব হজম করাই আমার ক্ষমতা ? আমি সেই মস্ত বড় সভায় ব’লতে দাঁড়িয়েই—অতলোক একসঙ্গে—গিস্ গিস্ ক’রছে দেখে—কি যে ব’লব, কিছুই

বুঝতে পারিনি। কখনও অত লোকের সামনে কথা বলা অভ্যেস ছিল না। একদম তৈরী ছিলুম না। আমার বাহজ্ঞান চলে গেলো। আর দেখি কি, এই শরীরটার ভিতর ঠাকুর এসে, যা বলবার ব'লে যাচ্ছেন। যখন বলা শেষ করে, বসে প'ড়লুম, তখনও আমি জানি না, আমি কি বললুম! আমি যেন অবশ!"

* * * *

সারদানন্দ বলিয়াছিলেন,—স্বামীজী থাকতে থাকতেই, আমাদের ভিতর কেহ কেহ, তাঁর কাজ-কর্ম অগ্রভাবে দেখতে আরম্ভ করেন। আমি তখন westএ (পাশ্চাত্যে)—এসে গুলুম, একদিন বলরাম বাবুর বাড়ীতে, যোগেন স্বামীজী প্রভৃতি, এঁরা সব ঐ কথা বলাতে, তিনি অভিমান ক'রে কাঁদতে কাঁদতে ব'ললেন,—বাঃ। ওরে, যোগে, তোরাও এই কথা ব'ললি!—আর শরীর রাখব না।—ছেড়ে দেবো।—এই বলে, নির্জনে বসে রইলেন। কারো সঙ্গে কথাবার্তা নেই। শেষে মহারাজ (স্বামী ব্রহ্মানন্দ) আবার এসে তাঁদের বকাবকি করেন,—সর্বনাশ! তোমরা আবার এ কি ক'রলে? এই পাগল ক্যাপালে?—তিনিই ঠাণ্ডাঠুণ্ডি করেন। আর বাস্তবিকই, যারা তাঁর criticism (কটাক্ষ) করেছিলেন, তাঁদেরই বা দোষ কি? তাঁরাও দেখলেন (মোটামুটি)—স্বামীজী আমেরিকায় গেলেন,—যে বক্তৃতা প্রভৃতি ক'রলেন, তাতে বড় একটা ঠাকুরের নামগন্ধ পর্য্যন্ত নেই। যেন নিজের মহিমাই গেয়েছেন!

আর আখো, একথা ঠাকুরও বলে গেছেন। তখন ঠাকুরের সেই কয় রাজ ঘুম হয় নি। মুখ চোখ লাল—flushed হয়ে গেছে। ঘরে আমরা সবাই বসে আছি। স্বামীজী ঢুকতেই তাঁর দিকে আঙ্গুল দেখিয়ে চোঁচিয়ে ব'ললেন, হাঁ, এঁর মত কেউ নেই। আখ্! তাকে এখন কেউ বুঝতে পারবে না। তুই ঠিক থাক্!

.....স্বামীজীর তখন দেওঘরে অসুখ। আমি attend (সেবা) করছি। রোগা হয়ে গেছেন। (এই সময়েরই একখানি ছবি আছে, সামনে ঝোঁকা, হাত দুখানির ওপর ভর দেওয়া, ফতুয়া পরা, দেখলেই মনে হয়, স্বামী অসুস্থ) আর ওরই ভিতর পাশ মোড়া দিচ্ছেন শুয়ে শুয়ে, আর বলছেন, দেখছি, এই ঝাখ্ ! এটাকে বলে, গরুড়াসন, এটাকে বলে অমুক আসন ইত্যাদি। একদিন খুব Inspired (ভাবে গদগদ) হয়েছেন, তখন কার সাধ্য কোন কথার প্রতিবাদ করে ? ব'লছেন গাল দিয়ে, অমুকের কি দরকার ছিল, আমাদের কাজ পণ্ড করবার ? (যত শাস্ত করবার চেষ্টা করি, ততই বেড়ে চলে ;) ঠাকুরের উদার ভাবকে একটা বদ গৌড়ামি কিস্তুকিমাকার দাঁড় করালে। বললে, ঠাকুর অবতার, এটা আগে বলা চাই। কিন্তু, আমাদের Method (কাজের প্রণালী) অল্প রকম। তাঁর Character ভাব দিতে হবে। তারপর লোকে আপনাআপনিই বলবে।

স্বামীজীর সম্বন্ধে একটি অলৌকিক কথার টুকরা সারদানন্দ একবার পূর্ণানন্দকে বলিয়াছিলেন,—

...একবার স্বামীজীর শিষ্য অমুকের বড় অসুখ। প্রাণ টেকে কিনা সন্দেহ। তার মা অত্যন্ত কাতর হয়ে স্বামীজীকে খুব জিদ করে ধরলেন, কিছু মিছা করে শীঘ্র শীঘ্র তাকে আরাম করে দিতে। আমাদের সাম্নেই তিনি খানিকটে গঙ্গাজল আনতে ব'ললেন, একটা বাটি করে। তারপর সেই জলটার দিকে কিছুক্ষণ চেয়ে রইলেন। আশ্চর্য্য ! জলটা গরম হয়ে তা থেকে ধোঁয়া উঠতে লাগল। তিনি বলিলেন, যাও, ওকে খাইয়ে দিও একটু একটু করে। বাকী যেটা থাকবে, ঘরে রেখে দিও। বাড়ীর কারুর শব্দ ব্যারাম হ'লে ব্যবহার ক'রবে।—তা বুঝলে, এই দেখনা, Miracle (অলৌকিক ক্ষমতা) যে কথা তুমি তুললে, তা—তাঁর যথেষ্টই

ছিলো। তবে সব জায়গায়—ওগুলির ব্যবহার ক'রতেন না। আর ঠাকুরও নিষেধ করতেন।

—ইহা ছাড়া আমরা বিবেকানন্দের, পাশ্চাত্যদেশে জনৈকের প্রতি রূপাপরবশ হইয়া,—এই ভাবে অলৌকিক ক্ষমতার পরিচয় দান সম্বন্ধে একটি দৃষ্টান্তের কথা অবগত আছি—একজনকে তিনি—বলিয়াছিলেন, “ত্যাখো, খুব যখন কষ্ট হবে, দিন চলে না, ঘরে খাবার নেই, খেতে পাচ্ছ না, খালি তখন এই ব্যাগটি খুলেই অর্থ পাবে। এর অপব্যবহার করলে, কোন ফল পাবে না। সাবধান।—পাঠকের এই সব বিশ্বাসে আসিবে কি না, কে জানে ?

*

*

*

*

স্বামীজীর আশীর্বাদ প্রাপ্ত গৌরবাবু বলিতেছেন। তখন তাঁর বয়স পনের ষোল। বেলুড়ে থাকতেন।

বেলুড় মঠে তখন—তিনি থাকতেও বেশী লোক সমাগম হোত না। গিরীশ-স্মৃতি-মন্দিরের পশ্চিম দিকের দেওয়ালেই তখনকার মঠের ফটক। এখনকার মত পাকা নহে। রাত্রে ঠাকুরের ভোগ নামিয়াছে। আমরা সবে খেতে বসেছি। হঠাৎ মালি বলিল, এক সাহেব আসিয়াছেন। তখন দশটা। সাহেব চাবির জন্ত অপেক্ষা করিতে পারিলেন না। তারের বেড়া টপ্কাইয়া মঠভূমির উপর ঝম্প প্রদান করিলেন। মজার সাহেব, বাবরী চুল—টেরী। ঠিক ছবির মত। সাহেবী পোষাকেও চমৎকার মানিয়াছে! “ওরে, বাবুরাম, কি আছে, নিয়ে আয়! বড্ড ক্ষিদে পেয়েছে। আমি পালিয়ে এলুম।” সে রাত্রে হইয়াছিল—খিচুড়ি আর মঠেই উৎপন্ন কাঁচ-কলার ড়ান্না!

বাবুরাম মহারাজ আফ্লাদে আটখানা। “কি খাবে? একটু বোসনা, লুচি ভাজিয়ে দিচ্ছি।”—“আরে, না, না। ঐ বেশ হবে। অনেক দিন—খিচুড়ি খাই নাই!”

সারা রাত গল্পে কেটে গেল। Main buildingএ বড়দার ঘরের দিকের ঘরখানিতে সবাই জমায়েৎ। স্বামীজী ঐখানে একখানি চৌকির উপর বসিয়া গল্প জমাইলেন। গল্পের রাজা।

সকালে নাপিতের ডাক পড়িল। চুল কাটিয়া ফেলিলেন। যে ভারতীয় সন্ন্যাসী—সেই ভারতীয় সন্ন্যাসী।

অল্প লোক—তখন বেলুড় মঠে। কিন্তু কি জমাট! ১৯০১এর কথা মনে হচ্ছে। সারারাত্র প্রহরে প্রহরে শিবপূজা—ঠাকুরঘরে হইতেছে। আর ঠিক তারই নীচে বারাণ্ডায়, পাখোওয়াজ সঙ্গতের সহিত তানপুরা হস্তে স্বামীজী গান গাহিছেন। গলাটি যেন একটি তানপুরা—চমৎকার। যেমন গভীর, তেমন স্নিগ্ধ। (মনে হইতেছে—স্বামীজীর গলার উদাহরণ দিয়া সারদানন্দ মহারাজ বলিতেন—গলার জোয়ারী খুলিয়া গেলে, গলা হইতে একটি অপূৰ্ণ রেশ বাহির হয়। ইহা স্ব-সংবেদ। ধাতবিক পদার্থের উপর আওয়াজ করিলে যে রেশ উঠে, গলা হইতে তখন, তাহাই উঠিতে থাকে।) শিব হইয়া শিবের নাম গানবন্দনা, ভজনে সকলকে মোহিত করিলেন। (আর একটি ভক্ত বলেছিলেন, ঠিক এইভাবে একদিন, বিভূতি মাখিয়া মৃদঙ্গ বাজাইতে বাজাইতে তিনি স্বরচিত শ্রীরামকৃষ্ণ-বন্দনা গাহিয়াছিলেন। গিরিশ বাবুকে জোর পূৰ্ণক লাল কাপড় পরাইয়া ‘ভৈরব’ সাজাইয়াছিলেন। নীলাষরের বাগানে। পাঁচজনের ভিড়ের মধ্যে গোপালের মা বলিলেন, তোমরা সবাই একটু সর, আমি শিব দর্শন করি।) নিৰ্মলানন্দ ও আত্মানন্দ পাখোওয়াজ বাজাইলেন। সারারাত আনন্দের ফোয়ারা ছুটিল। কি পবিত্র, কি মধুর, কি স্বর্গীয় !

তিনচার দিন মঠের তিনটি পাইখানার ময়লা সাফ হয় নাই। মেথর আসে নাই। তাঁর নাকে দুর্গন্ধ গিয়াছে। সটান ময়লার বাল্টি নিজে বহিয়া লইয়া—ঢালী খোলার দিকে, ফেলিয়া দিয়া আসিলেন। ছেলেদের

শরীর খারাপ হবে, এই ভাবনায় অস্থির। তাঁকে ঐ কাজ করতে দেখে
 ঝাঁরা ঝাঁরা এগিয়ে এলেন, তাঁদের সবাইকে ভীষণ দাবড়ি দিলেন।
 বল্লেন, এখন কেন? এতক্ষণ করতে পারোনি? একটি বালক একটি
 বাল্টি করিয়া জল ঢালিতে লাগিল। তিনি ঝাঁটা দিয়া, অতি সহজ ভাবেই
 সব পরিষ্কার করিতে লাগিলেন। কোন দ্বিধা নাই। কোন সঙ্কোচ
 নাই।

একাই ছিলেন একশো। আর কোন লোক আমাদের চোখে ঠেকে
 না। আর এঁদের পরস্পর গুরুভাই গুরুভাইকে কি অদ্ভুত বিশ্বাস! কি
 ভালবাসা! মার পেটের ভায়েরাও এমন হয় না। কেও মঠের কাজকর্ম
 সংক্রান্ত কোন কথা জিজ্ঞাসা করলে, তিনি বল্লেন, আমি কিছু জানিনা।
 রাজার কাছে (স্বামী ব্রহ্মানন্দ) যাও। তাঁর মন আমাদের মত দোকানদার
 ছিল না। রাজাকে যে মঠাধীশ করেছেন, তো ষোল আনা মনে
 প্রাণে জানেন, রাজাই রাজা। আর নরেন তাঁর প্রজা। (আমরা
 ইহাও শুনিয়াছি—পাশ্চাত্য হইতে আসিয়া তাঁর কোন অভাবগ্রস্ত পূর্বা-
 শ্রমীয় নিকট-আত্মীয়কে কিছু অর্থ সাহায্যের প্রয়োজন হইলে, রাজার
 মারফৎ পাঠাইয়াছিলেন।)

*

*

*

*

কৃষ্ণলাল মহারাজ বলেন—১৮৯৯, গিরিশ বাবুর বাড়ীর সামনের
 গোলবারন্দাওয়ালা ভাড়া বাড়ীতে যোগীন-স্বামীর দেহ গেল। বেলা
 তখন তিনটে। মা (সারদা মা) উপরে আছেন,—স্বামীজী যোগেন
 মহারাজের দেহ আরতি ক'রলেন। মিষ্টি ভোগ দিলেন। স্বামীজী
 শ্মশানে গেলেন না। গিরিশ বাবুর বাড়ী বসে রইলেন। মহারাজ
 (স্বামী ব্রহ্মানন্দ) গেলেন। স্বামীজী বল্লেন,—এই কড়ি খস্লে,
 এর পর একে একে বরগা প্রভৃতি খসে পড়বে। যতক্ষণ না প্রাণবায়ু

গেল, স্বামীজী নিকটে ব'সে রইলেন। কোন নামটাম চেষ্টায়ে ক'রলেন না। Silently pass করতে দিলেন। যোগীনস্বামীর মা (গর্ভধারিণী) দেখতে এসেছিলেন। স্বামীজী তাঁকে শিগ্গির শিগ্গির চলে যেতে ব'ললেন। ...

একদিন মার বাড়ী স্বামীজী খাবেন। বোস্পাড়ায়। কলায়ের ডাল হয়েছে শুনে, ভারি খুসী। খুব ভালবাসতেন। কোন লোকের সম্বন্ধে আমাকে সাবধান করে দিয়েছিলেন। বলেন, এর চাউনি ভাল নয়। তুই সাবধানে থাক'বি। কোন ব্রহ্মচারী সম্বন্ধে যখন যোগেন স্বামী তার ভার নিলেন তখন স্বামীজী নিশ্চিন্ত হ'লেন। নেয়াপতি ডাবের ভিতর চিনি দিয়ে, সেই ডাবের খোলে বরফ দিয়ে খেতে ভালবাসতেন! বলরাম বাবুর বাড়ীতে একবার দিলুম। খেয়ে ভারী খুসী। বলেন আঃ—চমৎকার। নে তুই খা। আমি খাচ্ছি। আবার বালকবৎ বলছেন,—আমায় আর একটু দেনা। এঁটোর জ্ঞান নেই। পশ্চিমে বেড়াবার সময় একপাতে নিয়ে খেতে বসেছেন।

আমরা মার বাড়ীর দ্বারী ছিলাম বলে, আমাদের তামাসা করে, কালীঘাটের পাণ্ডা বলতেন। শুদ্ধানন্দও বলেন, লাহোরে জগদ্বিখ্যাত স্বামীজীকে দেখলাম একটি নগণ্য ক্ষুদ্র ছোকরা ব্রহ্মচারীর উপর মায়ে মত যত্ন। এই হৃদয়বন্তাই বিবেকানন্দের বিশেষত্ব। ছোট উপরও নজর। ছোট উপরও প্রেম। একদিন কফির দানাগুলি বেশা ভাজা হইয়াছিল বলিয়া, সেবক কানাইলালকে, সেবার ত্রুটির জন্ত স্বামীজী কাণ মলিয়া দিলেন। কানাই লুকাইয়া ফুঁপাইয়া ফুঁপাইয়া কাঁদিতে ছিলেন। কর্তা দূর হইতে দেখিতে পাইয়া হাসিতে হাসিতে বললেন—“দেখতে পেয়েছি, কানাই। আর কেঁদনা, বাবা!” তার পর গলা জড়াইয়া ধরিয়া আবেদনের সহিত বলিলেন—“ওরে কিছু মনে করিস্

নি। তাদের ভালবাসি, তাই এমন ক'রে ফেলি। তোরা আপনার লোক।”

কানাইলালের লজ্জা হইল। রাগ, অভিমান, ভালবাসার তপ্ত সংস্পর্শে বরফের ত্রায় গলিয়া—জল হইয়া গেল! স্বামীজী ভালবেসে কানাইলালের ত্রায় বহু চিন্ত জয় করিয়াছিলেন। সেই দৈবী ভালবাসার আওতার আসিয়া আপনাদের মহদ্বন্দ্বসত্তা সম্যক্ ফুটাইয়া তোলা, অশুভ সংস্কারের চাপে হয়ত সকলের ভাগ্যে ঘটয়া উঠে নাই। কৃষ্ণলাল মহারাজ বলেন,—তঁার সঙ্গে যোধপুরের ম্যানেজারের বাসায় আমরা আছি। হরিদ্বার থেকে একজন সাধুর কাপড়পরা লোক এলেন। এক ঠোঙ্গা জিলাপী স্বামীজীকে দিলেন। তিনি কিন্তু, কাণ্ডকে খেতে দিলেন না। রাজার হাতীকে খাওয়ালেন। আগত ব্যক্তি আশ্রম ক'রবেন বলে, টাকার জন্ত এসেছেন। ইচ্ছা, রাজার সঙ্গে পরিচয় করাইয়া দিয়া কিছু পাইয়ে দেন। স্বামীজী নিজের সীমা বুঝতেন। তঁার সঙ্গে ম্যানেজারের স্রবাদ। রাজাকে ওপরচড়াও হ'য়ে কিছু ব'ললেন না। সেভিয়ারকে ব'ললেন, দশটাকা দিতে। এই পর্য্যন্ত। স্বামীজী গুজ্ গুজ্ ভাব পছন্দ ক'রতেন না। পরিকার জবাব, স্পষ্ট কথা এবং দোষ স্বীকার পছন্দ করতেন। গিরীশ বাবুর নাটকে আছে, ফাঁড়ীদারের চার চোখ। স্বামীজীরও এই রকম ছিল। তিনি নিজেও ব'লতেন—আমার পিছনে দুটো চোখ। সামনে দুটো। প্রথমবার পাশ্চাত্য থেকে ফিরে কলম্বোতে Diabetes রোগ প্রথম দেখা দেয়। তার পূর্বে শরীর বেশ চমৎকার ছিল। শেষে রোগা হয়ে গেলেন।

স্বামীজীর জীবনে অন্তঃসলিলা ফল্গুর মত ভক্তিদ্বারার সম্বন্ধে, একবার পূজ্যপাদ বাবুরাম মহারাজ বলিয়াছিলেন,—ঠাকুরের দেহত্যাগের পর, রোজ সকালে তঁার বালিশ রোদে শুকুতে দিয়েছি। রোজই চোখের জলে ভিজে থাকত। ঠাকুরের জন্ত আকুল নির্জন ক্রন্দন।

* * * * *

স্বামী বিবেকানন্দের মনের উদারতা ছিল অপরিসীম। পরমহংস-দেবকে যদি কেও অবতার বোলে না মানেন, তার জন্য তিনি কোন খেয়াল করিতেন না। তৎপ্রতিষ্ঠিত মঠের আশ্রয়প্রাপ্ত প্রায় সকলেই পরমহংসদেবকে যুগাবতার বলিয়া মানেন। কিন্তু কোন সন্ন্যাসী ব্রহ্মচারী যদি অবতারতত্ত্ব না মানিয়া আত্মজ্ঞানকে স্বীকারে ইচ্ছুক থাকিতেন, বা থাকেন, আমাদের মনে হয়, তাহাতে স্বামীজীর আপত্তি হইত না। যদি কেহ ঠাকুরঘর বা ঠাকুরপূজা না পছন্দ করেন এমং ব্যক্তিরও সম্মান আপ্যায়নের অভাব হইত না। তাঁহার ন্যায় উদারমনা ব্যক্তিই আরও বলিতে পারিয়াছিলেন যে, প্রতি মঠে সামর্থ্য মত ছাত্র রাখা হবে। তাদের মানুষকরা হবে। সংশিক্ষা দেওয়া হবে। জাগতিক ও আধ্যাত্মিক উভয় দিক দিয়াই তাহাদিগকে স্বাবলম্বীরূপে গঠন করা হবে। তাদের সঙ্গে কোন কড়ার থাকবে না। তাদের ইচ্ছা হয়, তারা মঠে যোগ দিয়ে সাধু হবে। কিম্বা সংগৃহস্থ হবে। অধ্যাত্ম ধর্মের কি সুন্দর বাখ্যাই না আচার্য্য বিবেকানন্দ তাঁহার জ্ঞানগ্রন্থে দিয়া গিয়াছেন।—আমি জীবনে অনেকগুলি অধ্যাত্মবলে বলীয়ান্ ব্যক্তির সাক্ষাৎকার লাভ করিয়াছি। তাঁহারা প্রত্যেকেই বিচার-শক্তি সম্পন্ন। কিন্তু, আমরা সচরাচর ভগবান ব'ল্তে যা বুঝি তা তাঁরা মানতেন না। আমার মনে হয়—তাঁরা আমাদের চেয়ে বেশী ভগবান্ বুঝতেন। ধর্ম ব'ল্তে—এই সব ভাবগুলিই তাহার অন্তর্ভুক্ত ক'রতে হবে—ব্যক্তিত্ববিশিষ্ট ঈশ্বর, অরূপ ঈশ্বর, অসীম ঈশ্বর, নৈতিক নিসর্গবিধি, আদর্শ মানবতা। এইভাবে ধর্মগুলি যখন উদার হইবে, তখন সেইগুলির লোকহিত-সামর্থ্য শতগুণে বৃদ্ধি পাইবে। (ইং জ্ঞানযোগ ১৪ পৃঃ)

তাঁহার অমুগামী স্বামী সারদানন্দ মহারাজের কার্যকলাপে এইভাবে খুব পরিস্ফুট দেখা যাইত। কোন গরীব পুত্রশোকাতুর ব্যক্তি একবার

তাঁর কাছে জুড়াইতে আসেন। তিনি তাঁকে ব'ল্লেন,—শুনেছি এই অবস্থায় তীর্থভ্রমণ ভাল। আপনার ত' দূর তীর্থে যাওয়া, অবস্থায় কুলোবে না। অল্প ভাড়ায় দক্ষিণেশ্বর ষ্টামারে যেতে পারেন। (তখন ষ্টামার চলাচল ছিল) ক'লকাতার কাছে। আর সেখানে গিয়ে ব'সবেন, যদি সেটাকে তীর্থ ব'লে মনে হয়।

আরও দেখা যাইত, নিজের মেজাজ খারাপ না করিয়া, তিনি পরমত-সহিষ্ণুতা যথেষ্ট প্রকাশ ক'রতেন। যে সব ছেলেরা তাঁর খাইয়া মানুষ, তাহাদের কাহারও উপর, কোনদিন নিজের মত, জোরপূর্ব্বক চাপান দিতেন না।

সপ্তম পরিচ্ছেদ

অভীর প্রতীক আচার্য্য বিবেকানন্দ

আদর্শের প্রতি অটুট মমতা ও টান থাকলে, নিঃস্ব হয়েও বড় বড় কাজ করা যায়। খাঁটি জীবন-বলির বিনিময়ে, কাজ হতে বাধ্য। তবে অনেক সময়, যথাযথ কালের জন্ত অপেক্ষা ক'রতে হয়। অনেক জিনিস, বাঁচিয়া থাকিতে থাকিতে প্রতিষ্ঠিত, সাফল্য মণ্ডিত, হইতে দেখা যায় না। শ্রীরামকৃষ্ণ-বিবেকানন্দের মহত্বদার জীবন, ইহাই সপ্রমাণ করিতেছে।

শ্রমজীবীরা হুনিয়া জুড়ে কি ক'রছে, চেয়ে দেখলে স্তম্ভিত হ'তে

হয়! আরও ক'র্বে, ক্রমশঃ ক্রমশঃ। পুরাণবর্ণিত শূদ্র বা কলিযুগ আমাদের দ্বারে দ্বারে, জগতের সর্বত্র দেখা দিয়েছে। নৃতত্ত্ববিদগণের কেহ কেহ এই কলিযুগের অর্থ (কলিযুগ কথাটি পারিভাষিক ভাবে লইয়া) 'লৌহযুগ' করিয়াছেন। বিজ্ঞানের পীঠস্থানে, ব্যবসার ক্ষেত্রে এখন লৌহ-ইস্পাতের ব্যবহার সর্বত্র ব্যাপকভাবে প্রচলিত। কামার, কুমার, ছুতার, হাড়ি, মুচি, মেতুয়া, মেথর—এরাই উঠছে। উঠবে। এই সাধারণ গরীবের প্রথম ফরাসী বিপ্লব বাধিয়েছিল। তারপর একে একে কত রাজমুকুটকে পর পর, যুগে যুগে ধূলিধূসরিত করেছে। বোর্কিনিজম্, জারডাম্, কাইজারডাম্—আর সর্বপ্রকার একচ্ছত্রাধিপত্যের ভাবকে দমিয়ে দিয়েছে। দিচ্ছে। অর্থৈকসম্বল ধনী মহাজনদের কাঁপিয়ে, কাঁদিয়ে দিচ্ছে। যত রকমে, জগতে দাসপ্রথা মাথা তুলেছে, তুলছে—সবার উচ্ছেদ সাধনে দেশে দেশে গণশক্তি সচেষ্টিত হয়ে এসেছে। ভবিষ্যতে আসবে। অত্যাচার বিচার বেশী দিন প্রকৃতি সহ্য করে না। তাই ফরাসী রাজা বোডশ লুই রাজপ্রাসাদে পারিষদ-পরিবৃত্ত হোয়ে, স্তম্ভিতভাবে একদিন রাজ্যের সব সাধারণ প্রজাদের তাঁর বাড়ী ঘেরাও ক'র্তে দেখে আশ্চর্য্য চমকিত হোয়ে, অপ্রিয় সত্য শুনতে বাধ্য হয়েছিলেন,—না রাজা, এ বড় বিরাট ব্যাপার। ছোট খাটো ছ' দশ জনের গোলমাল নয়। এ ভয়ঙ্কর। এ রুদ্ধ। দেশশুদ্ধ সবাই ক্ষেপে উঠেছে। সাবধান!

যুবক বাংলার একজন শ্রেষ্ঠ ভাববাহী, স্নকবি সত্যেন্দ্র, সাহসী তেজী সৈনিকের মত—মেঘমল্ল স্বরে বীর বিবেকানন্দের শ্রায়ই বলিয়াছেন,—

অন্ধকারের বুক চিরে—ও কাদের সিংহনাদ ?

ভয়ের আঁধার ছিন্ন করা—জাগলো কি আহ্লাদ !

দুস্তের দরদী শ্রায়বিচারকারী প্রজারঞ্জনকারী রাজশক্তির উচ্ছেদ আশঙ্কা আছে বলিয়া আমাদের বিশ্বাস নাই। কারণ, যতই আমরা

সব “সমান—সমান” বলি, গুণীর যোগ্য আদর প্রত্যেক মানুষ দিতে বাধ্য। হুনিয়ার অনেক দেশ আজ বহুতন্ত্র ছাড়িয়া একতন্ত্র শাসন চাহিয়াছে। নামে কিছু আসিয়া যায় না, শাসন চাই।

দরিদ্র দেশকর্মী ও আত্মোন্নতিকামী ব্যক্তিকে বিবেকানন্দ ব’ল্ছেন,—
দরিদ্র তুমি, তাতে কোন ক্ষতি নাই। তুমি অজেয় হবে। তবে, কথা আছে,—তুমি কি সম্পূর্ণ স্বার্থশূন্য? তা’ যদি হও, তোমাকে কেও রোধ ক’রতে পারবে না। বৎস, পবিত্র হও। প্রভুর প্রতি বিশ্বাস রাখ। ভ্রাতৃবৃন্দ, আমরা গরীব বটে, আমরা কেও নই—সব ঠিক, কিন্তু, এইরূপ লোকেরাই প্রভু ভগবানের যন্ত্ররূপে কাজ করেছে।
“Are you perfectly unselfish?—If so, you are irresistible...
Be holy. Trust in the Lord. We are poor, my brothers, we are nobodies. But such have been always the instruments of the Most High.”

বড় বড় কাজ এরাই করেছে। গরীবের দোরে শ্রীঈশা, গরীবের দোরে শ্রীচৈতন্য—গরীবের দোরে শ্রীরামকৃষ্ণ। টাকা আপনি এসে, এঁদের সবাইয়ের পায়ে লুটোপুটি খেয়েছে। এঁরা কিন্তু, টাকার গোলাম হননি, কেউই।

* * * *

ভবিষ্যত খতিয়ে দেখি না। দেখবার জন্তে আগ্রহও করি না।
I do not see into the Future nor do I care to see. সেই চলাপথের পায়ে ধূলাওয়ালা, সংসারের পোড়-থেকো, ঠেকে শেখা, পরমাভিজ্ঞ আচার্য্যকে, কে যেন কেন, ভালবাস্তে ইচ্ছা হয়। তিনি ভুগেছিলেন,—বড্ডই ভুগেছিলেন। প্রতারণা, শঠতাময় সংসার দেখে নিয়ে, তারই উপর বীরের মত সত্যের সিংহাসন পাতবার জন্ত আগ্রাণ চেষ্টা করেছিলেন। পর্বতপ্রমাণ বাধার সমক্ষে, কসিকার পৃথিবীপ্রথিত

বীরেন্দ্রসিংহের ছায়, তিনিও একদিন ব'লতে পেরেছিলেন,—‘অসম্ভব’ শব্দটা নিরেট বোকা লোকদেরই অভিধানে দেখতে পাওয়া যায়। শুধু মুখে বলা নয়, কাজের দ্বারা, আত্মোৎসর্গের দ্বারা, ত্যাগের দ্বারা, তিনি পৃথিবীর লোকদের একথা বলতে পেরেছিলেন। সেই জন্তেই, গ্রাপলি'ও ক্ষণজন্মা। নরেন্দ্রও তাই। সেইজন্তে তিনিও বড়। তিনি মহান্। তিনি আমাদের সাহস,—আমাদের আশা,—আমাদের আদর্শ।

ফলাফলের দিকে এ দৃষ্টি নিয়ে তাকাতে ইচ্ছা হয় না। “প্রেমহেতু উন্মাদের মত, প্রাণহীন ধরেছি ছায়ায়।.....মস্ততত্ত্ব.....বুদ্ধির বিভ্রম,— প্রেম প্রেম—এই মাত্র ধন।” বড় মর্শ্বস্পর্শী বাণী। তিনি ফরাসীর গৌরব ভিক্তর যুগো কথিত সেই শ্রেণীর অতিমানব, যারা শুধু কল্পনার অতি প্রাকৃত আলোকে পৃথ্বীর উপরে, দারিদ্র্যের অভাবের নিষ্পন্ন স্পর্শের উপরে, ঘুরে বেড়ান না। “Got the roadside dust on their feet”—তঁার পাদপদ্মে পথের ধূলা মাখা ছিলো। তাই বড় ভাল লাগে তঁার কথা, bread, bread!—ভাতকুটি, ডালভাত। যে ভগবান্ হু' মুটো খেতে দিতে পারেন না ইহলোকে, তাঁকে মানি না। তাঁকে অবিশ্বাস করি। কালীর পাদপদ্মে সদা সমাহিত পরমহংস কেউ সাধু হ'তে এলে ব'লতেন, “কি গো, তোদের ঘরে মোটা ভাত, মোটা কাপড়ের ব্যবস্থা আছে ত?” এর চেয়ে Practical অভিজ্ঞ কাকে ব'লবো?

তবু, বীরত্ব কি অস্বাভাবিক রকমের। অসম সাহস। আদর্শ-প্রীতি প্রচুর। যেটাকে ভাল বলে বুঝেছি, সকল ঝড় ঝাপটা মরণ পণ করে, শত বাধা বিপত্তির ভিতর সেটাকে আঁকড়ে ধরে থাকবার ক্ষমতা ই ছিল হুর্লভ বিবেকানন্দ চরিত্রের একটি প্রধান দিক। বাংলার তরুণশক্তি, ইহাই শ্রীবিবেকানন্দের জীবন-সম্পদ। ইহাই তোমার আমার পিতৃধন। পথের পাথেয়।

আমরা ভয়ে ভীত, সত্য। সবাই নহি। অন্ততঃ কেহ কেহ। কিন্তু, ভীতদের ভবিষ্যতে আশার কথা আছে। গান্ধী মহারাজ লিখেছেন, প্রথম জীবনে তিনি অত্যন্ত ভয়-তরাসে ছিলেন। অন্ধকারে ঘাবড়ে যেতেন। ভূতের ভয় পেতেন। সাধকাবস্থার এই সব দুর্বলতা, বিষ্ণু-ভক্ত তিনি,—নারায়ণের রূপায় একদিন তাঁহা হইতে দূরে পলাইয়া গেল। সমগ্র ভারতে তিনি “অভীর” একটি চমৎকার নিদর্শন। শিব-স্থানে জীবনের আশঙ্কার আবহাওয়ায় পড়লেন। হাওয়া গাড়ী ছেড়ে পায়ে হাঁটা শুরু করলেন। যিনি বা যারা আঘাত করিতে বা প্রাণ লইতে চান, বীরের মত তাঁদের সুবিধা দিলেন। বাধার সাম্নে সরু বুক দরাজ করে ধরলেন। একটি বড় আদর্শধারায় আমাদের এই ছোট জীবনের স্রোতটিকে মিলাইয়া ভাসাইয়া দিলে, অলক্ষিতে অতর্কিতে শক্তি আসিয়া জুটে। রামকৃষ্ণ-বিবেকানন্দ এমনি একটি যুগভাবধারা বলিয়া আমরা বিশ্বাস করি। এই এখনকার অতি হীন মানুষকেই কালক্রমে একদিন মহতো মহীয়ান্ করিয়া দেয়। ভাঙ্গা নৌকাটি সেয়ে নিয়ে, তাঁরাই তাঁদের ভরা বা বোঝা চাপিয়ে দেন। তৈরী-জিনিষ সব সময়ে কি পাওয়া যায়? ঐরূপ আশা করা অনভিজ্ঞের লক্ষণ। কোন একটি মঠের মহাস্ত, একদিন শরৎ মহারাজের সাম্নে খালি ব’ল্তে শুরু করলেন,—“আপনি যে ছেলেটিকে দিয়েছেন, বড় একগুঁয়ে। কথা শোনে না।” ইত্যাদি ইত্যাদি। তিনি সব শুনে ব’ললেন, “ছাথো, সবাই কি একেবারে তৈরী হোয়ে, নির্দোষ হয়ে, তোমাদের কাছে আসবে? তোয়ের ক’রে নিতে হবে। আমি কি Perfect সর্বাঙ্গসুন্দর কর্ম্মী তোমার জন্ত গড়বো?” আমরা বলি, সব অসম্পূর্ণতা লয়েই দ্বারে এসেছি। তোয়ের আমাদের শ্রীরামকৃষ্ণ-বিবেকানন্দই করিয়া লইবেন। নিঃসন্দেহ।

বিবেকানন্দ নিজে মোটেই ভয় করতেন না। যেখানে দাঁড়াতেন সেখানকার আশে পাশে ফুলের সুগন্ধী সুবাসের মত অভীঃ-ভাব ছড়িয়ে

পড়তো। লিখছেন—“নির্গচ্ছতি জগজ্জালাং পিঞ্জরাদিব কেশরী।
নায়মাত্মা বলহীনেন লভ্যঃ॥ Avalanche (বরফের চাঁইএর) মত
ছনিয়ার উপর পড়্। ছনিয়া ফেটে যাক্ চড়্ চড়্ করে। হর হর
—মহাদেও। উদ্ধরেৎ আত্মনা আত্মনাং।” নিজ পত্রের এই জোরালো
উপদেশ বর্ষে বর্ষে জীবনে পরখ করে, চোখে আঙ্গুল ফুটিয়ে, তার বাথার্থ্য
দেখিয়ে দিয়ে গেছেন। “মহা হুঙ্কারের সহিত কার্য্য আরম্ভ করে দাও।
ভয় কি? কার সাধ্য বাধা দেয়? ডর? কার ডর? কাদের ডর?”
গুণগ্রাহী মার্কিনেরা তাঁর নামের আগে একটি এই ভাবসূচক বিশেষণ
যোজিত করেছিলেন। “Cyclonic Swami”—ঝঞ্ঝাবাত্যার বীর-
মূর্ত্তি স্বামী।

স্বদেশপ্রেমের একটি গানে সুন্দর আছে—“জুজুর ভয় কি আর
আছে?”—তা বাস্তবিক, এই তেজী, সুপিতার সুপুত্রের, এই ডানপিটে
ছেলের ধাতে, ভয় নামক বস্তুটি একদম ছিল না।

তাল ঠুকে, বুক ফুলিয়ে, বীরের মত এসেছিলেন। বীরের মত
চলে গেছেন। বিখে অল্পুষ্ঠিত রামকৃষ্ণ-মহাযজ্ঞে নরেন্দ্রই দিগ্বজয়ী যজ্ঞবাজী।
ফরাসী মনীষী সুন্দর উপমা দিয়েছেন—এই জোয়ান বীর, গ্রীক বীর
হারকিউলিসের মত, ছনিয়া শুদ্ধ চষে এসে, পথক্লান্ত শরীরটি, বেলুডে
গঙ্গাতীরে, চিতার আগুনে সমর্পণ করবার জন্ত, উতলা হয়ে ছুটতে ছুটতে
জীবনের পরম ব্রত শেষ করে, ফিরলেন। কি চমৎকার চিত্র! ফরাসী-
বীর গ্রাপোলিঁয় ব’ল্‌তেন, “আমি একটা উষ্কা। আকাশে হাউইয়ের
মত কে যেন আমাকে ছেড়ে দিয়েছে—পৃথিবীকে চমক্ লাগাবার জন্ত।”
বিবেকানন্দও ঐক্লপই বলতে পারতেন। একদিন বলেছিলেন,—
“আর একটা বিবেকানন্দ না হ’লে, এ বিবেকানন্দের সবটা বুঝতে
পারবে না।”

একবার ব’লেছিলেন, “তোদের মত ভুগে ভুগে, কি ডিমে তেতালায়

মরব? যখন কাজ শেষ হবে, ঝাঁ করে চলে যাবো।” তাঁর অনুপম অনিন্দ্যসুন্দর স্নকণ্ঠ ছিল। স্পষ্ট বলতেন,—যে আসরে তানপুরা ধব, সে আসর জলে যাবে। আর কাউকে পাত্তা পেতে হবে না। বক্তৃতা দিতে গিয়ে বলেছিলেন,—“আমি কি শুধু বাক্যের ঝুড়ি বলে যাই? যারা শোনে, তাদের ভিতর শক্তি দিয়ে দি। তাদের মনকে অনেক উঁচু প্লেনে (ভূমিতে) তুলে নিয়ে যাই।” (পাকা অধ্যাত্ম খেলুড়ের মত) —৯ই জুলাই ১৮৯৭ সালের পত্রে লেখা দেখছি—“অন্ততঃ ভারতের লোকের কল্যাণের জন্ত এমন একটি যন্ত্র বসিয়ে গেলাম, কোন শক্তি থাকে হটাতে পারবে না। —আমি নিশ্চিন্ত হয়ে ঘুমাবো।, জোর তিন চারি বৎসর জীবন অবশিষ্ট আছে। আমি বুঝতে পারছি আমার কাজ শেষ হয়েছে।” পাশ্চাত্য থেকে ১৮৯৫ সালে বসন্ত ঋতুতে একটি কবিতায় লিখছেন,—আজিকে এ খেলা হোল গো সাজ। খোল গো, খোল গো, জননী আমার, খোল গো ছয়ার। সংসারের বাসনার স্রোতে রেখে না গো মোরে আর। দয়াময়ী মা আমার! এ বড় বিষম বন্ধন, কর মা, কর মা মোচন। ক্রীড়ারে করেছ তুমি পীড়ার পরম ভূমি। খেলিতে পারি না আর, কঠিন খেলা মায়ার (ইংরাজী হইতে ভাব অবলম্বনে।)

হে বঙ্গের কল্যাণ-তপস্বী! তোমার ঐ নরেন্দ্র-তনুর উপর যথেষ্ট পরিশ্রম মা করাইয়া লইয়াছেন। কিন্তু তুমি গুনিতে পাইবে কি না জানি না, তবু তোমাকে বলি, তুমি ত ঘুমাইতে পারিবে না। আমরা যে নিদ্রিত। আগে আমরা জাগি। তারপর হে অশরীরি আচার্য্য, তোমার পালা পড়িবে। তুমিও ভলান্টিয়ার (স্বেচ্ছাসেবক)। আমারও তাই। একই খেলার খেলুড়ে। তখন বাংলার তরুণ, বাংলার অরুণ আলোয় অলোকিত বালকবৃন্দ, তাহাদের কোমল নরম হাত তোমার—শ্রীমুখ-মণ্ডলে বুলাইতে বুলাইতে সযতনে সোহাগে হৃষ্টচিত্তে “ঘুমপাড়ানি মাসী-

পিসীর” গান আধ আধ স্বরে গাহিতে গাহিতে—তোমাকে ঘুম পাড়াইবে! সখা, সবুর কর এখন। আমাদের ঘুম ও জাগরণ যে পরস্পর পালা করিয়া করিতে হইবে। এরূপ অলিখিত চুক্তিতে যে তুমি আমাদের নিকট বাঁধা।

অষ্টম পরিচ্ছেদ

পথের বাধা—অজ্ঞান ও মায়া—আপদ ও বিপদ

বলা বাহুল্য, সংসারে থাকিয়াও আদর্শের জন্য লড়া যায়—আন্তরিকতার সহিত আত্ম-উপলব্ধির চেষ্টা করা যায়। একটি যুবক, যুবা বয়সেই বিবাহিত হইয়া শ্রীরামকৃষ্ণ ভজিত। গীতা পাঠ করিত। শ্মশানে চুল্লীর উপর চড়িবার দিন ঘনায়মান—তঁার অতিবৃদ্ধ পিতা।—
 যঁার ভুরুতে পর্য্যন্ত পাক ধরিয়াছিল। তিনি তীব্র তিরস্কার ও শ্লেষের সহিত, উপযুক্ত পুত্রকে বলেন একদিন, ছাপোষা বাঙ্গালীর ছেলে। এত সকাল সকাল মন্ত্র নেওয়া কি বাবা? আর এখন থেকে গীতা কিরে? সেই চিতায় শুতে যাবার আগে—গীতা।—গুরু, গঙ্গা, গীতা, নারায়ণ, —তখন। যখন, মর মর হবি। এখন জ্যান্তে—সংসার সেবা কর! কাঞ্চন সেবা কর। তবে ত হবে। সব দিক বজায় থাকবে। যুবক অবসর সময়ে শ্রীরামকৃষ্ণ কথামৃত পাঠ করিতেন। বাবা বলতেন—জিওমোট্রি গ্যালো। এ্যাল্জেব্রা গ্যালো—রামকেষ্ট পড়ে কি চতুর্ভুজ—কি ধনিকেষ্ট, হবে

বাবা ? দৈত্যকূলে আত্মসাধনরত দুর্লভ শিশুর উপর বাধার পাষণ প্রাচীর পড়িল যে দিন,—প্রহ্লাদ চরিত্রের মাধুর্য্য, বীৰ্য্য ফুটিয়া উঠিল সেইদিন। বালক দমিল না। দিনের পর দিন, সেইরূপ, পূৰ্ব্বোক্ত যুবক—পরম হিতৈষী পিতার বারণ সত্ত্বেও, প্রাণের রামকৃষ্ণকে ভজিতে ছাড়িল না।

আমাদেরও তদ্রূপ, যে যেখানে আছি, দমে গেলে চলবে না। কষ্ট আরও বেড়ে যাবে। চলিতকথায় বলে, কেষ্ঠ পেতে গেলে কষ্ট গোড়ায় পাওয়া চাই। যুগকবির চমৎকার বাণী—“আপনজনে ছাড়বে তোরে, তা বোলে ভাবনা করা চলবে না। যদি কেউ না ধরে আলো রে, ও তুই আপন বক্ষপাঁজর জেলে পথ চল রে।” অধ্যাত্ম ধর্ম্মসাধনের পথ চিরকালই কঠিন। সব জ্ঞানীতেই এই কথা ব’লছেন। “মল্লম্বাণাং সহশ্রেষু কশিচৎ যততি সিদ্ধয়ে যততামপি সিদ্ধানাং কশিচ্ মাং বেত্তি তত্ত্বতঃ।—ক্লেশো অধিকতরস্তেবাং অব্যক্তাসক্তচেতসাং।”—হাজার হাজার মানুষের ভেতর দু’একটা সিদ্ধির জন্য চেষ্টা করে। আবার চেষ্টারত যারা তাদের ভেতরও দু’একটা কচিং আমার তত্ত্ব জানতে পারে।যারা অব্যক্ত নিগূর্ণব্রহ্মে মনোযোগ দিয়েছেন, তাঁদের ক্লেশ আরও অধিক।—শ্রীকৃষ্ণ-ভগবানের ইহাই এ সম্বন্ধে বচন। বাংলার বৈরাগী-সাধক প্রাণের একতারা বাজাইয়া ঘরে ঘরে এই গাথাই, ভাবায় গাহিয়া বেড়ান—“অহর্নিশি দুর্গানামে ভাসি, দুখরাশি তবু গেলো না।”

রত্নলউল্লা শ্রীমহম্মদকে অসংহত আরববাসীদিগের ভিতর, নিজসাধনাময় একেশ্বরবাদের উপর ভিত্তি করিয়া, সংহতিশক্তি ও সজ্ঞ নিয়ামকতা আনয়ন করিতে হইয়াছিল—দুর্জয় বাধার সমক্ষে বীরের ন্যায় রণরত হইয়া। আর ব্যক্তিগত জীবনোপলব্ধির জন্য বহিরাস্তর দ্বন্দ্ব ত হাতের পাঁচ-রূপে ছিলই।

ভগবান জীশাও প্রিয়তম শিষ্যদের সহিত শেষ নৈশ ভোজের পর, আপনার অপঘাত মৃত্যুর করাল ছায়া বেশ অমুভব করেছিলেন

পূৰ্ণ হইতে। খাঁটীর চরম হোয়েও হুঃখের চরম তাঁকে নিতে হয়েছিল! শ্রীকৃষ্ণের স্থূল শরীরটা অপঘাত মৃত্যু কবলিত। আর ছয় মাস অন্ত্যাগ করিয়া গলায় ক্যানসার রোগগ্রস্ত শ্রীরামকৃষ্ণের তনুত্যাগ যেন নব-ঈশার জীবহিতরূপ ক্রুশের উপর আত্মবলি। শ্রীরামকৃষ্ণ বলিয়াছেন—সব প্রথম জনমতুখিনী সীতাদেবীর দর্শন হোয়েছিল। তাই বুঝি জীবনটা হুঃখে হুঃখেই গেল। বুদ্ধ, শঙ্কর, বিবেকানন্দ—কারুরই হুঃখের হিস্যে কমতি হয় নাই। সকলেরই হুঃখ হয়েছিল ‘মাথার ভুষণ’—জমাট হুঃখ দৈন্য জ্বালা সুবাইকে সহিতে হবে—যারা তাঁকে—মরিয়ম-প্রাণ ঈশাকে—সত্যস্বরূপ ঈশ্বরকে ভালবাসবেন।—একথা স্পষ্টাক্ষরে বিদায় বেলায় স্থূল জীবনের গোখুলি লগ্নে বেদনার সহিত, কিন্তু মনে বিন্দুমাত্র ক্ষোভ না রেখেই তিনি বলছেন—নিজ জীবনের হুঃখান্ত নাটকের বিয়োগান্ত যবনিকাপতনের সঙ্গে সঙ্গেই যেন তিনি অধ্যাত্মরস-পিপাসু নিখিলকেই বলিয়া গেলেন—
In the world, ye shall have tribulation. But be of good cheer. হুঃখ পাবে—বিপদ পাবে—কিন্তু বৎসগণ—আনন্দ করো। মনের স্ফূর্তিতে থেকো।

আরও ব’লেছিলেন, পাখীর নীড় আছে, শিয়ালের গর্ভ আছে, ঈশ্বরের সন্তানের মাথা গুঁজে থাকবার জায়গা নেই! মায়ার ইহাই প্রহেলিকা। মহাত্মা তুলসীদাসও হুঃখে ব’লেছিলেন,—“সতীকো ধোতি ন মিলে। কসবিন্ পিহনে খাসা।” গোরস গলি গলি ফিরি করিয়া ‘বিকিকিনি’ করিতে হয়। কিন্তু, মদিরা ‘বৈঠ্’ বিকায়! শ্রীরামকৃষ্ণের চরম কথা—যারা ধর্ম ক’রতে আসে, তাদের ভেতর শতকরা আশীজন ভ্রষ্ট হয়ে যায়। পনেরো জন ক্ষেপে যায়। আর বাকী পাঁচজন ঠিক ঠিক পথে পৌছায়।

অন্ত রাজ্যেও যারা কাজের প্রতি ভালবাসা মমতার দরুণ আপনাদের সব সমর্পণ করেন, অনেক সময় তাঁদেরও অন্তহীন শারীরিক কষ্ট সহ

ক'রতে হয়। কবি মিলটন শেষ জীবনে অন্ধ হ'য়ে গেলেন। ঊনবিংশ শতাব্দীর প্রথমে যিনি ইউরোপে বৈজ্ঞানিক প্রণালীতে ইতিহাস-চর্চা, অনুসন্ধান, গবেষণা শিখাইয়া ছিলেন—সেই বিখ্যাত সাগর র‍্যাঙ্কি সাহেবের কথা ধরুন। পৃথিবীর সমগ্র সাহিত্য-ইতিহাসে তাঁর জুড়ি মেলা ভার। তিনি জাতিতে জার্মান। শেষ জীবনে তিনিও প্রায় দৃষ্টিশক্তিহীন হন। তিনি তিরিশী বৎসর বয়সে 'বিশ্ব-ইতিহাস' লিখতে শুরু করিয়াছিলেন। সেই কাজ তখন আরম্ভ করিয়া,—সতেরো খণ্ড শেষ ক'রলেন। আদিযুগ থেকে শুরু ক'রে মধ্যযুগ পর্য্যন্ত নেমে এলেন। আর পারলেন না,—প্রকৃতির ডাকে কলম বন্ধ ক'রতে হ'ল। তিনিই র‍্যাঙ্কি,—তিনিই আশ্চর্য্য লৌকিক বিজ্ঞা-অনুরাগী র‍্যাঙ্কি। একানব্বই বৎসর বাঁচলেন।

বিখোভেন, যিনি গানে নয়া যুগে জার্মানীকে জাগিয়েছিলেন, তিনি এই সাধনেই আপনার প্রাণমন নিঃশেষে সমর্পণ করেছিলেন।—তাঁকে শেষ পর্য্যন্ত শ্রবণ-শক্তিটাই হারিয়ে ফেলতে হয়েছিল! এমনও সব অবস্থা মানুষের হয়ে থাকে! হে সাহসী আত্মা! তোমার বিশ্রাম নেই।—*Brave souls, no rest for thee.*

আদর্শের জন্ত, ফ্রান্সের জীবন দু'আর্ক, লাতিমার, ক্র্যান্‌মার, ক্রণো ইত্যাদিকে পুড়ে ম'রতে হয়েছিল। জ্ঞানী গুরু সোক্রেটসকে বিষ পান ক'রতে হয়েছিল। প্রাচীন গ্রীসের এই বৃদ্ধ গুরুজী অত্যন্ত বৃদ্ধ বয়সে, ছেলেদের মত, যুবাজনোচিত মানসিক উৎসাহ নিয়ে বাজনা বাজানো শেখা শুরু করেছিলেন। গ্যালিলিও কারার যন্ত্রণা স'য়ে ছিলেন। এ দেশেও, কারাগার, লাঞ্ছনা, রণভূমি, সবই, রাজপুত মহারাষ্ট্র, শিখ-ইতিহাসের ছত্রে ছত্রে লেখা আছে। কবিগুরু সুন্দর ব'লেছেন,—আঘাতে আঘাতে বিপর্য্যস্ত হৃদয় উচ্চাচ জীবনপথে নিরাশার নৈশমেঘ ঘেরিয়া আসিলে, সেই বাণী স্মরণে আনতে হবে।

“ও তোর আশা লতা পড়বে ছিঁড়ে,
 হয়ত রে ফল ফলবে না,
 ও তুই বারে বারে জাল্‌বি বাতি
 হয়ত বাতি জলবে না।
 তোরে বারে বারে ঠেলতে হবে,
 হয়ত’ ছয়ার খুলবে না—
 তা ব’লে ভাবনা করা চলবে না।”

বিথওবেনের দৃষ্টান্ত দেখিয়ে লোকে বলতে পারে, লোকটা এমন সুর-
 বিছা আলোচনা কল্পে গা, যে শেষে কাণের মাথা একদম্ খেলে ! আর
 শুনতে হোল না। একদম্ কালা বনে গ্যালো। কিন্তু হে অবুঝ হুজুগ-
 প্রিয় ! সুর সাধারণ চরম উদ্দেশ্য যে তখন সাধকের পূর্ণ হোয়ে গেছে।
 সুর যেদিন বাহির হইতে গিয়া অন্তরের অন্তরে বাজিয়া উঠে, সেই ক্ষণ,
 —সেই মুহূর্ত্ত, সেই দিনটাই তো জীবনের মাহেন্দ্র যোগ, পরম পুণ্যাহ।
 গাইতে গাইতে যখন ভিতর ভরপুর হয়, তখন তম্বুরা হাত হতে খসে পড়ে।
 তম্বুরা ভিতরে প্রতিষ্ঠিত হয়, সেখায় বাজনা অল্পক্ষণ বেজে উঠে।
 বাহিরের শব্দ তখন ভিতরের “অশব্দংকে” জানিয়ে দেয়। মুখে বলা যায়
 না। বোধে বোধ হয়। স্বামীজী যে দৃষ্টি নিয়ে ইংরাজী মূল জ্ঞানযোগে
 লিখি গেছেন—Every expression is a limitation মুখ দিয়ে
 বেরিয়ে এসে, আপেক্ষিক জগতের ছাঁচের ভিতর দিয়ে এলে—শ্রীরাম-
 কৃষ্ণের ভাষায় “এঁটো হলে”—পূর্ণব্রহ্ম খাটো হতে বাধ্য। পূজ্যপাদ
 অখণ্ডানন্দ মহারাজ সেদিন ব’ল্‌ছিলেন—পরিব্রাজক অবস্থায় পশ্চিমে
 এক জায়গায় সমগ্র বাঙ্গালী-রামায়ণ কয়েকদিন ধরিয়া তিনি পাঠ
 করিতেছিলেন। পাঠ শেষ হইয়া গেলে, কবিগুরুর শব্দবাক্যে, গঙ্গাধর
 বাবার প্রাণের গোপন কোঠায় রক্ষিত ভাব-বীণার তন্ত্রীতে মৃদু মৃদু কম্পন

সমুখিত করিয়া, সহসা কে যেন রগিয়া উঠিল। বাবা শ্রীরামকৃষ্ণের করুণায় অপূর্ব অনির্বচনীয় আনন্দ অনুভব করিয়া ধ্যাত্ত হইলেন।

প্রাচ্যগৌরব রবীন্দ্রনাথ সুন্দর কহিয়াছেন—“আপদ আছে, জানি আঘাত আছে, তাই জেনে তো, বক্ষে পরাণ নাচে।” বিশ্বভারতী গঠন করিতে গিয়া, কবি-সার্বভৌম অনেক বাধার সহিত কোলাকুলি করিয়াছেন—সমক্ষে আসিয়াছেন। নব্য ভারতের সেই ইতিহাস হইতে শিথিবীর অনেক কিছু আছে!

নবম পরিচ্ছেদ

তরুণের প্রতি পরমাপ্রীতির আহ্বান-লিপি

শ্রীরামকৃষ্ণ ফাল্গুন শুক্লা দ্বিতীয়া তিথিতে ব্রাহ্মলগ্নে জন্মপরিগ্রহ করেন। চন্দ্র-মৌলির ভালে ভারতের যুগযুগপ্রথিত শিল্পী-তক্ষণবিদগণ যে ভাবে চন্দ্রবিন্দুর ত্রায় শশধরকে (চাঁদের উপমা চাঁদই) অঙ্কিত বা খোদিত করেন, তাহার সুস্নিগ্ধ বাস্তব রূপ, এই তিথিতে মৃত মন্দ দখিণ হাওলার ভিতর, সন্ধ্যাবেলায় অচলের ভালে বসিয়া, বেশ অনুভব করিয়াছি। পূর্ণত্বের সবটাই রহিয়াছে—অস্তুরালে, যেন উপরে একটা পাতলা পরদা ঢাকা। শ্রীরামকৃষ্ণ এবারে সাধারণ-চক্ষে জীবদ্দশায় পূর্ণ প্রকট নহেন—কিন্তু গোপন প্রচ্ছন্ন। বাহিরে সচরাচর বিশেষ কোন চাকচিক্য, চিহ্ন, লিঙ্গ, বেশভূষা নাই। যোগীন-মার মাতামহীকে বলিয়াছিলেন,—“তুমি রাসমণির কালীবাড়ীর পরমহংস খুজছো?—কি জানি বাপু, কেও বলে

পরমহংস, কেউ বলে ছোটভট্টাচা। দ্যাখো, জিজ্ঞাসা-পড়া করে লোককে,— এই খানেই কোথাও হবে।” অজ্ঞাতে শ্রীপরমহংস সাক্ষাৎ-কার করিয়া, কলিকাতা কুমারটুলি নিবাসিনী ঐ নারী সেদিন নোকা করিয়া স্বীয় আলয়ে ফিরিয়া যান।

রামকৃষ্ণ-বিবেকানন্দ, বস্তুতঃ, একই ভাব-পয়স্বিনীর দুইটি ধারা মাত্র। বাংলার, ভারতের, তথা জগজনের অশেষ কল্যাণদায়িনী সঞ্জীবনী-সুখা। আর মনে হয়, ঐ দ্বিতীয়া তিথির চাঁদের মতই রামকৃষ্ণ-বিবেকানন্দ-চন্দ্রমা ক্রমশঃ ক্রমশঃ বিবর্দ্ধমানা বিকাশমানা,—এঁদের বৃদ্ধি হয়েই চলেছে। আর হঠাৎ রাতারাতি না হয়ে, কালের সহায়ে অমোঘা শক্তিসংঘে যাহা সংঘটিত হয়, তাহারই প্রতিষ্ঠা সুদূরপ্রসারী, এমন কি, কল্লান্তস্থায়ী হইতে বাধ্য। জগতের অধ্যাত্ম জীবনের গৌরবময় ইতিহাসে তাহাই নিখিল মানবমানবীর জীবনের কল্যাণ-বীজমন্ত্র। কুণ্ডলিনী-শক্তি সর্পাকৃতি ধারণ করিয়া, শ্রীর্জশা, শ্রীচৈতন্য, শ্রীরামকৃষ্ণের তারক-নামের সহিত সংযুক্ত থাকিয়া, আমাদের দৈনন্দিন জীবনে, আমাদের ঘরে হাজির হয়,—শ্রীগুরু-প্রমুখাৎ। সাধিতে পারিলে, ইহাদের প্রত্যেকের দর্শন বারবার পাওয়া যায়। আবার, রামকৃষ্ণ-তত্ত্ব ধারণ করিয়া ভক্তের সম্মুখে শ্রীকৃষ্ণ সমুপস্থিত হন। অজ্ঞান বিদূরিত করিয়া, সন্ততিদের জ্ঞানভক্তির মহাসমুদ্রে হাত ধরিয়া লইয়া যান। ইহা গঞ্জিকা-সেবীর অলীক করণা নহে। ছুটে ইহা লইয়া কিছু দিন বুজরুকী চালাইতে পারে, বহুদিন নয়।

ক্রমশঃ ক্রমশঃ রামকৃষ্ণ-বিবেকানন্দের দিগ্দিগন্তে জয়জয়কার উঠিতেছে। *Blessed are they that have not seen but believed*, প্রথম না দেখে, নাম শুনে কাণে যাঁরা আজ ভারতের গ্রাম হতে, নগর হতে ছুটে আসছেন, তাঁরা কি সকলেই ঐশ্বর্য্য-প্রলুব্ধ অথবা সত্যসংঘের জীবনকে শ্রেয় জ্ঞান করিয়া, এমন এক অভেদ্য হুর্গে—

এসেছেন, যেখানে দাঁড়িয়ে তাঁরা জীবনের স্বপ্ন সূর্য ক'রবেন ? (অলঙ্কারের ভাষায় ঠাকুর তাঁর লীলাস্থল দক্ষিণেশ্বরের কালীবাড়ীকে— মা কালীর কেল্লা বলিতেন)—কই তাঁরাই বা কেন এসেছেন, অপরে নয় ? এ প্রশ্নের জবাব বাইরে থেকে দেবার নয় । যারা হিংসা করছেন, তাঁদেরও ত পথ খোলা রয়েছে । যদি এটা এতই আরামের, মজার, তবে এসে যোগ দেবার স্বাধীনতা ত সকলেরই আছে । মিছামিছি বাহিরে পড়িয়া ছুঁখ ভোগ ভাল নয় । উদ্বোধনে মার আমলে মার ভাইঝি জামাইয়ের এক হতভাগ্য বন্ধু, ভালমন্দ খাইয়া, যাবার সময় সারদানন্দ মহারাজকে শ্লেষচ্ছলে বলিলেন,—“আপনারা বেশ সুখে আছেন—এত ভাল খাবার দাবার !” স্বামী বলিলেন—“বেশত তুমি বিবাহিত, বাড়ী ছেড়ে পনেরো দিন থাক না, তুমিও খাবে ।” ইহা ত কাহারো পৈতৃকসম্পত্তি নহে । রামকৃষ্ণ-বিরেকানন্দের আহ্বান বাণী, তাঁহাদের দেবদূত ত আজ দ্বারে দ্বারে ঘরে ঘরে বলছেন,—অতীত বিনয়ের সহিত বলছেন,—

“থেকনা, থেকনা ওরে ভাই;

মগন মিথ্যা কাজে ।

জননীর দ্বারে আজি ওই,

শুনগো শব্দ বাজে ।”

প্রাণহীন, উচ্চাশাহীন, নূতনত্বহীন, গতানুগতিকত্বের শ্রোতে গা ভাসান না দিয়ে, গজালিকা-প্রবাহ পরিত্যাগ করিবার ডাকে কে সাড়া দিবে ? প্রেমিকের বচনে বলে,—প্রেম ক'রে বিড়ম্বনায় পড়া ভালো । প্রেমই ক'রলে না, ত ভুগ'বে কোথা হ'তে ? পথেই পা দিলে না, ঝড়-ঝাপটা সহিবে কোথা থেকে ? এই মর্মে ইংরাজী বুলিও আছে—It is better to have loved and lost than never to have loved at all.

একজন বলছেন—কিছুকাল পরে সকলেরই স্বরূপ ধরা পড়বে। ভয় ভাবনা নাই। মতলববাজী চালাকীর রাজত্ব বেশী দিন নয়। লুকুনো থাকবে না। দীর্ঘকাল লুকাইয়া রাখা, লুকাইয়া থাকা অসম্ভব। ইহা সুনিশ্চিত। গোপালভাঁড়ের আজগুবি গল্পে আছে—মহারাজা কৃষ্ণচন্দ্রের রাজবাটীতে সূচতুর একব্যক্তি দীর্ঘকাল, খুব কায়দার উপরে তাহার নিজের জাতিজন্ম লুকাইয়া রাখিয়াছিল। লোকটি হরবোলা ছিল।—বহু ভাষাভাষী। কিন্তু পরমচতুর শ্রীমান গোপালের ক্ষমতার কাছে পরিশেষে তাহাকে হার মানিতে হইল। তাকে সম্পূর্ণ আচম্কা একদিন উকে রাগিয়ে দ্বিভেই তাহার স্বরূপ বাহির হইয়া পড়িল।

শ্রীরামকৃষ্ণ-বিবেকানন্দের সাধনব্রহ্মচর্য্যের এমনি জোর যে, আজ যে কেহই তাঁহাদের নামে কাজে নামছেন তাঁরই অবস্থা—ধূলোমুঠো ধরলে সোণামুঠো হচ্ছে। এটা অস্বীকার করবার উপায় নাই। তবে তাঁদের নামে, আত্মহিতের জন্ত, একটা সদমুঠান নিয়ে কিছুকাল লেগে পড়ে থেকে, একটা গড়ে তোলাতে কর্ম্মারও রুতিও আছে, নিঃসন্দেহ। এখন এই সুবিধাটিকে আমাদের ব্যক্তিগত জাতিগত কল্যাণের পথে, অধ্যাত্ম আত্মদর্শনের প্রতি লক্ষ্য রাখিয়া পরিচালিত করিতে পারিলেই সবদিক দিয়া সমূহ শুভ হইবে। সামান্য লোক—এই নামে জড়িত না হোলে কিছুই করতে পারতো না। কিন্তু এঁদের আশীর্ব্বাদে বড় বড় ব্যাপারের স্রষ্টা হচ্ছে। কনোজ অঞ্চলে গ্রামবাসীদের একটা প্রবাদের কথা মনে পড়ে। এক গ্রামে একটা মস্ত বড়—উঁচু টিপি বা ডুংরী আছে। লোকের বিশ্বাস, ঐ উঁচু জায়গাটায় রাজা বিক্রমাদিত্য ব'সে রাজ্যবিচার চালাতেন। গ্রামের ছেলেরা খেলাধুলো ক'রতে ক'রতে,—যেই তাদের ভিতর একজন সেই টিবিটার উপরে ব'স'লো,—সকলে অমনি সেই মুহূর্ত্ত থেকে তাকে অত্যাচার দেখতে আরম্ভ ক'রলে। ব'ললে, আরে ভাই, সাবধান, এখন আর ওর সঙ্গে চালাকি চ'লবে না,—ও স্বয়ং বিক্রমাদিত্য

ব'নেছে। ওর মগজে সেই পরমবুদ্ধিমান রাজার ভর হয়েছে। যে সিদ্ধান্তই দিকনা, বা যাই আমাদের বলুক না, সবাইকে মাথা পেতে তাই মেনে নিতে হবে। অমাত্য করলে চলবে না।

ঠিক এমনি ধারাই রামকৃষ্ণ-বিবেকানন্দ বহু বিক্রমাদিত্যের সৃষ্টি করিতেছেন। হর্লভ চরিত্রের অমূল্য বাহু নামে। অশরীরী জীবনের অমোঘ তপঃশক্তির প্রভাবে অঘটন ঘটছে। তাঁদের ভাব এখনো ভারতের হিতের জন্ত সর্বত্র ঘোরা ফেরা করিতেছে। অধ্যাত্ম আদর্শ-বিশেষে দেশকে জাগাবার জন্ত তাঁদের আগমন, ইহাই আমাদের ধারণা। সাধারণের পক্ষে কর্ম-মার্গই উপযুক্ত মার্গ। সেইজন্ত সঙ্গে সঙ্গে দেশের কাজও ইহার ফলে হইতে বাধ্য। মুখ্য কিন্তু,—আত্ম-উপলব্ধি। দেশের কাজ লেজুড়রূপে আসিবেই। সংঘ-নায়ক স্বামী ব্রহ্মানন্দ যেমন বলিতেন, বারো আনা মন তাঁতে রেখে, কাজ করা।

অতি সুমধুর সম্বন্ধে সম্বদ্ধ শ্রীরামকৃষ্ণ ও তাঁহার “শুণ্ডর ঘর”। দুই জনে আজ বহুরূপী হইয়াছেন। যাহার ভিতর যতটুকু ধারণা করবার, প্রকাশ করবার সামর্থ্য আছে, সে সেই দিক দিয়েই, তাঁদের ধরবার, বোঝবার ও প্রকাশ করবার চেষ্টা করছে। তাঁদের ব্যক্তিত্বের সবটা যে কি, সে পূর্ণাঙ্গ চিত্র ভিতরে আনাও অতি বিরল ভাগ্যে ঘটে। তবে, আবার বলি, রামকৃষ্ণ-বিবেকানন্দ আসিয়াছিলেন, আত্ম-উপলব্ধি অন্তে—জগতকে আত্ম-উপলব্ধির পথেরই সন্ধান দিবার জন্ত।

*

*

*

*

শ্রীশুঙ্কর অন্তর্দ্বানের পর, নেতা নরেন্দ্রনাথের তপঃমূর্ত্তি কল্পনায় ভাসিয়া উঠিতেছে। নরেন্দ্র জ্ঞানের অধিকারী,—নরেন্দ্রের ঠাকুর বলিয়াছেন। ত্বষ্ণের দিক দিয়া, সন্ন্যাসীর শরীর এক হিসাবে প্রেত শরীর—dead to the world. পরমহংস মশায়ের ভাষায়, “মাল্লু ঘরা—জ্যাস্তে মরা।” যে সব জিনিষের—‘বিষয়ের’ মনবিক্রান্তকারী নেশায়, সংসারের মাল্লু

চঞ্চল হয়, সন্ন্যাসীর পক্ষে সে গুলি অনাস্ব্য বস্তু। অনাস্ব্য বস্তুর শ্রী, সৌন্দর্য্য, কমনীয়তা, বিনাইয়া বিনাইয়া বাড়াইয়া, চোখের সামনে ধরা, মানুষকে ঐ সকলে প্রলুব্ধ করা—সন্ন্যাসীর আশ্রমবিরুদ্ধ ধর্ম্ম। আশ্র-
কামীর কাছে তাই, অনাস্ব্যার শ্রী বিগর্হিত—একান্ত বিগীত, দারুণ দুঃখ, নিতান্ত নিন্দনীয়, আর সর্ব্বতোপায়ে পরিত্যজ্য। “অনাস্ব্যশ্রীবীগর্হণম্”—
এর কথা তাই জ্ঞানী গুরু আচার্য্য শ্রীশঙ্কর কহিয়াছেন।

মনে পড়ে, বরাহনগরের সেই প্রেত-অধ্যুষিত বিশ্বাসে পরিত্যক্ত
“পড়ো এঁদো ভূতের বাড়ী।” গল্পের নহে সত্যকার। তুরায়ানন্দ
স্বামীর মুখে শুনিয়াছি, তিনি এখানে ভূত দেখেছিলেন। এইরূপ
এক আলয়ের বাসিন্দা, সেই ককেটি ‘দানা’—সংসারের রূপ-রসের
দিক হইতে জীবন্মৃত। যদি ভাললাগে ত’ যুবক-নায়ক নরেন্দ্রের চিত্র
ধ্যান ধরিয়া দেখিতে চেষ্টা করো। সেই মুণ্ডিত মস্তক (বাবুর চুল কাটা
মার্কিণে তোলা বিবেকানন্দ-চিত্র নহে)—কোপীনবান্, সতেজ, সুন্দর,
গৈরিকাভ, স্মৃঠাম, নয়নাভিরাম তনু। পর পর বিশেষণ বাছিয়া বাছিয়া
লাগাইয়াও দেখিয়াছি, সেই বিশেষ্যকে ঠিক ঠিক বিশেষিত করা যায়
না। বাগ্‌বাদিনীর বরপুত্র কালিদাসও বুঝি অপারগ হইবেন। যেন
উৎকৃষ্ট শিল্পীর তুলিতে আঁকা সুচারু, অতীব মনোজ্ঞ ছবি। চিত্রাংকিত
—যাহাকে বলে, ঠিক তাহাই। সেই পদ্মপলাশ আঁখি—“সরসিজননয়নং
নমো পঙ্কজনয়নায়”। সে আঁখির তুলনা হয় না। স্বামী সারদানন্দ
একদিন মুগ্ধ হোয়ে এইমাত্র ব’লে, চুপ্ করেছিলেন।—“সে যে কি
চোখ—কি আর বলবো? “আবার বলিতে ইচ্ছা হয়—“নমঃ পঙ্কজ-
নাভায় নমঃ পঙ্কজমালিনে নমঃ পঙ্কজনেত্রায় নমস্তে পঙ্কজাজ্মুয়ে।”
একজন বলেন—তিনি যখন বলরাম বাবুর হলবরে ঘুমিয়ে থাকতেন,
দেখেছি, তখনও চোখ সবটা বুজতো না। পাতায় পাতায় কখনও জোড়া
লেগে, মুড়তো না। শিবনেত্র—সত্য সত্য।

—সেই শক্ত মাংসপেশী। সেই শতবাধা, দারিদ্র্য হুঃখ অনাহারে, দৃঢ় উপেক্ষা। সেই অতুল শ্রদ্ধা—আত্মবিশ্বাস। সেই ভবিষ্যৎ সম্বন্ধে, সদা আশাব্যিত। সেই অদ্বৈত বেদান্তে পূর্ণ নিষ্ঠা। যারা দ্বিধা করছিলেন, বাড়ী ফিরে গিছিলেন, তাঁদের দোরে দোরে গিয়ে—ডেকে আনা—আশার বাণী শুনানো। আত্মনো মোক্ষার্থং জগদ্ধিতায়—সন্ন্যাস-জীবনে চিহ্নিতদের লওয়ানো। আদর্শে ও বিশ্বাসে হিমাচলের ত্রায় অটুট, অচল! বুকের শ্রদ্ধা দিয়ে বাসুকীর মতো তাঁর আজ্ঞা—গুরুর ভার, শিরে বহন। পুরাণ-প্রথিত গুরুভক্তি, গুরুবাক্যে বেদজ্ঞান—জীবনে নরেন্দ্র মূর্ত করলেন। ওয়া গুরুজীকী ফতে। গুরুর জয় হোক্।

ভক্ত ব'লছেন, হে ভারত-ভারতী, চোখ মেলিয়া চাহিয়া দেখ, তোমার নববেদ, নবস্বতি, নবপুরাণ যে সব আধার লইয়া রচিত হইবে, তাঁহাদের দেখ। যার চোখ আছে সে দেখুক, কাণ আছে শুনুক।—“He who hath eyes let him see, he who hath ears, let him hear.” অবিশ্বাসী জনে যাহা বলে বলুক,—‘সত্যমেব জয়তে।’—রামকৃষ্ণ-বিবেকানন্দের জয় অমোঘ, যে হেতু তাঁহারা সত্যস্বরূপ, নিছক বাস্তব বৈজ্ঞানিক সত্য। চোখ বুজিয়া থাকিলে, পিছাইয়া পড়িবে। প্রভুর বিজয়কেতন উজ্জীয়মান। সমন্বয়-মহামৈত্রীর বুগচক্রবিশিষ্ট মহারথ বাংলায়, ভারতে,—হুনিয়ার ঘুরিতেছে। “কে আছ চেতন? ঘুমাইও না আর।” এস, রথে স্থান সংগ্রহ করিয়া ধৃত হও। আর ঘুরিতে ইচ্ছা হয়, ঘোরো। অবিশ্বাসের মহাকঠিন, বজ্রকঠিন, পাবাণ-প্রস্তুত-খণ্ডে যুক্তিবুদ্ধির মগজ ঠুকিয়া ঠুকিয়া, চুরমার হউক তোমার সর্বস্ব। কাল অনন্ত, হুই একটা জীবন কিছুই নয়। বেঘোরে বিপথে যাও-য়াও একদিক দিয়া দরকার। (সেই বিশেষ দিক হইতে স্বামীজী যেমন কবিতায় বলিয়াছেন “Blessed sin”) মুখের কপায় জীবের মন বুঝে না। বাগ মানে না, সংঘত হইতে চায় না। যে দিন ভিতর হইতে, বহ-

জীবনের স্মৃতির ফলে, “কে জানে কেমনে, অজানা কারণের টানে টানিলে আমারে” গোছের অবস্থা হইবে—সেই শুভ দিনের জন্ত অপেক্ষা কর। তখনই সতের জন্ত, সত্যের জন্ত, ঈশ্বরের জন্ত, আত্মাকে জানিবার জন্ত লাফ দিতে পারিবে। তার আগে নয়।

একটি ছোকরা একদিন বরাহনগর মঠে বেড়াতে গেছে,—সেই অতীত যুগে। শ্রীশশী তাহাকে বলিতেছেন, “গাথ, তাঁর শিষ্য-সন্তানরা কেহই ছোট নয়, খাটো নয়। কালে এঁদের মহিমা বৃদ্ধিবে।” অবশ্য বলা বাহুল্য, সবার আধার সমান নহে, তাহা হইলে, পরমহংসদেব শ্রেণী-বিভাগ করিতেন না।

ধরে বেঁধে, মেজে ঘষে, দেবতা তৈয়ার করা যায় না। Sheer speculation—নিছক ব্যবসায়ী বুদ্ধিতে, হুজুগে যে অবতার, মালসা ভোগ খাওয়াবার লোভ দেখিয়ে, বুভুক্ষিত নরনারীর ভিতর আপনার মহিমা প্রচারে ব্যস্ত, তার কারচুপী ঝটক’রে একদিন ধরা পড়ে।

ভক্ত বিভোর। ব’লে চলেছেন,—সেই বৈরাগ্যোদ্দীপ্ত বেপরোয়া নরেন্দ্রকে মনে পড়িতেছে। নরেন্দ্র আমার কল্পনার দূত। যেন স্বপ্নে দেখা দেবতা। সৌভাগ্য করি নাই যে তাঁর বাস্তব দর্শন পাব, তাঁকে বৃত্তে পারব। তবে জোরের সহিত বলি,—Blessed Superstition—সাবাস আমার কু-সংস্কার! Business Boss—মালদার ধনী ব্যবসায়ীকে, অর্থনৈতিক প্রচণ্ড অভাব,—‘পেটের জ্বালা বড় জ্বালা’—সমস্তার যুগেও—অবতারের আসন দিতে মন কিছুতেই চায় না।

তখন নরেন্দ্রনাথ উদাসীন! কামারহাটা থেকে, দশ টাকা দিয়ে, যে সুন্দর ছোট তানপুরাটি ঠাকুর তাঁর গান করবার জন্ত তৈয়ার করিয়ে দিয়েছিলেন, সেইটতে সুর চড়িয়ে নিশিদিন মাতোয়ারা হয়ে গান গাচ্ছেন। আসরে সবার সামনে নয়,—নিভূতে—নিরালায়। “কেয়া দিলমান্ তামিল পেয়ারা আখের মাটিমে মিল যানা।” আখের

মাটিমে মিল যান!—কলির এই অংশটুকু বিশেষ জোরের সহিত, সকল প্রাণশক্তি নিবেশ ক'রে আপনার মনকে শোনাচ্ছেন। গুরুভ্রাতা শ্রোতৃবৃন্দও সঙ্গে সঙ্গে শিক্ষা পাচ্ছেন। অবিরাম জ্ঞানগুরুর স্তোত্র আওড়াচ্ছেন,—

“অহং নির্বিকল্পো নিরাকাররূপো বিভূত্বাচ্চ সর্বত্র সর্বৈন্দ্রিয়াণাং ।
.....ন বা বন্ধনং, নৈব মুক্তির্ন ভীতিশ্চিদানন্দরূপঃ শিবোহম্ শিবোহম্ ।
.....ভিক্ষান্নমাত্রেন সদা তুষ্টিমন্তঃ কোপীনবন্তঃ খলু ভাগ্যবন্তঃ ॥”
—“ইহাসনে শুশ্রূতু মে শরীরং ভগস্বিমাংসং প্রলয়ঞ্চ যাতু । অপ্ৰাপ্য
বোধিং বহুকল্পহর্লভাং, নৈবাসনং কায়মতশ্চলিষ্যতে ।”—“তমেব শরণং গচ্ছ
সর্ব ভাবেন ভারত ।”—“ভাবাতীতং ত্রিগুণরহিতং সদগুরুং তং নমামি ।”
—“ন গুরোরধিকং ন গুরোরধিকং । শিবশাসনতঃ শিবশাসনতঃ ।
ব্রহ্মগুরুং নমামি ।”

“একবার ভুল হ'লে আর কি লবে না কোলে.....আমরা যে শিশু
অতি, অতি ক্ষুদ্র মন ।..... শতবার লও তুলে, শতবার পড়ি তুলে ।”
—(শ্রীরামকৃষ্ণ—ওগো, তিনি আমাদের পাতানো মা-বাপ ন'ন ।
তঁার ওপর জোর করো ।)

“তমসো মা জ্যোতির্গময় ।”—“ন হোঁয়ে ময় আউধ দ্বারক.....মেরা
ভেট বিশ্বাস মো ।” “জয় দেব, জয়মঙ্গলদাতা.....জগবন্দ্য দয়াল, প্রণমি
তব চরণে, প্রভু প্রণমি তব চরণে ।” “নাভ কমলমে হায় কস্তুরী, কায়সে
ভরম টুটে পশুকারে ।” “ক্ষন্তব্যো মেহুপরাধঃ শিব শিব ভো শ্রীমহাদেব
শস্তো ।”.....“ছাড় মোহ ছাড়রে কুমন্ত্রণা । জানো তাঁরে তবে যাবে
যন্ত্রণা ।”.....“অমেধ্যপূর্ণে কুমিসঙ্কুলে স্বভাবহর্গন্ধ নিরন্তকান্তরে । কলেবরে
মূত্রপূরীষভাবে রমন্তে মূঢ়! বিরমন্তি পণ্ডিতাঃ”.....“ভক্তিহীনঞ্চ
দীনঞ্চ হঃখশোকাতুরং প্রভে! অনাশ্রয়মনাথঞ্চ ত্রাহি মাং মধুসূদন,
ত্রাহি মাং মধুসূদন ।”

বলছেন,—ভুলিস্‌নি। তিনি আমাদের ভালবেসে বশীভূত করেছিলেন! বলেছিলেন, ওরে, তোর জন্তে যে আমি দ্বারে দ্বারে ভিক্ষে ক’রতে পারি।……সেই রামরূপ একবার দেখলে, রক্তা, তিলোত্তমা, এদের চিতার ভঙ্গ বলে বোধ হয়।

ভক্ত বলছেন—হে হৃদয়-স্বামিন্, হে পতিতের নরেন্দ্রনাথ, হে দরদের বীরেশ্বর, হে দরিদ্রের নরেন্দ্র, হে পীড়িতের গুণ্ণবাকারী,—আবার বলো, পুনঃ পুনঃ বলো, অধঃপতিত ঈর্ষাক্রান্ত, ছটাকী অন্তঃকরণ-বিশিষ্ট আমাদের বলো,—“তিনি (মানুষ রামকৃষ্ণ, মানুষকে) আমাদের ভালবেসে বশীভূত করেছিলেন।” নিঃস্বার্থ ভালবাসা। ভালবাসা (কারণ উহা চিরদিনই তাই) ভিন্ন মানুষকে, তার অন্তরকে, বশ করা যায় না। চাকরকে বেতন দিয়ে, হজুর হজুর বা সেলাম ছিনিয়ে নেওয়া যায় মাত্র! জীবনে এটা একটা বড় সত্য।

লাটু মহারাজ ব’লতেন,—ভালবাসতে তিনিই (গুরুদেব শ্রীরামকৃষ্ণ) জানতেন। তাঁকে পিতা ব’লে মানি। শ্রীশ্রীরাখাল বরাহনগর মঠে একজনকে বলিয়াছিলেন,—“গুরুমহারাজ যেমন ভালবাসতেন, তত কি, বাপ-মা ভালবাসে? আমরা তাঁর কি ক’রেছি, যে এত ভালবাসা! ……আমরা তাঁর কি করেছি?”

* * * *

বলরাম বসুর শ্রীরামকৃষ্ণ স্মৃতিময় পুণ্যবাটিতে একদিন স্বামী বিবেকানন্দ চান্ করছিলেন। একটি রূপমুগ্ধ কলেজের যুবক খেলতে খেলতে তাঁর পায়ে হাত দিয়ে ব’লছেন,—“মশায়, আপনার পায়ের muscle ‘গুলি’ গুলো ত বড় সুন্দর! তিনি অতি সহজভাবে জবাব দিচ্ছেন,—ই্যা রে, তা হবে না? ঠাকুর যে আমাকে দেখতে বড় ভালবাসতেন।—ঐ যুবকের এখন চুল পেকেছে। নাম কালোবাবু। তিনি বলছেন,—

(ভাবটা তাঁর, ভাষাটা মাত্র আমাদের)—স্বামীজীর সবটাই সুন্দর । তাঁর ঠাট্টা সুন্দর । ছুটোছুটি : মঠে—বাঁধানো প্রশস্ত চাতালে, বিস্তীর্ণ মাঠে, কুকুর, ভেড়া, হরিণ নিয়ে খেলা । গরুর গায়ে হাত বোলানো । এমনি শুধু শুধু চারদিকে পায়চারি করে ঘুরে বেড়ানো । সবই সুন্দর !

সুন্দর তোমারই নাম । দীনশরণ হে ! তাঁর রূপ সুন্দর । গুণ সুন্দর । কখন সুন্দর । চলন সুন্দর । ধ্যান সুন্দর । কৰ্ম্মপ্রচেষ্টা সুন্দর । গান সুন্দর । বাজনা সুন্দর । হাসি সুন্দর । কান্না সুন্দর । হৃদয়ের প্রতি সমবেদনা সুন্দর । মুখমণ্ডলে জীবের প্রতি করুণার আভা অতীব মনোহর । কখন কখন বকুনি বড়ই “পিলে চমকানো”—বিষম বিপদ ! কিন্তু তারপর, কাছে ডেকে খাবার জিনিষ দেওয়া, ভালবাসার প্রকাশ স্তমধুর । বেলুড়ে অধ্যাস্র জ্যোতির্মণ্ডল মধ্যাহ্ন হইয়া, স্বয়ং স্বামীজী কিরূপ দেবভোগ্য অতিপ্রাকৃত আবহাওয়া সৃজনপূর্বক শ্রীশ্রীরামকৃষ্ণ লীলাপ্রসঙ্গ দিনে দিনে তিলে তিলে চক্ষের সমক্ষে ফুটাইয়া তুলিতেন—তাহা পরবর্ত্তী যুগের আমরাও, স্বামী বিবেকানন্দের হাতে মানুষ্য করা স্বামী সারদানন্দকে দেখিয়া, কল্পনা-নয়নে অল্পভব করিতে পারিতেছি । মঠের বৈঠকগৃহে যেন স্বামীজী তানপুরা হাতে, অপূর্ব ছলভ ঋষিকণ্ঠে, স্তমধুর সুরলহরী সুরধুনীর বৃকে ছড়াইয়া দিতেছেন—ওপারের অশরীরী কালীমন্দির নিবাসী শ্রামার, স্বাভাবিক স্নকৰ্ণবিশিষ্ট অপূর্ব শিশুটি—নরেন্দ্রের গীত শুনিয়া মাতিয়া উঠিতেছেন,—তাঁহার দেহ মধ্যাহ্ন কুণ্ডলিনী ঘন ঘন জাগরিতা হইতেছেন, আর আপনা সামলাইতে না পারিয়া শ্রীরামকৃষ্ণ—“আহা—আহা—কি মধুর ।”—বলিতে বলিতে সমাধিস্থ হইতেছেন ! কলিকাতা হইতে সঙ্গীতবিদ কোন স্নকৰ্ণ গায়ক যেন সাক্ষোপাঙ্গ লইয়া—গঙ্গা বাহিয়া—বজ্রা হইতে মঠভূমিতে নামিলেন,—উদ্দেশ্য, সমব্দার স্বামীজী মহারাজকে গান শুনাইবেন । অমন গুণের ও গুণীর তারিফকারী মেলা দৃষ্যট ।

যত কাল কাটিতেছে, পরমহংসদেবের প্রতি কথা বর্ণে বর্ণে সত্য বলিয়া প্রমাণিত হইতেছে। প্রথম নিজের ফটো দেখিয়া, তাহার উপর ফুল ফেলিয়া বলেন, এর পর এই ছবি ঘরে ঘরে ঢুকবে। ভক্ত এ কথা জানেন। একজন মুসাফির গুজরাটের গাঁয়ে গাঁয়ে, (তখন ঐ অঞ্চলে রামকৃষ্ণ নামাঙ্কিত কোন কিছু প্রতিষ্ঠান হয় নাই—) ঘুরিতে ঘুরিতে এক অতি ‘অজ’ জায়গায় একটি মুদির দোকানে দক্ষিণেশ্বরের ঈশ্বরের ছবি টাঙ্গানো দেখতে পেয়েছিলেন। আপনা হ’তেই তাঁরা সব ঠাকুরের উপদেশ কিছু কিছু মাতৃভাষায় তর্জমা ক’রেছিলেন এবং কোন কোন জায়গায় শ্রীসারদা-রামকৃষ্ণের জন্ম-জয়ন্তীয়াও অনুষ্ঠিত করেছিলেন।

পরমহংসদেবের একটি পরিহাসবাক্য আজ জলন্ত সত্যে দাঁড়াইয়াছে। সেটির উল্লেখ করিতে চাহি—ইংরাজী ১৮৮৩, ১২শে আগষ্ট তারিখ। দক্ষিণেশ্বরে ঠাকুরের ঘরে বসিয়া, নরেন্দ্র তাঁহার সেই স্মরবন্দিত অনবদ্য কর্তে গান সুরু করিলেন,—“সত্যং শিব সুন্দর রূপ ভাতি হৃদিমন্দিরে…… নিরখি নিরখি অনুদিন মোরা ডুবিব রূপ-সাগরে…… নিশিদিন প্রেমানন্দে মগন হইয়ে হে, আপনারে ভুলে যাবো, তোমারে পাইয়ে।” গানটি গাহিয়া নরেন্দ্র ঘরের বাইরের বারান্দায় গেলেন। (নাট-মন্দিরের দিকে। সারদানন্দ স্বামীর মুখে শুনেছি, এই ধারে দরমা দিয়ে ঘেরা, ঠাকুরের দৃষ্টি থেকে আড়াল করা, এক ফালি জায়গা তফাৎ করিয়া রাখা ছিল। সেটার নাম ছিল,—Green room, সেখানে তামাকুর পিপাসা পাইলে স্বামীজী আদি তামাকু সেবন করিতে বাইতেন)। একজন ঠাকুরকে জিজ্ঞাসা করিলেন,—“গেলো কোথা মশাই?”—তিনি হাসিতে হাসিতে উত্তর দিলেন—“আগুন জ্বলে গেছে। এখন থাকলো, আর গেলো।” ঠাকুর তুমি অতি সত্য কহিয়াছ। তোমার নরেন্দ্র কোন্ এক পুণ্য অবসরে ব্রাহ্ম ঋণে বাংলার—তথা ভারতের বুকের উপর আগুন জালিয়া চলিয়া গিয়াছেন। সেই কল্যাণ-দাবানলের—ক্ষুলিঙ্গ

যাহার যাহার গায়ে মাথায় বুকে স্পর্শ করিতেছে, তাহাকেই হয় এক মুহূর্তে, নতুবা ধীরে ধীরে, সংস্কারের খাদ গলাইয়া খাঁটি সোণায় পরিণত করিতেছে। রামকৃষ্ণ অবতারের লীলা প্রধানতঃ বাংলাকে দইয়াই। এখানে একটু প্রাদেশিক স্বর গাহিব। স্বামীজীর ভিতর তিলমাত্র সঙ্কীর্ণ প্রাদেশিকতা ছিল না। তাঁর ধাতে, গঠনই নয়। তিনি যে প্রদেশের যে দিকে মাহাত্ম্য দেখিতেন, তাহা সর্ব সমক্ষে বলিতে কুণ্ঠা বোধ করেন নাই। পরমহংসদেবের ক্রশবাহীদের ভিতর (সন্ন্যাসী-ব্রহ্মচারী) বেশীর ভাগ বাঙ্গালীই। অত্যাচার জাতি ও প্রদেশের জন্ত, পৃথিবীর জন্ত, এই সজ্জের দ্বার উন্মুক্ত আছে। স্বামীজী বলিয়াছেন,—I have travelled for the last ten years or so over the whole of India and my conviction is that from the youths of Bengal will come the Power that will raise India once more to her proper spiritual place.—প্রায় দশ বছর গোটা ভারত ঘুরলুম। আমার অন্তরের স্থির বিশ্বাস—বাংলার যৌবনশক্তি হইতেই সমগ্র ভারত তার নষ্ট অধ্যাত্ম মহিমা আবার ফিবে পাবে।

ভারতের অত্যাচার প্রদেশবাসীর নিকট আমাদের সামান্য অমুরোধ, তাঁহারা অধিক পরিমাণে রামকৃষ্ণসজ্জা যোগদান করিয়া—এই উক্তিটিকে অপ্রমাণ করুন। সেটা শুভদিনই হইবে। নরেন্দ্রনাথের অভিপ্রেতই হইবে।

দেশে নরেন্দ্রভক্ত একশ্রেণীর উদ্ভব হইয়াছে। নিজেদের, আমাদের দেখিয়াই ইহা বুঝিতে পারিতেছি। কেউ একটা মতলব কোরে, প্লান্ চালিয়ে—ফোড়ে ছেড়ে এটা ঘটায় নি। আপনাআপনি গুণমুগ্ধেরা সৃষ্ট হয়েছেন! এই জগুই এটা একটা তারিফের বস্তু। চলিত ভাষায় লোকে বলে, ওরা সব “রাম—কুশ্চান্।” বিবেকানন্দের চেলা।

“মাটির মানুষ” বাক্যে বলে, বর্ণে বর্ণে সেই তৃণাদপি স্থনীচ পূর্ববঙ্গ-

গৌরব দেওভোগের সাধু দুর্গাচরণ নাগ মহাশয় একবার রেলগাড়ীতে ভ্রমণ করিতে করিতে শুনিলেন, একব্যক্তি তাঁহার সাধের নরেন্দ্রনাথ সম্বন্ধে অতি অকথা হীন কুৎসা স্রব করিয়াছেন। বেলেমাছের রক্ত, 'যিনি সহাজ তাতিতেন না, সেই নাগ মহাশয়ের শীর্ণ জীর্ণ তম্বু ক্রোধে ক্ষীত হইয়া উঠিল। তিনি পায়ের চটীজুতা খুলিয়া, জোর কণ্ঠে বলিলেন,—“দ্যাখো, ফের যদি, মহাপুরুষ সম্বন্ধে এমন কথা কহিবে ত, তোমাকে জুতা পেটা ক'রব।”

আরও একজন পরিচিত ব্যক্তিকে এমনি এক পাষণ্ড দমনের জন্ত “বলং বলং বাহুবলং” argumentum ad eudgulum লাঠৌষধি ধরে একটি বিরানী সিক্কার থাপ্পড়ে নরেন্দ্র-নিন্দকের গাল ফাটাইয়া রক্ত দর্শন করিতে বাধ্য হইতে হয়। ধর্মরাজ্যেও শরীরের বলের অভাবে লাক্ষিত হইতে হয়। স্বামী বিবেকানন্দকে জীবনে বাধ্য হইয়া দুই একটি ঘটনায় শারীরিক বল প্রকাশ করিতে হইয়াছিল।

যাক্, আমরা যে প্রসঙ্গ পাড়িয়াছিলাম। সব সময়ে মহাজনের নিন্দা সামনে হইতে দিতে নাই। শরীরে সামর্থ্য বাহার নাই, সে অবশ্য নাচার! শুষ্ক, নীরস, “পণ্ডিত” অবশ্য, এই শ্রেণীর লোকদিগকে বিবেকানন্দ ভক্ত আখ্যা না দিয়া, বিবেকানন্দ “ভাক্ত” বিশেষণে বিশেষিত করিয়া দোষ ধরিতে ছাড়িবেন না। শক্তিমানের পক্ষেই “উদাসীনবৎ” “জড়বৎ” অবস্থা অবশ্য উচ্চ—অত্যাচ্চ আদর্শ। তবে এস্থলে বলিয়া রাখা আবশ্যক কোন বাস্তব ব্যক্তিই নিছক যুক্তি-বিচারে চলিতে বড় একটা পারেন না। সাজিয়া গুজিয়া বাহিরে ফিটফাট হইয়া, আমরা যতই চেষ্টা করিনা কেন তাহাতে কিছু আসিয়া যায় না—কোন না কোন দিকে একটা ভিতরের সংস্কারমত্ততাই মানুষকে শ্রোতের জলের মত ভাসাইয়া লইয়া যায়। বিচারবুদ্ধিকে নিরুপ্ত বলিতেছি না। অসং সংস্কারের প্রাবল্য ভিতরে হইলে, বিচারপূর্বক অভ্যাসযোগে সংপথে

চলিবার চেষ্ঠাতেই কল্যাণের বীজ নিহিত। তবে সতের চেউ ভিতরে আসিলে, সেটার চেয়ে সুখকর আর কিছু থাকতে পারে না।

মানুষের সত্যকার গোপন জীবনে দেখা যায় যে, শুধু খড়িপাতা Calculation—স্থির হইয়া বসিয়া ভাবিতে বেশ! কিন্তু ঘটনার ঘাত-প্রতিঘাতে উহা টিকে না। তাই সবাই আমরা ইচ্ছাপূর্বক বা অনিচ্ছাপূর্বক স্বামী সারদানন্দের সুন্দর ভাষায়—“Rough-riders to a wild horse”—ভবিতব্য বা নিয়তি যেন একটা পাগলা ঘোড়া। আর, মানুষ জীবন পথে চলেছে, যেন এক একটা বেপরোয়া সওয়ার। সম্পূর্ণ অশিক্ষিত। কারো তোয়াক্কা নেই। তবে ছুনিয়ায় কাপুরুষেরও অভাব নেই। সাহসিকতার অভাবও যথেষ্ট পাওয়া যায়। কিন্তু ধটনাচক্রে এরূপ ব্যক্তিও সব সময়ে কাপুরুষতাকে বুকে জড়াইয়া রাখিতে পারেন না। মনমুখ এক করে চ'ললে, পিছনের অদৃশ্য শক্তি সব উল্টাইয়া দিয়া একেজোকে কেজো, অকর্মণ্যকে কর্মণ্য করে তুলে।

বাংলার তরুণ শক্তির উপর আচার্য্য তাঁহার মহান আশাসৌধের গরুড়-স্তম্ভ নির্মাণ করিবার ভার নিশ্চিন্ত মনে দিয়া গিয়াছেন। আমাদের দ্বারা মহৎকাজ হইবে, তিনি বিশ্বাস করিতেন। আচার্য্য ব্রহ্মানন্দ বিশ্বাস করিতেন। স্বামী তুরীয়ানন্দ—সারদানন্দ—প্রেমানন্দ—শিবানন্দ বিশ্বাস করিতেন, Youngmen of Bengal, to you I specially appeal.

ব'লে গেছেন,—আমিও তোদের মত কোলকাতার পথের ছোঁড়া ছিলাম (বিশেষতঃ বাবার কাল হইলে)।—তোরাও আমার মত অনেক অসম্ভব সম্ভব করতে পারবি”।

ধর্মচক্র প্রবর্তিত হইয়াছে। নিমন্ত্রণ লিপি দিকে দিকে, জনে জনে, দেশে দেশে, জনপদে জনপদে, গ্রামে গ্রামে, নগরে নগরে দেবতা পাঠাইয়া দিয়াছেন। বুদ্ধিমান বুদ্ধিয়া কর্তব্য নির্দ্ধারণ করুন! যুব-

শক্তিই তাঁর আশাস্থল—নিজের বাগী—Not the old bruised and battered.....but the Earth's freshest, best, strong, young beautifulpurest flowers. কাকে চৌকরাণো—বুড়ো হাবড়ার কর্ম নয়। শ্রীরামকৃষ্ণ-তর্পণের জন্ত বাংলার সুবিস্তৃত বাগিচা হইতে বেদাগ ফুল বাছিয়া লইতে তাঁহার ইচ্ছা হইয়াছিল। সুন্দর। সংযত। বলবান্।

আবার বলছেন,—Like a rolling river free, be thou ever be.....Go thou, the free from place to place, help them out of darkness, Maya's veil, without the fear of pain or search for pleasure. (মূল কথা গুলির আলাদা শক্তি)

কষ্টের ভয় পরিত্যাগ করে, আত্মস্থ অন্বেষণের আশা ছেড়ে দিয়ে দেশে দেশে তুই যা, প্রোতস্বতী স্বচ্ছন্দগতি সরিতের মত, রে স্বতন্ত্র ! আর লোককে মায়ার আব্বণ্ডন থেকে, ঢাকনা থেকে, আধার থেকে মুক্ত হতে সাহায্য কর।

পুনশ্চ—Bring light to the poor, and bring *more light to the rich* for they require it more than the poor ; bring light to the ignorant, and bring *more light to the educated.*

গরীরের দুয়ারে আলো নিয়ে এসো। আরো আরো আরো আলো আনো ধনীর দোমহল্লা তেমহল্লা দৌলতখানায়। কারণ, গরীবের চেয়ে ধনীর এই আলোর অভাব আরো বেশী। অজ্ঞকে আলোকিত কর। আরও আলো দেখাও, তথাকথিত শিক্ষিতদের। এ আলো অবশ্য—অধ্যাত্ম-উপলব্ধির ভাস্বর দীপ্তি, তাহা বলাই বাহুল্য।

বেলুড়মঠ প্রতিষ্ঠার সঙ্গে বৈদিক বিরজা সন্ন্যাসসঙ্ঘের বিস্তৃত আয়োজন করিয়া, তিনি যঠের ফটকের ধারে দাঁড়িয়ে বলেছিলেন, যেদিন হাজার হাজার মা-বাপ তাদের ছেলেকের জন্ত এইখানে এসে মাথা

খুঁড়ে রক্ত বার ক'রবে, সেইদিনই ঠাকুরের আসা সফল হবে। তার আগে নয়।

তিনি দুই সহস্র চাহিয়াছিলেন। বাস্তবিক, বিবেকানন্দ একটি— জীবন্ত শক্তিকেন্দ্র Organism. আর তাঁর চরিত্রের অনেক দিক আছে যার যতটুকু ক্ষমতা বা ধারণাশক্তি—সে ততটুকুই ধরবে। কিন্তু, লক্ষ্য করতে হবে যে, সব শাখাপ্রশাখাময় প্রতিভার ভিতর, অধ্যাত্ম অনুভূতির বাণীই ওতঃপ্রোতঃভাবে, সূত্রে মণিগণা ইব, তাঁহার সব গুণ-গুলিকে হেমসূত্রে বাঁধিয়াছে। এটি না বুঝিতে পারিলে, বিবেকানন্দ-বোধ ছুঁকর হইবে বলিয়া আমাদের মনে হয়।

দশম পরিচ্ছেদ

সেবাধর্মের “পাকআমিত্ব”

স্বামী শ্রীব্রবেকানন্দের ভিতর ঠিক ঠিক নিরভিমানতা ছিল। নিরহঙ্কার মনে মনে। মুখে বেশ বলতেন, আমার ঘর। আমার মঠ। আমি বলছি। ইত্যাদি। অত যে কাজের উৎসাহ, আত্মনির্ভরতা শিক্ষা দিয়ে গেছেন, সব ব্যাপারের ভিতর তাঁর অন্তরে, পূর্ণ জ্ঞানের প্রদীপ সর্বদা প্রজ্জ্বলিত থাকতো। জানতেন, তিনি যন্ত্র। বিরাট শক্তির হাতের পুতুল। ষোগবাশিষ্ঠের কথা তাঁর ভিতর অক্ষরে অক্ষরে সত্য। বাশিষ্ঠ-শাস্ত্রে বলে, সাধারণের মহা আড়ম্বরে কাজ সুরু করা, আর মহাপুরুষদের বহা ডামাডোলে উহা আরম্ভ করার ভিতর, একটি নিগূঢ় তফাৎ রহিয়াছে।

প্রথমতঃ মহাপুরুষ দৈব আজ্ঞা পান। আর, তাছাড়া, তাঁদের ভিতর আমি অকর্তৃতা, এ বোধ পাক! থাকে। যদিও বাহিরের দাঁত অত্মরূপ বলিয়া—অনেক সময়ে মনে হয়। হুঁচর দশ মিনিট মিশে, ভাসা ভাসা মিশে, মনে হয় এ লোকটার মহা তমঃ। ঐ সব বড় বড় কাজে তাঁদের জড়াতে পারে না। গীতাও (৪।২২) বলিয়াছেন, কৰ্ম্ম ইহাঁদের বাধিতে পারে না, —“কৃত্বাপি ন নিবধ্যতে।” কারণ, কৰ্ম্মবন্ধনের বে গোড়াকার কথা, সেই বাসনার বীজ—তাঁহাদের ভিতর একদম থাকে না। তাই অত কাজের ভিতরও তাঁদের মাথা চলকায় না। এ বে নির্বিকল্প সমাধি-লান্ডের পর কৰ্ম্ম। শ্রীশিষ্ঠের কৃপাসিদ্ধ, সমাহিত, সংসার-বাধিত রামের সংসার। জনকের সংসার। শ্রীকৃষ্ণের। রামকৃষ্ণের ভাষায়—“অদ্বৈত জ্ঞান আঁচলে বেঁধে, তাঁকে জেনে সংসার।” লোক-সংগ্রহার্থম্। লোকহিতায়। অত্যাচার প্রভৃৎ বুদ্ধি অন্তর অধিকার করে না। মানুষের উপর অবৈধ অত্যাচার তাঁহারা করেন না। শঙ্করের ভাষায় মুণ্ডীন্দ্র—নেড়ামাথাদের কর্তৃত্ব বা মঠাধীশত্ব বিবেকানন্দকে বাধিতে পারে নাই। যদিও কার্য্যতঃ বতদিন জীবিত ছিলেন, ততদিন তিনিই শ্রেষ্ঠ আসনে আসীন ছিলেন! বলেছেন—হে প্রভো—রামকৃষ্ণ! “দাস তব জনমে জনমে দয়ানিধে... সশক্তিক নমি তব পায়।আছো তুমি পিছে দাঁড়াইয়া.....তব গতি নাই জানি...মম গতি তাহাও না জানি!...তাঁর ইচ্ছায় লোকের অভাব হবে না।” জীবনের শেষটায়, শুনেছি, খালি ব'লতেন,—“মার ইচ্ছা।”

*

*

*

*

একদল ব'লছেন,—মনে পড়ে শ্রীপরমহংসের সেই উক্তি। আজ ষাঁরা রামকৃষ্ণ-বিবেকানন্দের নামে কাজে নেমেছেন, তাঁদেরও সেই স্বেচ্ছা স্মরণ হয়। শঙ্কু মল্লিককে তিনি বলেছিলেন,—“ভগবান (অবশ্য রূপবিশিষ্ট) যদি তোমার সামনে এসে দাঁড়িয়ে বলেন, শঙ্কু, তুমি কিছু

বর চাও। তা হলে, তুমি কি চাইবে?—কতকগুলো হাঁসপাতাল? ইঙ্কুল? ডাক্তারখানা? কতলোকের অভাব তাতে মেটাবে?”

কাজ খুব ভাল। নিরলস হওয়ার চেয়ে অধিকতর সুখকর অবস্থা আর নাই। অধঃপতিত তমঃগ্রস্ত বাংলার,—ভারতের হিতের জন্য কর্ম-প্রচেষ্টা কর্মপ্রবর্তনা নিতান্ত আবশ্যিক। তবে রামকৃষ্ণ-বিবেকানন্দ নামাঙ্কিত যারা—যে সব কর্ম্মীবৃন্দ—তাদের প্রসঙ্গ পাড়িয়া, মনের খাঁজে খোঁজে যে সব সন্দেহ থাকে, তাহা মিটাইয়া লইবার চেষ্টা দরকার। কারণ, এ আদর্শে ঘোঁয়াটে কিছুই নাই। রজোগুণ হচ্ছে, কাজলের ঘর। কালি, দাগ,—এ সব লাগবেই! সেইজন্যই পয়লা নম্বরের কর্ম্মীকেও কাজ করিতে করিতে,—নাম, বশ, আত্মস্বরিতা, “আমি না হলে—এ কাজ চল্বে না”—“এ কাজের কর্তৃত্ব যদি আমার রোগ-জ্বালা বশতঃ ঘুচে যায় বা দোষবশতঃ সহকর্ম্মীরা—ঘুচাইয়া দেন, তাহা হইলে, আমি বাঁচিব কেমন করিয়া”—ইত্যাদি চিন্তা আসিলে, মাঝে মাঝে কর্তৃত্ব পরিত্যাগ করিয়া—শান্ত হইবার চেষ্টা করিতে হয়। যিনি অন্তরের বন্ধন, মমত্ববুদ্ধির বন্ধন ঘুচাইয়া শ্রীরামকৃষ্ণ-বিবেকানন্দের মত বা কতকটা অনুরূপ হইতে চান অন্ততঃ তাঁর পক্ষে। নতুবা, তাল সামলাইবার সম্ভাবনা মোটেই নাই।

রজোগুণী ইউরোপের বিগত (১৯১৪—১৯১৮) মহাযুদ্ধে বিষ-উদগীরণ (মানসিক ও আক্ষরিক) কেমন দেখিলে? মানুষ খারাপ হলে, জানোয়ারেরও অধম হয়, তাহা বুঝিতে পারিলে কি? বিবিধ পুষ্পসার প্রসাধন সামগ্রী আমরা মেখে থাকি বটে, কিন্তু ভিতরে ভিতরে ফল্গুপ্রবাহের মত হিংসাপ্রবৃত্তি, গলিত দুর্গন্ধ শব্দ সম, আমাদের সমস্ত মানব প্রকৃতিকে যে ছাইয়া ফেলে, তাহা ত আমরা দেখিলাম। আমাদের স্বরূপ,—পৃথিবীর তথাকথিত সভ্যদের অসভ্যতা প্রকট হইল। আমরা আমাদেরই দেখিলাম। অবস্থা-

বিশেষে দাড়াইলে, আমরা যে কি না হইতে পারি, তাহারও কিছু কিছু চক্ষের সমক্ষে বুঝিলাম। লড়াই লড়বো না বলে, যারা কারাবরণ করেছিলেন, সেই সব শাস্তিবাদীরা সংখ্যায় অল্প হলেও, সমগ্র ইউরোপের জাতীয় জীবনে তাঁহাদের সাধনোচিত স্থান যে কত উচ্ছে, তাহা ভাবিলে চমকিত হইতে হয়। এখন সেই ঠেলার জুতাই, লীগ অফ নেশনকে রাম নাম কপচাইতে—মৈত্রীভাবনার দিকে লক্ষ্য আনিতে হইতেছে। যীশুর জয় গাহিতে হইতেছে।

রজোগুণে রাগী, হিংস্রক, লুন্ড, অপবিত্র হইতে হইবেই। হর্ষশোকের বিপরীত স্রোত সমাকুলিত চিত্ত। কাহারও ছাড় নেই। “রাগী কর্মফল-প্রপ্সুঃ লুক্কো হিংস্রকোহশুচিঃ। হর্ষশোকান্বিতঃ……।” গীতা ১৮।২৭।

তবে, এও সত্য যে, কতকগুলি সদগুণ না থাকলে, কর্তা হওয়া যায় না। রামাশ্রামার কর্ম নয়। তমঃ অপেক্ষা শতগুণে শ্রেয়ঃ, নিঃসন্দেহ। তবে, বাবারও বাবা থাকে। সেটা ভুলিলে চলবে না। জীবন-জমি চষে যারা—আদর্শ ফসল কাটতে চায়, তাদের এটি জানা দরকার। “শিরায় শিরায় রজোগুণ”—স্বামীজী বলেছেন, অতি সত্য। তাহা কি কেবল লিডারি, সর্দারী, মতলববাজীতে পরিণত হবে? ঈশা-অবতারে রামকৃষ্ণ বলিয়াছিলেন,—“My house is the House of Prayer, but ye have made it a Devil’s Den !” আমার অন্তরের, ঘরের ভাব হচ্ছে, প্রার্থনার ভাব। কিন্তু, হে পথভ্রষ্ট ইব্রীয় সমাজ ! বড়ই ক্ষোভের সঙ্গে তোমাদের আমি বলছি যে, তোমরা আমার এই সুন্দর অধ্যাত্ম-রাজ-অট্টালিকাকে শয়তানের বাসায়—আড্ডায় পরিণত করলে !”

কেউ স্বামীজীর পত্র থেকে উদ্ধার করে ব’লছেন—মুক্তি-মুক্তি সব ফেলে দে। লোকের হিত কর। তাঁর পর-সমাধির চাবি-কাটি পরমহংস-দেব কেড়ে রেখেছিলেন। তিনি স্বদেশপ্রেমিক ছিলেন। ধর্ম-টর্ম মান্তেন না। ঐটেই যে শ্রেষ্ঠ ধর্ম।

আবার কেহ তার উত্তরে বলছেন,—বড় ভাবনার কথা বটে। স্বামীজীর বাণীর মূলকথা কি স্বদেশসেবা, না স্বদেশসেবাদের ভিতর দিয়ে আত্মসম্মানকাম? ব্রহ্মজ্ঞান? এইটি নির্ণয় ক’রতে হলে, তাঁর সাত খণ্ডে প্রকাশিত গ্রন্থাবলীর ভিতর, অধ্যাত্মকথা কত বেশী আছে, দুখারূপে আত্মজ্ঞানের কথা আছে কিনা, দেখিতে হইবে। আর, সঙ্গে সঙ্গে, যে সব মহান্ আত্মা স্বামীজীর হাতে গড়া ও স্বামীজীর বা পরমহংস-দেবের শ্রেষ্ঠ ভাববাহী বলিয়া বঙ্গসমাজে বা বিশ্বসমাজে গণ্য হইয়াছেন, তাঁহাদের বাণী, কার্যকলাপও—ঐ সমস্ত সমাধানে আমাদের কাছে প্রভূত পরিমাণে সাহায্য করিবে, নিঃসন্দেহ।

অধ্যাত্ম সাধন শেষ করে, (খালি নিগুণে সদা সমাহিত হইয়া দেহাতীত হইতে বাকী ছিল,) “স্বামীজী মহারাজ” হয়ে, তবেই কি নিজের উচ্চভূমি, অত্যুচ্চ দৃষ্টি থেকে সবাইকে বড় জ্ঞান ক’রে, উৎসাহের জন্ত নুজ্জিত-কুজ্জিত ফেলে দিতে বলেছেন? সমস্ত উপদেশের, উপদেশ-লক্ষিত শেষ গন্তব্য পদের উপর লক্ষ্য রাখিয়া, এই সকল আপেক্ষিক (Relative) কথার যথাযথ সারবত্তা ধাৰ্য্য করিতে হইবে। রামকৃষ্ণ-বিবেকানন্দের কাজ যিনি, সত্য সত্য মনমুখ এক করিয়া করিতে নামিয়াছেন, তাঁহাকে শুধু কন্মী হইলে ত চলিবে না। “কন্ম-যোগী” হইতে হইবে। মোক্ষকে সনাতন কালের মত উচ্ছে, মাচায় তুলিয়া রাখিলে চলিবে না। যদি বলো, “এবারের সংস্কার যা—(আর পৃথিবীর প্রায় সবারই তাই)—তাতে এবার রজোগুণের বিকাশ করা যাক্। আসছে বারে সত্ত্ব হবে।” খুব ভাল কথা। কোন আপত্তি নেই। তবে বক্তব্য এই, মোক্ষরূপ শেষ পৈষ্ঠার চিন্তা-আলোচনা একেবারে বাদ দিলে চলবে না। এবারে কার্যে পরিণত করা বা না করা, আলাদা।

*

*

*

*

বিশ্বাস-বিগ্রহ শ্রীবিবেকানন্দ—পত্রের একস্থানে লিখছেন—“মার

রূপায় আমি, একা, এক লাখ আছি। বিশ লাখ হব।” তাঁহার বিশাল বক্ষে যে প্রেরণার আগুন জ্বলছিল, তাহা সম্পূর্ণ দৈবী। তিনি দেব-পরিচালিত। ঘন ঘন ঐশী প্রেরণায় সুপ্রতিষ্ঠিত। স্থির জান্তেন যে, মার কাজ করিতেছেন। নিজের নয়। আজ দেশে দেশে, উচ্চ নীচ সর্ব বর্ণের ভিতর, সর্ব জাতির ভিতর, বিবেকানন্দের মানস-সন্তান-গণ ছড়াইয়া পড়িয়াছেন। স্বীকার করো বা নাই করো, বাংলার মরা-গাঙ্গে আজ যে জীবনের জোয়ার এসেছে, তার ভিতর বহু ভগীরথের বৃকের রক্তপ্রবাহ আছে। জগদম্বার রূপায় রামকৃষ্ণ-রাগে অনুরঞ্জিত শ্রীবিবেকানন্দের কলিজায় এই প্রকার ভগীরথ ফুটিয়াছিল।

শ্রীরামকৃষ্ণ পরমহংস পরম কাজের কাজী। তিনি অধিকাংশ সময়েই সমাধিস্থ থাকিতেন। লৌকিক হিসাবে এক প্রকার কাজের বার ছিলেন। কিন্তু, তিনিই বহু শুভ কর্ম-প্রেরণার উৎস। বহু বিবেকানন্দের ভাব-জনক। তাহারই ভিতর আবার—লোকাচার্য্যের, লোকগুরুর কঠিন কর্ম যথেষ্ট করিয়া গিয়াছেন। অন্নদান অপেক্ষা প্রাণদান বড়। প্রাণদান অপেক্ষা বিজ্ঞানদান বড়। আবার, বিজ্ঞানদান অপেক্ষা ধর্মদান, আরও বড়। শ্রীরামকৃষ্ণ এই শ্রেষ্ঠতম দানে মানবের জীবন বিভূষিত, বিমণ্ডিত করিয়া গিয়াছেন।

* যে দিন বৃটিশরাজের দ্বিতীয় সহর কলিকাতা রাজধানীর প্রথম নির্ধারিত স্বদেশীয় মেয়র মহোদয়, কর্পোরেশনের বহুতাম্বু হতে, বিবেকানন্দের পরমপ্রিয় নয়া বাংলার নবোদ্ভাবিত উদ্ধারবার্তা, জপমন্ত্র—“দরিদ্র-নারায়ণ”—সেবাদর্শের কথা পাড়িলেন, সেদিন হে স্মৃশ্ব শরীরি আচার্য্য! হে শ্রেষ্ঠ যুগমানব! লোকদৃষ্টির আড়ালে তোমার কত না আনন্দই হইয়া থাকিবে! তুমি ত নাম-যশ চাহ নাই। বলেছ, পুনঃ পুনঃ—নাম ডুবে যাক্! কাজ হোক্! ভাবপ্রচার হোক্! ভক্ত বলছেন,—বিশ্বাস করি, বিবেকানন্দের শুদ্ধ আত্মা এখনও ভারতের পতিত

অবনতদের চার পাশে ঘুরে ঘুরে বেড়াচ্ছে। বিশেষ কোরে তাদেরই যে, তিনি আপনার লোক। তাঁর বিশ্রাম—পূর্বেই বলিয়াছি, এখনও হয় নাই। এখনও হইবে না, হইবার নহে। তাহা না হইলে, কোথা হইতে হাওয়ায় লোকজনের জোটপাট হইয়া কার্য উদ্ধার হইয়া যাইতেছে কেন? স্বাস্থ্যশক্তি না মানিয়া উপায় নাই। শুধু স্থলে সবটার ব্যাখ্যা হইবে না। কেবল যেটা দেখতে পাচ্ছি, অর্থাৎ শুধু দৃষ্টের এলাকার দিকে দৃকপাত করিয়া থাকিলে, তুঁট হইতে পারিবে কি? অদৃষ্টও যে সততই তাহার সত্তা ও সত্যের প্রতি সবাইকে লওয়াইবার চেষ্টায় চলেছে। এই দুইয়ে মিলে দ্বন্দ্ব-সংগ্রাম আবহমানকাল চলে আসছে। দৃষ্ট ও অদৃষ্ট, এরা যেন পরস্পর বিবদমানা দুইটি সপত্নী।

আমরা বিবেকানন্দের মত বলি,—এ কি তোমার শক্তিতে হইতেছে, না—আমার চেষ্টায় হচ্ছে? এটা সম্পূর্ণ শ্রীরামকৃষ্ণ-বিবেকানন্দের। তাঁদের কাজ, কোথা হতে ক্রমশঃ ক্রমশঃ লোক টেনে এনে, তাঁরাই করিয়ে নিচ্ছেন, কে জানে? তাঁরাই “মুকং করোতি বাচালং!” বড় কেমিষ্ট যেমন কয়লার কাথ থেকে, চমৎকার রঙ তৈয়ার করছেন, তেমনি ধারা তাঁরাও পতিত-নষ্টদের ভিতর থেকে সুন্দর সুন্দর মানুষ গড়ছেন।

এ ছাড়া, অনেক জীবন্ত লোককে জানি, যাঁরা রামকৃষ্ণ-বিবেকানন্দের চিহ্নিত কোন ব্যক্তির সঙ্গে আলাপ না হওয়া সম্ভেও, তাঁদের জীবন ও উপদেশ কেতাব মারফতে পড়া না থাকিলেও, স্বপ্নদর্শন ও কথনের ফলে, জীবনে নূতন আলো, নূতন পথ দেখতে পেয়ে ধন্ত হয়েছেন। এর ভেতর পাশ্চাত্য ফেরত, পাশ্চাত্যে নাম করা, পালোয়ান জোয়ান, লক্ষ্মীমন্ত, গুণী মানী ব্যক্তিও আছেন। জীবিত বলিয়া এবং প্রচ্ছন্ন থাকিতে চান বলিয়া, নাম দেওয়া গেল না। আর এঁদের সম্বন্ধে, এঁদের ঐশ্বরীয় ভাবের নিরাবিলম্বের সর্বশ্রেষ্ঠ প্রমাণ হচ্ছে, এঁরা বাজারে নাম বাজিয়ে দল বানাতে চান না।

শ্রীরামকৃষ্ণের অনন্ত করুণায়, এই কলিকাতা সহরেই, এইরূপ একটি ভাগ্যবান ব্যক্তির সঙ্গে সাক্ষাৎকার লাভ করিয়া ধন্ত হইয়াছি। লীলাময়ের অদ্বুত লীলা। বিশাল বুক,—পালোয়ানের মত শক্ত মাংস-পেশী তাঁর। ইসলামের শরীর ও বেদান্ত-মস্তিষ্কেরই আভাস।—“Islam body and Vedanta brain.” অনেকটা আচার্যের উক্তি-অনুযায়ী। “পেট রোগা” মোটেই নহেন। তিনি যখন হাত বোড় করিয়া বলিতে লাগিলেন,—“আমাদের কি সাধ্য, ঠাকুর যাকে যেমন করান”—কথা গুলি বড় ভাল লাগিল। তিনি রামকৃষ্ণদেবকে—দেব-বালককে “বেটা” “বেটা” বলিয়া কথা বলিলেন। বললেন,—চোস্ত ইংরাজের ছাত্র ইংরাজী বলিতে—“I don’t want to be spotted out, my dear Sir! I want merely to be His campfollower. চিহ্নিত, মার্কামারা হ’তে চাই না। তাঁর সুর-সেনাদলের একজন তাঁবু-বাহকমাত্র হয়ে জীবনটা কাটাতে চাই।” কি চমৎকার ভাব! স্বতন্ত্রভাবে প্রতি বৎসর তিনি নিজে যেমন পারেন, ঠাকুর শ্রীরামকৃষ্ণের শুভ পুণ্য জন্মতিথিতে দরিদ্র-নারায়ণের সেবা করেন। বিপত্তীক পিতাকে প্রাণ দিয়া দেবতাজ্ঞানে সেবা-পূজা করেন! বাড়ীতে পাড়ার ছেলেদের স্বাস্থ্য-চর্চার জন্ত ব্যায়ামাগার খুলিয়া দিয়াছেন। পল্লীর সর্ব শুভকর্মের এক প্রকার উৎসই তিনি। তাঁহাকে দেখিয়া, তাঁহার জীবন-রীতি দেখিয়া, প্রতিবেশীদের মুখে তাঁহার সকল রকম মঙ্গলকর্মের কিছু কিছু বৃত্তান্ত শুনিয়া মোহিত হইলাম। আদর্শ গৃহীকে কেমন হইতে হয়, তাহারই ব্যঞ্জনা। চমৎকার ভাব! আপনা হইতে সহজেই মনে মনে তাঁহাকে তারিফ করিতে হইল। স্বপনে প্রাপ্ত দৃঢ়-সংস্কার-প্রসূত প্রসাদের ডালি,—আপনভাবে আপনমনে, নিজের বৈশিষ্ট্যের মধ্য দিয়া, কখনও লোকালয়ে, কখনও নিভূতে নিরালায়, “যখন যেমন তখন তেমন” ভাবে,—বহন করিয়া তিনি, সংসারে, জীবন-পথে, চলিয়াছেন।

তুমি হয়ত বলিবে, বাজে ! Supernatural—অপ্রাকৃত খামখেয়াল
সৃষ্টি । ধন্য ! তোমার অবিশ্বাসভরা সুশিক্ষার, অতি-শিক্ষার বহর !

অকপট সরল অন্তঃকরণে প্রার্থনা ক’রলে, এই জ্ঞান-বিজ্ঞান-আলোকিত
শ্রীবিংশশতাব্দীতেও মহাত্মাদের দর্শন পাওয়া যায় । ভগবদ্ভক্ত ইহাই
বলিতেছেন । তবে, এখানে চরিত্রই শ্রেষ্ঠ কষ্টি-পাথর । যেখানে সত্য,
সেখানে মতলববাজীর ঝক্কারী নাই ।

রামকৃষ্ণ-বিবেকানন্দের যে বিশালতর মহত্ব, তপঃশক্তি, তাহা যদি
আবার রামকৃষ্ণ বিবেকানন্দ-সমাজ-কক্ষীরা নিজ নিজ জীবনে, আভাসেও
পুনঃ সংস্থাপন ক’রতে পারেন, তবেই তাঁদের নগ্নপদের ধূলিতে গৃথিবীর
বড় বড় রাজনুকুট লুটিয়ে পড়বে, তীর্থবুদ্ধিতে স্পর্শ করে নির্জেদের পবিত্র
করে নেবে, নিঃসন্দেহ । ছুনিয়ায় বড় বড় ‘হোম্‌রা চোম্‌রা,’ লক্ষ্মী-
সরস্বতী উভয় সমাজে প্রথিতনামাদের অন্তর, বিজয়ী বীর-বিবেকানন্দ জয়
করেছিলেন । কিসের জোরে ? অনেক ধনী তাঁদের ধন-সম্পদ-ভাণ্ডার
তাঁর সামনে খুলে ধরেছিলেন । কেন ?

শুধু রামকৃষ্ণ-বিবেকানন্দের নামে বড় বড় কাজ হ’লেই চল্বে না ;—
তাঁদের ভাব অনুযায়ী হওয়া চাই । ভাবকে, তাঁদের প্রেমময় অস্তিত্বকে
অস্বীকার ক’রে—ভাবকে জবাই করে, বড় বড় ফলাও কাজ কল্পে কি
হবে ? তার ফলে কক্ষী নামধারী হতে পারবেন, নিঃসন্দেহ । অনেক
কিছু বড় বড় বিরাট ব্যাপার তাঁদের দ্বারা হবেও ! তমসাস্কন্ন ভারতবাসীর
জীবনে রজের বিকাশ বিশেষ বাঞ্ছনীয় । দেশের কাজ খুব ভালোই ।

অধ্যাত্ম-আদর্শকে অক্ষুণ্ণ রেখে, রামকৃষ্ণ-বিবেকানন্দ ভাবাশ্রয়ীর
অল্প কাজও ভাল । আদর্শবাদীরা চিরকাল এ কথা বলে থাকেন ।
ব’লবেন । আর এই আদর্শকে ক্ষুণ্ণ এবং ব্যবসায়-বুদ্ধিকে বড় আসন
দিলে, কেবলমাত্র দলের নামপ্রচার বুদ্ধিকে বড় কল্পে, রামকৃষ্ণ-
বিবেকানন্দ উপর হ’তে খালি হাসবেন । আজ অশেষ প্রকারে

রামকৃষ্ণ-বিবেকানন্দরূপ মহাদর্শ বিচারের সময় আসিয়াছে। “বিমূম্বৈ-
তদ্ অশেষণ।” তার পর “যথেষ্টসি কুরু।” (গীতা ১৮।৬৩)।
আদর্শ ঘোলাটে হয়ে গেলেই সর্বনাশ। বুদ্ধির দ্বারা, সর্ব কৰ্মফল
শ্রীকৃষ্ণে বা শ্রীরামকৃষ্ণে সমর্পণ করিয়া কৰ্মমার্গে বিচরণের ভার,
কৰ্মযোগীর উপর আছে। (গীতা ১৮।৫৭)। ভুল সকলেরই হয়।
কিন্তু, প্রায়শ্চিত্ত-বুদ্ধির দ্বারা ভুলকে ভুল বলিয়া স্বীকার করা দেবচিহ্নিত
দেবাপ্রিত—দেবনামাঙ্কিত—কৰ্মযোগীদের পক্ষে আবশ্যিক। মন্তব্য
মানুষ আত্মপক্ষ সমর্থন সর্বতোভাবে করে থাকে।

‘সত্য-নির্ণয় সঙ্কট। ছই পক্ষ বলিয়া যাওয়াই শ্রেয়। কেহ কেহ
বল্ছেন, আর স্বেচ্ছাসেবক নিয়ে, বড় লোকের হাতীদের নিয়ে,
ঠাকুরের কাজ চালানো যায় না। তারা সব প্রচণ্ড খামখেয়ালী।
কাজ ক’রতে ক’রতে ছেড়ে চলে যায়। তাদের তুষ্ট করা বড় শক্ত।
আমরা অতঃপর বেতনভোগী লোক রেখে মস্ত বৃহৎ বৃহৎ কাজ
চালাবো।

অপর পক্ষ বল্ছেন,—খুব ভাল। তবে সে কাজটা তোমার
ব্যক্তিগত নামে ক’রতে পারবার সংসাহস থাকাই বাঞ্ছনীয়। আদর্শ-
বাদের ভিতর—expediency—“ক্ষেত্রকর্ম” কথাটা এক এক সময়ে
বড় মারাত্মক। অনেক গলদকে—“ক্ষেত্রে কর্ম বিধীয়তে”—বাদ দ্বারা
সমর্থন শুধু ধামা চাপা দেবার ফিকির ফন্দি। তোমার আমার খেয়ালের
কাজ কতটা, আর ঠাকুরের কাজ কতটা, ভেবে দেখা উচিত। শুধু
কাজ দেখানোই কি উদ্দেশ্য? রবিবাবু বেশ গান করেছেন,—“ভয়
হয় পাছে, তোমার কাজে আমারে করিহে প্রচার।” বহির্দৃষ্টি
হইতে যাহা বোধ হয়, তাহা ভুলিয়া যাও। আদর্শকে শক্তভাবে
ধরে, যতটা পারা যায়, তাহাই কি করা উচিত নয়? এই আদর্শটি
এক কথায় বলিতে গেলে, কাম-কাঞ্চন-আসক্তি কমাইবার চেষ্টা।

কত কড়া ও চড়া সুর গোড়ায় পরমহংসদেব বেঁধেছিলেন মনে পড়ে ? লক্ষ্মী মাড়ওয়ারী যখন মোটা টাকাটা দিতে এসেছিলেন, তখন পরমহংসদেব তা দিয়ে, “নাম কী ওয়াস্তে” অন্ততঃ একটা বড় পাঠশালা বা অতিথি শালা, তাঁতশালা, কলাশালা,—এই ধাঁচের একটা কিছু গড়বার জন্ত তা ফেলে রাখতে পারতেন না কি ? ঐ টাকাটার একটা স্বতন্ত্র পরিচালক-মণ্ডলী গড়ে, নিজের সঙ্গে সম্পর্ক না রাখলেই ত হত ?

কাঞ্চনতাগী পূরাপুরি তাঁর মত কেহ নাই। অতি সত্য। কিন্তু, তাঁকে মনে রেখে পথ চলাটা কি কর্তব্য নয় ? মাইনেকরা গোলাম-নোকরে, হাজার অন্ডায় প্রভু ক’রলেও, তা’ নির্দিষ্টবাদে ‘সয়ে নেয়।’ যখন একান্ত অসহ্য চোখে ঠেকে, বিটকেল রকমের কিছু ঘটে, তখন মনকে বলে,—“ওরে তুই গরীবের পুত, তোর অত সমস্তায় কাজ কি ? তুই আপনার দিন কিনে, রেষ্ট বাগিয়ে নে। খেয়ে নে। পরে নে। তোর অতশতে কি হবে ?”

একটা মানুষকে যে দশদিন আপনার ক’রে রাখতে পারে না, সে আবার কোন্ সাহসে রামকৃষ্ণ-বিবেকানন্দের কাজে হাত দেয় ? তবে, এটাও ঠিক যে, নিজেদের সব অসম্পূর্ণতা লইয়াই যদি নাম্তে হয়, ত মহতেরই নামে অকপটে নাম্তে হবে। কারণ, তা হ’লে একটা মস্ত আশা থাকবে যে, ভবিষ্যতে তাঁদেরই দয়ায় গলদ সব কেটে যাবে। স্বেচ্ছা সেবকদের বাদ দিলে চলবে না। তাঁদের নিয়েই প্রস্তুত হতে হবে, যারা বলবেন—“আমি যিনি মাইনের চাকর, কেবল চরণধুলার অধিকারী।” নিজের বেয়াদবী, বদ কর্তামিটাকে শুধু প্রশ্রয় দিতে, কস্মিন্মুহুর্তে সোণারপাত দিয়ে মুড়লে চ’লবে না। যদি মাইনে-করা কস্মী দিয়েই চ’লতো ত মূলে পরমহংস অত কৈঁদে, সেখে, নরেন্দরের জন্ত একাকার ক’রলেন কেন ?

প্রতিষ্ঠান গড়তে গেলে, কিম্বা, একলা নিজেই বেশী রকম—আর

ভাল রকম কাজ ক'রতে গেলে, এলোমেলোয় মোটেই চলে না, জানি। শৃঙ্খলা-পদ্ধতি খুবই দরকার। যার সব সময়ে পরণের কাপড়ের ঠিক থাকত না, তাঁর কিন্তু, কেমন সুন্দর নিয়মিত কৰ্মপদ্ধতি ছিলো, সেটা ভুললে চ'লবে না। তিনি বলেছেন, “ভগবানের কাছে প্রার্থনা করবে, অথবা (যাতে ‘হাম’ ক্রমশঃ বেড়ে ওঠে এরূপ) কাজ কমিয়ে দেবার জন্ত। সামনে যেটা পড়লো,—আবশ্যক, না ক'রলে নয়,—সেটা তখনই ক'রবে।” দৃষ্টান্ত—কাঙাল গরীবদের পেট ভরিয়া খাওয়াইবার ও পরাইবার জন্ত, সেই গলিতকর্মা পরমপুরুষের তীর্থপথে, সঙ্গী মথুরানাথকে সনির্বন্ধ ‘অনুরোধ—এমন কি, তাঁহার একান্ত জিদে, মথুরানাথ কর্তৃক তাঁহার অভিলাষ অনুযায়ী অনুষ্ঠান। তারপর আরও, তাঁর ঘরের দৈনন্দিন কাজে পদ্ধতি ও শৃঙ্খলা সংরক্ষণের দিকে তাঁর দৃষ্টি ছিল খুব। আমাদের ছাতি-জোবড়া এলো মেলো দেখে, স্বামী সারদানন্দ ব'লতেন, ওরে, ঠাকুরের ঘরে, এমন জায়গায় তাঁর জিনিষ-পত্তর ঠিক ঠিক জায়গায় তিনি রাখতে বলতেন বেন,—অমাবস্তার রাত বারটার সময় আলো না নিয়ে, হাত বাড়াইলেই দরকার মত দেশলাইটি তিনি পান।

নিছক ব্যবসায়-প্রতিভার মগজ (business brain) নিয়ে কি এই আদর্শাঙ্কিত কৰ্মের অনুষ্ঠান সম্ভবপর? সওদাগরের কুঠি, মুন্সীরমক্কেলের ‘হুজুর-হুজুর’-রব-মুখরিত কেরাণীগিরির কার্যালয় ব্যবসায়ের প্রতিভার গঠিত হইতে পারে। মাইনেকরা লোক নিয়োগকারী অনেক প্রতিষ্ঠান ভারতে আছে। যাদের দেনাই বিশ লাখ। সেগুলির অনুরূপ কিছু গড়বার জন্তই কি রামকৃষ্ণ-বিবেকানন্দ এলেন? নিজ নিজ ক্ষেত্রে সেগুলি কিছু কেউ কম নয়। মূল্য যথেষ্টই তাদের,—অনেক ক্ষেত্রে গর্বের বস্তু। তোমাদের বৈশিষ্ট্য কোথা?

শ্রীকৃষ্ণমুখে শ্রীরামকৃষ্ণ বলিতেছেন, আমাকে নিত্যযুক্ত হয়ে ডাকবে! তা যদি না পারো ত “মৎকৰ্মপরমো ভব”। হে নব পার্থ-মণ্ডলী,

শ্রীরামকৃষ্ণ-বিবেকানন্দও আমাদের এই আহ্বান দিয়াছেন। এই মৎকর্ণের রহস্ত-উদ্ঘাটনের চেষ্টা করিতে হইবে। “আমি না হ’লে এটা অচল হবে,” এরূপ বুদ্ধি,—এই মন্থামাক্তিত মৎকর্ণের ভিতর স্থান পাইবে না। বাইবেলের উপদেশ আছে, The Lord can create his men from out of the dusts.—ধূলোমুঠোর ভিতর থেকে প্রভু তাঁর মানুষ সৃষ্টি ক’রতে পারেন !

হে রামকৃষ্ণ-বিবেকানন্দের অমোঘ বজ্র-নামাক্তিত কর্ণযোগীবৃন্দ, তোমাদিগকেও, সেই শুদ্ধ অপাপবিদ্ধ শ্রীপরমহংস যেমন বিষয়-মলিন কলিকাতা সহরের সিমলাপল্লীর কায়েতের ছেলেটিকে, কালী মন্দিরে বসে অবিরাম ধ্যান ক’রতেন, তোমাদিগকেও সেইরূপ বিবেকানন্দ-দাবানলের এক একটি ছোট ফুলিঙ্গের আশায় সংগৃহস্থের দ্বারপাশে তাকাইয়া থাকিতে হইবে। প্রভুর পতাকা, তাঁহারাই বহিবার জন্ত, যুগে যুগে ভারপ্রাপ্ত। রেহাই নাই। নিস্তার নাই। সংসার ও সন্ন্যাস এই দিক দিয়া একই সোণার তারে বাঁধা। সংসার না হইলে, সং সন্ন্যাস ছরাশা। ঠাকুর ত নরেন্দ্রের জন্ত অতটা হা হতাশ না করে, বেতন দিয়ে লোক রেখে, তাঁর নব আশ্রয়, নব অসাম্প্রদায়িক সম্প্রদায়, লোকশিক্ষাব্রত চালাতে পারতেন। সুখ-দুঃখ-ভাল-মন্দ মিশ্রিত জীবন্ত মানুষ দিয়ে, “মেসের” বুদ্ধি নিয়ে, মেসই’ গড়া যায়, সংঘ-নিষ্ঠা গ হয় না। যে পূজার, যে মন্ত্ৰ। মানুষকে যে দিন “ম্যায় গোলাম” বানাতে পারবে, নফরের বাড়ী শতগুণ স্বদৃঢ় বন্ধনে প্রেমের শিকলে বাঁধতে পারবে, সেই দিনই রামকৃষ্ণ-বিবেকানন্দের তক্কা লাগানো তোমার সফল হবে। নতুবা বহিঃশোভা বাহিরেই থাকিয়া যাইবে। আবার মতলবী লোক অর্থের লোভে বা অর্থ কর্জের ফিকিরে বা ঠিকাদারী পাবার আশায় যে আকৃষ্ট হয়, চারি দিকে ঘুরে ফিরে, সে আকর্ষণে আর এ

আকর্ষণে আকাশ জমিন্ ফারাক্ । ইহা সংঘটিত করিতে না পারিলে,
“বৃথা জনম গয়ো ।”

তুরীয়ানন্দের ব্রাহ্মণ্য-নিষ্ঠা, হিন্দুস্বলভ ক্রিয়াকাণ্ড-পদ্ধতিতে পূর্ণ আস্থা, রামকৃষ্ণানন্দের অত্যাশ্রিত বহিঃকর্মেববিস্তৃত, একনিষ্ঠ ঠাকুর-সেবার ভাবকে— হার মানিতে হইয়াছিল । তাঁহারা নির্লিপ্ত জীবন ছাড়িয়া, প্রচার-ব্রত মাথায় লইয়া বাহির হইয়াছিলেন । কেন ?—নরেন্দ্রের প্রেমের আকর্ষণে, অকপট বিশ্বাসের মহিমায় । তাই, বক্তৃতা-ক্লাস করে এসে, মাস্তাজমঠে শ্রীশীর্ষকে, স্বামীজীর প্রতিকৃতির সম্মুখে—সাধারণ-দৃষ্টিতে উন্মাদের মত আচরণ করিতে দেখা যাইত । নাক কাণ মলিয়া বলিতেন,—“ভাই, তোমার আদেশে এসেছি । মানসস্থম বা লোকে সব ক’রলে, সব তোমার । আমার যেন অহঙ্কার না আসে ।” ঠিক এইভাবেই তিনি আর একবার, পাশ্চাত্যবিজয়ী নরেন্দ্রনাথের চিকাগো-বক্তৃতা পুস্তিকাকারে আসিয়া পৌঁছাইলে, অশ্রু কাহাকেও তাহা খুলিয়া পাঠ করিতে না দিয়া, সরাসরি সর্বপ্রথমে শ্রীশ্রীঠাকুরের ঘরে চিন্ময় জীবন্ত আবির্ভাবের সমক্ষে সশ্রদ্ধ হইয়া সবটা পাঠ করিয়াছিলেন । পরমহংসদেবের প্রতিকৃতির সমক্ষে বলেছিলেন,—“এই শোনো তোমার নরেন্দ্র সে দেশে কি-সব কথাবার্ত্তা ব’লে জয়জয়কার পেয়েছে ।” আশ্চর্য্য গুরু, আর আশ্চর্য্য তাঁর শিষ্য !

ঠাকুরের স্থলদেহ তিরোভাবের পর, এই দেবত্বলভ ভ্রাতৃ-প্রেম-প্রীতির হেম-স্বত্রে সুদৃঢ় সংবদ্ধ শ্রীরামকৃষ্ণ সন্তানগণ, নরেন্দ্রানুগ হইয়া, যে যুগচক্র রচিয়াছিলেন, সেই যুগচক্রের তপস্বার সূফল, আজিকার বাংলার তরুণেরা ভোগ করিতেছেন । “বাড়াভাতে” তাঁরা বসিতে পাইতেছেন । তৈরী সম্পত্তি । একজন আগুন করে,—পাঁচজনে সেটা পোহায় । কিন্তু, গুরুদিগের জীবনের সুগভীর ঈশ্বরপ্রেম ও মহান্ মনুষ্যত্ব অন্তরে সর্বদা জাগরুক রাখা চাই । তাঁহাদের আশীর্ব্বাদে আমাদের ভিতর সেই সব ফুটুক ।

তখন পয়লা নম্বরের কয়েকটি খুব খাঁটি মানুষ ছিল। এখনও খাঁটি মানুষ একেবারে নাই, এ কথা মিথ্যা। তবে বেশী পরিমাণে খাঁটি মানুষ গঠনের দিকে লক্ষ্য রাখিতে হইবে, নিজেদেরও খাঁটি হইতে হইবে। নিজেরা খাঁটি হইবার যেমন সব ‘মডেল’—আদর্শ দেখিয়াছি, তাহারই কথঞ্চিৎ অনুরূপ হইবার অন্ততঃ চেষ্টা চাই। পয়সার দাস আমরা যেন না হই। ঠাকুর বলতেন,—“তিনি কি চান?—টাকা নয়। ভাব, প্রেম, ভক্তি। বিবেক, বৈরাগ্য। এই সব চান।”…… “হাজরা বলে, তুমি রজোগুণী লোক বড় ভালবাসো,—যাদের টাকা কড়ি, মানসস্ত্রম, খুব আছে। তা যদি হ’ল তবে হরীশ, নোটো (লাটু)—ওদের ভালবাসি কেন? নরেন্দরকে কেন ভালবাসি—তার ত কলাপোড়া খাবার ছুন নেই?”—শ্রীমুখের সাফ, চমৎকার কথা। কোনও পেঁচোয়া নেই। বালকবালিকায় বৃষ্টিতে পারিবে।

আমাদের সকলের খুব সাবধান হওয়া উচিত, যেন পয়সার নিক্তিতে মানুষের আদর-কদর না করি। কুঁড়ে ঘরে বাস করে অন্তরটা যাদের রাজরাজেশ্বরের মত, তাঁদেরই মত হওয়া বাঞ্ছনীয়। খৃষ্টধর্মের ইতিহাসে, সিরিয়ার সাধু আইজাক—(খৃষ্টীয় ৭ম শতাব্দী—তৎপ্রণীত প্রসিদ্ধ গ্রন্থ—The Flame of Things—আলোকরূপী নিখিল বস্তু), প্রভৃতি তিতিক্ষাশীল, উষ্ট্রচর্মচ্ছাদিত স্বগ্নাহার-বিহার মকর বাবাজীদের (Desert Fathers) যে স্থান, শ্রীরামকৃষ্ণের ভাবধারায় ইহাদেরও কতকটা সেই স্থান। “বড় বাড়ী আর ছোট মনে” কোন রামকৃষ্ণ-বিবেকানন্দ প্রতিষ্ঠানের প্রতিষ্ঠা হয় না। কারণ, ভুলিলে চলিবে না, চকচকে বড় বাড়ী,—‘মানুষ’—মনুষ্যত্বের মানে “মানী” এবং মনুষ্যত্বের হুঁসে হুঁসিয়ার—অভাবে হাহাকার করে। লোকই লক্ষ্মী। ভাললোকই লক্ষ্মী। ঠাকুর শ্রীরামকৃষ্ণের কথা আছে,—“এই জগৎ যেন একটি ঝাড়ের মত। আর জীব হয়েছে এক একটি ঝাড়ের দীপ। পঞ্চবটীতে যখন ধ্যান

ক'রতুম ঠিক ঐ রকম দেখেছিলুম ! এ জগৎ কে জানতো ? ঈশ্বর মানুষ করেছেন, মানুষে তাঁর মহিমা, প্রকাশ বেশী। ঝাড়ের আলো না থাকলে সব অন্ধকার। ঝাড় পর্যন্ত দেখা যায় না।” শ্রীরাজা-মহারাজ (ব্রহ্মানন্দ স্বামীজী) সুন্দর ব'লতেন,—“মোটা ভাত-কাপড়ের বেশী হ'লে, মাথা সাধারণতঃ চল্কে যায়। বেশী ভাল নয়।” রোকড়ের দোকান, কার-কারবার, চাকচিক্যে, মানুষের অন্তরাত্মা সত্যসত্যই চাপা পড়ে। সমাধি-সাধন-প্রতিষ্ঠ সাধকের কথা স্বতন্ত্র। দারিদ্র্যের পেষণে, ভক্তি-মূর্ত্তি শ্রীবিক্রমেরও সৃষ্টি হয়। অবশ্য, দারিদ্র্য খুব ভাল এবং দরিদ্রই ঈশ্বরভক্ত, এমন অযৌক্তিক বাক্য বলিতেছি না। দরিদ্র সাধু নাগ মহাশয় শ্রীরামকৃষ্ণের বিদুর। একজন ডাক্তারবাবু রাজপুতানার কোন এক ষ্টেটে মোটা মাইনের একটি চাকরী পান। কলিকাতা হইতে চলিয়া গিয়া, তথায় কক্ষে যোগ দেন। তিনি ঠাকুরের ভক্ত। ষ্টেটের চাকরীতে প্রবেশ করে দেখলেন, চারিধারে চাতুরী, ছল। পাটোয়ারী প্যাচে তাঁকে ঘিরে ফেললে। মায় প্রাণভয়ের আশঙ্কা দেখা দিল। টাকা ছেড়ে, প্রাণ নিয়ে পালিয়ে এলেন। পূজনীয় বাবুরাম মহারাজ ভারি খুসী। বল্লেন, ভক্তদের সাংসারিক ঐশ্বর্য্য খুব বেশী হইলে, সচরাচর ঠাকুরকে ভুলবার ধাক্কা দাড়ায়। তাই তিনি, যার পেটে যা' সয়, তাকে তাই দিয়ে, ভক্তিপ্রবণ করে রাখেন। ঠাকুর আমাদের অনন্ত করুণাময়।

ঠাকুরের ব্যক্তিত্বের নিকট শ্রীশ্রীবাবুরামের জননী, মায়ের মায়া ভুলিয়া গেলেন। ভক্ত বলিবেন, ঠাকুর ভুলাইয়া দিলেন। বলিলেন, এ ছেলোট আমাকে দাও। মা বলিলেন, সে ত ভাগ্য। আপনার কাজে লাগবে। শ্রীরামকৃষ্ণকে এইরূপ কত মানুষ যে চাহিয়া লইতে হইয়াছে, কে জানে ? কখনও রক্তমাংসের শরীরবিশিষ্টা লৌকিক মায়ের কাছে, কখনও বা চিন্ময়ী জগজ্জননীর নিকট হইতে। এই বাবুরাম কত বড় দরের মানুষ

ছিলেন, তার একটি কথা বলিলে, পাঠকপাঠিকা বুঝিতে পারিবেন। ইহার পবিত্রতার, অত্যুচ্চ সুখ্যাতি শ্রীশ্রীদেব করিতেন, বলিতেন, ওর হাড় পর্য্যন্ত শুদ্ধ। প্রায় পঞ্চাশ বৎসর যখন তাঁর বয়স, তখন একদিন একজন, পাজি পড়িতে পড়িতে—হঠাৎ অতর্কিতে—হস্ত দ্বারা ইন্ডিয়-উপভোগ-বাচক শব্দটি তাঁর সামনে পড়িয়া ফেলেন। তাতে তিনি বলেন, সে আবার কি? ব্যাপার শুনিয়া তিনি বলিতে থাকেন, “ভূর্গা! ভূর্গা! এমনও করে না কি রে লোকে? গঙ্গাজল নিয়ে আয়। সকলের মাথায় ছিটিয়ে দে, পাজিতেও দে।” পাঠক, ইহা কি বিশ্বাস হইবে, না বানানো-গল্প বলিয়া বিজ্ঞতা দেখাইবে? প্রেমানন্দ যে শক্তি-পাথারের একটি বুদ্ধ মাত্র—একটি দিক, একটি কণা,—সেই পূর্ণাঙ্গ, পূর্ণাবয়ব শ্রীরামকৃষ্ণের পবিত্রতা সম্বন্ধে একটি কথা এই প্রসঙ্গে (যাহা সমসাময়িক মুখে পাইয়াছি) বলিয়া বাইবে। জার্নি তোমরা বলিবে, ওটা শরীর-বিজ্ঞান-নিরূপিত সত্যকে অস্বীকার কচ্ছে—It is a physiological impossibility—একেবারেই হতে পারে না। ইতি-পূর্বেই বলা হইয়াছে, উল্টাদিকে ফুস্ফুস সমাবিষ্ট হইয়া মানুষ বেশ সুস্থ সবলভাবে বেঁচে আছেন, এমন একটি দৃষ্টান্তের কথা কিছুকাল পূর্বে খবরের কাগজে পড়িয়াছি। সমাধিতে হৃৎপিণ্ডের স্পন্দন বন্ধ হওয়া এবং পরে আবার ফিরিয়া পাওয়া, কি করিয়া সম্ভব হয়? বিজ্ঞানাচার্য্য মহেন্দ্রলাল সরকার পরমহংসদেবের ঐরূপ হইতে দেখিয়াছিলেন। বিজ্ঞান ত কেবল সচরাচর ক্ষেত্রগুলিতে যাহা সংঘটিত হয়, তাহা হইতেই সাধারণ নিয়মনিয়ম বাহির করে। অসাধারণ ক্ষেত্রে কি হইবে, তাহা বিজ্ঞান-বিচারের বাহিরে! আর পরমহংস মশায়ের ভাষায়, ওগো—তিনি ইচ্ছাময়, তাঁর আইন, তিনি ইচ্ছে কল্পে পাণ্টাতে পারেন। পূজনীয়া গোলাপমাতা একদিন বলিয়াছিলেন—দক্ষিণেশ্বরে একদিন পরমহংস মশাই উলঙ্গ শিশুটি হয়ে, ঘরে নিজের চৌকিটিতে ব’সে

আছেন। আমরা সব অনেকগুলি মেয়ে তাঁকে দর্শন করতে গেছি। তাঁর অঙ্গবিশেষ লক্ষ্য করিয়া সরল বালকের মত সবাইকে বলছেন, “হ্যাঁগা, সাথে কিগো লোকে—পরমহংস, পরমহংস করে? এই স্বপ্নে পর্য্যন্ত এর একতিল স্থলন হোলো না।” শ্রীবাবুরাম হচ্ছেন—a chip of this old block. বাপ্‌কী বেটা—বটে। এই মহাখনির একটা পাথরের টুকরো মাত্র।

যাক্ সে কথা,—এইরূপে যুগে যুগে কত ঈশা, কত চৈতন্য, কত রামকৃষ্ণকে “মানুষ দেলায় দে রাম”—বুলি হাঁকিয়া হাঁকিয়া, ভিক্ষার বুলি ছুনিয়ার দরবারে ব’য়ে নিয়ে যেতে হয়েছে। “দেবতা ভিখারী মানব-ছ্যারে”—শুধু কন্মনাশা কবিতা বা শুধু সঙ্গীত নহে। অক্ষরে অক্ষরে পরম সত্য। অতীব খাঁটি কথা। বড় আদর্শ স্থাপন করবার সাহস নিয়ে যারা ঈশ্বরীয় কাজে নামবেন, তাঁদের এইরূপ অবৈতনিক প্রেমের গোলাম—জীবনভোর স্বেচ্ছাসেবকদের জন্ম, অপেক্ষা করতে হবেই হবে।

তবে, এ কথা কোন মতেই অস্বীকার করা চলে না যে, যদি ঠিক ঠিক তার ভাবটিও বজায় থাকে, তা হোলে বেতনভোগী লোক দিয়েও যে সব সংকল্প পরিচালিত হয়, তাদের স্ব স্ব ক্ষেত্রে যথেষ্ট মূল্য আছে। তবে তাতেও আবার ভেল্ থাকলে চলবে না। দেখা যায়, সংসারে অনেক সময় অনেক প্রতিষ্ঠানের মিছে ‘প্রেস্‌টিজ্’—একটা মনগড়া প্রতিষ্ঠাবোধই কার্য-নিয়ামক নীতি হইয়া দাঁড়ায়। নিছক রাজনীতি ক্ষেত্রে, এই কূটনীতির প্রতাপ আমরা সব দেশেই ছই বেলা দেখিতেছি। যে পূজার, যে মন্ত্র। সেখানে হয়ত অল্প উপায় নাই।

সংকার্য সম্বন্ধে সন্ন্যাসীদিগের প্রতি স্বামীজীর উপদেশ ছিল, “দেশ যখন নেবে, তখন তোরা হাসতে হাসতে সে কাজগুলো তাদের হাতে সমর্পণ কোরে দিবি। তোরা কি অনন্তকাল ধ’রে সেই সবই একমাত্র

করতে থাক্‌বি?” আবার ইহার মধ্যেও কথা আছে। অনেকের অধিকাংশ কাজ,—কাগজে-কলমে। বাস্তবে তেমন নয়, বল্লেই হয়। খালি বাজার গাবানো। “যেন তেন প্রকারেণ” কাগজে কাজ দেখালে কি হবে? তাতে পাকারকমের ওস্তাদির ও মুসাবিদার পরিচয় পাওয়া যায় বটে! লোকমাত্ৰ তিলকের দেহান্তের কয়েক বৎসর পর, মারাঠি কোন অভিনেতার দল একবার কলিকাতার ষ্টার রঙ্গমঞ্চে “ভগবান্ তিলকজী” নামক একখানি নাটক অভিনয় করেন। নাটকে একটি ‘ভাঁড়’ চরিত্র নামাইয়া, ইহারা দর্শকমণ্ডলী সকলেরই নিকট হইতে অকপট সূখ্যাতি ও বাহবা পাইয়াছিলেন। ‘ভাঁড়টির’ আপাদমস্তক টুকরা টুকরা ছেঁড়া কাগজ, আটা দিয়ে এঁটে দেওয়া হয়েছিল। পায়ে ঘুমুর পরে, ঝুম্ ঝুম্ করে নাচতে নাচতে, সে গাইতে লাগলো,—“সব কাগজ্ হায়! সব কাগজ্ হায়! সব কাগজ্ হায়”—এ ছুনিয়ার সবই ‘কাগজ্ হায়’—বড়ই সত্য, সাঁচ্চা কথা। এখনও তার কথা মাঝে মাঝে কাণে বাজিতেছে। “The Great War, from a particular point of view, was won by the Press.”—বিগত মহাযুদ্ধটা কাগজ কলম দিয়েই জেতা হয়েছে,—একদিক দিয়ে দেখতে গেলে।

বিভিন্ন দেশের শাসনতন্ত্রের ইতিহাস পাঠ করিলে জানা যায়, Paper constitution কাগজে কলমে ছকা শাসন-তন্ত্র, আবার Actual constitution.—“বাস্তব চলতিতন্ত্র—সম্পূর্ণ বিভিন্ন। সত্যকার সাফল্য আর কাগজাত ‘সাক্সেসে,’ অনেক সময় অনেক তফাৎ থাকে। পরমহংসদেব বোধ হয় এই অতিশয়োক্তি বা অতিরঞ্জন দোষের জগ্গ খবরের কাগজ ছুঁতে পারতেন না। কেতাব-দোরস্ততা, বাজার চলতি পাঁচটা জিনিষের মত, অগ্রত্বে বেশ কাজ চালাতে পারে, কিন্তু, অধ্যাত্ম-ধর্ম্মরাজ্যে, এরূপ চোরাবালির বাঁধ বেশী দিন টিকে না। রামকৃষ্ণ-বিবেকানন্দের রাজ্য—অধ্যাত্মধর্ম্মরাজ্য—নিজের প্রকৃত স্বরূপ উপলব্ধির রাজ্য। সত্যকে ধরিয়া থাকাই যে, সবচেয়ে বড় প্রেস্‌টিজ্। রাজনীতি-

ক্ষেত্রে ফাঁকা স্বপনের খেত হস্তীকে বজায় রাখতে গিয়ে, অনেক সত্যকে জবাই করতে হয় এবং দিনকে রাত ক'রতে হয়। অধ্যাত্ম আদর্শের রাজ্যে উহা চলা মুশ্কিল! কারণ, এখানে অর্থলাভরূপ আপোষকারী কাপুরুষতার অভাব!

পুনঃ পুনঃ পরমহংসদেবের সেই কথারই সারবত্তা মনে হয়। “মন মুখ এক করো।” এ সব বিষয়ে যে যার নিজের নিজের বুক হাত দিয়ে, বিচার ক'রতে হবে। বাহিরে থেকে কেবল এড়ো তর্ক করলে, বিশেষ কিছু কাজ হবে না। নিজেদের সুবিধার জন্তই, ভ্রমপ্রমাদ সংশোধনের জন্যই, রামকৃষ্ণ-বিবেকানন্দ-আদর্শ-আলোচনা-প্রসঙ্গ। অনেক সময় ব্যক্তিগত সিদ্ধান্তের পথ খোলসা করিবার জন্যই ইহা দরকার। সুধী সাধু-সমাজ, রামকৃষ্ণ-বিবেকানন্দ-ভক্ত গৃহস্থ সমাজ, সবদিক ভাবিয়া, বিচার করিয়া লইবেন। কি ভাবে আপনাপন জীবনের মোড় ফিরাইতে হইবে, সে অনুজ্ঞা আজ সকলেরই কাছে এসেছে। সুন্দর হইয়াছে! শুধু দলের দোহাই, আজ আর চলিবে না। আজকের দিনে প্রত্যেককে বাচাই করিয়া লইবার দিন আসিয়াছে। শুধু আমি অন্যের মন্ত্রশিষ্য বলিলে, আর বাজারে কাটিতেছে না।

রামকৃষ্ণ-বিবেকানন্দ-নামাস্কিত কার্যের মাধুরী, বাহাহুরী এই যে, শত শত কক্ষীকে, মানুষকে এই যুগভাবধারা অবৈতনিক গোলাম বানাচ্ছে। কাগী-রামাপুরার সেই বিবেকানন্দ-অনুপ্রাণিত কর্মযোগী, কয়েকআনা-মাত্র-সম্বল সুন্দর যুবকদের কর্মতপস্তা ভাবিলে, শ্রদ্ধায় হৃদয় অবনত হয়। তাই, আজ সমগ্র ভারতের বে-সরকারী সংপ্রতিষ্ঠান-শ্রেণীর ভিতর,—ভারত জুড়িয়া বাহা কিছু তাহার মধ্যে,—এইটি উচ্চশির ধারণ করিয়া আছে। বাংলার যুবক! বাংলায় নবজাগরণ আনয়নের প্রথম-প্রভাত মঙ্গল-বৈতালিকগণ! তোমাদের কর্মসাধনা ধন্য। আজ সেই বিরাট অনুষ্ঠানে মাইনে-করা কিছু কিছু লোক,—কাজের

সুবিধার জন্য, সন্ন্যাসী কর্মীদের আত্মিক সাধনার সময় করিয়া দিবার জন্য,—নিয়োগ করা আবশ্যিক হ'তে পারে, কিন্তু, মূলটি ভুলিলে চলিবে না। রামকৃষ্ণ-বিবেকানন্দ-জীবনাদর্শ যতই অধিক আলোচনা হইবে, ততই এই মূলগত 'ভেল' হইতে ভবিষ্যতে নিস্তার পাইবার আশা। আর ততই কল্যাণ। শ্রীরামকৃষ্ণ-তনয় শ্রীশশীর আশীর্বাদসিদ্ধ মাদ্রাজী আর একটি যুবকের শিক্ষাশালা, মাদ্রাজের একটি স্থানীয় মহতী কীর্তি। সেইরূপ মুর্শিদাবাদ, কন্থল, লক্ষ্মী, মালাবার, ত্রিবাঙ্গুর, মহীশূর, সিংহল, রেঙ্গুন, দেওঘর, কলিকাতা, করাচী, ঢাকা, বোম্বাই, মলয়, মার্কিং—কতই না মাথা তুলিতেছে। কিন্তু মাইনে-করা মানুষের প্রত্যাশা অতি অল্পই। মানুষকে ভিজাতে না পারলে, টাকা না দিয়ে, স্নেহ-ভালবাসা সেবা-অধ্যাত্মশক্তি দিয়ে, কেনা গোলাম না ক'রতে পারলে, সব সত্ত্বেও, রামকৃষ্ণ-বিবেকানন্দের আসা এবং আশা ব্যর্থ হইবে।

ত্যাগ-তপস্তার শক্ত খোঁটা না ধরিয়া, কর্মপথে বিচরণ করিলেই যোগটোগ সব শিকের উঠে পড়ে। অধ্যাত্ম সাধনার সঙ্গে সঙ্গে গৌণ-বুদ্ধিতে সংকাজ—লোকহিতকর অনুষ্ঠানাদি রাখা চলে। যদি কাজ এত বেড়ে যায় যে, অধ্যাত্মবিদ্যায় দৃষ্টি দেওয়া যাচ্ছে না, তা হলে কোন্টা ত্যাজ্য, কোন্টা কত কমানো বা বাড়ানো যেতে পারে, সে বিষয় চিন্তার দরকার। স্বামীজী জ্ঞানযোগে এও বুঝিয়েছেন যে, তর্কচ্ছলে যদি এমন এক মানুষের কল্পনা করা যায় যিনি ঈশ্বর মানেন না, অথচ নিঃস্বার্থভাবে লোকহিত আচরণ করেন, তবে তিনিও নিশ্চিত আত্মজ্ঞান লাভ ক'রবেন। এরূপ মহান আত্মার সংখ্যা সংসারে বিরল। অতগুলি অতিমানব শিষ্যদের ভিতর, প্রভু—নরেন্দ্রকেই ঠিক ঠিক একমাত্র জ্ঞানের অধিকারী বলিয়া ঘোষণা করেন। নরেন্দ্র লৌকিক আচারের বাহিরে। বেদকে অবৈদ্য করিবার ভার তাঁরই। “সর্বথা বর্তমানোহপি স যোগী ময়ি বর্ততে।”

অন্তর্নিহিত ব্রহ্মশক্তি জাগাইবার প্রতি লক্ষ্য রাখিয়া, অন্তরে

ব্রহ্মাকারাবৃত্তি সঞ্চারিত করিবার প্রাতি স্থির দৃষ্টি রাখিয়া, ঐ দিক দিয়া কন্মের আনুকূল্য প্রাতিকূল্য বিচারের তীক্ষ্ণ জ্ঞান-অসি ধারণ করিয়া সংসার সমরাজ্ঞানে প্রাণপণে যুদ্ধ করিলে,—জীবনের ছন্দে, জীবনের গানে, প্রকৃত তাল রাখিতে পারিলেই, কন্মের গতিগহনা না হইয়া,—কন্ম,—অকন্ম বা বিকন্ম না হইয়া ‘সহজ’কন্ম হয়। সংসারে শান্তি পাওয়া যায়। সংসার থাইয়া-দাইয়া মজা লুটিবার জায়গা হয়। মজার কুঠি হয়। সংগ্রাম অনুক্ষণ, আজীবন করিয়াও, তাহার মধ্যে যোগজ স্তব্ধতা আইসে। সাধারণ পুরুষ,—মহান্ পুরুষ হন। সাধারণ নারী,—সীতা, সাবিত্রী, দময়ন্তী, সারদা দেবী হন। দরকার হলে কাজ ছেড়ে দিতে, প্রাণ “কর্ কর” করে না।—নতুবা, কেবল কন্মের ছুতায়, বাহিরের হাত-পা নাড়া। কেবল বহ্বাডম্বরে মেতে উঠলে, শেষে ফাঁকা মিশনারী লিঙ্গধারী হইতে হয়। বিজ্ঞাপনের দিকে কেবল নজর পড়ে থাকে। কন্মযোগ, দোকানদারীতে গিয়ে শেষ পরিণতি পায়। নরেন্দ্রনাথ তাঁহার একখানি পত্রে বলিয়াছেন, কামিনী-কাঞ্চনের মায়া সাধু ত্যাগ করলেও ক’রতে পারেন, কিন্তু ভায়া, ঐ নাম-বশের দাঁকে অনেক তরীই বান্চাল হয়ে যায়। গীতাতে সেইজন্ত ভগবান্ স্পষ্ট বলছেন,—যাঁরা সেই অব্যক্ত, অনির্দেশ্য ব্রহ্মেতে নিষ্ঠাবান্, তাঁহারাই সকল ভূতের হিতে রত থাকিতে পারেন। এই “ভূতহিত” আবার এক রকমের নয়। কখনও উপদেশ দান। কখনও অন্নজল দান। ইত্যাদি। যখন যেমন, তখন তেমন। যে স্বক্ষরং অনির্দেশ্যং অব্যক্তং পর্যুপাসতে। সর্বত্রগং অচিন্ত্যঞ্চ কুটস্থং অচলং ঞ্জং ॥ “সংনিয়মোদ্রিয়গ্রামং” সর্বত্র সমবুদ্ধয়ঃ। তে প্রাপ্নুবন্তি মামেব “সর্বভূতহিতে রতাঃ ॥” লক্ষ্য করিবার বিষয়, আর তাঁরা হবেন, ইন্দ্রিয়-সংযমী। এইরূপ হইতে পারিলে, ধর্মসংস্থাপনার্থ প্রয়োজনীয় টাকাকড়ি ঘাঁটাতে ভয় নাই।

সন্ন্যাসী কাঞ্চনসংস্পর্শশূন্য হইলেই অবশ্য ভাল হয়। ধর্মসংস্থাপনরূপ

মহৎ কৰ্মের জন্ত মঠধারী সন্ন্যাসী অর্থভিক্ষা করিতে পারিবেন, আচার্য্য শঙ্কর স্পষ্টাক্ষরে অনুমোদন করিতেছেন। রাজা যেমন করগ্রহণ করেন, ঠিক তেমনি। “ধরামালম্ব্য রাজানঃ প্রজাভাঃ করভাগিনঃ। কৃতার্থি-কারা আচার্য্যা ধৰ্ম্মতস্তদ্বদেব হি।” তবে নিছক নিজেদের পেট-পূজার জন্ত, মালসাভোগ চড়াবার জন্য, নহে। নিজেদের জীবনধারণ উপযোগী অর্থ অবশ্য চাই। কিন্তু লোককল্যাণের দিকে পূর্ণ মাত্রায় দৃষ্টি রাখিয়া, এই টাকারূপ মহাগ্নি লইয়া খেলবার উপদেশ। সেইজন্যই আচার্য্য হইবেন ‘জিতেন্দ্রিয়’। জলে ভাসবেন মাত্র। কিন্তু, পদ্মপত্রের মত জল গায়ে লাগবে না।

একাদশ পরিচ্ছেদ

বর্তমানের ভাব-বন্যা

আজ যে অগণন ছোট-বড় সেবাস্রম, সেবাশ্রম, আতুরালয়,—“কেবল’ আশ্রম—বাংলা এবং বাঙ্গালীর সমাজে দেখা দিতেছে, তাহার মূলে নিঃসন্দেহ—রামকৃষ্ণ-বিবেকানন্দ। আবার, আজ যে দেশ ও দশের সেবার নানা ‘প্রোগ্রাম,’ ফর্দ-তালিকা লইয়া, জাতীয় জীবন-দরবারে, অসংখ্য কাছা-খোলা, কাছা-দেওয়া, নানারঙে—লাল, গৈরিক, এলামাটিতে রং করা বাসপরিহিত (কিন্তু আন্তরিকতায় একই ডোলে ঢালা, সাজা) বাংলার সমাজাগ্রত নরনারী ‘মঠ’-জীবন বাপনের আশায়, আগ্রহে মাতিয়া উঠিতেছে—তাহারও মূলে ইহারাই। সবাই যে ঠিক পথে

চলিতেছে, এমন হলফ করিয়া বলিতে পারা যায় না। আর তাহা হইতেও পারে না। তবে তাঁদের পদাঙ্গ হইয়া, নানা ‘চপের’ ব্যক্তিগত, সমষ্টিগত, প্রচেষ্টার লক্ষণ দেখা যাইতেছে। ইহা শুভ লক্ষণ। বিশেষ শুভ—মঙ্গলের,—আশার চিহ্ন। সংকাজের ক্ষেত্র—এই বিশাল মহান ভারতবর্ষ জুড়িয়া—বিশালভাবেই বিস্তৃত রহিয়াছে। সদমুষ্ঠানের সংখ্যা যতই বাড়ে, ততই ভাল। *Enough space in India for all of us and many yet to come.* আগামী যুগের নবসৃজনাবলীকে আন্তরিকভাবে সকলেরই “স্বাগতং, সুস্বাগতং” জানান উচিত।

ঝঙ্কা উঠিয়াছে—ভারত ব্যাপিয়া, জগত জুড়িয়া। চোখের সামনে সব অবটন ঘটছে। ওলোট-পালটের যুগ। পুরাতন নূতনের বিষম সংঘর্ষের যুগ। নারীশক্তি-অবমাননাকারী বাঙ্গালীর প্রায়শ্চিত্তের যুগ। ভুল সংশোধনের যুগ—নারী-প্রগতির যুগ। অধ্যাত্মমেরুদণ্ড ঠিক রাখিয়া—দেবী শ্রীসারদাকে আদর্শরূপে সদা সম্মুখে সংস্থাপিত করিয়া, বাংলার জননীর, বাংলার ভগিনীর, বাংলার জয়ার উত্থানের যুগ। গ্যাসের তলায় আর কতকাল আঁধার থাকিবে? যাহার যাহা প্রাপ্য-সম্মান তাহাকে তাহা ফিরাইয়া দিবার যুগ, আমাদের প্রত্যেকের জীবনজুয়ারে আসিয়াছে। মুচি, মেথর, চণ্ডাল, পারিয়া, পঞ্চমা, মজুরদের জাগরণযুগ। নারায়ণবুদ্ধিতে দরিদ্রসেবার যুগ। জাতির জীবনাদর্শ ঘোলাটে করিয়া হট্টগোল সৃজনও চলিতেছে। অনেক জীবন উৎসৃষ্ট হইবে। কে থাকে, কে যায়, ঠিক নাই। অনিশ্চয়তা যেন হাওয়ায় উড়ছে। যদিও নিশ্চয়্যাত্মিকা নিষ্ঠা সম্পাদনের জন্যই যুগপ্রয়োজনে রামকৃষ্ণ-বিবেকানন্দ এসেছেন। তবে যঁারা যঁারা গঠনমূলক কাজে নেমেছেন,—নানা দিকে দিকে, নানাভাবে, তাঁদের সবারের অন্তরে দিনে দিনে একটা মস্ত আশার রেখা, ফুটে উঠছে। নিজের নিজের ‘কোটে’ সবাইকেই আন্তরিক্যবুদ্ধি-সম্পন্ন হইতে হইবে। ঈশ্বর বিশ্বাস করি না, নিঃস্বার্থ শুভকর্মে, দেশের কাজে

বিশ্বাস করি—তাহাতেই আন্তিক্যবান্ হওয়া দরকার। এইটাই পরিশেষে মন্ত আশার কথা হইবে।

মহাযুদ্ধের মত্ততায় পড়ে, য়ুরোপে, তথা অনাসর্কত্র, এখনও সব লগুভণ্ড। আবার, প্রাকৃতিক পরিবর্তন ও মনুষ্যজীবনের গতিবিধি, যে সব স্বধীরন্দ একস্থলে দেখতে শিক্ষাপ্রাপ্ত, তাঁদের মখে শুন্ছি, দশ বিশ বছর অন্তর অন্তর, ভীষণ ভূমিকম্প, বাত্যা বা নদনদী সমূহের বাণের তোড়ে, ওলোট-পালোটের মখে, কতক ভূমির উদ্বর্তন, নিয়গমন বা কতক ভূমির একেবারে জলসমাধি—ইত্যাদি প্রকারের প্রাকৃতিক পটপরিবর্তনের সঙ্গে সঙ্গে, মানুষের জীবনের উন্নতি অধোগতি গাঁথা রহিয়াছে। কেউ কেউ দেখছেন, সেইদিন এসেছে। রাজায় রাজায় ভোগের টক্কটক্কিতে, বহু উলু খাগড়ার পরাণ বেরিয়ে গেছে, যাচ্ছে। উপায় নাই। হাত-পা বাঁধা। ‘সাধারণ’ হয়ে যারা জন্মায়, তারা ভগবৎরূপা বা বিশেষ মেধায় উঁচু হোয়ে উঠতে পারলো ত’ ভাল। তা না হোলে—তারা খুব ‘সভা’-দেশ “হোলে কেবল খেপে খেপে, ভোটাভুটিতে বোংগ দিয়েই ক্ষান্ত হয়। তবে পাশ্চাত্যে, সাধারণের অধিকার স্বীকৃত হওয়ায়, সাধারণের শিক্ষা ও স্বাস্থ্যের প্রতি দেশের শাসনকর্তাদের নজর দিতে হয়। লগুন হইতে ইয়োকোহামা, সানফ্রানসিস্কো হইতে ফিলাডেল্ফিয়া—সর্কত্র এইটি লক্ষ্য করিবার বিষয়। তবে সর্কত্র নেতারা জীবনমরণের কাটি নাড়া চাড়া করেন। আজ ভারতের চারদিকে চেয়ে দেখলে বোঝা যায়—মাতা এইবার নিজেই ইচ্ছাপূর্বক জাগছেন।—তোমরা মধ্যবিত্তেরা, তোমরা অতীত যুগের ‘মমি’। তোমরা উবে যাও। আর বেরুক্, নূতন ভারত। ভূনাওয়ালার উনানের পাশ থেকে……চাষার লাঙল ধরে…… ইত্যাদি।

দেশে নিত্য দুর্ভিক্ষাদির সময় দেখা যাইতেছে—ভদ্রশ্রেণী খালি

একটা রাংতা-মোড়া—‘সইভা’তার জন্তু লাঙ্গল বা ঘানী, রোঁদা বা দাঁড়িপাল্লা ধরতে, বা খাটিয়া খাইতে চাহিতেছেন না। পল্লীপ্রধান ভারতের সর্বত্র তাঁদের অবস্থাই সবচেয়ে শোচনীয়। বিহার ভূকম্পের একজন কর্মী সেদিন এই কথাই বলিতেছিলেন। ঝাঁকুড়া জিলায় একশ্রেণীর মধ্যবিত্ত গৃহস্থ বিশেষ আছেন। বাংলা, ৩৫ সনের অগ্নাভাবে, মহাসঙ্কটে ইহাদের অবস্থা বড়ই শোচনীয় দেখিয়াছি। দৈহিক পরিশ্রম বা মাথার ঘাম পায়ে ফেলিয়া অর্থ-অর্জন লজ্জাকর। আবার খোলা-মেলা ভাবে অন্নভিক্ষা অচল। ‘ন যথৌ ন তস্তৌ’-অবস্থা। আভিজাত্যের আজ কিছুই নাই। ছায়াবাজী লইয়া মানুষ আঁকড়াইয়া থাকিতে চায়। যুক্তির নির্দেশ অনুযায়ী জীবন বাপন বড়ই কঠিন। বলে, ইজ্জৎ বড়, প্রাণ বায়—বাক্! ইহারা কায়িক পরিশ্রমের দ্বারা প্রাণরক্ষা করাটাকে বে-ইজ্জতি বলিয়া মনে করেন। একদিন ইহাদেরই পূর্বপুরুষেরা ক্ষাত্রধর্ম আচরণ করিয়া, কি সুন্দর ভাবেই না, আমাদের সমাজের প্রকৃত ‘মানসরম’ রক্ষা করতেন। তেহি নো দিবসাঃ গতাঃ। কিন্তু সব সত্ত্বেও আশার আলো দেখা যাচ্ছে। অনেক পাশকরা ছেলেকে আজ বাধ্য হোয়ে অন্ততঃ সহরের আশেপাশে তেলি তাম্বুলের কাঁটা-নিক্তি, ওজনদাঁড়ী বা চাষার লাঙল ধরতে হচ্ছে। বা ক্রমশঃ ক্রমশঃ হবে। এই ভাবই ছড়িয়ে পড়বে। আর সেটা নিশ্চিতই শুভলক্ষণ। ঋগ্বেদীয় সমাজের সুন্দর চিত্রস্বরূপ সেই সূক্তটির কথা মনে পড়িতেছে—যেখানে একই পরিবারে স্নাতো-কাটুনী থেকে আরম্ভ ক’রে, অধ্যয়ন-অধ্যাপনা, ক্ষেত্রকর্ষণ, সব রকম উপজীবিকারই চলছিল। আমাদের এই আধুনিক পল্লীর পশু সমাজ-জীবনে কতকগুলি দৈহিক-কর্মকে যে, মানহানিকর বলিয়া স্তূড়ু বুদ্ধি হোয়ে আছে—আজ ক্ষুধার তাড়নায় সেই বোধটা অন্ততঃ ‘ক্ষয়িতে’ বা নরম পড়িতে আরম্ভ হইয়াছে। সমাজ-সমাবেশ অদলবদল হইতে বাধ্য।

মহামহিমময়ী পুরাতনী মাতা জাগিয়াছেন। সমগ্রদৃষ্টিতে দেখিলে আমরা প্রত্যেকেই ইহা দেখিতে পাইব। নেতা আপনি আসিয়া জুটিতেছেন। সময় এসেছে। পতিত ভারতের উন্নতির পথ ক্রমশঃ পরিস্কার হইতেছে। The ancient Mother has awakened once more and is sitting on her throne rejuvenated, more glorious than ever!—Vivekananda. মা আপনি আজ দোষ-বুক্ত মানুষকে দোষমুক্ত করিয়া লইতেছেন। যিনি চক্ষুস্থান্ তিনিই চোখ মেলিয়া চাহিলে ইহা দেখিয়া মুগ্ধ হইবেন। নেতৃত্ব যে অপ্রয়োজনীয় তাহা কোনমতেই বলিতে চাহি না।

এ যুগ ইয়োর-আমেরিকার “বোল্ বোলাওয়ের”ই যুগ। মার ইচ্ছায় তাদেরই পোয়া বারো, আঠারো, ষোলো। অনেকগুলি সঙ্গুণ নিশ্চয়ই তাহাদের আছে। এসিয়া মহাদেশ—জগতকে অধ্যাত্মধর্মের আলোক-বিকিরণকারী এসিয়া—বেদোক্ত সঙ্গুণ নিগুণ ধর্ম, জিনধর্ম, বৌদ্ধধর্ম, খৃষ্টধর্ম, ইসলাম, ইব্রীয়, কনফুসিয়, জরথুস্ত্রিয় ইত্যাদি মন ও আত্মার উন্নতিকারী সব অধ্যাত্মশ্রোতাই এসিয়া হইতে প্রবহমান—উহাদের উৎপত্তি-স্থল, মানবের আশা-উন্নতির উৎপত্তিস্থল আজ মুমূর্ষু ত্রিয়মাণ। এসিয়া যেন ক্রমশঃ নিভে যাচ্ছিল। যুরোপের বাড়বাড়ন্তটা বিগত কয়েক শতাব্দী ধরিয়া বেশই চলিতেছিল। তবে, মহাযুদ্ধ বাধিতে এই উচ্চগতির ‘তাল’-টা যেন হঠাৎ কাটিয়া যায়। জগদম্বার কি ইচ্ছা কে বুঝিবে? এসিয়ার ভিতর জাপান মাথা তুলছিল, জগতের পাঁচটা বড় শক্তির (Big Fives এর) ভিতর একজন হয়েছিল। কিন্তু, সহসা ভূমি কেঁপে উঠে সব ছন্নছাড়া করে দিলে। তার তেজ নিস্তেজ হবার উপক্রম হয়েছিল। তবে জাপান দমবার ছেলে নয়। রজোগুণ ও গুণীর ইহাই শুভলক্ষণ। এখন আবার চীনে জাপানে বাধলো বুঝি এক নূতন মরুম্ম। মানুষ না ভুগেও শিখে না। শিখেও

ভুলে যায়। আবার আঘাতের দরকার হয়। তুর্কী, আফগানিস্থানের মুখপানেও, এসিয়ার সৌভাগ্যোদয়ের আশায় আমরা জাতিহিসাবে চাহিয়া আছি।

অর্থে মার্কিং সবাইকে টেক্কা দিচ্ছেন। Fabulous land of dollars.—আরব্য উপত্যাসের ধনী মল্লুক। সে দেশের ধনকুবেরের পোষমানা পেয়ারের কুকুরের হাওয়া খাইবার জগুই স্বতন্ত্র একখানি “রোলস্ রয়েস” মার্কী অতিমূল্যবান্ গাড়ীর ব্যবস্থার কথা শুনেছি। কে জানে? মার্কিং দুনিয়ার মহাজন, বাজারেও খ্যাতির খুব। তবে, হালে নাকি, ব্যক্তিগত ধনকুবেরের সংখ্যায় বিলাত, মার্কিংয়ের উপরে উঠেছে। বিলাতেই নাকি ধনকুবেরের সংখ্যা এখন অধিক।

আজ ইউরোমেরিকার ছাপ ভিন্ন আমরা কাহাকেও চিনিতে পারি না। জগদীশ, বিবেকানন্দ, রবীন্দ্র সবই পশ্চিম ফেরত। এটা অস্বীকার করবার যো নাই। নেহেরু, চিত্তরঞ্জন, গান্ধী,—মায় অধুনাতন অনেকেরই প্রতীচীর ছাপ গোড়ায় ছিলো,—সে ঘাট তাঁরা গোড়ায় ঘুরে এসেছিলেন। পরে আপন আপন পথে সাধনায় তাঁরা মহীয়ান্ হয়েছেন। তবে শুধু প্রতীচীর ছাপই এই সব প্রাতঃ-স্মরণীয় ব্যক্তিদের, বশোমনদিরের উচ্চ শিখরে উঠিবার একমাত্র কারণ নয়। গোড়াপত্তনে হয়ত সহায়ক হইতে পারে। ভারত হতে বেরিয়ে পশ্চিমে ঘুরে এলে, কণ্ঠতংপরতা পদ্ধতিনিষ্ঠা ইত্যাদি চরিত্রে পরিস্ফুট হইবার সম্ভাবনা। এক নিগূঢ় শক্তির ইচ্ছায়, ইহাদের অনেককে বিলাস ব্যসন বর্জন করিয়া, দেশের কাজে নামিতে হইয়াছে। হইতেছে। পাশ্চাত্য হইতে ঘুরিয়া আসিতে হইলেই বিলাসী হইতে হইবে, আমরা ইহা মানি না। বিবেকানন্দ, গান্ধী, প্রফুল্লচন্দ্র প্রভৃতি অনেকে জীবন দিয়া ইহা অপ্রমাণ করিয়াছেন। ত্যাগী না হইয়া, দেশ-নেতা হওয়া আজিকার দিনে দুর্ঘট। এমন

অত্যাণ্ড অনেকে বেঁচে আছেন বা অল্পদিন গত হয়েছেন, যাদের পশ্চিমী সম্মানের গন্ধ গায়ে যথেষ্টই খোসবই ছড়িয়েছে, ছড়াচ্ছে,— কিন্তু, মনুষ্যত্বের দিক দিয়া ঐ সকল মহাত্মাদের সঙ্গে এঁদের আকাশ পাতাল প্রভেদ। শুধু পাণ্ডিত্যের রাজ্যে বা অর্থার্জনের ক্ষেত্রে তাঁরা হয়ত খুব প্রতিষ্ঠা। কিন্তু, দেশের জনহৃদয়ে, জনমতে তাঁদের স্মৃতিস্তম্ভ গড়ে ওঠা সম্ভব হয়নি। এটি পরিস্কার বুঝে নিতে হবে। যেন কোন গলদ না থাকে।

বিবেকানন্দ পাশ্চাত্যের আনুকূল্য যথেষ্টই পেয়েছিলেন। সাধের বেলুড়মঠ গড়বার জন্য মার্কিন তাঁর পাশে দাঁড়িয়েছিল। এখনও মার্কিন বেলুড়ের বন্ধুত্ব বজায় রাখিয়াছে। বিবেকানন্দের গুণের কদর তাঁরা করেছিলেন অকপটে। ইঙ্গিতে কোন ভারতবাসীকে সে দেশ থেকে স্বামী সাফ্ বলছেন,—“যদি একটা ঘর কোরে, আমায় ডাক্তে পার্‌তিস্‌ ত বুঝ্‌ তুম্‌।” মুখের সমবেদনায় তিনি ভুলবার ‘বান্দা’ ছিলেন না। অনেক সময় গেঁয়ো যোগী ভিখ্‌ পায় না। শ্রীরামকৃষ্ণের জীবন, উপদেশ-কথা বিশ্বপণ্ডিত মোক্ষমূলারের হাত দিয়ে বেরিয়েছিলো। এইজন্তেই আমরা অনেকে তাঁকে আমল দিচ্ছি, দিয়েছি। আবার “বিবেকানন্দ-গুরু” বলেই আজ বাহিরের বিশ্ব পরমহংসকে সম্মান দিচ্ছেন। অবশ্য বিবেকানন্দ-বিহীন রামকৃষ্ণকে তাঁরা কেউই কদর করেন না, এমন কথা বলছি না। কিন্তু, মহত্ব বিবেকানন্দের পক্ষে এই যে, তিনি সব জেনেগুনে দরদের চক্ষে আমাদের নিঃসহায়, পতিত অবস্থা ভাল কোরেই বুঝেছিলেন। বুঝেছিলেন—আমাদের বিকারগ্রস্ত—‘নেবা’-লাগা চোখ। তাই অবুঝ। আর তাই-ই আমাদের ত্যাগ করবার জো তাঁর ছিল না। আমাদের তোলবার, জাগাবার জন্ত, বাইরে থেকে যে সাহায্য প্রথমটা দরকার বোধ করেছিলেন, তা বীরের মতো অর্জন কোরে এনে ছিলেন—প্রতিভার বিনিময়ে, মানুষকে অধ্যাত্মসম্পদ দিয়ে। তিনি

শুধু সমালোচনা করিয়াই ক্ষান্ত থাকিতেন না। বলছেন—If the room is dark, the constant feeling and complaining of the darkness, will not take it off. But *bring in the light*..... *all that is mere criticism is bound to pass away*. ঘরটা যদি অন্ধকার থাকে তা হোলে কেবলমাত্র সেই অন্ধকার বোধটা, আর তার সম্বন্ধে অভিযোগপর্ক অনুক্ষণ চালালে অন্ধকার কোনকালে দূর হবে না। কিন্তু যাও আলো নিয়ে এসো.....স্থির জেনো, যা কিছু কেবল সমালোচনা মাত্র (গঠন-মূলক নয়) তার অস্তিত্ব লোপ পাবেই পাবে।

বাহিরের আদর যত্ন পেয়ে, চিরকালের জন্ত ভারতকে ছেড়ে দেবার ইচ্ছা তাঁর হয়নি। তা যদি হোতো তো কে তাঁর নামে আজও জেগে উঠতো? ভগবান রামচন্দ্র, ভগবান শ্রীকৃষ্ণ, এঁদের নামে এখনও ভারতের উত্তর দক্ষিণ পূর্ব পশ্চিমে মানুষ—অধ্যাত্মজীবনে প্রেরণা অনুভব করছেন। তাই এঁরা সকলেই ভারতের সাধনার ধারায় এখনও জীবন্ত প্রভাবময়।

ক্রমশঃ ক্রমশঃ তড়িত-তেজের, উড়ে জাহাজের গুণে পৃথিবীর সব দেশ একাকার হোয়ে পড়ছে। ভৌগলিক বাধা ক্রমে ক্রমে ভেঙ্গে যাচ্ছে। সংবাদপত্রে দেখা যাচ্ছে, ভারতের কর্মীদের বাহিরের কর্মীরা বাস্তব সমবেদনা পাঠাচ্ছেন। ভারত কি যে তিমিরে সেই তিমিরে থাকবে? কবি ব্যাকুল হয়ে বলেছেন, ছনিয়া দেখে এসে—“দিন আগত ঐ। ভারত তবু কৈ? সে কি রহিবে শুধু সব-জন পশ্চাতে?” সেও বাহিরকে সাহায্য করিতে বিমুখ হয় নাই। মাথা তুলিবার চেষ্টা ইহারই ভিতর তাহাকে করিতে হইবে। আজ আমাদের বিজ্ঞান, ধর্ম, কাব্য, কলা, সর্ব বিভাগে কৃতিত্ব দেখাতে হলে, পশ্চিমের দরবারে গান গেয়ে আস্তে হয়। সেখানে গুণীর আসর আছে। তাদের বাহবা, হাততালি, পৃষ্ঠপোষকতা হিতকর হইয়া থাকে। তাদের এ গুণ অস্বীকার করবার যো নেই।

গুণীর ও গুণের আদর কদর তারা জানে। স্বামী সেইজুই এক জায়গায় খেদ করে ব'লছেন—আমাদের দেশে মহা মাণিক্যকে পাঁকে, ময়লায় ফেলে রাখে। আর ওরা সামান্য একটুকরা বাহারী পাথর পেলে, তাহার উপর খেটে খুটে নানাপ্রকার পালিস জলুস, রঙচঙ্ ক'রে—পরিষ্কার মনোজ্ঞ, সুন্দরভাবে গ্লাসকেসে সাজিয়ে রেখে, লোকের মন হরণ করে।—কথাটা অতি সত্য।

আজকের দিনে এমন একটা সময় এসেছে, যে সকলের সঙ্গে যোগাযোগ রেখে না চলে, আর উপায় নাই। কিন্তু এই ভাবেরও একটা মাত্রা আছে। চোখ বুজে বাইরের দুনিয়া যা কিছু বলছে, তা তো আর সব মেনে নেওয়া চলে না। রাশিয়ায় কোন কোন নেতা ব'লছেন, ধর্ম জিনিষটা লোক ঠকাবার একটা মস্ত বিশ্রী ফন্দী। অলৌকিকত্বের বুজরুকীতে পরিপূর্ণ। রয়টারের 'তার'কে যদি বিশ্বাস করতে হয়, তবে শোভিয়েট রাশিয়ার শ্রমজীবী-ইউনিয়ন-সদর-কৌন্সিল আইন জারি করেছেন, তাঁদের সব শাখাকেন্দ্রের সভ্যদের ভিতর কেহ যেন গির্জায় ধর্মাবিবেশন, অধ্যাত্ম-প্রার্থনাদিতে সাক্ষাৎভাবে যোগ না দেন। যোগ দিলে বরখাস্ত হতে হবে। শাস্তি—বহিষ্করণ, বিতাড়ন। ঈশ্বর-বিশ্বাস-নিবারণী সভাও নাকি গঠিত হয়েছে। Riga, Nov. 5—At the request of the Anti-God Society, the Central Council of Soviet Trades Union, has instructed its branches throughout the Soviet to forbid its members from actually participating in any religious service under the penalty of expulsion—Reuter (reproduced from *Forward* 7. 11. 28.)

আমাদের একজন বন্ধু বলেন, রাশিয়ায় দেখে এলাম লেনিনের মৃত-দেহটি বৈজ্ঞানিক প্রক্রিয়ার কৌশলে, যেমন তেমনটি সংরক্ষিত

রহিয়াছে। আর কাতারে কাতারে সে দেশের নরনারী, বিশ্বনাথ অল্পপূর্ণা দর্শনের মত পর্তুগীশে তাহা দর্শন করিয়া ধন্য হইতেছেন। লেনিনই ক্রাইষ্টের আসন এখন অধিকার করিয়াছেন। আইনের ফলে অধ্যাত্মধর্মজীবনের প্রতি, নিখিল নরনারীর হৃদয়ের অন্তঃস্থলে যে স্বাভাবিক প্রকৃতিগত আকাজ্ঞা আছে, তাহা দমিত হইবার নহে। ঈশ্বরতনয় যীশু—অনন্ত জীবনাদর্শের প্রতীক। সাময়িকভাবে লেনিন তাহা অধিকার করিয়াছেন। ইহা তাঁর দোষ নহে। রাশিয়ায় বাজক-কূল ও চার্চের উপর, লোকের একটা যুগযুগ—শতাব্দী-সঞ্চিত বিজাতীয় স্বর্ণা উৎপাদিত হইবার, একটি পরিষ্কার ঐতিহাসিক কারণ রহিয়াছে। অত্যাচারী রাজন্যবর্গের সহিত চার্চ মিতালী করিয়া, জনসাধারণের দৈন্য বৃদ্ধি করিতে কোন কুণ্ঠাবোধ করেন নাই। তাই এই প্রতিশোধ-প্রক্রিয়া। ইহা সাময়িক নিশ্চিতই।

লেনিনের মহনীয়া পত্নী শিক্ষাবিভাগের নেত্রী। মহামানবপূজা আজ ঈশ্বর-উপাসনার স্থান দখল করিয়াছে। যদি কেহ জিজ্ঞাসা করে— কেন এই ফর্দ অনুযায়ী (Routine মত) কাজ করিব? উত্তর আসে— সমগ্র দেশের শ্রদ্ধার সহিত অনুযুক্ত—উপযুক্ত উত্তর আইসে—Because, *Lenin's wife says so!* এর ভিতর গুণের আদর অনেকটাই!

বাস্তালী 'বিশ্ব'পণ্ডিত, খেতাবধারী, সেই সব দেখে শুনে এসে বুলি ঝাড়ছেন,—*Religion is nonsense.—What is religion? Define it. Well, we can eke out religion out of everything. Hard Cash—King Money ought to be the cementing bond between man and man.* এই তাঁদের মোদ্ধা কথা, খোলসা করে ব'ললে এইরূপ দাঁড়ায়—ধর্ম জিনিষটা একটা প্রকাণ্ড বোকামি। এর লক্ষণ কি বলত? সব জিনিষের ভিতর থেকেই ত একটা অনুগত ধর্ম বানানো যায়! বলবে,—খ্রিস্তে অনেক অশ্বিন্,—যার দ্বারা মানুষকে,—

য বোধ এলে, সংনীতি, কর্তব্যবুদ্ধি ইত্যাদির দ্বারা মানুষকে উচ্ছৃঙ্খল না হ'তে দিয়ে, একটা আশ্রম, একটা পদ্ধতির ভিতর ধরে রাখে, তাকেই ধর্ম বলা যায়। আবার তাই যদি ব'লতে হয় ত', আমরা ব্যাপকভাবে এই কথাটার তাৎপর্য নিয়ে ব'লবো—বেশ বেশ, কর্করে আনকোরা তন্যাকেই বাধনস্থত্র করো না! এ ছুনিয়াটা কার? এ ছুনিয়া টা—কা—র। ভেবে দেখো। চারিদিকেই দেখো, হা টাকা, জো টাকা-রব উঠেছে।

উত্তরে, অধ্যাত্ম ধর্মে বিশ্বাসী ব'লবেন,—মহাশয়, ধর্ম কথাটা সত্যই অত্যন্ত ব্যাপক। ইহার ভিতর কোন সঙ্কীর্ণতার স্থান নাই, যদি থিওরী বা মতবাদের দিক দিয়ে দেখা যায়। আর ভারতের জ্ঞানশাস্ত্রের দৃষ্টিতে ধর্ম—নামহীন, কর্তৃহীন, সনাতন সত্য। যাহা মানুষকে ধ'রে রাখে, বেঁধে রাখে, পশুত্বের হাত হ'তে টেনে রাখে, তাহাই ধর্ম! ইহা খুব মুখ্য ব্যুৎপত্তিগত অর্থ বটে। তবে, বাস্তবের মানুষ, ঘর ক'রতে গিয়ে দেখলে, এত বড় উচ্চ তত্ত্ব নিয়ে পথ চলা যায় না। তাই এক দিক দিয়ে, লক্ষণকে একটু সঙ্কীর্ণ করতে হ'ল। দীর্ঘকাল টাকা নেড়ে চেড়ে দেখলে, মানুষ বিগড়ে যায়। বাদস্থলে হয়ত' ব'লবে, হওয়া উচিত ছিল না। কিন্তু, মানুষ নাচার। মানুষ ধর্ম ব'লতে, সভ্যতার অতি পুরাতন ইতিহাস থেকে আরম্ভ করে, সিন্ধুনদ-সভ্যতা, চীন, মিশর, ব্যাবিলন্, ক্যাল্ডিয়া, ইরান, গ্রীস, রোম ইত্যাদির প্রাচীন ঐতিহ্য-যুগ থেকে শুরু করে, অধুনাতন কাল পর্য্যন্ত বরাবরই “ধর্ম” জিনিষটাকে একটা অলৌকিক অধ্যাত্মতত্ত্বে, দেবতাতত্ত্বে দাঁড় করালে। জ্ঞানশাস্ত্রও ক্রমে তাহার ক্রম-বিকাশের সঙ্গে সঙ্গে সেই “গোড়ে গোড়” দিয়ে ব'ললেন,—কোবিদ, ঋষি, দ্রষ্টাদের দর্শন বা অনুভূতিই এ বিষয়ের অকাটা প্রমাণ। তাঁদের বাক্য, তাঁদের উপদেশ-আদেশই শিরোধার্য্য। যে সব যাগযজ্ঞ ক্রিয়া-কাণ্ডের শাস্ত্রে ব্যবস্থা লিপিবদ্ধ আছে, তার একচুলও এধার-ওধার নড়-

চড় করবার উপায় নাই। ‘মাছিমাঝা কেবাণীর মত’ সব মেনে নিয়ে অনুষ্ঠান ক’রে যেতে হবে। হয়ত’ ভাবলে অনেকগুলি ক্রিয়াকাণ্ডের দার্শনিক ব্যাখ্যা, যুক্তিসঙ্গত একটা সার্থকতা দেখতে পাওয়া যায়। কিন্তু, যেখানে দেখতে পাওয়া যাচ্ছে না, সেখানে শাস্ত্রকে অকাট্য মান্ত হ’বে। হয়ত’ জ্ঞানের পথে, মানুষ আরও এগিয়ে গেলে, সেগুলির যথাযথ তাৎপর্য ধরা পড়বে। কিন্তু ফল পেতে গেলে, যেমনটি গৌসাইজী পাঁজি-পুঁথিতে বাতলেছেন, তেমনটি করা দরকার। তবে এই সকল ক্রিয়াকাণ্ডের বৈজ্ঞানিক ভিত্তি এইভাবে পাওয়া যায় যে, ঠিক ঠিক বিধিগত ভাবে অনুষ্ঠান ক’রলে, সংযমের সহিত শ্রদ্ধা বুদ্ধি নিয়ে কৰ্ম্মরত হলে, বাঞ্ছিত ফল মানুষ পাবেই পাবে। কেন পাবে, তা বলা যায় না। তৎসত্ত্বেও যদি ফল না পায়, তবে সে ক্রিয়াকাণ্ডগুলোকে সাতসমুদ্রের জলে ফেলে দিক। কেন ফট্ না বলে, ‘ফট্’ ব’লব না, প্রতিমাপূজারত হয়ে, এই তর্ক তুললে বিফল হবে। ‘ফট্’ বলে মন্ত্র আওড়ে দেখো, ফল না পাও, জুতা মেরো। এ সব বিষয়ে তথাকথিত যুক্তিবাদীদের—সামান্য একটা অলৌকিক “সিদ্ধাই,” সাপের মন্ত্রের ক্রিয়া দেখালেই—হয়ত তাঁরা অবাক হয়ে যান। কাবু হয়ে পড়েন।

খুব খুঁটিনাটিতে মন দিতে হয়, তবে ক্রিয়ার ফল পাওয়া যায়। শুদ্ধবাণী বা শুদ্ধ উচ্চারণের উপর মন্ত্রের সফলতা বিফলতা নির্ভর করে। এ বিষয়ে বেদান্তগ শতপথ ব্রাহ্মণে যথেষ্ট সাবধান-বাণী আছে। এই ব্রাহ্মণ-গ্রন্থ অতি প্রাচীন। ইহাতে ঋষিরা স্পষ্টই বলেছেন,—যদি মন্ত্রোক্ত দেবতার আনুকূল্য লাভ করিতে ইচ্ছা হয়, তবে ব্রাহ্মণ ভুলভাবে মন্ত্র উচ্চারণ কখনও করিবেন না—অতএব “অতো ব্রাহ্মণো ন শ্লেচ্ছেৎ।” শ্লেচ্ছ পদটি এখানে ক্রিয়ারূপে ব্যবহৃত হয়েছে। তারপর একটি আখ্যায়িকার অবতারণা আছে। একবার দেবাসুরে যুদ্ধের ফলে দেবতারা হেরে গেলেন। বিশেষ কাবু হলেন

দেবতাদের শক্তি ছিল, অস্ত্রশস্ত্র ছিল। কিন্তু, বিশেষ ভরসা ছিল,— তাঁদের মন্ত্রের পুঁটুলীগুলির ভিতরে। শারীরিক বলে তাঁরা শ্রেষ্ঠত্ব প্রতিপাদন ক’রতে পারলেন না। অবশেষে অস্ত্রেরা সেই মন্ত্রের বোঝাগুলিও ছিনিয়ে নিলে। সব সম্বল বুঝি যায় যায়। অস্ত্রেরা সেইগুলি নিয়ে, প্রয়োগ করে, যাগযজ্ঞ সব আরম্ভ ক’রলে। তাদের সখ হ’ল, শারীরিক বল ত’ আমাদের আছেই; তার উপর স্মৃতি মন্ত্রবলে বলীয়ান হ’লে, ত্রিভুবনে আমরা অজেয় হব। কিন্তু তাদের জিভের আড় ভাঙ্গেনি ব’লে, কোন মন্ত্রের কোন শব্দের ঠিক উচ্চারণ হ’ল না। তাই, পরিশেষে কোনই ফল তারা পেলে না।

মন্ত্রবাদ—শব্দভাবনার পরমা বিজ্ঞা, মানুষকে এই বলছে—কেন ফল পাই, এ ‘কেন’র উত্তর দিতে আমরা অক্ষম। কেন বর্ণমালার আগে, সব প্রথমে ‘ক’,—‘খ’ নয়, ব’লতে পারো? এ নিয়ে হাজার মাথা ঘামালেও, অকাটা উত্তর পাওয়া যাবে কি? কিন্তু, কেমন করে অভীষ্ট লাভ হবে, তা গুরুমুখে শুনেছি। তোমাকেও বাতলে দিতে পারি! তুমিও ক’রে দেখতে পার,—“concerned mainly with the *how*—not the *why* of things”—বৈজ্ঞানিকের পরীক্ষাগারের কথা। আধুনিক জগতেরই বার্তা।

প্রাচীন মিশর, চীন, কাল্‌দে, ব্যাবিলন, সপ্তসিদ্ধনিবাসী ভারত-বাসী, ইরাণী—এঁরা সবাই, এইরূপ কোন না কোন অলৌকিক অধ্যাত্ম তত্ত্বের শৃঙ্খলে (যথা নানা দেব দেবী পূজা দ্বারা) ইতিহাসের প্রাক্কাল হ’তে, জাতীয় পূজা, পর্ব, উৎসব, যাগযজ্ঞের মধ্য দিয়াই, মানুষে মানুষে মিলনস্থত্র সৃষ্টি করিয়াছিলেন। আজকের মানুষ কেহ কেহ উহা অপচ্ছন্দ মাত্র ক’রতে পারেন। তিনি বিজ্ঞ। তিনি ব’লবেন, অলৌকিকত্ব ত একটা অলীক উপভাস। কিন্তু, এই মন্তব্যটি অতি স্থূল কথা! এই সব অত্যাশঙ্কক ‘উপভাসের’ দ্বারাই মানুষের

সমাজ গড়ে উঠেছে। আর, অবিশ্বাসের শিক্ষাবিষয় আজকাল যে ভাবে ছড়াচ্ছে, এর পর কোন্ দিন ছেলে বাপকে অতীব গম্ভীর কণ্ঠে বলে উঠবে, (এবং সেটা কিছু বিচিত্র নয়)—“বাবা, তুমি যে আমার বাবা, তার ত চাক্ষুষ প্রমাণ পাই নি।” সেটাও একটা মস্ত সন্দেহ-স্থল দেখতে পাচ্ছি। প্রত্যক্ষ প্রমাণাভাব।

দ্বাদশ পরিচ্ছেদ

ভারতের কৰ্ম্ম-সন্ন্যাস

অধ্যাত্ম ধৰ্ম্ম-পন্থা কি আধুনিক সমাজে একেবারে বর্জিত হ’তে পারবে! আজ সিন্ডিক্যালিজম, কমিউনিজম, র‍্যাডিক্যালিজম, বোল সেভিজম ইত্যাকারক কোন একটা ‘ইজমের’ জাবর কাটলে চলবে কি? এর কোনটাই এখনও ভারে টিকে নাই। দাঁড়ায় নাই। শূন্যরাটা—সুবিধাবাদী তোমার আমার গরজ মত কোন দিন চলে নাই। চলিতে পারে না। বহুর সম্বন্ধে কোন একটা বিধি-বিধান, ব্যবস্থা করতে গেলেই, তোমাকে আমাকে, তাদের প্রাচীন ইতিহাসের ধারা বজায় রাখিয়া পন্থা-নির্দেশ করিতে হইবে। আমরা গায়ের জোরে কোন মতেই বলতে পারব না, “ওহে তুমি তোমার অতীতটা একদম বেমানুষ ভুলে যাও ত?” কলিকাতার বস্ত্রী-পল্লীর স্বাস্থ্যের উন্নতির জন্ত, নগর-সমাবেশকারী (Town Planner) যদি একদম চরমে গিয়ে প্রস্তাব ক’রে বসেন যে, দরিদ্রদের আবাসগুলিকে

নির্ধমভাবে একেবারে ধূলিধূসরিত করে ফেলে, সব সেন্ট্রাল এভিনিউ, সদর সড়ক বা 'লাল রাস্তা'—Red Road—বানাও,—তাহ'লে সেটা কতদূর সমীচীন হবে, ভুক্তভোগীমাত্রেই বিবেচনা করিবেন। যিনি নাগরিকদের অবস্থা, উদ্দেগ্ধাদির উপর দরদের চোখ রাখিয়া, ওরই ভিতর ময়লা আবর্জনা ধোতির ও উপযুক্ত জলাদি সরবরাহের ব্যবস্থা দিবেন—তিনিই কি অধিকতর কৰ্ম্মকুশলী নহেন ?

ভারতকে তার অধ্যাত্ম-ধর্ম্ম ভুলতে বলবার মতো আর বিশ্রীকমের ভুল, বোধ করি কল্পনাও করা যেতে পারে কিনা, সন্দেহ। ভারতের গ্রামে গ্রামে, মাঠে জঙ্গলে ভ্রমণ ক'রলেই দেখা যাবে,—অধুনা কঙ্কালে পরিণত দেবারাম, বাঁধান ঘাট, ঠাকুর-সেবা, গাজন, মেলা, পার্ক, এই সব উপলক্ষ্য করে, জাতটা নান' ধাক্কা খেয়েও, দাঁড়িয়ে আছে আজও। তার কর্ষণা বা কাল্‌চার, সাধ্য-সাধনা, তার আচার-ব্যবহার, পদ্ধতি-প্রণালী, তার রাজনীতি, অর্থনীতি, ধর্ম্মনীতি, সবই এই গুলির উপর গড়ে উঠেছে। চালুকা-সভ্যতা, চোল-কীর্ত্তি, তামিল দ্রাবিড়ীর উত্থান—বিপুল বহুবিস্তৃত দেবকীর্ত্তি,—যথা, কোণার্ক, পুরী, ভুবনেশ্বর, কাঞ্চী, তিরুপতি, তাঞ্জোর, ত্রিচিনপল্লী, মহাবল্লীপুরম, রামেশ্বর, মহুরা, বিজয়-নগর ইত্যাদি,—সাত আট দেউড়ী মহল্লা, অনন্ত গোপুরমের সমন্বয়—দাক্ষিণাত্যে ভারতীয় সভ্যতায় ফুটে উঠেছে। মধ্যভারতে ইলোরা। তারপর অজন্তা। বোম্বাই অঞ্চলের হস্তীগুম্ফা। হিন্দুস্থানে কাশী, বৃন্দাবন, মথুরা, অযোধ্যা, প্রয়াগ, জয়পুর, রাজপুতানা; ঘরের কাছে বাংলার কৃষ্ণনগর, বিষ্ণুপুর, গোড়, রাজসাহী, খড়দহ, ইত্যাদি যেদিকে তাকাও, সর্বত্রই ব্রাহ্মণ, জৈন, বৌদ্ধমন্দির, বিহার-স্তূপ—ইহার সুন্দর নিদর্শন রহিয়াছে। দেবতার বিপুল রথ চলিবার সুন্দর স্তূপ-সু-ব্যবস্থার ভিতর দিয়াই, দক্ষিণ ভারতীয় সভ্যতায়, দেশের স্থানে স্থানে স্থানিটেশন্ বা জন-স্বাস্থ্যরক্ষার সুবিধা-বিধান করিয়া দিয়া বড় বড় রাস্তা—আগেকার

দেশী পি, ডবলু, ডি, (P. W. D.) বা জেলাবার্ড তোয়ের করে দিয়েছেন। পথ-পর্যায় শব্দগুলির ভিতর, একটি শব্দের ব্যুৎপত্তির মধ্যে, ভারত-সভ্যতার এই গুপ্ত কথাটি নিহিত রহিয়াছে। ‘রথ্যা’ মানে পথ, রাস্তা,—রথ সমূহ যাহার উপর দিয়া চলিয়া যায়। এই ইঙ্গিত কি স্পষ্ট নহে? মহাপ্রভু জগন্নাথস্বামীর মন্দিরটিকে লক্ষ্য করিয়া দেখ, দেশের শিল্পকলা, সঙ্গীত, তক্ষণ-বিদ্যা, সাহিত্য, নৃত্য, বাদিত্র, বিগ্রহ সাজাইবার পরিপাটী আদব-কায়দা, সং-পুতুল গড়া, পট-লেখা, উত্থান-রচনা, রন্ধন-বিদ্যা—কতই না বিদ্যার উৎসাহ দিয়া, জাতির অন্ন-সংস্থানের ব্যবস্থা হইয়াছে। বহু ব্যক্তি আজিও এই মন্দির-সভ্যতার ভাঙ্গা কাঠামোয় প্রতিপালিত হইতেছে। প্রতিমাপূজা স্বল্প-বুদ্ধিবিশিষ্টদের জন্ত হইতে পারে। তবে দেশে তাদের সংখ্যাই অধিক। আর তাদের ব্যবস্থা করবার সময়, তাদের অবস্থা পুরাদস্তুর মনে রাখিয়াই কাজে নামিতে হয়।

সংস্কারের যথেষ্ট অবকাশ আছে। কিন্তু অনাচার নিবারণের নামে ঢাকীশুদ্ধ বিসর্জনে দিতে বলার মত, মূৰ্খতা আর নাই। সহরে সোর-গোল করলে বিশেষ কি হবে? ভারত যে পল্লী-প্রধান। সাতলাখ গ্রাম। বাংলার গণ-চৈতন্য—কর্ম্মকার, কুস্তকার, সূত্রধর, সবশ্রেণীই এক একজন মহাপুরুষ, গৌসাই, বৈষ্ণব বাবাজীকে ধরিয়া উদ্ধুদ্ধ হইয়াছে। তাঁদের নামের মোহিনী শক্তিতে মানুষ দলবদ্ধ হয়েছে। নিছক অর্থ-নৈতিক ভিত্তিতে এয়ুগে আবার নূতন ক’রে সমাজ গঠন সম্ভব হবে কি? অর্থের যে প্রবল সামর্থ্য সংসারে সর্বকালে প্রকট, সে বিষয় অস্বীকার কেহ করেন না। সব দেশেই কিন্তু এইরূপ সাধারণ শ্রেণীর মানব-মানবীর মধ্যে অন্ন-বিস্তার সাধুপূজা চলে আসছে। ওয়েল্‌স, আয়ারল্যান্ড, স্কটল্যান্ড-এর প্রাচীন লৌকিক কাহিনীকথায় ইহার ভূরি ভূরি নিদর্শন পাওয়া যায়। এখনও ঐ ঐ দেশের কলিকাতা-প্রবাসী

সওদাগরেরা সেন্ট এণ্ড্রুজ ভোজে, সেন্ট জর্জের মহোৎসবে আনন্দের মহোৎসব তুলেন। লাট-বেলাট হোমরা-চোমরা অনেকের নিয়ন্ত্রণ খানাপিনা হয়। সেন্টডেভিস্, সেন্টজর্জ, এন্ড্রুস ইত্যাদি সকলে এই সাধু পর্যায়ের অন্তর্ভুক্ত! সুসভ্য ইংরাজেও সাধু-পূজা করেন।

সবদেশে সবকালেই মানুষের অন্তর মহতের পূজায় এইভাবে স্বতঃ-প্রণোদিত হয়ে, আপনাকে ঢেলে দিয়েছে। দিতেছে এবং দিবেও। নিজে বিবাহ না করিয়া, সামাজিক বাধ্য-বাধকতার ভিতর না আসিয়া, যেমন অপরকে বিধবা কন্যার বিবাহ দিতে উপদেশ দিলে, গুদার্যের পরাকাষ্ঠা দেখানো যায়, কিন্তু তার চেয়ে শতগুণে শ্রেয় হয়, এ সম্বন্ধে তাঁরই কথা বলা, যিনি বিধবা-বিবাহ কল্যাণকর ঠিক ঠিক বিবেচনা করিয়া, নির্ভীকভাবে সমাজের সব প্রতিবাদ সম্বন্ধে কাজে, নিজের ঘরে, একটাও চালাতে পারেন। যেমন নব্য বঙ্গের একজন মহান্ প্রতিষ্ঠাতা—আচার্য্য আগুতোষ মুখোপাধ্যায় মহাশয় সংসাহসের পরিচয় দিয়াছিলেন। শাস্ত্রীয় ব্যবস্থা এ সম্বন্ধে কি আছে না আছে, সে প্রশ্ন এখানে তুলছি না। এখানে নীতি, আদর্শ—কাজে পরিণত করার কথা হচ্ছে। একটা প্রথার সম্বন্ধে যুক্তি ও রুচির চাপরাশ্-পেলাম,—সেটাকে তারপর ষোল আনা কাজে পরিণত করবার চেষ্টা করতে হবে। নয়ত পুঁথিগত বিচ্ছেদ থেকে যাবে! এ বিষয়ে সংসাহসের দরকার। সমাজ সংস্কার-ক্রিয়া অত্যন্ত কঠিন। সমাজের বাহিরে দাঁড়িয়ে, জন্ম-মৃত্যু-বিবাহ সমস্যা শেষ করে, লম্বা লম্বা কথা বলা সোজা। কায়েতেরা ক্ষত্রিয়। পতিত ক্ষত্রিয়। তাঁরা দ্বিজ। তাঁদের শিক্ষা-হস্ত থাকা উচিত। পৈতা বেদাধিকারের প্রতীক। খুব বক্তৃতা করলুম। মায়, বাড়ীতে অপরের ঘাড়ে experiment, পরীক্ষা চালিয়ে কয়েকজনকে পৈতা দেওয়ালুম। কিন্তু নিজে নিলুম না। ইহা অতি হাস্যাম্পদ সমাজ-সংস্কার। তবে ধারা নিতে চাচ্ছেন তাঁদের সুবিধাকরে দিচ্ছি, আমি এখনও পেরে উঠছি না,—অবশ্য এইটাই হয়ত এর একটা ভাল দিক।

স্বামী বিবেকানন্দ সমাজকে স্বধর্ম অনুষ্ঠান করিবার শিক্ষা দিয়া গিয়াছিলেন। ধর্মের ভিতর দিয়া জাতিটিকে সংঘবদ্ধ ও কর্মপটু করিবার জন্ত যথেষ্ট সংকাজের পত্তন করিয়ে দিয়ে গেছেন। অদ্বৈত বেদান্তোক্ত যোক্ষতত্ত্বে পরিশেষে পরিলীন হইবার উপদেশ করিয়াছেন। জীবন দ্বারা, যুক্তির দ্বারা, পতিত ভারতকে ধীরে ধীরে নব শিক্ষা-পদ্ধতির ভিতর দিয়া, আত্মমর্যাদা, আত্মনির্ভরশীলতার পরিস্ফুরণ করিবার নিমিত্ত—ত্যাগ ও সেবাদর্শের কল্যাণপন্থা তিনি ছকিয়া গিয়াছেন। কণ্ঠযোগী হইতে ইচ্ছুক বাঁহারা, তাঁহাদের পথে বে সমস্ত বিপদের আশঙ্কা, তাহা হইতেও তাঁহাদিগকে সাবধান হইবার ও পরিত্রাণ পাইবার উপায় ইঙ্গিত করিয়াছেন। এটা যদি ‘বাজে’ বলিয়া তোমার ধারণা হয়, বেশ কথা। কিন্তু যেটা অবলম্বনীয় বলিয়া বোধ হইবে, যেটা শুভকর জ্ঞান হইবে, সেটার উপর বৃথা বক্তৃতা না দিয়ে যতটুকু সম্ভব কার্যক্ষেত্রে জীবনের দ্বারা মনমুখ এক করিয়া কর্তব্যপালন করাই বীরের ধর্ম। নয়ত যারা অধ্যাত্ম ধর্মপথে বা সমাজসংস্কারের পথে কাজ শুরু করিয়াছেন, তাঁহাদের কাপুরুষ—রাজনৈতিক ক্ষেত্রে বিপদ আপদ নির্যাতনাদি সহনে অক্ষম, ইত্যাকারক গালিগালাজ দেওয়া কর্তব্য নহে। বা কোন নেতৃস্থানীয় ব্যক্তি যদি রাজনীতির ক্ষেত্র ছাড়িয়া, পরিশেষে অধ্যাত্ম-ধর্ম সাধনে মনোনিয়োগ করিয়া থাকেন ত’ তাঁহাকে কপটাচারী, ছেলে খেপাইয়া দিয়া গা ঢাকা দিলেন, ইত্যাকারক অপবাদ দেওয়া কি ঠিক? জীবনটা কারুরই সরলাঙ্গ নহে। সিধে সরল রেখা ধরে কেউ যাচ্ছে না। আত্ম-ত্যাগের সব পথেই বিপদ আপদ আছে। ছোটবড় নাই। যদি ছোটবড় করতে হয় ত বলতে হবে, যিনি পুরাদস্তুর ভোগ ত্যাগ করতে পারছেন, তিনিই শ্রেষ্ঠ। জ্যেষ্ঠ। আবার অনেককে অনেক রকম অভিজ্ঞতার ভিতর দিয়ে, বহু ডিগ্রাজী, উঠা-নাবার ঝঙ্কাট সহ্য করে, তবে আদর্শে পৌঁছতে হয়। তাতে দোষ দিয়া নিজেদের শক্তি ক্ষয় করিয়া ফল কি?

এ দুনিয়ায় নাবালক কেহই নহে। জীবনযুদ্ধে যারা নেমেছেন তাঁহাদের নিজ শক্তি বুঝিয়া কাজে হাত দেওয়া বিশেষ কর্তব্য। অমূকে আমাকে ভোগা দিয়ে খেলে, এই যে হিঁচক্কাঁতুনে ছেলেমানুষের ভ্যান-ভ্যানানি, এটা একেবারেই ত্যাজ্য।

আরও বলা যায়। তুমিও, আমিও—তোমরাও, আমরাও নিজেদের বিবেকবুদ্ধি থাকতে কেনই বা নিজের সামর্থ্য না বুঝে, কোন নেতা-বিশেষের উত্তেজনাময় বাক্যে আপনা হারাইয়া নিজেদের কাঁচা মাথাগুলো খোয়াতে গেলাম? আমাদের দায়িত্ব এর ভেতরই বা কতটা? আবার বলি, এ ছেলের হাতে মোয়া নহে। জীবনে বস্তুতন্ত্রতার অবসর যথেষ্ট। ক্ষতের যাতনায় মানুষ জ্বালা পোড়া হচ্ছে। কণ্টকময়—সঙ্কটময় জীবন-পথ। শেষে নিজের ওপর দোষ না দিয়ে, নিজের দুর্নৃতিকে ধিক্কৃত না কোরে, নেতৃস্থানীয়কে বাপস্তু কল্পে কি হবে? তিনি যদি বলেন, মাথা গরম করিও না। ছোট সত্য থেকে, বড়—ক্রমে আরও বড় সত্যে ক্রমশঃ সবাই আমরা চলেছি—ভুলো না। হে বাংলার যৌবনশক্তি! হে আগামী কালের দেশের ভরসাস্থল, “আটাশে ছেলে” হলে চলবে না! তোমার-আমার ভুলের জন্ত, দোষের জন্ত ব্যক্তিগতভাবে, জাতিগতভাবে,—সমাজ ও দেশগতভাবে, আমরা সকলে দায়ী। ও পাড়ার হরির থুড়ো, মাধাই দাস বা সাগর পারের গোরা—এঁরা কেহই দায়ী নহেন। আজ—আলো, লণ্ঠন ঘুরাইয়া নিজের মুখে, নিজেদের দিকে—আলো ফেলিবার সময় আসিয়াছে। নেতা তো নিজেদের অপারগতার দরুণ, কাজের খানিকটা সুবিধার দরুণ, আমরাই খাড়া ক’রে থাকি। না,—অপরে করে? সুতরাং তাঁকে দোষ দিলে চলবেনা। বেশ, তো। তিনি না হয়, নিঃশক্তি হোয়ে গেছেন। এবার আর কাউকে টেনে তোলো। তাঁকে দিয়ে যতটা বাইয়ে নেবার, তা তো পূর্ণ হয়েছে। এইবার তো তোমাদের মতে—তিনি ছিবুড়েতে পরিণত হয়েছেন। আর খেদ কেন? খেউড়

কেন ? তা হোলে আমাদেরই গায়ে যে থু থু পড়বে। সময় নষ্ট হচ্ছে, আগুয়ান ! স্বামীজী যেমন বলতেন,—“সিন্ধুরোলে গান !”—তা নয়,—খালি রামবাবুর ভুলে, শ্রাম বাবুর কারচুপীতে আমরা মারা পড়লুম। আমরা বেন একেবারে মার পেট থেকে সদ্য-পড়া ছেলে। ভাজা মাছ-খানা উঠে খেতে জানি না—যেমন ঝগড়ার মুখে, বাংলার মেয়েরা বলেন। একেবারে গো-বেচারি,—গোবর-গণেশ। মাসের (mass) জনগণের শিক্ষার জন্য, তাহাদের জাগাইবার জন্য কে কতটুকু লাগিয়া পড়িয়া আছি ? তাদের সঙ্গে অনবরত থাকতে হবে। বাইরে থেকে খবরের কাগজে নাম উঠবে বোলে—কিছু-মিছুর কর্ম নয়। পুরাদস্তুর দলে দলে জীবন উৎসর্গ করতে হবে।

একতরফা কেহই সহ্য করবেন না। অধ্যাত্ম সাধন-পথের পথিকও বলবেন, হাঁ, তোমরা সহিছো বটে দলন ও দুঃখ। সেজন্য তোমরা নমস্। আমাদেরও পীড়ন অত্যাচার কম সহিতে হয় না। আবার ত্যাগ-মন্ত্রে শ্রীগুরু-সকাশে প্রতিশ্রুত আছি ব’লে, আস্তুর রিপূর লড়াইটাও জীবনভোর—“প্রাক্ শরীর বিমোক্ষণাৎ” লড়তে হয়। বড় কেউ নয়। তবে পরস্পরের দৃষ্টি মিলাইলে, অভিজ্ঞতার হিসাব-বহি তুলনায় আলোচনা করিলে, সমবেদনা এসে যাবে। বাদ বিবাদ ঘুচবে। কাউন্সীল বা পার্লামেন্টে মেম্বর হয়ে বসতে গেলে, কিম্বা জজীয়তী করতে হলে, যেমন প্রচলিত শাসনতন্ত্রের বশ্যতা স্বীকার ক’রে—কার্য্য আরম্ভ করতে হয়, ত্যাগমন্ত্রে দীক্ষার বেলাও ঠিক সেই রকম গুরু-ঈশ্বর-অগ্নি-সম্মুখ সাক্ষ্য কোরে কঠোর নৈতিক প্রতিশ্রুতি পত্রে, অলেখার লেখায় দস্তখত করতে হয়। আর আমাদের এ পথে তিল তিল লোকলোচনের অন্তরালে আত্মবলিদান—বিশ্বাস্তি। বিশ্বের সাধককূলের কঠোর আস্তুর-দ্বন্দ্বের ইতিহাস-কথা কোন ছাপা কাগজে প্রায়ই থাকে না। সাধু অগাষ্টিনের “ভুলস্বীকার” গ্রন্থের ঠায় আস্তুর-ইতিহাস বিরল। রাজনীতির ক্ষেত্রে

নরম গরম হৈ-চৈ' সদাই লাগিয়া আছে। কয়জন—কটা লোক রামকৃষ্ণের পাঞ্চভৌতিক দেহ কাশীপুর শ্মশানে বহিয়া লইয়া গিয়াছিল? তাঁহার কথা জীবিতাবস্থায় শুনিতে গিয়াছিল? বাড়ীর কেউ মারা গেলে যেমন সেই শোকটা বাড়ীর ভিতরেই বা নির্দিষ্ট সংখ্যক কুটুম্বকূলের ভিতর আবদ্ধ থাকে—নিকটবর্তীরাই যেমন শ্মশান-ক্রিয়া সম্পাদন করেন, শুধু শ্রীরামকৃষ্ণের নহে, এইভাবেই ঠিক, শ্রীশ্রীমাতা সারদা দেবীর, স্বামী বিবেকানন্দের এবং স্বামিপাদ ব্রহ্মানন্দের—শরীরগুলি তেমনি একে একে দক্ষিণবঙ্গের গঙ্গাতীরবর্তী পুণ্য মৃত্তিকার উপরে—দেব বৈশ্বানর উপহার লইয়াছিলেন। উল্লেখযোগ্য শোক-‘শোভাযাত্রা’ হয় নাই। একান্ত অল্পগত জীবন-সমর্পণকারীদিগের কুণ্ডলিনীশক্তির শ্রায়, প্রগাঢ় জমাট পুঞ্জীভূত ভক্তহৃদয়ের—অকপট ভক্তি, অবশ্য ইহার। সকলেই পাইয়াছিলেন। খবরের কাগজে শোক-প্রকাশ ছাড়িয়া দিলাম।

জুড়িয়ার পল্লীপ্রান্তেই যুগাবতার শ্রীশ্রীঈশা জীবদশায় অধ্যাত্মধর্মের সঞ্জীবনী-মন্ত্র ছড়াইয়া পরম পরিতুষ্ট হইয়াছিলেন। ইহাদের জীবদশারই (বা স্থূল দেহ লইয়া) কথা হইতেছে। আবার আখো। মহাপ্রাণ চিত্তরঞ্জন দাশ মহাশয়ের প্রাণপরিত্যক্ত স্থূলদেহের শেষ শ্মশানযাত্রা—তাঁর প্রতি জাতির,—ত্রিবর্গভূষ্ট সাধারণ নরনারীর অপূর্ণ প্রেমশ্রদ্ধার পরিচয়। অবশ্য, পরমহংস প্রভৃতি ইহারা লোকসম্মান কোন দিন চান নাই; কেশব বাবু প্রথম পরমহংসের কথা তাঁহার সাময়িক পত্রে, পরমহংসের অনুমতি না লইয়া, প্রকাশ করেন। দক্ষিণেশ্বরের বালক-ভগবান এইজন্ত কেশবচন্দ্রকে তীব্র তিরস্কার করেন। পরমহংসদেব সর্বসমক্ষে হৈ চৈ ঘৃণা করিতেন। তিনি খবরের কাগজ ছুঁতে পারতেন না। এ বিষয়ে এঁদের সহিত অপরের তুলনাই অবিধি। কিন্তু তুলনা-মূলক কথা উঠেছে ব’লেই এ প্রসঙ্গ পাড়া গেল। অধ্যাত্মপথের অতীব

ছোট পথিকেরও সম্মান-খাতিরের চাতকপাখী হোয়ে ব'সে থাকে চলে না বা অন্ততঃ উচিত নয়। এটা এ যুগে পরমহংসদেবের চরিত্রে বেশ দেখানো আছে। যাঁচ চলনে বলনে, প্রতি স্বাসপ্রশ্বাসে সংবমবার্তা পরিস্ফুরিত হইত, তিনি যে লোকমান্ত শূকরীবিষ্ঠাসম দূরছাই করবেন, প্রতিষ্ঠার জন্ত লাফাইবেন না, তাহা বিচিত্র কি ?

তবে ইহাও বলিতে কোন মতে চাহি না, যে রাজনীতিক্ষেত্রে সবাই-ই শুধু সম্মানপ্রয়াসী। বিপুল লোকসম্মানের হাত এড়াইয়া গান্ধী মহাত্মা রাজনীতিক্ষেত্রে বিচরণ করিয়াছেন। তবে সচরাচর ক্ষেত্রে বা ঘটে তা তুলনার মুখে বলতে হয়। আজকাল ধর্ম্মরাজ্যের অনেক তথাকথিত মাতব্বরদেরও এই নামযশ সম্মানের মোহে ডুবতে দেখা যায়। তবে সেটা নিশ্চয়ই আদর্শ হইতে পতন—সেটা মোটেই অভিপ্রেত নহে। নিজেকে যিনি মুছে ফেলতে পারেন—স্বামীজী যাকে A voice without a form—একটা বিদেহবাণী—ব'লছেন, তাঁর সচরাচর মালা, তিলক, গেরুয়া, না থাকলেও, তিনি ধার্ম্মিক। তিনি পরম ভাগবত। খালি 'হাম্ হাম্' করলে অল্প রকম কিছু আঁচ করতে হবে।

আবার—প্রকৃত ধার্ম্মিক যিনি—তিনি মুখরোচক কথা ব'লে, লোকপ্রিয়তা সংগ্রহ করবার চেষ্টা, কখনই করবেন না। ভোগকে—প্রযুক্তিকে, বড় কোরে দেখাবেন না। ত্যাগের নাম শুনলে অনেকেই ভেগে যায়। ইত্যাদি।

—এই প্রকার পান্টাপান্টি জবাব অনন্তকাল চলতে পারে।

আমরা সবার উপর বলি, বন্ধু, তগরারে কাজ নাই। জাতি সংগঠনের কাজ সকলকে ভাগাভাগি করে করতে হবে। যেদিকে যার যেমন অভিরুচি। যেমন ক্ষমতা—যেমন জগদম্বার ইঙ্গিত।

কে আছে, বেরোও ! জীবন ভোর ঘুমুলে চলবেনা। সময় উড়ে চলে যাচ্ছে। অনেক আশীর্বাণী পাবে। কিন্তু মনে রেখে, তার চেয়ে বেশী পাবে—অভিশাপ। কিন্তু “ঐসাহি সদকাল বন্তা সাব্ !”—
Come out man ! no sleeping all life. Time is flying, you will have many blessings on you. But many more *curses*. That is always the way of the world, Sir. This is the time.—Vivekananda.

সব কাজেই সূচারু নির্বাহের জন্ত যখন বিশেষজ্ঞের আবশ্যক হয়, তখন অধ্যাত্ম-জগতেও যে হবে, তাতে আর আশ্চর্য্য কি ? আচার্য্যকুল-শিরোমণি শ্রীশ্রীশঙ্কর (যিনি সাক্ষাৎ শঙ্করস্বরূপ)—ধর্ম্মাচার্য্যের যে লক্ষণ দিয়েছেন, আচার্য্য শ্রীবিবেকানন্দে তাহার উপযুক্ততা, সার্থকতা, বখাযথ খাটে। “শুচি জিতেন্দ্রিয়ো বেদবেদান্তাদিবিশারদঃ। যোগজ্ঞঃ সর্ব-শাস্ত্রাণাং”—শুচি, জিতেন্দ্রিয়, বেদ বেদান্তাদি পারগ, সকল শাস্ত্রের প্রয়োগকুশল।

শ্রীশঙ্করের সময়ে যদি ধর্ম্মগ্লানি, বেদোচ্ছেদভয় উপস্থিত হইয়া থাকে, তো এখন তার অপেক্ষা কম গ্লানি আসে নাই। জাতিকে সংঘম সাহায্যে স্বভাবজ কল্মে আবার আহ্বান করিবার জন্তই রামকৃষ্ণ-বিবেকানন্দের আগমন। বিবেকানন্দ,—জাগরণশীল—আত্মপ্রতিষ্ঠার জন্ত উদ্বুদ্ধ হিন্দুধর্ম্মের কথা বলিয়াছেন। —জাগ্রত হিন্দুত্ব। যে অদম্য উৎসাহ, দৈবদেশ লইয়া আচার্য্যপ্রবর, সমগ্র ভারতবর্ষের তরুণশক্তির শ্রেষ্ঠ প্রতিনিধি, স্মর-সম্রাট শ্রীশঙ্কর সেই পূর্ব্বতন মধ্যযুগে শতবাধা অস্বীকার করিয়া দিগ্বিজয়ে বাহির হইয়াছিলেন, বিবেকানন্দ ঠিক তাহারই পুনরাবৃত্তি। তাহারই প্রতিধ্বনি। শঙ্করের কথা ভাবিলে স্তম্ভিত হইতে হয়। কণ্ঠাকুমারী থেকে, সূদূর বেলুচিস্থান পর্য্যন্ত পায়ে হেঁটে ভ্রমণ কোরে—অতো বড়ো জ্ঞানী মহারাজ—যখন যেমন তখন তেমন—সাধারণ ও

অসাধারণের গ্রহণ ও সামর্থ্য বিচার পূর্বক, অধিকারিভেদে পঞ্চ দেবতার পূজোপাসনা স্থানে স্থানে বাঁধিয়া দিয়া, বা যুক্তিপ্রমাণ তর্ক পরিপূর্ণ বিচারাদির সহায়ে প্রতিদ্বন্দ্বীর পরাভব অস্তে বেদপ্রতিষ্ঠা সংসাধন করিয়া, মহতো মহীয়ান হইলেন। যে যে স্থানে, যে যে প্রকারের ধর্ম-সংস্কার, ভাব-পরিপুষ্টি প্রয়োজন—দর্শনামী সন্ন্যাসী সঙ্ঘের প্রবর্তক শ্রীআচার্য্যদেব তাহাই সংঘটিত করিলেন। অল্পবয়সে ওরূপ মেধাবী মনস্বী, অধ্যাত্ম অনুভূতিতে বলীয়ান্ মহান্ আত্মা পৃথিবীর ইতিহাসে বিরল। মানব-ইতিহাসের প্রাক্কাল হইতে আরম্ভ করিয়া আজ পর্য্যন্ত যে সকল তীক্ষ্ণদী মানব-দেবতা পৃথ্বীতলে পরিভ্রমণ করিয়া গিয়াছেন, ভারতের দ্রাবিড়ী সভ্যতার ইমারত-মন্দির অপেক্ষা শতগুণে শ্রেষ্ঠসম্পদ—কেরলপ্রদেশের কলোডি গ্রামের এই মহামানব। আচার্য্য শঙ্করের নাম—অজেয়—তঁাহার প্রতিভার উচ্চচূড়া অসীমগগনস্পর্শী। আমাদের বিশ্বাস, বিশ্বের পণ্ডিতমহল, সাধককূল এখনও শঙ্করের প্রতিভা হৃদয়ে সম্যক্ ধারণ করিতে পারেন নাই—তঁাহার প্রাপ্যসন্মান তঁাহাকে দেওয়া হয় নাই। ষোল আঠারো বছরে আমরা কেহ প্রস্থানত্রয়ের উপর ভাব্য প্রণয়ন করিতে পারি না বলিয়া, শঙ্করও না পারুন—এরূপ যুক্তি হান্ত্যাসম্পদ। দৈববলে বলীয়ান শঙ্কর কিন্তু ইহা সংসাধিত করিয়া সমগ্র ভারত ও ভারতবাসীকে একদিন চমকিত করিয়াছিলেন। সমস্ত শাস্ত্রের তাৎপর্য্য অনায়াসে তিনি আপামর সকলের জন্য নির্দ্বারিত করিলেন। শঙ্করের সূর্য্যসম প্রতিভার নিকট অনেক আচার্য্যকে খটোৎ হইয়া বাইতে হয়।

পরমহংসদেব বলিয়াছেন—লোকশিক্ষার জন্ত শঙ্করাচার্য্য—“বিষ্ণুর আমি” রেখেছিলেন।

*

*

*

*

বহুর কল্যাণের জন্ত ব'লতে হবে কৰ্ম ছাড়া গতি নাই। ইন্দ্রিয়

চাঞ্চল্য যাহাদের অপেক্ষাকৃত কম, যাহারা মধ্যম অধিকারী, ভক্তিমার্গ তাঁহাদেরই। ভক্তিশাস্ত্র নিজে একথা বলিয়াছেন। নৈষ্কর্মেয় বা নিকাম কর্মের আদর্শ ভুল বুঝিবার বা বিকৃতভাবে আচরণ করিবার আশঙ্কা সর্বাপেক্ষা অধিক। কোন না কোন কর্ম না ক'রে, কারো রেহাই নাই। কর্ম সকলের। তবে ইহার মোড় ফিরান, আদর্শ বা গতিবাদের উপর নজর রাখা দরকার। জ্ঞানী হওয়া, জ্ঞানমার্গ বাছিয়া লইয়া, কার্য করা বড় কঠিন। জ্ঞানীরা বলেন—অর্থবাদের দ্বারা ভগবান, তত্ত্বজ্ঞানের দ্বারস্বরূপে ভক্তির মহিমা, গুণগান গীতায় কীর্তন করিয়াছেন। “ভক্ত্যা ত্বনন্তরা শক্যঃ ... জ্ঞাতুং দ্রষ্টুঞ্চ তদ্বেন প্রবেষ্টুঞ্চ পরমুপ। ১১।৫৪॥ মাং চ যোহব্যভিচারেণ ভক্তিযোগেন সেবতে। স গুণান্ স মতীতৈতান্ ব্রহ্মভূয়ায় কল্পতে। ১৪।২৬॥ ভক্ত্যা মামভিজানাতি ... ততো মাং তত্ত্বতো জ্ঞাত্বা।” ১৮।৫৫॥ ইত্যাদি।

দেশ যখন চাহিছে, তখন সন্ন্যাসীকেও কর্মে নেতৃত্ব ক'রতে হবে। বহুজনহিতায়। তবে ভারতবর্ষে, শ্রবণ মনন নিদিধ্যাসনের দ্বারা শাস্ত্র বহির্কণ্ঠাঙ্গালন-চেষ্টাবিহীন জীবনের দ্বারাও যে সমাজ ও জাতির যথেষ্ট কল্যাণ সংসাধিত হয়, এ ধীর স্থির বিশ্বাস—পাকা বোধ, মজ্জায় মজ্জায় অনুপ্রবিষ্ট হইয়া রহিয়াছে। স্বামী বিবেকানন্দ এই শ্রেণীর সাধককূলকে বুদ্ধ যীশু প্রভৃতিরও উপরে—অতি উচ্চ স্থান দিয়েছেন! ইহারা ইচ্ছামাত্র জীবহিত করেন! হিমগিরির বন্দরলীন মহাপুরুষবর্গ বা গাজীপুরের পওহারী বাবার ছায়, মহান্ আত্মারা স্বল্পভাবে ভারতের যুগ যুগ হিতসাধন করিয়া আসিয়াছেন। আসিতেছেন। ইহা অস্বীকার করিবার উপায় নাই। ইহারা নাইট স্কুল কেহ করেন নাই বা চরখা কাটেন নাই বটে। অথচ—সমাজ ইহাদের জগ্নু আজিও ‘সন্ত’দের—‘ভগবন্’, ‘নারায়ণ’—আখ্যা দিয়া প্রতিপালন করিতেছেন। কর্ত্তা ও কর্ত্তার যে ত্রিপুরী উপদেশ ভগবান্ বাসুদেব দিয়া গিয়াছেন, তাহা প্রণিধানান্তে,—সেই কষ্টিপাথর চক্ষের

সমক্ষে রাখিয়া, রামকৃষ্ণ-বিবেকানন্দ-নামে উৎসৃষ্ট দিবা কর্ম্মাকুলকে আগু-
য়ান হইতে হইবে। “পতিপত্নীর” অলঙ্কারের মধ্য দিয়া, পরমহংসদেব স্পষ্টই
নিজে বলিয়া গিয়াছেন যে, বিবেকানন্দ ভিন্ন রামকৃষ্ণ—অসম্পূর্ণ, যুগ
প্রয়োজনে বিবেকানন্দের তীব্র কর্ম্মপ্রচেষ্টা চাই। সঙ্গে সঙ্গে পরমহংস-
দেবের পরসমাধিও আবশ্যক! রামকৃষ্ণ-বিবেকানন্দ শান্তি ও চেতনার
জননী ও জনক। আবার শান্তি ও কর্ম্মেরই যুগল নায়িকা ও নায়ক।
তঁাহারাই শ্রীগীতার জীবন্ত ছবি—জলন্ত ভাষ্য বা প্রতিমূর্ত্তি। ইহাদের
ভিতরই গীতান্ত সন্ন্যাসযোগ। আবার এইখানেই গীতার কর্ম্ম, ভক্তি,
রাজগৃহ সব যোগের, সব সাধনতত্ত্বের, সব অমুভূতির নিগূঢ় রহস্য।
জ্ঞানভক্তি-বিহীন—কর্ম্ম হইবে না। এই সবার সহিত কর্ম্ম মাথানো
থাকিবে। আবার শুধু জ্ঞান বা ভক্তি নহে। কামকাঞ্চন ত্যাগের ভিত্তিতে
দৃঢ়ভাবে দাঁড়াইয়া সব রকম একঘেঁয়েমি, খামখেয়াল বিসর্জন দিতে
হইবে। জ্ঞান বা ভক্তি যে সত্য সত্য ভিতরে গজাইতেছে, তাহা ছোটবড়
প্রতি কর্ম্মে, শ্বাসে প্রশ্বাসে, চিন্তায়, চলনে বলনে—প্রকাশ পাইবে,
ইহাই রামকৃষ্ণ বিবেকানন্দের জীবন্ত ধর্ম্ম।

উচ্চ উচ্চ ভাব সব দেশে সব কালেই আছে। সেইগুলিকে যিনি
কার্য্যে, জীবনে পরিণত করেন, তাঁর সাধনাই “মৌলিক” বলিতে হইবে।
তিনিই সেই সেই সত্যের এক হিসাবে “আবিষ্কারক” বলিতে হইবে।
নতুবা সত্য স্বয়ং প্রকাশ। তার আবিষ্কারক কেহই নাই। রামকৃষ্ণের
পূর্বেও কামকাঞ্চন ত্যাগের ভাব ছিল, সর্ব্বধর্ম্ম-সমন্বয়ের আদর্শও ছিল।
কিন্তু তথাপি, রামকৃষ্ণের পয়লা নম্বরের মৌলিকত্ব কেহ নষ্ট করিতে
পারিবে না। কারণ অতি নিখুঁতভাবে ঐ ঐ আদর্শ নিজজীবনে ষোল-
আনা ফলাইয়া, রামকৃষ্ণ স্বয়ং এবং তন্নাযাস্তিত রামকৃষ্ণের সত্যকার
চেলারা, ভারতের ও পৃথ্বীর মানুষের দৈনন্দিন জীবনে সেই আদর্শ কিছু
কিছু কার্য্যকরী করিয়াছেন—করিতেছেন।

ত্রয়োদশ পরিচ্ছেদ

আশ্রমধর্মের স্বরূপ এবং “জাতির” নামে বজ্জাতি

সব জায়গায় শঙ্কর জ্ঞানের চড়া ও কড়া উপদেশ দেন নাই। চাতু-
র্সর্বোক্ত আশ্রমধর্ম পুনঃ স্থাপিত হইল। বীর বিবেকানন্দও এই ধারা
বর্জন করেন নাই। গীতামুখে ভগবান শ্রীকৃষ্ণ চাতুর্কণ্য ও আশ্রমধর্ম
রক্ষার জন্ত বহুবার, নানাভাবে উপদেশ করিয়াছেন। ক্ষাত্রধর্মের
আদর্শ-বিস্মৃত ধনঞ্জয়কে বিশেষ করিয়া তাহাই স্মরণ করাইয়া দিয়াছেন।
সনাতন হিন্দুর শ্রেষ্ঠ অবলম্বন এই “পারাশর্য্যবচঃ সরোজমলং”—
হরিকথা। ভারতের ও সঙ্গে সঙ্গে কলির সর্বদেশের মল প্রধ্বংস
করিবার, শ্রেয়ের পথ দেখাইবার পরমোপযোগী। বর্ণাশ্রম ব্যবস্থা
বিনষ্ট হইলে আমাদের বৈশিষ্ট্য থাকিবে না। ভারতের কৃষ্টিতে
মানবমাত্রকেই এই চারসূত্রের একসূত্রে ফেলিবার প্রবণতা দেখা যায়।
তবে এখানেও আবার খোসা ফেলিয়া, আসলে গুণগত ব্যবস্থার প্রতি
যতটুকু লক্ষ্য রাখা যায়, ততটাই মঙ্গল। শঙ্করাচার্য্য এই বর্ণনাশ্রমের
উপর ভারতের ভবিষ্যৎ নির্ভর করিতেছে, বিশ্বাস করিতেন। ইহাকে
সংরক্ষণ করিবার জন্ত সন্ন্যাসীদিগকে শৈথিল্য-মান্দ্য পরিত্যাগ করিয়া
বিশেষ কর্মদক্ষতা অবলম্বন করিতে উপদেশ দিয়াছেন, ইহা না হইলে
মহতী বিনষ্টি, চরম অহিত আসিবে—“যতোবিনষ্টি মহতী ধর্মস্যাত্র
প্রজায়তে। মান্দ্যং সংতাজ্যামেবাত্র দাক্ষ্যমেব সমাশ্রয়েৎ।” “আর্য্য-
মর্য্যাদা” সর্বোপরি ধারণ করিয়া রাখিতে পরিব্রাজক সন্ন্যাসীর উপর
ভার হস্ত করিয়াছেন। (শঙ্করের ‘মঠান্নার’ দ্রষ্টব্য) তবে এই সঙ্গে
জানা উচিত যে “আর্য্যামি” জিনিষটা একপ্রকারের গোঁড়ামি বা বড়
রকমের বোকামিরই ছায়া সর্ব্বাংশে নিন্দনীয়। একথা যেন বলিয়া দিতে
না হয়।

মথুর বাবু, মণি মল্লিক প্রমুখ প্রথম যে কয়জন ব্যক্তি পরমহংসদেবের পৃষ্ঠপোষকতা করিয়াছিলেন, লক্ষ্য করিবার বিষয়, তাঁরা সমাজের তথাকথিত উচ্চ বর্ণের নহেন। মায় বলরাম বাবুও ব্রাহ্মণ নহেন। রঘুনন্দন-শাসিত বঙ্গে বলরাম—শূদ্র। মানুষমাত্রকেই ধারা পূজা করার আদর্শ গ্রহণ করেন, তাঁদের কথাটা উচ্চারণ করিতে জিহ্বা জড়াইয়া আসিবে। ঈশ্বর-ইচ্ছায় এই প্রকার সহায়কারীরা আসিয়া পড়েন, ধারা অকপটে খাঁটি লোকের আনুকূল্য বিধান করিয়া অপূর্ব আশ্রয়স্থি লাভ করেন। মথুর বাবু যেভাবে পরমহংসদেবের শারীরিক স্বাচ্ছন্দ্য বিধানে ও সকল প্রকার প্রয়োজনীয় ব্যবস্থা রচনায় খরচ-খরচা করিয়াছিলেন, তাহা পাঠ করিয়া, গল্প পড়িতেছি বলিয়া মনে হয়। কিন্তু তাঁর দেহটা তথাকথিত নীচবর্ণগোস্তব হইলে, কি হইবে, ? তাঁর মনের মত উচ্চ-মন সংসারে বিরল। গুণের দিক দিয়া, তিনিই ব্রাহ্মণ। কৈবর্ত নহেন। তবে ব্রাহ্মণ প্রকৃত ব্রাহ্মণ আমাদের পূজ্য। ব্রাহ্মণবংশাবতঃ—পরমহংস।

শঙ্করের গ্রন্থমালায় পত্রে পত্রে, ছত্রে ছত্রে বর্ণাশ্রম ধর্মের গুণগান। আর অলৌকিক তত্ত্ব-বিচারে গুরু বেদবাক্যকে সর্বোচ্চ স্থান দিতে বলিয়াছেন। এই কল্পে তিনি আপ্রাণ সচেষ্ট ছিলেন। ভারতীয় সভ্যতা যে আজও অটুটভাবে ছুনিয়ার উপর বেঁচে দাঁড়িয়ে আছে, তা তাঁর এই ব্যবস্থারই মাহাত্ম্য গুণে। বহুর কল্যাণের জন্তই এই প্রকার আশ্রম ধর্ম-বিভাগ,—শ্রেণী, জাতি, গণ-সমাবেশ। স্বধর্মপালনে বার বার আমাদের শ্রুতি-স্মৃতি উপদেশ দিয়াছেন। আরও বলেছেন, পরধর্ম ভয়াবহ। পরানুকরণ পরানুবাদ নিন্দনীয়।

রামকৃষ্ণ-বিবেকানন্দ ঈশার মতই came to fulfil and not to destroy, পূর্ণতা সম্পাদন করতে এসেছেন ! ভাঙতে আসেন নি ! ষষ্টি মাকালের পূজা থেকে আরম্ভ করে নিগুণ-নিরাকারে নিষ্ঠা—মনমুখ এক করে—পড়ে থাকা চাই। যেমন সংস্কার যেমন অভিক্রিচি, যেমন

ক্ষমতা। সংসারেও পূর্ণ জ্ঞান হ'তে পারে। পরমহংস মহাশয়ের লীলায় দুর্লভ দুর্গাচরণ নাগ তাহার শ্রেষ্ঠ প্রতীক্। পরমহংসদেব সতী স্ত্রীর কথা বলেছেন। পতিব্রতা প্রাণমনে, স্বামিদেবতার সেবা করতেন। মাথার চুল দিয়ে পাদপদ্ম মুছিয়ে দিতেন। এক রাগী গৈরিকধারী-সাধু তাঁর বাড়ীতে এসে উপস্থিত, পতিব্রতা তখন স্বামিসেবারতা। সন্ন্যাসী পথে আসবার মুখে রেগে গিয়ে, একটা কাককে আর বককে ভষ্ম করেছিল। গৃহস্থালীর কাজের দরুণ, সাধুর দিকে মন দিতে তাঁর একটু দেৱী হ'ল। ভেতর থেকে বেশ জোর গলায় পতিব্রতা ডেকে হেঁকে ব'ললেন, “আরে দাঁড়াও ঠাকুর। এখন একটু বস। আমি এখন আমার স্বামীর সেবা করছি। সেটা সেৱে তবে তোমার ব্যবস্থা। আমি কাকী বকী নই যে, চাউনিতেই ছাই করে দেবে।”—আশ্রমধর্ম-পালন, স্বধর্ম-নিষ্ঠার সুন্দর ছবি।

ভারতের মহাকবি মহামনীষী কালিদাস স্বীয় জগৎপ্রসিদ্ধ নাটকে দুহ্মাস্ত চরিত্রের প্রেমকাহিনী আঁকিবার ভিতরেও স্বেচ্ছাচারিতার প্রশ্রয় দেন নাই। দেখিয়েছেন, ঠিক ঠিক আশ্রমধর্ম-পালন করলে, স্বধর্মনিষ্ঠ হলে, তার জীবনের গভীরতম সংস্কার, প্রবৃত্তি পর্যন্ত হাতের মুঠোর মধ্যে এসে পড়ে। তার ডাকে বিপথে যেতে দেয় না। সে তখন বুক ঠুকে, ঐ পতিব্রতার মত জোরালো কথা—বলতে সাহস করে। কারণ, সে জানে সে তার নিজের কোঠায়, নিজের কর্তব্যপালনে ফাঁকি বা গৌজামিল কোন দিন দেয় নাই। নিজের জীবনের জমিটুকু ঠিক মতই সে চষে রেখেছে। তাই ফসলও তার প্রভূত এবং পাকা। মুনিকণ্ঠার প্রতি আন্তরিক আকর্ষণ অনুভব করিয়া ক্ষান্তধর্মনিষ্ঠ ধার্মিক মহারাজা দুহ্মাস্ত মহাকবির কাব্যে আপন-মনে বলিয়া উঠিয়াছেন,—এ ত কখনও ব্রাহ্মণকথা হ'তে পারে না। তা হ'লে একে পাবার জগ্গ আমার প্রাণ-প্রবৃত্তি এমন চঞ্চল কখনও হ'তো না। এর পরিচয় কুলশীল কিছু জানি না। কিন্তু, নিশ্চিতই এ আমার প্রাপ্য। বাপের বেটার মত কথা।

নাটো অতি সহজ ভাবে কি চমৎকার, আপনাআপনিই ভারতীয় বর্ণাশ্রমের মাধুর্য্য ফুটিয়া উঠিয়াছে। ইহাই কি গুণগত ক্ষাত্রধর্মের সূষ্ঠ নিদর্শন?

আবার আমাদের সুদীর্ঘ ভাবধারা ও চিন্তাসাধনার ইতিহাসে, ঋষি সত্যকাম, ব্যাসদেব, বশিষ্ঠ, পরবর্ত্তী যুগের কবীর, দাছ, রুহিদাস, অস্পৃশ্যতার আগার দাক্ষিণাত্যের মন্দিরগাত্রে খোদিত-মূর্ত্তি পঞ্চমাজাত সাধুভক্তবৃন্দ ইত্যাদি—ইহারা সবাই, গুণে সকলকে ছাপাইয়া গিয়া, সত্যকার ব্রাহ্মণত্বের শীর্ষস্থান অধিকার করিয়া প্রাতঃস্মরণীয়। জন্ম নিয়ে এঁরা ছিনিমিনি খেলেছেন। বুক ফুলিয়ে বলেছেন, পিতৃ-পরিচয় জানি না। তাই ভারতের যুগ যুগ প্রথিত ঔদার্য্যের ও গুণের কদর রক্ষা করিয়া কবিগুরু রবীন্দ্রনাথ, গুরুমুখে সত্যকামকে বলিতেছেন,—
“অব্রাহ্মণ নহ তুমি, তাত। তুমি দ্বিজোত্তম, তুমি সত্যকুলজাত।”

জাতিত্ব ঠিক ঠিক হইলে, সাঁচা হইলে, ব্যক্তির মুখের উপর, সেই সেই জাতির লক্ষণ সুস্পষ্টভাবে ভাসিতে বাধ্য। ব্রাহ্মণত্ব, ক্ষত্রিয়ত্ব, বৈশ্যত্ব, শূদ্রত্ব—এই চারি সূত্র সাহায্যে সমগ্র মানবকূলকে বিভক্ত করিয়া, ভারতের ঋষিবৃন্দ মানবের বাস্তব চরিত্রের অতি মনোজ্ঞ, অকাটা জ্ঞানের পরিচয় দিয়াছেন। এই চারিটিকে চারিটি সনাতন সত্য-শ্রেণীরূপে ধরা যাইতে পারে—Four eternal categories or types. ভারতের সুস্বাদী ঋষিগণ স-র-গ-ম-প-ধ-ন, সপ্ত সুরতত্ত্ব আলোচনা করিতে গিয়াও, সুরের ব্রাহ্মণত্ব, ক্ষত্রিয়ত্বাদির কথা তুলিয়াছেন। উদ্ভিদবিজ্ঞাতোও এই চতুঃসূত্রের অবতারণা আছে। বর্ণমালায় আছে। এইরূপ সর্বত্র। ইত্যাদি।

এই তত্ত্ব বিশেষ করিয়া এই ভারতের মাটিতে ফুটিয়াছিল বলিয়া, আমাদের গৌরবের নিদান। বিবেকানন্দ—মোক্ষমূলার বা ডয়সনের জীবন-সাধন স্বচক্ষে দেখে, ইহাদিগকে ঋষি, ব্রাহ্মণ আখ্যা দিতে কিছু-মাত্র দ্বিধা বোধ করেন নি। গুণের প্রতি অন্ধ, তিনি জীবনে ছিলেন

না। তবে একথা অতি সত্য যে, বিবাহাদি সামাজিক ব্যাপারে জাতি জিনিষটা জন্মগত প্রথায় সব দেশেই প্রায় দাঁড়িয়ে যায়। এখানে বক্তব্য—মূলতত্ত্বের প্রতি শ্রদ্ধা আমাদের সামাজিকদের মনের বাহিরে না যায়। জাতের হাত থেকে রেহাই কারো নেই। শেষে “জাত-ভাঙ্গারা” এক আলাদা জাতে গিয়ে দাঁড়ায়। আবার মজা, “জাতভাঙ্গাদেরও” ভিতর, বামুন জাতভাঙ্গায়—বামুন জাতভাঙ্গায় বিবাহাদি চলতে দেখা যায়।—“কায়েত জাতভাঙ্গাদের” সঙ্গে চলে না।

সকল দেশের সকল মানুষকে ক্রমশঃ ক্রমশঃ রামকৃষ্ণবিবেকানন্দ দ্বিজত্বে লইয়া যাইবার জন্ত এসেছিলেন। সাবিত্রীপূর্বক ব্রাহ্মণ, ক্ষত্রিয়, বৈশ্যের বেদাধিকার পূর্বে ছিল। সে মনু-যাজ্ঞবল্ক্য-হারীতের ভারত আর নাই। থাকিতে পারে না। আধুনিক যুগ—জটিল যুগ। তবে এখনও ক্ষত্রিয়-বৈশ্যাদির ভিতর সূত্র-গায়ত্রী রক্ষিত আছে। বৈদিককাল হইতে আজ পর্য্যন্ত, গুণ দেখিয়া উচ্চ সাধন-অধিকার, জীবন্ত আচার্য্যেরা দিয়া গিয়াছেন। ব্রাত্যকে পদসমাসীনও করিয়া গিয়াছেন। তবে, কেবল শূত্র ফাঁকা গতানুগতিক লোকাচারকে, যে সব ‘মমি’-মূর্ত্তি তথাকথিত আচার্য্যেরা অধ্যাত্ম, ধর্ম্ম ইত্যাদি বড় বড় আখ্যা দিয়া, সনাতনত্বের ধ্বজাধারীরূপে উহারই জয়গাথা গাহিতেছেন মনে করেন, বিবেকানন্দ ছিলেন তাঁদের যম। দাক্ষিণাত্যে সূত্রমাত্র-গৌরবস্বল গুণহীন কয়েকজন ব্রাহ্মণাখ্য ব্যক্তি, তাঁকে আর কিছুতে আঁটিয়া উঠিতে না পারিয়া, শেষে বলেন,—“তুমি ত শূদ্রকূলে জন্মেছ। তোমার সন্ন্যাসে অধিকার নাই।” তিনিও দম্বার ছেলে ছিলেন না। তহুত্তরে তাদের ধমক দিয়ে বলেন,—“এ শরীর কেন শূদ্রকূলে জন্মাতে যাবে? আমরা ছিলাম ক্ষত্রিয়। মহারাজ চিত্রগুপ্তের বংশধর। তবে লোকে এটা ভুলেছিলো। আবার পুনঃ সংস্থাপন, পুনঃপ্রচার,

পুনরাবর্তন, পুনর্ঘোষণা করবার উপদেশ দিয়েছি। দিচ্ছি।” তিনি সুবর্ণবর্ণিক ও কায়স্থের ছেলেদের সূত্রপুত করেন।

সহরে কেহ কেহ অর্থাদি বলের দরুণ জাতি মানেন না। পল্লীতে ফিরিলে, আসল ভারতে উপস্থিত হইলে, উণ্টা চিত্র দেখা যায়। কোথা আলো! কোথা আন্দোলন! যেমন অচলায়তন, তেমনি প্রায় পড়িয়া রহিয়াছে। জাতি জিনিষটা আসলে কিন্তু বাজে নয়। তবে আমরা বাজে বানাইয়াছি। একজন ইংরাজের নকল-নবীশ, পরমহংসদেবকে ব'ল্লেন,—“মশাই, জাতটাত এসব কি সত্য? কবে যাবে?” তিনি র'সিক। হাসিয়া বলিলেন, “টেনে ছিঁড়ো না বাপু! যখন খসে যাবার হবে তখন, আপনিই যাবে।”

মহাসাগর কখনও বেলাভূমি অতিক্রম করেন না বলিয়া, লোক-প্রসিদ্ধি আছে। আমাদের সমাজ-সাগরের চতুরাশ্রমরূপ বেলাভূমি, রামকৃষ্ণ-বিবেকানন্দ কখনও সাধারণকে, অতিক্রম বা অস্বীকার করবার উপদেশ দেন নাই। তাঁহারা নিজে সন্ন্যাসী হিসাবে অবশু জাতির অতীত ছিলেন। জাতের নামে যে সব বেয়াদবী বজ্জাতিতে বজ্জাতিতে বিরাট ভারতের বিশাল জাতি জরিয়া রহিয়াছে, বিপুল পৃথীতে মাথা হেঁট করিয়া সবজন পশ্চাতে পড়িয়া রহিয়াছে,—রামকৃষ্ণ-বিবেকানন্দ সেই সব—সেই সবগুলির মূলোচ্ছেদ চাহিয়াছেন।

সমাজ শরীরের পচা ঘা বাদ দিয়া, প্রয়োজনীয় ভাস্কর-গড়নের অঙ্গীভূত নূতন গঠনের আদেশ এবং আদর্শ দেশকে দিয়াছেন। আবার নীচকূলে জাতদিগের, ধনী কামারগীর হ্রাস মনের উচ্চতা দেখিলে অকপটে বিনা দ্বিধায় উচ্চবর্ণের, সত্যকার আভিজাত্যের সম্মান প্রদর্শন করিয়াছেন। অকুতোভয়ে।

চতুর্দশ পরিচ্ছেদ

ভারতীয় ভাবনাধারার বৈশিষ্ট্য

সবমতের পরিণতি মোক্ষতত্ত্বে

আলোচনার মধ্যস্থলে এক ব্যক্তি ব'লে উঠলেন,—“সব শুনলুম। সব বুঝলুম। কিন্তু ভায়া, মোক্ষটোক্স ওসব লম্বা লম্বা বড় বড় কথা বলো কেন? আদার ব্যাপারী আমরা! আমাদের জাহাজের খবরে দরকার কি? ভগবান্ শ্রীকৃষ্ণই যত অনর্থের মূল। কস্মের ব্যাপারী অর্জুনকে স্বধর্মনিষ্ঠার লেকচার, মারামারি কাটাকাটির উপদেশ দিয়াছেন, তাতে কোন ক্ষতি নাই। ‘সর্বকালেষু মামনুষ্ময় যুধ্য চ’—(গীতা ৮:৭)—বেশ কথা। কিন্তু সেইটের উপর ভিত্তি ক’রে, রাজযোগ, জ্ঞানযোগ, সন্ন্যাসযোগ, ধ্যানযোগ, অক্ষর ব্রহ্মযোগ, দৈবাত্মর সম্পদযোগ, শেষে মায় মোক্ষযোগে নিয়ে গিয়ে গাওনা শেষ করতে গেলেন, কিসের জন্তু? ধান ভান্তে কত শিবের গীতই যে গাইলেন, তার আর ইয়ত্তা নেই। আবার যুদ্ধক্ষেত্রে দাঁড়িয়ে স্বয়ং যোগেশ্বর, যোগবলে এত কথা অর্জুনকে উপলক্ষ্য করে, জগৎকে দিয়ে গেলেন। তিনিই দেখিতেছি, উচ্চাদর্শের সন্ধান দিয়া, জৈবভাববিশিষ্ট আমরা, আমাদের বিষম অনিষ্ট ঘটালেন। আমরা ওসব পরতত্ত্বের অধিকারী নই। কাজে মানিও না। কিন্তু, উপনিষদ যুগের বা বৈদিকযুগের ক্ষত্রিয়েরা কি জবর লোকই সব ছিলেন! যুদ্ধবিজ্ঞা এবং ব্রহ্মবিজ্ঞা একাধারে করায়ত্ত!”

—তবু উপায় নাই। ভারতের সমাজ, ভারতের শিল্প, ভারতের অর্থ-

নীতি, ভারতের রাজনীতি, ভারতের বেদ, উপবেদ, পুরাণ, উপপুরাণ, তন্ত্রমন্ত্র, সব বানই, সব মার্গ—সব পথই মোক্ষসাগরে মিশিয়াছে। আধুনিক বিজ্ঞানবিদ বলতে পারেন, এই রূপটা হওয়া উচিত ছিল না। কিন্তু, প্রাচীন ভারতের জ্ঞানবিদগণ ভারতবর্ষের জাতীয় জীবনের মুখ্য মোক্ষের সুরকে ভুলিতে পারেন নাই। বিবাদী সুর বলিয়া পরিত্যাগ, সম্মুখে করিতে পারেন নাই। গৌণভাবে ব্যবহারিক বিচার চরম, আশ্চর্য্য চর্চ্চা করিয়াছেন। পূর্ভবিদ্যা, ভাস্কর্য্যের দিকে তাকাইলে বেশ বুঝা যায়।

কিন্তু, সব বিঘাই শেষে জীবকে স্মরণ করাইতে ভুলেন নাই,—শেষ আদর্শ—শিবে, সত্য শাস্ত্রে, সুন্দরে পরিণতি। তাই তৎস্বরূপ হইতে হইবে, কিম্বা, পরমেশ্বরে ভক্তিপর হইতে হইবে। এই ইঙ্গিত করিয়া বা এই আভাষ দিয়া রঙ্গমঞ্চ হইতে বিদায় লইয়াছেন। আর মান্নি বা নাই মান্নি, সত্য যা, তা চিরন্তন কালই সত্য থাকবে। পুকুরের মাছেরা ভেবেছিলো চাঁদ অনেকগুলি। আর, চাঁদ তাদেরই মত একশ্রেণীর মৎস্ত-বিশেষ। প্রতিভাস, চিদাভাস, মায়ায় দর্পণে এক-ব্রহ্ম-চন্দ্রকেই বহু দেখায়। জীবরূপী কুপমণ্ডুকগণ বহুত্রে বিশ্বাস করিলেও, একের সত্য কিছু আসে যায় না। কিন্তু, ডাঙ্গার মানুষ দেখে, চাঁদ এক। সাধনের উচ্চভূমি হইতে সংসারিত্বমুক্ত, ভোগজিত মানবদেবতা দেখেন, সত্য একই। কিন্তু চিদাভাসবশতঃ বহু প্রতিভাত হইতেছে। লীলায় বহু মানিতে হয়। যতক্ষণ না পূর্ণ সত্য উপলব্ধি হইতেছে, ততক্ষণ ব্যবহারিক ভাবে সকল জিনিষের মূল্য দিতে হয়। একটি বালুকণার অস্তিত্ব পর্য্যন্ত, ব্যবহারিক ক্ষেত্রে অস্বীকার করবার জো নাই। কিন্তু স্থির জানিতে হইবে যে, সর্ব্বদাই আপেক্ষিকের পিছনে একটা নিরপেক্ষ সত্য থাকে।

বহু কর্ণের ভিতর, নানা ঝঙ্কাটের মধ্যে প্রতিভাকে, চিত্তমনসংস্কারকে

একমুখী করিতে পারিলে, আর কোন বিপথে যাইবার বিপদ নাই। নানা পরদা সাধিতে থাকিলেও, স্থায়ী ষড়ঙ্গ স্তরে মাঝে মাঝে ঘুরিয়া ফিরিয়া, বহুত্বের ভিতর একত্বের ইঙ্গিত দিতে দেখা যায়। Standard আদর্শ বা ভিত্তি ঠিক চাই। মার্কিণ পণ্ডিত বিচক্ষণ ইমারসন্ বলিয়াছেন,— All great men are men of One Idea. মহৎ লোক সবাই-ই— একদিকে ঝোঁকা। একনিষ্ঠ, তন্নিষ্ঠ, তদ্বুদ্ধি, তৎপরায়ণ, তৎপ্রাণ, তদ্ধন। তন্মন, সংসারে সর্ববিজ্ঞাবিশারদ চোখস্ লোক মেলা দুর্লভ। অতিমানব সিজ্যার, ছাপোলিয়ঁ, বিবেকানন্দ মুষ্টিমেয়। আবার তাঁরাও সাধনার প্রাক্কালে বা প্রথম প্রথম, আহার নিদ্রা ভুলিয়া ঘুরিয়া ফিরিয়া এককেই ভজেন। তংচিন্তা, তদ্-ধ্যান, তদ্-জ্ঞান, তন্ময় হইয়া বান। তারপর একাগ্রত্বের চরমে পৌঁছিয়া, অনেক বিষয়ে ইচ্ছা করিলে পারদর্শিতা অর্জন করিতে পারেন। এক ব্যক্তি একদিন, গোলমালের দরুণ সাধনে বিঘ্ন হইতেছে বলিয়া, শরৎ মহারাজের নিকট অভিযোগ করিলে, মহারাজ বলেন,—“আগি কি তার ক’রব? কেন সেই আমাদের বরানগর, আলমবাজার মঠের আমলে আস্তে পারনি? আমরা দরজায় হড়কো দিয়ে, জপতপ করতুম। ছনিয়ার কাউকে ঢুকতে দিতুম না। দেখলে হাঁ হয়ে যেতে। হিন্দুস্থানী সাধু,—হিন্দুস্থানী সাধু বলো—আমরা তাঁদের চেয়ে ঢের বেশী কঠোর করেছি।”

একদিকে ঝুঁকিলে, অগ্ৰদিকে কম পড়িতে বাধ্য। পরমহংসদেব বলতেন,—“আর কতদিন ওপর ওপর ভাসবে? ডুব দাও। একটাকে পাকা ক’রে ধরো। আঁট আনো। তবে ত হবে। এখানে কমাও, তবে ত ওধারে—এগোবে।” এইটুকু বুঝিয়া, শ্রেয়ের দিকে, ঝোঁক দেওয়া সমীচীন। আবার সংসারের সজোর টানে শ্রেয় ভাবিলেও, সেই শ্রেয়ের দিকে কোনমতেই যাইতে দেয় না। মানুষ বুঝে, জেনেও, সামলাতে পারে না। পরমহংসদেব যেমন তাঁহার অনবত্ত সরল হৃদয়গ্রাহী ভাষায়

ব'লতেন, যখন বন্তার তোড় আসে, কেউ সামলাতে পারে না। ঘরের আঙিনায় পর্য্যন্ত একবাঁশ জল দাঁড়ায়। অনিচ্ছন্নপি বাষ্কোর্য বলাং ইব নিয়োজিতঃ, পাপং চরতি পুরুষঃ—মহাবীর নিদ্রাজয়ী যোগী অর্জুনও এই কথা ব'লেছেন। একপ হ'লে উপায় নাই। আকুল প্রার্থনার ভিতরে, ব্রহ্ম ফুটিয়া উঠেন। কিন্তু, চরমক্ষেত্রে ভোগের পথে, মানুষ প্রার্থনা করবার শক্তিটিও হারাইয়া পূর্ণ দ্বিপদ পশু হইয়া দাঁড়ায়।

যতটা যুক্তিতর্ক বিবেকের আল-বাঁধ মানে, সেই ভূমির কথাই হইতেছে। আবার শ্রেয়বুদ্ধিও এক একজনের এক এক রকম! বুদ্ধিতে যেটি শ্রেয় বলিয়া বোধ হয়, সেইটেই অনুসরণ ছাড়া গতি নেই। তবে বুদ্ধি আবার পাকা আছে। কাঁচা আছে। কোন গহিত কর্মে ইষ্টতাবুদ্ধি আসিল, কেহ যদি তর্কস্থলে এই কথা বলেন। তত্বত্তরে বস্তব্য, ভিতরে বিবেক বলিয়া এমন একটি স্বপ্ন প্রচ্ছন্ন বস্তু আছে, যাহাকে অধিককাল আঁখি ঠারিয়া জীব চলিতে পারে না। চলিলেও মাঝে মাঝে খোঁচা লাগিবে। ডাঙ্কস্ লাগিবে। আর সাধক-প্রবর্তক অবস্থায়—জীবনে এগোনো পিছানো যতটা চেষ্টাসাপেক্ষ, তাহার ভিতর এটা বলিতে আমরা বাধ্য যে, ভালমন্দের মধ্যে ভালটার ভিতরেই সত্যের প্রকাশ বেশী। সূত্রাং কর্মকৌশলী মাঝেই সৎকে, সুনীতিককে অবলম্বন করিয়া চলিতে পরামর্শ দিবেন। সতে নিষ্ঠা আসিলেই, আমাদের ঠিক পথে (হয় ত একটু আধটু ঘুরাইয়া) লইয়া যাইবেই। অব্যভিচারী হইয়া, এই এককে লইয়া কিছুকাল পড়িয়া থাকিতে হয়। সাধক অবস্থায়, সাগরেদী দশায়, সঙ্গীত-সাধনরাজ্যে—আদর্শ পাতলা বা চটুল হইয়া যাইবার ভয়ে, ধ্রুবপদ শিক্ষার্থী অগ্র চপের গান—এমন কি কাণে শোনা পর্য্যন্ত, কিছুকাল নিয়ম করিয়া বন্ধ রাখেন। ঘুণার দিক দিয়ে নয়। অপর পর্য্যায়ের গীতকে খাটো করবার জ্ঞানও নয়। নিজ অভীক্ষিত আদর্শবিচায় পারদর্শিত্ব লাভের জ্ঞান।

শাস্ত্র যখন চরম আদর্শের কথা বলেছেন, তখন ‘নৈকশ্যাসিদ্ধি’, জীবমুক্তি-বিবেকের প্রসঙ্গ উঠিয়াছে। সেই দৃষ্টি নিয়ে ব’লছেন,— কৰ্ম্ম—সে ত “এহ বাহ্য, আগে কহ আর।” মোক্ষই আমাদের সকল খেলার ‘বুড়ী’। তাকে ছুঁতেই হবে। আবার সে চরম পদবী হচ্ছে—বাক্যমনাতীত। ইঙ্গিতে তৎসম্বন্ধে বলা হয়েছে মাত্র। স্বসংবেত্ত, পরসমাধিগম্য জ্ঞান। অস্তি-ভাতি-প্রিয় বচনের দ্বারা উপলক্ষিত। ‘একটি কবিতায় স্বামীজী এই অবস্থাকে—ইহাকেই ‘শান্তি’ নাম দিয়া জীবনের একমাত্র লক্ষ্য যে ইহাই, তাহা বলিয়াছেন—Peace, its only goal. আমাদের জন্ম জন্ম সংস্কারের জন্ত যে অসাম্য-চাক্ষুণ্যকে আমরা বুকে ধরে, বয়ে নিয়ে ঘুরছি, বেড়াচ্ছি—সেইটির সমূল উৎপটনই, সাধনের উদ্দেশ্য। তাহাই “সত্ত্বরজস্তমসাং সাম্যাবস্থা।” প্রতিমা-পূজা, প্রার্থনা, সাকার-নিরাকার, কৰ্ম্ম, যোগ, জপতপ, বিত্তা-জ্ঞান-বিচার,— যে পন্থা যখন যে ধাতে খাপ খাবে, নিতে হবে। কোন পথই ছোট নয়। যদি বড়, ইহার ভিতর কোনটা থাকে ত’ সেই পরম সাম্য-পদবী। সেই বুড়ী। আথেরে ‘বহর’ জ্ঞান দাঁড়ায় “মোক্ষজ্ঞানে” অর্থাৎ অনর্থসাধক নিষ্ফলজ্ঞান, বাতে সেই এক—“একম্ সতে” না নিয়ে বায়, ইহাই বেদনার্থ উপনিষদ-মুখ শাস্ত্রার্থের নির্দেশ। “একটু গীতা, একটু ভাগবত, একটু বেদান্ত পড়ে লোকে মনে করে, আমি সব বুঝে ফেলেছি।” সরল ভাষায় এক কথায় পরমহংসদেব ব’লতেন, ঈশ্বরই বস্তু, আর সব অবস্তু। পরমহংসদেবের জীবনের সব আয়োজন, সব লোকসংগ্রহ ঈশ্বরকে লইয়াই। তদর্থে। সর্বব্যাপারের সার্থকতা পরমেশ্বরে। নরেন্দ্র-রাখালকে কেন চাই? ঈশ্বরের মহিমা প্রকট করবার জন্তই।

যে মানুষ ভগবানকে, পরমাত্মাকে পিছনে রেখে নিজেদের সামনে আনতে চায়, তেমন লোক শ্রীরামকৃষ্ণ চান না। নরেন্দ্রনাথ বলিতেন

বলিয়া, শুনিয়াছি,—ঠাকুর ছিলেন জ্ঞানময়। মনটাকে নামিয়ে রাখবার জ্ঞান ভক্তি-ভক্ত চাইতেন। তাই নিয়ে থাকতেন। নিজ রচনায় তাঁর সম্বন্ধে লিখছেন—“অদ্বয় তত্ত্বসমাহিতচিত্তং। প্রোজ্জ্বল ভক্তি পটাবৃত বৃত্তং।” এ যুগের জ্ঞানের শ্রেষ্ঠ আধার নরেন্দ্রের নিকট শ্রীরামকৃষ্ণ যে তাঁর জ্ঞানময় সত্ত্বা প্রকট করিবেন তাহা আর বিচিত্র কি? আবার গৃহস্থের নিকট—সাধারণের নিকট—নারদীয় ভক্তির শিক্ষাদাতারূপে শ্রীরামকৃষ্ণ জগতে প্রতিভাত হইয়াছেন। দুই-ই প্রয়োজন। দুই-ই সত্য! আমরাও দেখিয়াছি গুরু-পদাঙ্কানুসারী স্বামী সারদানন্দ তাঁহার জনৈক “অতি পবিত্র ত্যাগী বালকের নিকট জ্ঞানের কথা, জ্ঞানের উপদেশ, জ্ঞান-সাধন ভিন্ন অত্ৰ প্রসঙ্গই প্রায় করিতেন না। জ্ঞানের অতুচ্চ সোপান হইতে শ্রীরামকৃষ্ণ এই মর্মে সাফ বলছেন—“আমি বলি, মা! আমি নরেন্দ্র, ভবনাথ, রাখাল—কিছুই চাই না। কেবল তোমায় চাই! মানুষ নিয়ে কি করব?” যুগলীলা-প্রকটকারী রামকৃষ্ণ তখন যেন নিরাকারা তারায় ডুবিয়া গিয়াছেন। আবার, অপর সময়ে নরেন্দ্রকে পাইবার জ্ঞান তিনি কি অদৃষ্টপূর্বরূপে চঞ্চল হইয়াছিলেন। আধুনিক পাশ্চাত্য আলোকে আলোকিত তরুণের প্রতিভা ও পুরোধা নরেন্দ্র যেদিন চিন্ময়ী কালী দেখিয়া, কালী মানিয়া সারারাত মার নামে মাতিয়া থাকেন, সেইদিন দক্ষিণেশ্বরের পূজারী ব্রাহ্মণ গদাধর নিজের জীবনোদ্দেশ্য যেন চক্ষুর সমক্ষে সফল হইয়া গেল, ইহা ভাবিয়া হাঁফ ছাড়িয়া বাঁচিয়াছিলেন। জগতকে সর্বদ্বন্দ্বমুন্দর নরেন্দ্র দিয়া, নরেন্দ্রের ভাবপ্রসূতি শ্রীরামকৃষ্ণ নিশ্চিত হইলেন।

সাম্যাক্রুত শ্রীরামকৃষ্ণকে দেখাইয়া স্বামী বিবেকানন্দ বলিতেছেন—
Talk not, but let the power of purity, the power of chastity, the power of renunciation emanate from every pore of your body……the more of such men any country

produces, the higher is that country raised. That land where no such men exist, is doomed কথায় আর কাজ নেই। পবিত্রতার শক্তি, ব্রহ্মচর্যের বল, তাগের অমোঘ প্রভাব,—শরীরের প্রতি রোমকূপ থেকে বিনির্গত হোক। যে কোন দেশে, রামকৃষ্ণ পরমহংসের মতো যতলোকই জন্মাবে, ততই সে দেশ উঠবে। উন্নত হবে। আর যে দেশে ও রকম মানুষ থাকবে না, সে দেশ জাহান্নমে যাবে।

আবার বলছেন—We must transcend matter and go beyond body. The whole life of man is really an effort to do this. জড়ের পারে, দেহের উপরে উঠতে হবে। মানুষের সমস্ত জীবনটাই এই চেষ্টারই পরিচায়ক হওয়া উচিত। তবে জেনেশুনে এইটা কত্তে হবে।

স্বামীজীর সমগ্র বাণী এবং তাঁহারই চিহ্নিত গুরুভাই ও শিষ্যদিগের জীবন আলোচনা করলে—তাঁহার বিভিন্ন, বহুল উপদেশের যে ইহাই শেষ উদ্দেশ্য ও তাৎপর্য তাহা মনে হয়। চিঠিতে কোন কোন জায়গায় তিনি যে মুক্তি-ক্ষুধা ফেলে দিতে বলেছেন, সেটা অর্থবাদের দিক দিয়ে বুঝতে হবে কি না, স্মৃধী-সমাজ ধার্য্য করবেন। ঠিক ঠিক না করতে পারলেও, কর্মপথে থাকিয়াই চেষ্টা করিতে করিতে চিত্তশুদ্ধি-অন্তে জ্ঞান-লাভ সম্ভব, ইহাও স্বামীজী ইঙ্গিত করিয়াছেন। তমোগুণে নিমজ্জিত দেশবাসীকে দেশের কাজে উৎসাহিত করিবার উদ্দেশ্যেই কর্মের প্রশংসা করেছেন। এবং তাহা ঠিকই করিয়াছেন। তবে পরিণামে ‘আত্মবস্তু’ হইতে হইবে। তাহা হইতে পারিলেই কর্ম আর আমাদের বাঁধতে পারবে না। নতুবা পদে পদে বিপদ। “যোগসংগ্রস্ত কর্ম্মাণম্-জ্ঞানসংচ্ছিন্ন সংশয়ং। আত্মবস্তুং ন কর্ম্মাণি নিব্রূন্তি ধনঞ্জয় ॥” ৪।৪২ ॥

কতো পরিবর্তন হোলো, তথাপি অবস্থা প্রায়ই সেই; অন্ততঃ

আশানুরূপ ফল পাওয়া যাচ্ছে না। কিয়ৎদিনের জন্ত সুফল পাওয়া গেলেও, বামুন ঘর যাইলেই আমরা লাঙল তুলিতে থাকি। বাংলার পল্লী, শুধু বাংলার বলি কেন, ভারতীয় পল্লীর সর্বত্র সাধারণ হিন্দু নর-নারী পুরাণধর্মী—তত্ত্বাচার-আচরিত। অশ্বখ, বিষ, বট, তুলসীপূজা, সরিৎ-সাগর-বন্দনা, পঞ্চদেবতার পঞ্চোপচার, ঘোড়শোপচার পূজা, ষষ্টি, মাকাল, শীতলা, বৃক্ষতলে শিলা, সাঁওতালদের বংড়া বংড়ী, ঘোড় সাহেব, সত্যপীর, মা মনসা, রক্ষাকালী, মনসাতলার মাটির ঘোড়া, হাতী, উট, পীরের দরগায় সিন্ধী, কালীঘরে পাঁঠা, নানাপ্রকারের মানৎপ্রথা—পূর্ণ প্রকট। সর্বত্র ইহাই ঘরোয়া, সাধারণের লোকধর্মের Popular Religion বাহুরূপ। এই সবে পিছনে অবশ্য গৃঢ় অধ্যাত্তত্ব, পরব্রহ্মতত্ত্ব লুক্কায়িত রহিয়াছে। তবে ভবী ভোলবার নয়। ঘরোয়া ধর্ম লইয়া, সংসারের মানুষ ঘর করিয়া থাকে। বিভিন্ন পুরাণাদিতে ইষ্টনিষ্ঠায় মানুষকে সুপ্রতিষ্ঠিত করিবার জন্ত, অনন্ত গাথা, ঠাকুরমার ঝুলির গল্প-কথা, রুচিকর মনোহারী আখ্যায়িকা—কথা-সাহিত্যের বিরাট সৃষ্টি সংঘটিত হইয়াছে। কালীভক্ত বলছেন, ও তোর কৃষ্ণের ইষ্ট—আমার মা। আবার কৃষ্ণ-অনুরক্ত পাণ্ডা বলছেন, অষ্টশক্তি তাঁর দাসী। ওরে, আমার কেষ্ঠ—সর্বোৎকৃষ্ট।

এক মজার গল্প মনে পড়ে। একজন বেতনভুক্ পাদরী, গরীব বাঙ্গালী চাষাভূষাদের যীশুর মহিমা বোঝাচ্ছিলেন। তাঁর মজার ভাঙা ভাঙা বুলি—“টোমাডের টুলসী পাটা একটা ডেবটা। কিণ্ট ইহা কী করিটে পারে, বোলো? এই ডেখো; ইহা আমি পায়ে ঘষি। কী হইবে? আবার ডেখো। টোমাডের রামচন্ড্রো একটা ডেবটা। বাঁদরের সাহায্য লইয়া পড়িবারকে রক্ষা কড়িল। নিজের খেমটা কুছ ডেখাটে পারলে না। টোমাডের মা কালী আর একটা ডেবটা। লেংঠা। অসভ্য। মানুষের মাথা খায়। আর যীশু মানুষকে প্রেম

ডেন—তিনি পাপীকে উদ্ধার কোরেন। টিনি ক—টো বড়ো !!!”—
“ইত্যাদি।

একজন রসিক অথচ বুদ্ধিমান কৃষক, শ্রোতাদের ভিতর হইতে উঠিয়া, কতকগুলি বিছুটি পাতা লইয়া প্রচারককে বলিল—“এই বড়া টুলসী টুমি পায়ে ঘবোটো ডেখি ? ইহার কিছু খেমটা আছে কি না, ডেখো।” পাদরী সানন্দে উহা ঘষিতে না ঘষিতেই নিরানন্দময় হইয়া উঠিলেন। “তঁহার বক্তৃতা মাথায চড়িয়া গেল। অসহ জালায় নেটীপাটী খাইয়া বলিলেন—“হাঁ, আমি মুক্‌টো কন্‌তে আজ স্বীকার করছি—টোমাডের টুলসী পাটা ক্ষমটা চরে। খুবই খমটা চরে। মাইরি বলছি !!!”

—শান্তে, বৈষ্ণবে, গাণপত্যে, সোরে (যথা, কোন কোন পূর্ণকুম্ভমেলায়) মাঝে মাঝে বেক্রপ গগুগোল ও সঙ্কীর্ণতা দেখা যায়— তন্নিবারণে, যুক্তির সকল বল, আঁটিয়া উঠিতে পারে না। পূর্বোক্ত গল্পের বিছুটিই হয়তো এই রোগের পরমোষধ।—কে জানে ?

শাস্ত্রের তাৎপর্য যে অর্থবাদে—পরিনিন্দায় নহে, পরের ইষ্টকে খাটো করায় নয়, স্বেষ্টে নিষ্ঠা বাড়াইবার জন্তই যে, পূর্বোক্ত প্রংশসামূলক অর্থবাদরূপ কৌশল পুরাণকারেরা অবলম্বন করিয়াছিলেন, তাহা ভুলিয়া গিয়াই তো যত গগুগোল হইয়াছে।

প্রকৃত নৈকর্য্য-পদবী যে পরম পদবী, সে বিষয়ে আর সন্দেহ কি ? বিবেকানন্দ বলছেন—Not matter, but spirit. All that has name and form is subject to all that has none. This is the Eternal Truth the Srutis preach. Bring in the light, the darkness will vanish of itself.

জড় নহে। আত্মচেতন্ত্য চাই। নামরূপ-বিশিষ্ট বাহ্য, সে সবই নামরূপবিশীনের অধীন। শ্রুতি এই সনাতন সত্যই প্রচার করিয়া আসিতেছেন। এই আত্মিক আলো নিয়ে এসো। অনাত্ম-অন্ধকার

দূরে পলাইবে। এই নিগুণত্বে লইয়া বাইবার জগত্বে শ্রীরামকৃষ্ণ-বিবেকানন্দের এত তোড়জোড়। আত্মিক শক্তির বিকাশসাধনই উদ্দেশ্য। নিগুণত্ব বৃদ্ধিতে হইলে এবং তদুদ্দেশ্যে দুঃখময় স্বার্থবলিদানের জীবনকে হাসি মুখে বরণ করিয়া লইতে হইলে, খুব তীক্ষ্ণ, সূক্ষ্মবুদ্ধির আবশ্যক করে, প্রথমতঃ। যদিও ইহা শেষে,—বুদ্ধির পারের কথা। মনোনাশের ব্যাপার। মোক্ষকথা ও প্রাণমন-বুদ্ধির শুদ্ধিপ্রসঙ্গ পরে আরও আলোচিত হইয়াছে। এখানে সেই প্রসঙ্গের চূষকরূপে পত্তন করিয়া রাখা মাত্র।

রামকৃষ্ণের পূর্বগ সমাজসংস্কারক কেহ কেহ, উপনিষদাদি হইতে ভাষায় অনুবাদ করিয়া একেশ্বরবাদ প্রচার করিয়াছিলেন, তাহাও সত্য। কিন্তু আচরণ পৃথক বস্তু। ইহাদের ভিতর কেহ কেহ বহুভাবাবিৎ ছিলেন। লৌকিক শিক্ষায়, রামকৃষ্ণ অপেক্ষা অনেক উচ্চে আসীন ছিলেন। স্থূল প্রতিমা-প্রতীক পূজাকারী যে, পারিশেষে ওঙ্কারাদি শব্দ সূক্ষ্ম-প্রতিমাপূজকদিগেরই ত্রায়—পরব্রহ্মে বা এক ঈশ্বরে পঁহুঁছিতে পারেন, ইহাদের তথাকথিত উদার মন, কার্যক্ষেত্রে এই সত্য সর্বসমক্ষে স্বীকার করিবার মত, মানিবার মত প্রকৃত উদারতা, চিন্তের সমগ্র পরিধির মধ্যে খুঁজিয়া পান নাই। তাই, হৃদয়মনের শিক্ষার দিক দিয়া মনে হয়, রামকৃষ্ণ এ যুগে একজন শ্রেষ্ঠ শিক্ষিত ব্যক্তি। তাঁহার উদার চরিত্রকথা পাঠ, বর্তমান যুগের প্রত্যেক উদারতা শিক্ষার্থীর শ্রেষ্ঠ পাঠশালা-বিশেষ। যারা তাঁহার প্রাণপ্রিয় মা-কালী মানেন নাই, পুতুল-পূজা বলিয়া উপহাস, অবজ্ঞা, অবমাননারত ছিলেন, তিনি তাঁহাদেরও ভক্তি করিয়াছেন, প্রণাম জানাইয়াছেন। তাঁহাদের মানিয়াছেন। বিরুদ্ধবাদীরা অনভিপ্রেত স্নেহের প্রতি এরূপ আচরণ দেখান নাই।

পঞ্চদশ পরিচ্ছেদ

তাগ—কর্মতপস্তা ও যোগ—উচ্চতম আদর্শবাদ

জগতে চিরকালই যোগী ও ভোগী—এই দুই শ্রেণীর লোক ছিল। “আছে। থাকবে। প্রথমশ্রেণীর সংখ্যা আবার অবশ্যস্তাবীরূপে চিরদিনই অল্প। অধিকাংশের ভোটে, এ ক্ষেত্রে সত্য নির্ণয় হওয়া দুষ্কর। শ্রোত্র প্রভৃতি ইন্দ্রিয়সকলকে কেহ কেহ সংযমায়িত আছতি দেন। ভারতে ইহারাই অধ্যাত্ম-নেতা। আবার বহুতে—রূপ-রস-শব্দ প্রভৃতি বিষয়নিচয় ইন্দ্রিয়-অগ্নিতে আছতি দেন। “শ্রোত্রাদীন্ ইন্দ্রিয়ানি—অগ্নে সংযমায়িষু জুহ্বতি। শব্দাদীন্ বিষয়ান্ অগ্নে ইন্দ্রিয়ায়িষু জুহ্বতি।”—গী ৪।২৬

আত্যন্তিক দুঃখনিবৃত্তি যে আবশ্যক, একমাত্র কাম্য,—ক্ষণিক সুখের বিনিময়ে পরমানন্দ আদরণীয়, ইহা সুদূরপ্রসারী অধ্যাত্ম-দৃষ্টিসম্পন্ন ধীমান্ ব্যক্তি ভিন্ন কে বুঝিবে? যিনি ক্ষণিক উত্তেজনার ইন্দ্রিয়-বিতাড়িত, তাঁহার জ্ঞায় হতবুদ্ধি মানবাকৃতি পশু, কি বুঝিবে? তিনি যে সম্মোহিত, নিত্যানিত্য-বিবেক-বিজ্ঞানবিহীন। স্নায়ুতাড়িত ও তদ্রুত্তেজিত। সুখং আত্যন্তিকং যতদ্ বুদ্ধিগ্রাহং অতীন্দ্রিয়ং। ৬।২১। সেই জন্ত সন্ন্যাস বা ত্যাগব্রতের গান্ধীর্ষ্য, মাধুর্য্য, পরম শ্রেষ্ঠত্ব, একান্ত কাম্যত্ব—স্বক্ষুধী ভিন্ন বুঝা দুষ্কর। বেতার বার্তায় যে বৈজ্ঞানিক যাদুবিদ্যা প্রকট—অনুবীক্ষণ বা দূরবীক্ষণ যন্ত্রে যে সূক্ষ্ম স্থূল জগদভিব্যক্তি প্রকটীকৃত, তাহা গাঁওয়ার বা প্রাকৃতজনের বোধে আসা দুঃসাধ্য। আবার চাবের কৌশল, কৰ্ণণের মহানন্দ—কেতাবকীট পড়ুয়া বাবুর অনুভূতির বাহিরে।

‘বিবেকী’কে শঙ্কর ‘পণ্ডিত’ আখ্যা দিয়াছেন। ভগবান্ শ্রীকৃষ্ণ গীতা-

মুখে সঙ্কণ্ঠগারুড় ত্যাগীকেই ‘মেধাবী’ বলিয়াছেন। কারণ, বেশ বুঝা যায়, উচ্চদের দূরদৃষ্টিসম্পন্ন না হইলে, আপাতরম্য ভোগ্যবস্তু সঞ্চল হইতে উপরতির চেষ্টা আসিতে পারে না। এই দিক দিয়া ত্যাগী খুবই calculating—খতিয়ানবুদ্ধিযুক্ত। ত্যাগী...মেধাবী ছিন্নসংশয়ঃ (১৮।১০) এইরূপ ব্যক্তিরই পরিশেষে হৃদয়গ্রস্থি ‘ভিন্ন’—সর্ব সংশয় সংহিন্ন। গীতার ষষ্ঠ অধ্যায়ে ইহাকেই ‘যোগী’ আখ্যা দেওয়া হইয়াছে। ইহাদের মনে, ভোগের চিন্তা উদয় হইলেই, অশেষ পীড়ার সঞ্চার হয়। শরীরের দ্বারা ভোগ করিতে হয় না—অতদূর নিম্নে নামিতে হয় না।

পুঁথিগত বিদ্বার্জনে অপেক্ষা—আত্মসাক্ষাৎকারী যোগী যে লক্ষ গুণে বড়, তাহাও এখানে উক্ত—তপস্বিভ্যো অধিকো যোগী জ্ঞানিভ্যোহপি মতোহধিকঃ। কৰ্ম্মাভ্যশ্চাধিকো যোগী। তস্মাদ্ যোগী ভবাজ্জুন ৬।৪৬। ইহার তাৎপর্য—চান্দ্রায়ণাদি সূত্ৰস্বর ব্রত অভ্যাসরূপ তপস্যানিচয়রত যাহারা, তাঁহাদের অপেক্ষা যোগী বড়। যোগী কে? যাহার তত্ত্বজ্ঞান, মনোনাশ এবং বাসনাক্ষয়—এই তিন হইয়াছে। ‘জ্ঞানী’দের চেয়েও যোগী বড়। এই ‘জ্ঞানী’ বলিতে এখানে পড়ুয়া, কেতাবী পণ্ডিত বুঝিতে হইবে। পুঁথিগত বিদ্বার ব্যাপারী! শাস্ত্রার্থ-ব্যাখ্যানবিৎ বাগবৈখরী, শব্দঝরী। আবার সর্বশেষে শ্রীকৃষ্ণ বলছেন—যোগী, কৰ্ম্মী (নিষ্কামকৰ্ম্মী?) অপেক্ষাও শ্রেষ্ঠ।

নব্যভারতে এই আধ্যাত্মিক শক্তির বিকাশকে মুখ্যভাবে ধরিয়া, জীবনের সবক্ষেত্রে বিচরণ করিবার উপদেশ বহন করিয়াই শ্রীরামকৃষ্ণ-বিবেকানন্দ এসেছিলেন। তাঁহাদের কঠোর সাধন কিসের জন্ত? রাসমণির বাগানে পূর্ণ এক যুগ কি উদ্দেশ্য লইয়া শ্রীরামকৃষ্ণ—কালী কালী করিলেন? বাল্যাবধি (নরেন্দ্র বাল্য হইতে জ্যোতির্দর্শন করিতেন) যাহারা ঈশ্বরৈকমুখ, তাঁহাদের ত্যাগতপস্যা, কৰ্ম্মপ্রতিষ্ঠা,—লোকহিতায়

নহে তো, কিসের জ্ঞান বলিব? পরমহংসদেবের কথা বলিতে বলিতে শিবকানন্দ বলিয়াছেন,—Give up the wealth. What does it matter? অর্থাৎ—কাঞ্চনকে ত্যাগ করো। তাতে কি এসে যাবে? “সমলোদ্ধাশ্মকাঞ্চন”—পরমহংসদেব “টাকা মাটি, মাটি টাকা” সাধন করিয়াছিলেন।

কিন্তু পরক্ষণেই এই কড়া উপদেশের চরম শীর্ষস্থান হইতে একেবারে পাতালে পড়তে হোলো। আমাদের প্রতি রোমকূপে রোমকূপে কামনা। টাকার কামনা। এ যে বেজায় আদর্শের গোলযোগ—গোলকর্ধাধায় পড়ে গেলাম। একজন কাণ মলিয়া যেন বলিল, আরে হতভাগা, ভারতে যে অন্নের হাহাকার। ভোগীই হাতে পারে না। তো আবার যোগী? বাধা হোয়ে যাঁরা অনাহারী—আমরা হলাম সেই শ্রেণীর। মার্কিনে ‘রুপটান্দ’ অনেক হয়েছে। সে এখন বেদান্ত শুল্ক। তার ক্ষমতা আছে, বখৎ আছে। নিত্য হুর্ভিক্ষ আমাদের! রসবর্জ্য ইব প্রতিভাতি। বাইরে থেকে দেখে ব’লে বোধ হবে, বুঝি বিষয়-রসসম্পূর্ণ নাই। কিন্তু সত্য তাহা নহে। ভগবানই বলছেন—‘রস অপি অস্ত’ অস্তরে নিহিত ভোগ-স্পৃহা থাকিলেও।

এ বিষয়ে অশ্রদ্ধা বলা হইয়াছে। এখানে এইটুকু বলিলেই বোধ হয় যথেষ্ট হইবে যে, এরূপ “যোগী” হইবার উপদেশ, শাস্ত্রের অনুমোদিত নহে। তাহা মিথ্যাচার। যাদের ভোগের সুবিধা আছে, তাঁরাই ত্যাগী হতে পারবেন। বিকারে বিকৃত হবার সাবকাশ সুবিধা সত্ত্বেও, যাঁরা স্বৈচ্ছায় উচ্চ আদর্শ মনে লইয়া, তা হতে ক্রমশঃ বিরত হবার জ্ঞান চেষ্টিত, তাঁরাই এ পথের উপযোগী। তা নয়,—গায়ে নেই আমার এক ফোঁটা শক্তি, বললাম,—“তোকে দয়া ক’রে ক্ষমা করলুম। রেগে গেলে খুঁষি মেরে নাক ফাটিয়ে দিতুম।” ইহা বহুবারস্ত ভিন্ন আর কিছু নহে। আবার ইহাও সত্য, মনে মনে থাকিলেও, সবটাই বাইরে ভোগ অস্তে

ক্ষয় করতে হবে, তাহাই বা কেমন করিয়া হইবে? বিচার চাই। বিবেক চাই—কর্তব্য-অকর্তব্য বোধ চাই। শনৈঃ শনৈঃ শুভ সংস্কারের প্রলেপ মনের উপর পড়িতে থাকিলে, বিষয়-আকাজ্জার ক্ষত সারিয়াও যায় ক্রমশঃ। সব সাধকই ইহা বলিয়াছেন। কার্য্যক্ষেত্রে সকলেই ইহা দেখিতেছেন। তবে উপবাসী লোকমাত্রেই যোগী নহে, খুব ঠিক কথা। তারা রসবর্জ্য, বিষয়-রস ভোগ করছে না, করতে সুবিধা পাচ্ছে না। কিন্তু স্মরণ রাখা দরকার, ভোগের জন্ত সব আকুলতা নিশ্চূলে সেই দিনই যাইবে, যেদিন ‘পরং দৃষ্টবান’। আত্মসাক্ষাৎকার—সত্যস্বরূপের উপলব্ধিতেই সব অবসান। “কাঁচা আমির”—পাকা আমিতে আমূল পরিবর্তন। আর বেচাল হবে না। যে অবস্থা লাভ করলে—তদব্যতিরিক্ত সব লাভকেই অলাভ মনে হয়।

যোগী হওয়ার সূত্ৰ আদর্শ শ্রীরামকৃষ্ণ সূক্ষ্মদেখাইয়া গিয়াছেন। স্বামীজী সর্বকর্মের ভিতর—আত্ম-উপলব্ধি করিবার ভাব লইয়া—সেবাশ্রম বলো, পাঠশালা, তাঁতশালা, কলাভবন, শিল্পাশ্রম, মঠ, যা কিছু সবার ভিতর দিয়াই নিজ নিজ সংস্কার অমুঘায়ী—পরিণামে যোগ-পদারূঢ় করিবার জন্যই, ব্যবস্থা-নিচয়—পন্থাসমূহ ছকিয়া দিয়া গিয়াছেন। বিভিন্ন প্রকারের কর্ম পত্তন করিয়া যাইবার ভিতর স্বামীজীর এই মূল উদ্দেশ্য হৃদয়ে জাগরুক ছিল। কর্মমার্গ বেশীর ভাগ লোকের পক্ষে উপযোগী, ইহা তিনি জানিতেন। শরত মহারাজকে স্বামীজী স্পষ্টই একবার বলেছিলেন—“ওরে, এইসব করে গেলুম। এ না হোলে হোঁড়ারা বাড়ী ফিরে যাবে। তার চেয়ে তো Better ভাল হবে।” কিন্তু আচার্য্যপাদের বা বেলুড় মঠের আজীবন সম্পাদক স্বামী সারদানন্দের—নিজ নিজ জীবনে এবং উপদেশের ভিতর, মূলকথার উপর, সত্যলাভের উপর জোর বরাবরই থাকিত।

পরমহংসদেব কাশ্মিনকে বলিয়াছিলেন—“কর্ম কি চিরকাল ক’রতে

হবে? মোমাছি ভন্ ভন্ কতক্ষণ করে? যতক্ষণ না ফুলে বসে।
“মধুপানের সময় ভন্ভনানি চলে যায়।”

স্বামীজীর ভাষায়, দক্ষিণেশ্বরের “জুস্তিত (প্রকট) যুগ-ঈশ্বর জগ-
দীশ্বরের” জীবনাবলম্বনে—“নিরোধন, সমাহিত মন, নিরখি তব ক্রপায়”—
অবস্থা লাভকরাই উদ্দেশ্য। যিনি শ্রীরামকৃষ্ণরূপ অবস্থালাভে পরিতৃপ্ত,
তিনি শেষ পর্যন্ত রজোগুণকে অতিক্রম করিতে পারিবেন, ইহাও
শ্রীনরেন্দ্রের ধীর শান্তভাবে লেখা রামকৃষ্ণ স্তোত্রের ভিতর বলা হইয়াছে।
বলিতেছেন—হে রামকৃষ্ণ! তোমার (দ্বারা প্রকটীকৃত) ঋত পথে যার
অনুরাগ আসে, তার তোমাকেই পেয়ে সমুদয় কামনা পূর্ণ হয়। স্মৃতরাং
সে ব্যক্তি শীঘ্র রজোগুণকে অতিক্রম করে। “তেজস্তরস্তি তরসা স্বয়ি
তৃপ্ততৃষাঃ। রাগে ক্রুতে ঋতপথে স্বয়ি রামকৃষ্ণে!” তমঃ অপেক্ষা
যথেষ্ট ভাল হোলেও, রজোগুণ সদোষ। তবে শ্রীরামকৃষ্ণদর্শে অনু-
প্রাণিত দিব্যকর্মা যিনি, তিনি লোকহিতায় সংকর্মানুষ্ঠানে সেই
পুরুষোত্তম কর্তৃকই আদিষ্ট হইবেন, নিঃসন্দেহ। তাহারও লক্ষণ আছে।
দৃষ্টান্তস্বরূপ বিবেকানন্দের দিকে দ্ধাখে। হ্রবিতেই বুঝাবে। Intense
rest under intense activity—আদর্শ যেন মূর্ত্ত। কোটী আড়ম্বর
কোলাহলের ভিতর তাঁহার বদনে যোগজ নিস্তরুতার মধুময় জ্যোতি
ভাসিয়া উঠিত। তাঁর কর্মানুষ্ঠান নিঃসন্দেহ, গীতোক্ত—বিরাট পুরুষের”
উদ্দেশ্যে যজ্ঞরূপে কর্ম। তপস্কারূপে কর্ম। আমাদের মত বালাই-
যুক্ত কর্ম নহে! বাহ্যতঃ তিনি যথেষ্ট কর্ম করিয়াছেন। কিন্তু ভিতরের
ভাব, সাধারণের মত কামনা-বাসনা মাথা তাঁর ছিল কি? নিশ্চয়ই নহে।
তাঁহার সর্বাংশে অনুগ—সারদানন্দ মহারাজকে দেখিয়া, ইহা বেশ
বুঝিয়াছি। স্বামী সারদানন্দ বলিতেন, “আমাদের ভিতর ঠাকুরকে
স্বামীজীই ঠিক ঠিক বুঝেছিলেন। আর ঠাকুরকে বুঝতে গেলে স্বামীজীর
ভিতর দিয়ে ছাড়া, গতান্তর নেই।” স্বামীজীই বাস্তবিক শ্রীরামকৃষ্ণকে

বুঝিবার সূত্র। বিবেকানন্দের ভিতর দিয়াই রামকৃষ্ণ-যুগচক্রের আশ্ব-প্রকাশ। বিবেকানন্দের বিবেকের উপর যথেষ্ট প্রতিষ্ঠা ছিল। তাঁর ভিতর যথেষ্ট ভাব ছিল। পাকা ভাব ছিল। কিন্তু স্নায়বিক দৌর্বল্য-জাত ভাবপ্রবণতা ছিল না। কলিকাতার পথে পথে শোভাযাত্রা করিয়া, “হে কলির জীব, রামকৃষ্ণ না ভজিলে তোমাদের গতি নাই। রামকৃষ্ণই এক মাত্র পথ।”—এরূপ বালকোচিত পাদরীগিরিতে তাঁর রুচি ছিল না। জোর করিয়া নিজের বিশ্বাস অপরের উপর চাপানো, তিনি পছন্দ ক’রতেন না। তাঁর শরণাগত যাহারা হইতেন, তাঁহাদিগকে তিনি অবশ্যই তাঁহার প্রাণের কথা বলিতে বা রামকৃষ্ণ সম্বন্ধে নিজে যাহা বুঝিয়াছিলেন, লেখায় তাহা ব্যক্ত করিতে কার্পণ্য করিতেন না। দ্বিধা কোন দিন করিতেন না। বিবেকানন্দ তাঁর প্রাণের ঠাকুরকে উদ্দেশ্য ক’রে লিখেছিলেন,—হে প্রভো—“তুমি আঁখি মম, তবরূপ সর্ব্বঘটে।” শ্রীরামকৃষ্ণের ইচ্ছা না বুঝিয়া, শ্রীরামকৃষ্ণের ভাব অবলম্বন না করিয়া শ্রীবিবেকানন্দ কোন কাজই করেন নাই। তাঁর স্বাসে প্রস্থাসে ভাব-ধন-মূর্ত্তি শ্রীরামকৃষ্ণের স্বতঃস্ফূর্ত্তি। শ্রীরামকৃষ্ণ একবার সপ্রেমে তাঁকে বলেও-ছিলেন—“তুই যেখানে আমাকে নিয়ে যাবি, আমি সেইখানে যাব।” বিবেকানন্দই বিশেষ করিয়া মার্কা-মারা। কল্পনাভীতরূপে কামকাঞ্চন-তাগী শ্রীরামকৃষ্ণের অধ্যাত্ম তড়িৎশক্তি ধারণ করিবার মত উপযুক্ত আধার, ‘লোক-শিক্ষক’ বীরেশ্বর শ্রীশ্রীনরেন্দ্ররই ছিল। তিনিই এ বিষয়ে ভারপ্রাপ্ত।

ষোগী হইবার পূর্ব্বোক্ত আদর্শে পূর্ণ বিশ্বাস লইয়াই, কৰ্ম্মময় জীবন-পথে সচরাচর আমাদের চলিতে হইবে। পরমহংসদেব আরও একজন প্রথিতনামা ব্যক্তিকে বলেছিলেন, “লোকে হৃদ ব’ল্বে অমুক বাবু বেশ বল্লেন। লোকটা খুব জ্ঞানী। অহংকার নাশ করো।” তেমনি বলা যাইতে পারে, লোকে হৃদ ব’ল্বে “অমুক প্রতিষ্ঠানটা বেশ পাকা

লোকে চালাচ্ছে। বেশ ব্যবস্থা। হিসাব কিতাব সব পাকা।” এ গৌরব মন্দ নয়। বেশ ভালই। কিন্তু পরমহংসদেব যেন আজও বলছেন,—“বৎস, বেশ, কিন্তু ততঃকিম্?” আদর্শ-পরিণতি, আদর্শ-প্রাপ্তির দিকে দৃষ্টি না রাখিয়া, কেবল কতকগুলি কাজ, (যার পদে পদে আগা থেকে পাশতলা পর্য্যন্ত সবটাতেই বিবেকী চিন্ত-অন্তঃকরণ কেবলই ব’লে উঠছে,—মন বুঝেছে গো, প্রাণ তো বোঝেনা। মনেরে আঁখি আর কতদিন ঠারবে রে ভাই?) করতে থাকলেই কি,—হে মোর আদর্শ-বাদী মন, তোমার যথেষ্ট হ’ল? সব কাজে আদর্শ বা মুক্তি বা সত্য-সাক্ষাৎকার মিলে না। “ভয় হয় পাছে তোমার কাজে আমারে করিহে প্রচার।” গীতাকার তজ্জন্ত বলিয়াছেন “দূরেণ হি অবরং কশ্ম বুদ্ধিযোগাৎ।” বুদ্ধিযোগ, তত্ত্ব বুদ্ধি, ভাব নিয়ে কাজ করলে তবেই রেহাই। গঙ্গান্নান, কেউ বা স্বাস্থ্যবুদ্ধি নিয়ে করছে, কেউ বা প্রায়শ্চিত্ত ও অনুতাপবুদ্ধি তাতে চড়িয়ে করছে। দ্বিতীয় ব্যক্তি ফল একটু স্বতন্ত্র পাবেই। বুদ্ধিযোগ হইতে কাম্য কৰ্ম অতীব নিকৃষ্ট। যাহারা মোক্ষ-প্রার্থী সত্যলিপ্সু অথচ কৰ্ম্মরত (কারণ স্বভাবই আমাদের অনিচ্ছন্নপি কৰ্ম্ম করাবেই) তাঁহাদের এই বিষয়ে বিশেষ সাবধানতা অবলম্বন আবশ্যক। আদর্শ পরিণতির দিক হইতে অনেক সময় অনেক কিছু,—হয়ত নির্মমভাবে বন্ধু চটাইয়া, আত্মীয়ের মনে ঘা দিয়া, বর্জন করিতে হয়।

মোক্ষ মানাও কি একটা যা তা? অনেক জন্মের কৰ্ম্ম ক্ষয় হলে তবে—ও দিকে নজর পড়ে। যা কিছু করছি, সবই করা চাই। না ক’রে উপায় নাই। পক্ষহীন মন-বিহঙ্গম! “এ যে নহে পথ পালাবার!” আবার সিদ্ধ সাধক ভাবের-মাঝে শ্রীরামপ্রসাদ বলেছেন, “লবে কড়ার কড়া, তন্তু কড়া, এড়াবে না রতিমায়া।” নির্মমা প্রকৃতি।

Condemn not that ye be not condemned. পরস্পরে গালাগালি

সুরু ক'রলে তার খেই বা অন্ত কিছুই পাওয়া যায় না। কৰ্ম্মীকে সাধনভজনশীল ব্যক্তি খাটো জ্ঞান ক'রে, যদি বলতে থাকেন—“দন্ত অহঙ্কারে মট মট করছে। প্রাতঃস্মরণীয় লোকদের নাম করে কেবল মোসাহেবদের, খোসামুদের মধুচক্র রচনা করছেন।” কৰ্ম্মীও ইহা শুনিয়া ছাড়িবেন না,—প্রবর্তকে প্রবর্তকে ঝগড়া বিরামবিহীন চলবে। কৰ্ম্মী রেগে বুক ফুলিয়ে বলবেন—“ওরে আলসে কৰ্ম্মনেশে! বেয়াদব অবধূত! এক কড়ার কোন মুরদ নেই। খালি বসে বসে লাজ নাড়া! দুষ্ট গরু। হরিঘোষের গোয়াল পেয়ে গেছ? খালি বচন, আর বসে বসে অন্ন-ধ্বংস। রোসো, সব তাড়াবো। ধর্ম্মের নামে পরচর্চা। নিকৰ্ম্মী। হাবাতে।”

“কি ক'রে ব'সে ব'সে দিবারাত্র জাবর কাটছে, বলো দেখি? লজ্জাও নেই। ছ্যা!”—প্রথম তরফ। দ্বিতীয় তরফ।—“কি করে গুরু নামে স্বার্থ-সিদ্ধি, ভোগ-পরিভূষি, জাল-জুয়াচুরী, ঠগবাজী করছে বল দেখি? ওরে কৰ্ম্মের দুখীরাম, এই কি তোমার কৰ্ম্মযোগ?” ইত্যাদি। ইত্যাদি।

নিষ্কামকৰ্ম্মী বা ধ্যান-সাধন-শ্রবণ-মনন-সম্মল যিনি—হৃজনেরই চরিত্র কষ্টি পাথর। পরিচয় পত্র। তা হতেই জানা যাবে, তাঁহারা আপনাপন আদর্শে খাঁটি কি না। আত্মস্মৃতি বাড়ছে না কমছে, তাহাও দেখিতে হইবে।

নবজাতি-সংগঠনের বিজয়-বিষাণ দেশে দেশে বাজিয়া উঠিয়াছে। কিন্তু, যেখানে যে পৈঠায় এই গঠন-প্রক্রিয়ার ব্যক্তিগত ভাবে শেষ সীমানা, যার বাড়ি আর গড়িবার কিছু থাকে না, তার কথাও কইতে হবে। কারণ, অনন্তকাল ব্যক্তিগতভাবে গড়িতে থাকিলে ত চলিবে না। গঠন-ক্রিয়া—মোটের উপর মায়ার মতই অনাদি। কিন্তু, ব্যষ্টির পক্ষে সান্ত্বণ্ড বটে। এক জায়গায় তাহাকে শেষে থামিতেই হইবে। সেখানকার কথা এসে পড়া শেষে অনিবার্য্য। চলিয়া চলিয়া পা ত একদিন

ভারিবেই। তখনই আমার বিশ্রামের পালা। চলার তালে চির-সোম। শিক্ষাক্ষেত্রে নয়। বাংলার দাতাকর্ণ স্যার রাসবিহারী ঘোষ মহাশয়, একবার ব্যবহারাজীবদের এক আসরে, উচ্চ আদর্শবাদ সম্বন্ধে একটি সুন্দর কথা বলিয়াছিলেন।—“For believe me, you cannot fall into the habit of prizing low and gross ideals without suffering deterioration in your intellectual as well as moral fibre”—স্কুল নীচু আদর্শকে কদর করতে আরম্ভ করলে, তোমাদের মানসিক ও নৈতিক উচ্চতা ক্ষয়প্রাপ্ত হ’তে বাধ্য।—হে রামকৃষ্ণ-বিবেকানন্দ নামে উৎসৃষ্ট নব্য বঙ্গ-সমাজ, আমাদেরও এ কথা ভুলিলে চলিবে না। তবে পরমহংসদেব যেমন ব’লতেন,—“অতি মুষ্টিমেয় ব্যক্তি এ ভাব বুঝিতে পারিবে। ন মণ তেলও পুড়বেক নি, রাধাও নাচবেক নি।”

রাজনৈতিক অধিকারের জন্ত চেষ্টা কমাইলে চলিবে না। কারণ জাতিহিসাবে অনেক কিছু উহার উপর নির্ভর করিবে। আবার শুধু উহা হইলেই চলিবে না। সামাজিক—অর্থনৈতিক, আধ্যাত্মিক স্বাধীনতার পথও সঙ্গে সঙ্গে প্রশস্ত করিতে হইবে। আজ দুনিয়ার চারদিকে রাজনৈতিক স্বাধীন দেশগুলির প্রতি চেয়ে দেখলে বুঝতে পারা যাবে—“ততঃ কিম?”—শঙ্করের এই চিরন্তন প্রশ্ন সঙ্গে সঙ্গে উঠিতে বাধ্য। আন্তর জীবনের পূর্ণতা সম্পাদনের দিকে দৃষ্টি ফিরাইতে হইবে। স্বাধীনজাতিদের ভিতর যুরোপে যে অগ্নিকাণ্ডটা হইয়া গেল, তাহা কি অন্তরের শাস্ততা, তুষ্টি, পূর্ণতার পরিচায়ক? পৃথিবী লুটে খাবো একাই, আর যেন কেউ তার ভাগ না পায়, দুর্বলগুলিকে ছলে বলে কৌশলে পিষে ফেলবো। নরহত্যাটা কিছুই নয়—লড়ালড়ি, জৈবত্বের দিক দিয়ে জৈবজ প্রয়োজন। বিজ্ঞানে বলে—Biological Necessity—না মারলে, বাঁচা যায় না। ইত্যাদি।—

সমস্তাও অনন্ত। মহাজন-মজুরে ছুনিয়া জুড়ে বিসম্বাদের বাঁশী বাজিয়ে তুলেছে। এর সমাধান—adjustment—কোথা? •

আসল কথা, সমাজজীবনের সু-স্থিতির জন্ত বিষয়-চর্চা, জড়-পূজা ও নির্বিষয়ত্ব ছই-ই চাই। ছইয়ে মিলে তবে ওজনের পাষণ-পাল্লা ঠিক রাখবে—নৃশংসতার দিকে ঝুঁকে পড়তে দেবে না। পূরাপূরি নির্বিষয়ত্বে পৌছানো কঠিন। সাম্যমৈত্রী-স্বাধীনতার উচ্চাদর্শ জীবনে ফলানো চিরদিনই বিরল। তথাপি এইকল্পে যতটা চেষ্টা হয়, ততটাই মোটের উপর ব্যক্তি ও জাতিগত উভয় জীবনে কল্যাণপ্রদ। স্বল্পমপত্ত ধর্ম্মশ্রু ত্রায়তে মহতো ভয়াৎ। পৈশাচিক হিংসাদ্বেষরূপ মহাভয়ের তাণ্ডব লীলা হইতে কথঞ্চিৎ পরিমাণে রেহাই। এরূপ হইলে সমাজ-জীবনের তাল ও ধাত—উভয়ই ঠিক থাকে। নতুবা বেতালের দিকে, অসাম্যের দিকে, অশুভের দিকে, একপেশে হয়ে পড়ে। আজ দিকে দিকে দেশে দেশে জাতি সকলের মানসিক ও আধ্যাত্মিক অস্বাস্থ্য ঘটিয়াছে। রামকৃষ্ণ-বিবেকানন্দ পরমবৈষ্ণব। তৎপ্রতিবিধানার্থ, সেই স্বাস্থ্য আনয়নার্থ, তাঁহাদের আগমন।

ষোড়শ পরিচ্ছেদ

আত্মজ্ঞান সম্বন্ধে ছই একটি কথা

Bring forth the *power of the Spirit* and pour it over the length and breadth of India and all that is necessary will come by itself. The Spirit is omnipotent. Say not, you are weak.

আত্মশক্তি পরিস্ফুরণ করো ! আর সেই শক্তিই ভারতের এক প্রান্ত হ'তে অপর প্রান্ত পর্য্যন্ত ঢেলে দাও । যা কিছু তারপর দরকার, তা' আপনা আপনিই এসে যাবে । আত্মা সর্বশক্তিমান্ । বলিও না, তোমরা দুর্বল !

সমগ্র জীবন দিয়ে এই আত্মিক শক্তি—আত্মার মহিমাকেই মানুষের সমাজে শ্রেষ্ঠ পূজা-অর্ঘ্যের আসনে বসাইয়া, শ্রীরামকৃষ্ণ-বিবেকানন্দ চলিয়া গিয়াছেন । ইহাদের নাম লওয়া, মানুষের জীবনে সার্থক হউক । পারছি না, আরও শক্তি দাও—এই প্রায়শ্চিত্ত বুদ্ধি নিয়ে সংগ্রাম করাও শ্রেয় । অন্তর্যামীর কাছে, দয়াল রামকৃষ্ণের করুণার রাজত্বে, তা হ'লে কৃপালাভ ও সঙ্গে সঙ্গে নবশক্তির উন্মেষ ও সঞ্চার হয় ব'লে—সাধুমুখে শুনেছি । কিন্তু দান্তিকের রেহাই নেই ।

নানা কর্মের ফেরে, পরিশেষে আক্কেল জন্মাবার জন্তেই, নিজেকে (এক দিয়ে দেখুতে গেলে) জড়ানো দরকার । 'বকধার্মিক' সাজিলে চলিবে না । পরমহংসদেবের অল্পপম ভাষায় বলতে গেলে ব'লতে হয়—এ তো সাধু 'সেজে' বসে থাকা নয় । অভিজ্ঞতাই বড় খাসা, সুন্দর, সর্বশ্রেষ্ঠ আচার্য্য । পরম মূল্যবান্ রত্ন । না ঠেকিলে ঠকিলে, বুদ্ধি গজায় না । আবার গুনিয়াও শিখিতে হয় বটে । কাম্যকর্মরূপ

মরীচিকার পাছে পাছে ছুটাও চাই। আর হে ভগবন্! আমার বাহিরে এত কাজকর্ম, যা তোমা থেকে দূরে নিয়ে গিয়ে ফেলবে, সেগুলিকে ক্রমে ক্রমে কমিয়ে নিয়ে, তোমার কোলে টেনে লও,—ঠাকুর শ্রীরামকৃষ্ণ এ প্রার্থনা করতেও শেখাচ্ছেন।

মরীচিকা সত্যেরই আভাস। তবে প্রকাশের তারতম্য আছে। তত্ত্বের দিক দিয়া বলিতে গেলে (কর্ম-কৌশলীর দৃষ্টিতে নয়) বলিতে হয়, সর্ববিষয়েই—যাবৎ বিষয়েই সেই চৈতন্তের মহিমা বিবোধিত হইতেছে। আমাদের চোখ নাই, বুঝিতেছি না। মহাজনদিগের জীবন দেখিয়া ইহার সত্যতা ধারণা হইয়াছে। সর্বত্রই সেই পূর্ণ সত্যেরই আভাস। পদে পদে—“ন ইতি” “ন ইতি” ক’রে চিরজীবন সবকালে সবদেশে সব মানুষ জীবনের তীর্থাভিযানে লোকতঃ—কখনও এগিয়ে পড়েছে, কখনও খানিকটা টাল খেয়ে হটে, পিছিয়ে পড়েছে। চলেছে সবাই,—অবিরাম শ্রোতের গতি বেয়ে। সময়ও নাই, সাবকাশও নাই। ভাবনায় কিছু হয় না। আবার বলছে, না ভেবেও উপায় নাই। সাবধানের মার নাই। আবার মারেরও সাবধান নাই। মায়ার মজার ঘুরীপাক। শাস্ত্র চরমে বলছেন, সর্ব বাসনা, এষণা, সর্ব কামনার নিঃশেষ লয় না হ’লে পূর্ণচ্ছেদ নাই। যতক্ষণ না মনের মত গড়ন হবে ততক্ষণ এই সৃষ্টির নির্মম, কিন্তু পাক কুস্তকার, কোটা কোটা জীবাত্মকে তার সদাই-চলতী চাকে চড়াবে, পাক খাওয়াবে। খুব ঘুরবে। ছুটি নাই। স্বামীজী বলছেন,—*Ever running, never reaching*—খালি ছুটাছুটি। যেন কখনও নাইক বিরতি। ভেবেছি, ঐশ্বর্য্য হ’লে সুখী হব। তারপর খুব খেটে খুটে, ঐশ্বর্য্য হ’ল, দৈব অনুগ্রহ হ’ল। তৃপ্তি কিন্তু সূদূরেই রইল। ব’ললাম, আপনার মনকে, বড়ই বিরক্ত হ’য়ে,—ঐ ওপাড়ার লাখপতিটার সামিল—আঙুল আঙুল রূপেয়া যেদিন আসবে, সেই দিনই হব সুখী। চার

মহল বাড়ী। দেউল। দেউড়ী। শাস্ত্রী, সেপাই। লোক লস্কর !
পণ্ডিত। ভাঁড়। সভাসদ। ভার্য্যা। প্রজা। মজা। পুষ্করিণী। মরাই।
অন্ত নাই। পুত্র। কত্ता। তাও হয়ত হ'ল। রূপে গুণে—মা লক্ষ্মী-
সরস্বতী, জমজমাট হয়ে ঘরে প্রতিষ্ঠিত। বেশ আছি। সুখে আছি।
সমাজে অনেকের ওপর, ওপরওয়ালা হ'য়ে আছি। অনেকের ওপর
জারিজুরি করবার সাবকাশ হয়েছে। কিন্তু, কি যেন ঊকি মারছে।
তথাপি “অন্তর না তিরপিত ভেল।” চির অশান্ত চিন্ত। শরীরচর্য্যাই
করে আসছি। মনের চর্য্যা কোন দিনই করিনি,—তার ধার দিয়েও
যাইনি, পাছে সংসঙ্গের হাওয়া লেগে ভাল হয়ে যাই। হয়ত, শেষতক
জরাই তিলে তিলে ধীরে ধীরে ঊকি মারলে। নিশ্চিন্ত হবার জো
নাই। একদিন ছেড়ে যেতে হবে, চিন্তা পর্য্যন্ত করতেও ভয় এল।

আজ ভাবছি, এটা হাতে পেলেই ব্যাস্। মার দিয়া কেলা! কিন্তু
ভিতর হ'তে বারে বারেই বলে দিচ্ছে, রে মুর্থ! ন-ইতি, ন-ইতি,—
এগিয়ে চল।

বিবেকানন্দ ব'লেছেন, *That freedom, friend ! This world,*
*nor that can give—*সখাহে, সে মুক্তি কোথা পাবে? ভূভূবে
দানিতে নারিবে! আবার ব'লেছেন, পরম উৎসাহ-প্রদীপ্ত হ'য়ে—
Stones and trees ne'er break the Law but stones and trees
remain. বুক্ষ কিরে কভু ভাঙ্গে বিধাতার বিধি? নিসর্গেরে—পাষাণে
কি টুটে নিরবধি? “ভ্রান্তিরূপেণ যা সংস্থিতা নমস্তস্তৈ নমোনমঃ।”
স্বুরোপের উনবিংশ শতাব্দীর নব কলনায় রঙ্গীন, বেদান্ত চিন্তায় অম্ল-
প্রাণিত কবি রবার্ট ব্রাউনিং মানুষকে, সৃষ্টিনাট্যের এক অতি বড় অংশ
অভিনয় করিবার জন্ত বিধিকর্তৃক বিনির্দ্বাচিত জ্ঞানে, তার সব স্থলন-
শিচুতির রক্তমাখা পথের বৃকের উপর দাঁড়াইয়া, পরম সাহসের সহিত
তাহাকে সম্বোধন করিয়া বলিয়াছেন,—ওরে অবুধ! বারে বারে ভুল

করার অধিকার—এ তোমার। নহে অগ্নজনার। *Irks care the cropful bird ? Frets doubt the maw-crammed beast ?* যে পাখিটা পেট ভরে গিলেছে, সে কি অন্তরের কোন চিন্তা-ভাবনা প্রকাশ করে ? না,—যে জানোয়ারটা ভরপুর খাত্ত পেয়েছে, সে কোন আন্তর সন্দেহ দেখায় ?

আমরা অদ্বৈত-বেদান্তবাদী। বিবেকানন্দের ভক্ত। আমরা সকলেই ক্রমশঃ ক্রমশঃ চিদাভাস হোতে পূর্ণ চিৎস্বরূপেই অভিযান করছি, নিঃসন্দেহ। এ পথে স্ননীতির সমর্থনও অবশ্যস্তাবীরূপেই আসিয়া পড়িবে। দুর্নীতি আর অদ্বৈতবাদকে মূর্খে এক বলিয়া জানে। কারণ পূর্বেই বলা হইয়াছে, শুভের, সতের ভিতর দিয়াই, চেষ্টা চালাইতে হইবে। দাস্তিক, নির্লজ্জ, বদমাসের কথা স্বতন্ত্র। সাধক অবস্থায় পবিত্র না হইলে অদ্বৈতে পৌঁছান যায় না। রামকৃষ্ণ-বিবেকানন্দের সত্যজীবনই ইহার শ্রেষ্ঠ নিদর্শন। অ-চিৎ হইতেই আমরা চিৎ-এ চলেছি। প্রথমে যেমন উপনিষদ উল্লেখ করেছেন—কেউ ভাবছেন, শরীরই আত্মা। স্বতন্ত্র এ ছাড়া কিছু নেই। না,—মনই আত্মা ? তারপর—তাও নয়। প্রাণ ? তাও নয়—বুদ্ধি ? তাও নয়,—এসব কিছুই নয়। ইত্যাদি। ধাপে ধাপে। “অন্ধকার থেকে আলোকে” নয়—এক হিসাবে। ছোট আলো থেকে, উজ্জলতর আলো। আরো, আরো—আলো। *We travel not from darkness to light, but from light unto more light*—সুন্দর কথা। মরীচিকা কচুরীপানার মতো মানুষের মনের খাঁজে খাঁজে, অলিতে গলিতে, নিভূতে ক্রমাগত জন্মাচ্ছে—গজাচ্ছে ! ফলতঃ সত্যকেই শেষে বড় কোরে ধরবে বোলে। নিজের বেয়াদবী সমর্থন ও প্রচারের জন্ত নয়। মোক্ষরূপ মার্গগুহ্য নানা কাম্যকর্মরূপ কালো মেঘগুলোকে প্রকাশ কোরে, তাদের নোড় কতদূর, তা সপ্রমাণ কোরে, শেষে একমাত্র নিজেই প্রকাশিত রহেন—ভাস্যং

মেঘাদিকং ভানু ভাসয়ন্ প্রতিভাসতে । তথা স্থলাদিকং ভাস্যং ভাসয়ন্
প্রতিভাত্যং ॥ শঙ্করের—অদ্বৈতানুভূতিঃ, ৬৩ শ্লোক । তখন নানা
কাম্যকর্মের মেঘ কাটিয়া যায় । আত্মাই একমাত্র রহেন ।—স্বাধীন,
স্বতন্ত্র, নিরঙ্কুশ, নির্মুক্ত, নির্মল, নির্লেপ ।

সেই জ্ঞান মিথ্যাও এক হিসাবে সত্যের দৌবারিক । মানুষকে বলিও
না, যে সে পাপী । বলো, সে দেবতা । Say not man is a sinner.
Tell him that he is divine. Even if there was a devil, it
would be our duty to remember God always : and not the
devil. শয়তান বোলে কেহ থাকলেও, আমাদের কর্তব্য, সর্বদা ঈশ্বরকে
স্মরণে রাখা । কারণ শেষে ভুলগুলির অসারত্ব ও অন্তঃসারশূন্যত্ব বুঝে
নিয়ে, এমন এক অবস্থায় মানুষ এসে পড়ে যে, তার পক্ষে নিরপেক্ষ
সত্যকে (Absolute Truth) বুকে জড়িয়ে ধরা ছাড়া আর গতাস্তর
থাকে না । জেনেছি তোমায়, বুঝেছি তোমায়, পেয়েছি তোমায়, হে
প্রিয় ! এতদিন ফাঁকি দিয়েছিলে ! আমাদের চিত্তকে যিনি অলুক্ষণ,
অনন্ত লীলার মাঝে জাগরিত করছেন, সেই প্রেমময় ভগবান—
জীবকে অনন্তকাল নিম্নভূমিতে থাকিতে দিবেন কি ? তাঁহার দয়া হইলে
বা (জ্ঞানীদের মতে) ঠিক কাল আসিলে—মোহ টুটিয়া যায় । তখন
সূক্ষ্ম অধ্যাত্ম ভূমিকাগুলিতে উঠিতে বাধ্য হই । স্থূল শরীরের এলাকা
পার হইয়া সূক্ষ্মরাজ্যে প্রবেশাধিকার ঘটে । তারপর কারণশরীর ।
সূক্ষ্মাতিসূক্ষ্ম তন্মাত্রার উপাদানে গঠিত । ক্রমে আরও উচ্চে—তুরীয়ে ।
চিৎস্বরূপে শেষে লয় । মনোনাশ, বাসনাক্ষয় ।

শুদ্ধ ভক্ত ও শুদ্ধ জ্ঞানীকে পরমহংসদেব একই আসন দিয়াছেন ।
আমাদের মনে হয়, দ্বৈত দিক হইতে জীব যেদিন নিজেকে “নিত্য
কৃষ্ণদাসরূপে” বুঝিতে পারে, সেদিনও “কাচা আমির” হাত হইতে
মুক্তিরই দিন । ভক্তের বিরাট তুমি আর জ্ঞানীর মোহহং—পাকা আমি বা

বিরাট আমি—একই বলিয়া বোধ হয়। এই যোগের তত্ত্বকেই, বেদাদিপ্রমুখ জ্ঞানশাস্ত্র কথিত বার্তাকেই, লোকপ্রিয় তন্ত্র—কুণ্ডলিনীশক্তির উর্দ্ধগতির স্ফীন্ত দ্বারা, চক্রের পর চক্র, পদ্মের পর পদ্ম চিত্র দেখাইয়া—সুবোধগম্য করিয়া, সহজ ধরা ছোঁয়ার ভিতর দিয়া, অতি সুষ্ঠু সুন্দরভাবে বুঝাইয়াছেন। “ধ্যায়েৎ কুণ্ডলিনীং দেবীং। স্বয়ম্ভুলিঙ্গ সংস্থিতাং। শ্যামাং সূক্ষ্মাং সৃষ্টিরূপাং। সৃষ্টিস্থিতি লয়াত্মিকাং। বিশ্বাতীতাং জ্ঞানাतीতাং। চিস্তয়েৎ উর্দ্ধ-রূপিণীং॥”

এক দিক দিয়া দেখিতে গেলে বলিতে হয়, সময় না হইলে কাহারও বুঝিবার অধিকার নাই। উপায় নাই। “কালেন আত্মনি বিন্দতি”—গীতা। অরণ্যে রোদন করিয়া, ভাবভাঙ্গিতে পরমশূন্যের নিবেদন। এই নৈষ্কর্ম্যাদর্শে বা নিষ্কাম কর্ম, নিষ্কাম ভক্তি-আদর্শে পৌছাইয়া দিবার সহায়তাতে, কর্মের, ধ্যানের, বিচারের, জপের, ভজনপূজার, সেবার—সব সার্থকতা, প্রয়োজনীয়তা। চিরশান্তি, ব্রহ্মজ্ঞান বা সেই ‘অবাঙ-মনস গোচর’-কে, সেই অব্যক্তকে যে আখ্যাই দেই না কেন, তিনি বা উহা অপ্রমেয়—তর্কের বাহিরে। দৃক্ বস্তু। তাতে না উপনীত হোলে বা চলিত কথায়, তা না পেলে, নিস্তার নেই। ভগবানের ভাষায়—“প্রত্যক্ষাবগমং ধর্ম্যং সূক্ষ্মং।” বিবেকানন্দও বলছেন—“In books and temples vain thy search.” বন্ধু হে! বৃথা অন্বেষণ তব। দিবে না দেউলে কিসা কেতাবে। ভারতীয় চিন্তার এই অত্যাচ্ছ শিখরের সহিত যোগ অক্ষত রাখিয়াই বাংলার ছলল, বিজ্ঞানরসিক আচার্য্য শ্রীজগদীশ From the Voiced to the Unvoiced ‘ব্যক্ত হইতে অব্যক্ত’—আখ্যা দিয়া, এই বাণীকেই স্থায় বিজ্ঞানমন্দিরের প্রধান পুরোধার পীঠস্থান হতে সর্বপ্রথম বিঘোষিত ক’রেছেন। ভারতের গুহ্রশির উপনিষদের সাধনাজাত উপলব্ধির দার্শনিক ভিত্তির উপর, তিনিও দাঁড়াইয়াছেন। বিজ্ঞানার্চ্যের সহিত ভারতের পুরাতন অধ্যাত্ম-ধর্ম্মার্চ্যের এই কোলা-

কুলি বড়ই স্মৃষ্টি—নয়ন-মনোরম। সেই একং—একত্বের মহাসাগরই যে. সব সাধনের শেষ। “রুচীনাং বৈচিত্র্যাং-ঋজুকূটীল-নানাংপথজুবাং নৃণাং একো গম্যন্তমসি পয়সাং অর্গব ইব।” (শিব মহিম্নস্তোত্র) রুচিভেদে আঁকা বাঁকা সব পথেরই গম্য—ভূমি, বিভূ—ভগবান। শ্রোতৃস্বিনী সমূহের যেমন মিলনভূমি মহাসমুদ্র। গোণভাবে—বহু আছে, থাকিবে, ছিল। মুখ্যভাবে সেই পরম অজ, অব্যয়, নির্বিশেষ—একত্বই সর্ব প্রচেষ্টার, সর্ব কর্মের তাৎপর্য—পরম গন্তব্যস্থল।

সপ্তদশ পরিচ্ছেদ

লৌকিক আচার ও সন্ন্যাস

বিভিন্ন দৃষ্টি, বিভিন্ন রুচি, বিভিন্ন আধার, বিভিন্ন মত। ইহা লইয়াই জগৎ। এই বৈচিত্র্যই সংসার, সমাজ, সম্বৎ।

কেউ বলছেন—“রামকৃষ্ণ-বিবেকানন্দের চেলাদের মানি। কারণ তাঁদের সর্ব জাতিতে মৈত্রীভাব আছে।”—“তাঁরা যে সব দেবদেবীর পূজো বজায় রেখেছেন, সেইটেই আমার সব চেয়ে ভাল লাগে।”—“তাঁদের সাধন-তপস্যার জীবনটা বেশ।”—“তাঁদের সমাজসেবা, আর সাধারণের টাকাকড়ির সুন্দর হিসাবপত্র রাখারূপ সদগুণের, গোলাম আমরা। ভারতের নবজীবনে সেই জন্তই এঁদের একটা মস্ত স্থান। তাঁহাদের প্রতিমাপূজা বা দৈবীতত্ত্ব অর্থাৎ রামকৃষ্ণ অবতার। আর তাঁর শিষ্যেরা কেউ কেউ ঈশ্বরকোটি, কেউ কেউ জীবকোটি

ইত্যাকারক কথাবার্তা—আমাদের রুচিসঙ্গত, মনোমত নয়। জীব-সেবাই শিবসেবা। (যদিও আমরা শিব মানি না, তবে শিবের ছবি, শিবের কল্পনাকে পেয়ার করি। এবং যদিও বাদের কাছে আমাদের সাময়িক পত্র বিক্রয় হবে তাঁরা সব অনেকেই শিবপূজক। শিব মানুষের একটা কুসংস্কার বিশেষ।) আমাদের কৃষ্টি, সংস্কৃতির ভাষা অনুযায়ী বলতে গেলে বলতে হবে, এঁদের মানবপ্রীতি চমৎকার। ঈশা কেমন ব'লেছেন—In as much as you have done it to those very lowest of my brethren, you have done it unto me. পতিতের জন্ত যা করেছো, তা আমাতেই পৌঁচেছে। পতিতের ভগবানের এই বাণী বর্ণে বর্ণে এঁরা সফল, সার্থক করবার চেষ্টা করছেন।” আবার কেউ বা বলছেন, “এদের ভেতর সব ভদ্র, লক্ষ্মীমন্ত ঘরের লোক আছেন। লেখাপড়াও সব জানেন। শাস্ত্রবিৎ” আবার একজনে ব'লে উঠলেন—“ও সব থো করে গো। থো করো। এঁদের হৃদয়ের বিকাশই বড়।” ইত্যাদি। আবার নিছক দোষ দেখেন, তাও আছেন। বহুতে, বহুরূপীর বহু রঙ দেখে।

শ্রীরামকৃষ্ণ বিবেকানন্দের জীবন ও ভাব আশ্রয় করিয়া যাঁহারা চলিতেছেন, তাঁহাদের ভিতর যে-কোন এক দিক দিয়া ঠিক সাঁচ্চা জিনিষ ফুটিলেই মানুষ তাঁহাদের মানতে বাধ্য।

গৈরিক বা লাল বসন ধারই অঙ্গে উঠেছে, তাঁকেই লালতেরেরা সময়ে সময়ে পরিপূর্ণ দেখতে চান। লালের সম্মান সাধারণ অশিক্ষিত ভারতবাসীর কাছে খুব। গৈরিকধারীরা যে অনেকেই সাধক—গৈরিক যে গুরুদত্ত রক্ষাকবচ, সে কথাটাও বিচারের সময় ভুললে চলবে না।—কেন আপনারা এইটে খাবেন? এইটে পরবেন? আপনাদের কেন দোষ থাকবে? রাগ থাকবে?—এসব কি খাজা, কাঁচা লোকেরই প্রশ্ন?—আমরা সব কিছু করবো। আর তোমার

পান থেকে এতটুকু চুপ খসবার জো নেই। আপনি সন্ন্যাসি, আপনি যুগ্মায়েন কেন? আপনাদের “গুড়াকেশ” হওয়া উচিত।—একব্যক্তি বড়ই বিজ্ঞভাবে ব’লে উঠলেন। আপনি সাধু, আপনার দৃষ্টিশক্তির বিকার হবে কেন? ইত্যাদি। অ-সন্ন্যাসীতেই সন্ন্যাসী হবার চেষ্টা ক’রে থাকে। কোন জায়গায় প্রসন্নৃষ্টির পিছনে চটুলতা, নিছক দস্ত। কোথাও অনুসন্ধিৎসা। যেখানে শেষোক্ত ভাব, তথাকার অবগতির জন্ত এখানে কথঞ্চিৎ আলোচনা করা যাইতেছে।

অধ্যাত্ম ধর্ম সবটাই খাওয়াতেই নয়। বস্তুগুণের তারতম্য অনুসারে খাদ্যদ্রব্যের উত্তেজকতা অনুত্তেজকতা আছে। ছাত্রাপ্য, স্ত্রীপ্রাপ্যের কথা আছে। দেশ-কাল-পাত্রের, নিজ নিজ কর্মের সার্থকতা আছে। মাত্রা, সহনশীলতা, অভ্যাস—এ তো ইহার ভিতর আছেই। ফস্ কোরে মন্তব্য হবে না; ব্যক্তিবিশেষের প্রয়োজনের তারতম্য আছে। সাধারণ নিয়ম থাকা সম্বন্ধে—এতগুলি কথা। আবার আমাদের চক্ষে জীবন্তশাস্ত্র—শ্রীপরমহংস-বিবেকানন্দের উপদেশ-আদর্শ আছে।

শ্রীরামকৃষ্ণ কাম-উপভোগ পরিত্যাগের উপর সর্কাপেক্ষা বেশী নজর দিতে বলিয়াছেন। তাঁর উক্তি আছে—যে—ও স্ত্রুত ত্যাগ করতে পারে, তার সবই ত্যাগ হোলো। এ বিষয়ে তর্ক বিতর্ক উঠিলে আমরা মুখ্য কথাটি ভুলিয়া যাই। ঈশ্বরপ্রেম, বৈরাগ্য, সর্ক জীবে মমতা, নিঃস্বার্থপরতা—এসব, যে আহারের ফলেই মানুষে আশ্রুক না, তাঁকে অবনত মস্তকে মান দিতে হবে। ছুঁই-ছুঁই-সর্কস্ব পল্লীবাসী নরনারী জানেন কি, পরমহংসদেব স্পষ্ট বলিতেন—গোমাংস খেয়ে যদি হরিভক্তি থাকে, তো তা হবিষ্যানের তুল্য? আর হবিষ্যান্ন খেয়ে, যদি হরিভক্তি না থাকে, তো তাই গোমামাংসের তুল্য? পরমহংসদেবের সমস্ত বস্তুর—মূল্য-নির্ণয়ের তৌলদণ্ড, ঈশ্বর সাক্ষাৎ-কারের দিক হইতেই। তাই এইরূপ নির্ভীক সাক্ষ্য জবাব।

আমাদের বোঝা উচিত, রামকৃষ্ণ-বিবেকানন্দের কামাসক্তিবহীন, কাঞ্চনমোহমুক্ত, ত্যাগ বৈরাগ্যময় জীবনের মূলটি ছাড়িয়া, শুধু গাল পাড়িলে, ফিট্‌ফাট সাজিয়া থাকিলে, রেলষ্টীমারে ফাষ্ট'-সেকেণ্ড ক্লাসে চাপিলে, আর আমিষ আহার করিলেই, তাঁদের অনুবর্তী হওয়া যায় না। আহার বা পোষাক বা শারীরিক স্বচ্ছন্দতা প্রয়োজন মাফিক্, মাত্রা মাফিক্, অভ্যাস অনুযায়ী লইতে হইবে। এইগুলি গোণ। দেশ কাল পাত্রের বিচার চাই। ভক্তি বা জ্ঞানই মুখ্য। তাহা দেখাইবার জ্ঞান বা আমাদের সাহস দিবার জ্ঞানই বোধ হয়, রামকৃষ্ণ-বিবেকানন্দ "গুট্টকো সাধু" সব সময়ে সাজেন নাই। কিন্তু তাঁরা কঠোরতাও যথেষ্ট করিয়াছিলেন। আর পরমহংস ইহাও বলিতেন যে, পোষাক-বিশেষ পরিলে স্থানবিশেষে যাইতে ইচ্ছা হয়। ব্রহ্মজ্ঞানসম্পন্ন তাঁহাদের—"যখন যেমন, তখন তেমন"-ভাব খুব ছিল। ভোগ না পাইলে ক্ষোভ, বা পাইলে স্পৃহা-লালসা, তাঁহাদের চরিত্রে ছিল না। ভারতের বহু প্রদেশের বহু লোকে নিরামিষ খান। সকলে কামকাঞ্চনত্যাগী হন না। বিবেকানন্দস্বামী পরিব্রাজক অবস্থায় মাছ মাংস খাইতেন বলিয়া বোধ হয় না। পাওয়াও যাইত না, অনেক ক্ষেত্রে। অল্প সময়ে খাইতেন। মাছ মাংস খাইয়া যদি লাখ বিবেকানন্দ সৃষ্ট হয়, তাহাই বাঞ্ছনীয়। আমিষ আহার সদোষ, সে বিষয়ে সন্দেহ নাই। কারণ উদ্ভিদ-শরীর অপেক্ষা প্রাণীশরীরে প্রাণের প্রকাশ বেশী। সেজন্ত সচরাচর আমরা উদ্ভিদকে 'জড়' আখ্যা দিয়া থাকি। আর যদি আমিষ বা নিরামিষ আহারবিশেষে, তাগী সৃষ্ট না হয়, তো কিছুই কিছু নয়। একটি সংস্কৃত শ্লোকে আছে, পায়রা মাংস খায় না, কিন্তু ঘন ঘন রমণ করে। সিংহ মাংস খায়। কিন্তু দীর্ঘকাল অন্তর রমণ করে। আধারের তারতম্য সর্বত্র স্বীকার্য।

মূল ভুলিলে, উন্মূল হইতে হইবে। এমন দিনকাল এসেছে যে,

লোকে আর নিজের দুর্বলতা সমর্থন-জন্ত, মহতের দোহাই দেওয়া শুনে
না, মানে না। ইহা ভালই !

অষ্টাদশ পরিচ্ছেদ

সন্ন্যাসের আদর্শ বিভাগ

অতঃপর সন্ন্যাসীদিগের যে শাস্ত্রীয় শ্রেণী-বিভাগ মোটামুটি আছে,
সে বিষয়ে বলিতে চাহি। এই বিষয়টি নিবন্ধ করিতে গিয়া, মদীয়
অধ্যাপক পূজনীয় পণ্ডিতপ্রবর রাজেন্দ্রনাথ ঘোষের শাস্ত্রসারমণিত
পর্যায় গীতা (২য় সং) হইতে ইঙ্গিত লইয়াছি।

সন্ন্যাস দ্বিবিধ। মুখ্য ও গৌণ। মুখ্য দুইরূপ—বিদ্বৎ ও বিবিদিষা।
যাহারা সিদ্ধ তাঁহারাই বিদ্বৎ-পর্যায়ভুক্ত—সর্বশ্রেষ্ঠ। পরমহংসদেবের
কথিত—জগদগুরু। বিধি-নিষেধের পার। জীবমুক্ত। সর্ব লিপ্স
বিবর্জিত। তিনি যখন যেমন, যেভাবেই থাকুন না কেন—“সর্বথা
বর্তমানোহপি” (লোকদৃষ্টিতে যতই কটু হউক) সংযমে পাকাপাকি
সুপ্রতিষ্ঠিত—তিনিই বেদকে অবৈদ করেন। তবে, বেচালে পা তাঁর
পড়ে না। বাহির হইতে, ছুটে বা অদূরদর্শী মানবে তাঁর নিন্দা করিতে
পারে। কিন্তু তিনি সবেয় পারে। ইহারা চার থাকে। প্রথম—
কুটীচক। যিনি এক জায়গায় স্থির হইয়া বসিয়া থাকেন। (কুঠিয়ায়
বা কুটীরে কি ?) দ্বিতীয়—বহুদক। অনেক জায়গার উদক, জল
যিনি পান করেন, পরিব্রাজক—ঘুরে বেড়ান। পাছে মায়া পড়িয়া
যায়, দীর্ঘকাল একস্থানে থাকেন না। “বহুতা পাণি রম্ভা সাধু।”
“ধরবাড়ী”—বুদ্ধি গজাতে পারে না। অনিকেত—স্বতন্ত্র। তারপর

আছেন তৃতীয়—হংস। চতুর্থ পরমহংস। এই দুই শ্রেণীতে, জ্ঞানের সম্ভব উনিশ-বিশ বা সামান্য তারতম্য আছে। আমাদের উপনিষদাদি জ্ঞানশাস্ত্রে ‘হংস’ কথাটিকে জ্ঞানের প্রতীকরূপে লওয়া হইয়াছে। হংসের গতি ও কার্যবিধি পর্যালোচনা করিলে দেখা যায়, দুধে জলে মিশাইয়া দিলে, হংস দুধটুকু শুষিয়া থাইতে পারে। জল পরিত্যাগ করে। হংসে যথা ক্ষীরং ইব অম্মমধ্যাৎ। নীতিশাস্ত্রে এই উপমাটি পাওয়া যায়। সেই মতই কি ইহারা নিত্যানিত্য বিবেকে সদা সজাগ, সু-প্রতিষ্ঠিত? পরমহংসদেব সোজা বাংলায় বলেছেন—“আর হাঁসের গতি দেখেছো? একদিকে—সোজা—চলে যাবে।”—একদিকে। একমুখী বৃত্তি। সোজা—সুধীর—আদর্শৈকগতি। পরমহংসত্ব সর্বোচ্চ পদবী। হংস ও পরমহংস—এই দুই নামে—একের নিগুণ ও স-গুণের ভিতর অনবরত গতিবিধি, আর অপরের নিগুণে স্থিতি,—ইহাই ইঙ্গিত করিতেছে কি না, ভাবিবার বিষয়। পরমহংসদেব এ বিষয়ে নিজের সম্বন্ধে স্পষ্ট ব’লে গেছেন—“এথানকার (তাঁর নিজের) অবস্থা (দর্শন, অনুভূতি, জীবনোদ্দেশ্য—ইত্যাদি) শাস্ত্রকেও ছাড়াইয়া গিয়াছে।”

যে নিগুণে অবস্থিতি জীবপক্ষে একুশ দিনের বেশী নাকি হয় না, তিনি তাহাতেই ছয়মাস কাটাইয়াছিলেন। এবং তৎপরে জগদম্বার ইচ্ছায়, লোকশিক্ষাকার্য্যের যন্ত-স্বরূপে নামিয়া আসিয়াছিলেন। নতুবা তাঁহার শরীর থাকিত না। এই প্রসঙ্গে আমাদের মনে একটি সন্দেহ ও তাহার নিরাস করুণভাবে আপনা আপনি হইয়াছে, তাহা বলিতে ইচ্ছা করি। পরমহংসদেবের উক্তির ভিতর আছে, “ঈশ্বরেচ্ছায় সব হতে পারে। তাঁর আইন, তিনি ভাঙতে পারেন।” ইহা এক দিক। আর যুক্তির বলে, তাঁর আইনের কতটুকু অংশই বা আমরা জানতে পেরেছি? পুরুষ-শরীর তীব্র চিন্তাসহায়ে স্ত্রীশরীরের ত্রায়—

অধ্যাত্ম সাধনার জীবনে পুষ্পিত হয়। ঈশার ক্রমবিকাশ, রক্তমাখা মূর্তির একাগ্র ধ্যানে, তদভক্তের শরীরেও রক্ত ফাটিয়া বাহির হইয়া থাকে,—হে যুক্তিবাদি, এই যে “প্রাকৃতিক” নিয়ম, ঈশ্বরের এই “নিয়মের” মহিমা প্রকট করিতে, ব্যক্ত করিতে একজন রামকৃষ্ণ পরমহংস বা একজন সাধু ফ্রান্সিসের আসা দরকার হইয়াছিল। স্বপ্নরাজ্যের যে সব বিধি, তাহার অভিব্যক্তি বুঝিতে হইলে, দেহবস্তুর প্রস্তুত করিতে হয়। ‘যোগশাস্ত্রে বলে, সূর্যকে “দেখা যায়”। তার “রূপ” আছে। বিজ্ঞানও বলছে আজকে—সূর্যের—শব্দের—ছবি আছে! রাগ-রাগিনীর রূপ, সংস্কৃত সাহিত্য আলোচনাকারীর নিকট সুপরিচিত।

কিন্তু স্বামীজী, পরমহংসদেবকে “বেদমূর্তি” বলিয়াও বাংলা মূল প্রবন্ধে বর্ণন করিয়াছেন। শাস্ত্রের সহিত তাঁহার জীবনের অনেক কিছুর অক্ষরে অক্ষরে মিল দেখা যায়। যে দুই চারি স্থলে মিল দেখা যাচ্ছে না, সেই বিষয় লইয়াই এ প্রসঙ্গ। প্রথম সমাধান—এইমাত্র তাঁহারই কথায় ও প্রাকৃতিক “নিয়ম”-বাদগুলো, ব্যক্ত হইল। দ্বিতীয়টি এই। বেদাদি শাস্ত্র, অপৌরুষেয়, বিরাট। ঈশ্বরের দ্বারাও প্রণীত নহে—উগরিত, প্রোক্ত, উজ্জ্বলিত। প্রলয়ের পর বার বার সৃষ্টি করিয়া সৃজনকর্তা এই বেদরূপ জ্ঞানরাশি কল্পে কল্পে দান করেন। ইহাই শাস্ত্র-উক্তি। সেই দিক দিয়া, বেদ অশাস্ত্র। অলৌকিক তত্ত্বে, অকাটা প্রমাণ। কিন্তু কথা হচ্ছে, কালক্রমে নানা রাজনৈতিক বিপ্লবের ওলট পালটের ভিতর দিয়া আসিতে হইয়াছে বলিয়া (বিশেষতঃ উত্তর ভারতে আক্রমণকারী জাতির পর জাতি—ধারাপ্রবাহের ত্রায় আসিয়াছে। দাক্ষিণাত্য এ বিষয়ে অনেক পরিমাণে রেহাই পাইয়াছিল), ইহা খুবই স্বাভাবিক যে, অমুদ্রিত প্রাচীন বেদবিজ্ঞা বহুশঃ লুপ্ত। যাহা বিদ্যমান, তাহাও সম্যক্ চর্চা অভাবে অনাদৃত। বহুশাস্ত্রসম্মত বেদশাস্ত্র উদ্ধার অসম্ভব। প্রচলিত বেদে যে সব শাখার উল্লেখ আছে, সবগুলিই কোন

একজনের সংগ্রহ আছে বলিয়া, শুনা যায় নাই। সুতরাং পরমহংসদেব যখন বলেছেন—“শাস্ত্রকেও ছাড়াইয়া গিয়াছে—এখানকার (তাঁর) উপলব্ধি”—তাহা কি প্রচলিত, সচরাচর পঠিত, জ্ঞাতশাস্ত্রকেই লক্ষিত হইতেছে না? হয়ত অনন্ত বেদশাস্ত্রের লুপ্তাংশে বহু অনুসন্ধানের সে সব কথা বাহির হইতে পারে—কে জানে? কিন্তু সেগুলি পাবার আশা সুদূরপরাহত বলিয়াই, ঐরূপ কথা বলিয়াছেন।

বিদ্বৎসন্ন্যাসের যে চারি শ্রেণীর কথা হইল, সকলের ভিতরই—আত্মা অকর্তা,—এ ভাবটি প্রকট থাকে। তাহার পর মুখ্যসন্ন্যাসের দ্বিতীয় স্তর। বিবিদিষা। “সাধক” অবস্থা। উচ্চে উঠিতে সচেষ্ট। কিন্তু দান, যজ্ঞাদি কাম্যকর্ম্ম বিবর্জিত। ইহাদের শ্রবণ, মনন, নিদিধ্যাসন—এই ত্রিষ্টই জীবনে সার হয়। পথের সম্বল। আত্মা যে অকর্তা—এই ভাবটিতে ইহারাও সুপ্রতিষ্ঠিত।

আত্মজ্ঞানের “বুড়ী” না ছুঁইলে বিদ্বৎসন্ন্যাসী হওয়া যায় না। আবার তিনি জীবমুক্তও বটে। প্রারম্ভবশে কিছুদিন নিষ্কাম কর্ম্মের ঢেউ তাঁদের শরীরের উপর দিয়ে বয়ে যায় মাত্র। সাপের খোলস যেমন হাওয়াতে উড়ে চলে, সেইরূপ। সর্ব্বদা সুপ্রসন্ন—আনন্দময়। কোন আঁট তাঁহাদের থাকে না। তাঁরা নিলিপ্ত। আবার বিবিদিষা সন্ন্যাসী ব্রহ্মলীন বা পরসমাধিস্থ হইবার পূর্বেই, প্রারম্ভবশতঃ যদি দেহত্যাগ করেন, তাহা হইলে আবার তাঁহাকে আসিতে হয়। কিন্তু “গুচীনাং শ্রীমতাং গেহে” যোগব্রহ্মের অভিজন্ম। শুদ্ধ, লক্ষ্মীমস্ত ঘরে। ঋষি-কুলে বা পবিত্র ধর্ম্মীর গৃহে। ইহাই এতদসম্বন্ধে গীতাবাক্য। যোগব্রহ্ম অর্থ—যোগ-অসমাপ্ত।

মুখ্যসন্ন্যাসীদিগের ছয়টি লক্ষণের কথাও আছে। এতদ্ভিন্ন তাঁহারা কখনও জড়বৎ, বালকবৎ, উন্মাদবৎ, পিশাচবৎ, ইত্যাদি। তাঁরা ‘অজিহ্ব’ (ভালমন্দ ভাবিয়া যিনি ভোজন করেন না। জিহ্বা থাকিয়াও

যেন নাই)। ইন্দ্রিয়ের সহিত অন্তঃকরণের যোগের অভাবই, সম্ভব ইহার দ্বারা সূচিত হয়। ইন্দ্রিয়াণি ইন্দ্রিয়ার্থেষু.....অগ্নন্.....কুর্কন্ অপি ন লিপ্যতে। আবার হিত ও পরিমিত সত্য বাক্য বলেন। ‘যগুক’—সত্ত্বজাতা, বৃদ্ধা বা যুবতী, এ তিনই তাঁহার কাছে সমান। দর্শনে নির্বিকার। যগুক শব্দের আভিধানিক অর্থ—নপুংসক। ঈশার ভাষায়—Eunuchs for His sake জন্মগত নহে, ঈশ্বরার্থে কৰ্ম্মগত নপুংসকত্ব! ‘পঙ্গু’—ভিক্ষাতরে কিংবা মলমূত্র বর্জন্যার্থে যিনি যোজনা-ধিক গমন করেন না। ইহাদের সম্ভব ‘অজগরও’ বলে। বাহার! অজগর সর্পের মত স্থির হইয়া পড়িয়া থাকেন। কাহারও ইচ্ছা হইল, তো আপনা আপনি আসিয়া আহাৰ্য্য দিয়া গেল। ‘অন্ধ’—বেড়াইবার সময় বা সচরাচর চক্ষু বাহাদের দূরে যায় না। আঁখির চঞ্চলতা নাই। মনোহর, অহিত, শোককর, হর্ষকর—সর্ববাক্য তাঁহার কাছে তুল্যমূল্য। সেইজন্ত তিনি নির্বিকার বা ‘বধির’। আবার তিনি ‘মুগ্ধ’—বিষয় সামনে রয়েছে, অথচ ইন্দ্রিয় অবিকল, অবিকৃত। যেন তিনি সুযুগ্মবৎ। জগতটাকে স্বপ্ন বোলে ঠিক ঠিক পাকা বোধ হইয়াছে। ছনিয়ায় কিছুই তাঁদের বিচলিত করতে পারে না, প্রকৃত বিবিস্ত। ‘মিথিলায়াং প্রদক্ষায়াং ন মে নশ্চতি কিঞ্চিৎ’—রাজর্ষি জনকের এই বচন—বিষয়ে অনাসক্তির শ্রেষ্ঠ নিদর্শন। এই দিক দিয়েই বুঝতে হবে। আবার সন্ন্যাসীর সাত গুণ আছে। যৌন, যোগ, তিতিক্ষা, যোগাসন, একান্তশীলতা, নিম্পৃহত্ব এবং সমভাব।

সকল লক্ষণগুলির ভিতর হইতেই একটি তত্ত্ব ফুটিয়া উঠিতেছে! তাঁদের সবই আছে, অথচ কিছুই নেই। ভারতবর্ষে এখনও এই ধাঁচের সন্ন্যাসী বর্তমান আছেন। ভাগ্যবানেই তাঁদের দর্শন পান। এইরূপ “পণ্ডহারী বাবা”—শ্রেণীর সাধু মহাত্মগণ যদি হিমগিরির গহবর-বিশেষে সাধন করিয়া দেহান্ত হন—সমাজের কাজ করতে না নামেন,

তাহা হইলেও দেশের বায়ুমণ্ডলে অলক্ষ্যে তাঁহাদের সাধনজাত শক্তি সঞ্চারিত রাখিয়া সূক্ষ্মভাবে অশেষ জীবনবহু-কল্যাণ সংসাধিত করেন। জীব-সমূহকে তাঁহারা স্বাসে-প্রস্বাসে সন্তানজ্ঞানে সদা দূর হইতেই আশীর্ষিত করেন। স্বামীজী তাঁর জ্ঞানযোগে, বুদ্ধপ্রমুখ, অবতারকল্প লোকগুরু-দিগেরও উদ্ধে স্থিত, “অতিবুদ্ধদিগের”—দেব মানবদের (শুক, সনক যাহার সম্ভব দৃষ্টান্ত) কথা অতীব শ্রদ্ধার সহিত জগতবাসীকে শুনাইয়াছেন, একথা পূর্বেই বলিয়াছি।

অতঃপর গৌণসন্ন্যাস। ইহা ত্রিবিধ। সাত্বিক, রাজস এবং তামস। কৰ্ম্মের ফলত্যাগ করিয়া যে কৰ্ম্ম-আচরণ, তাহাই এই গৌণসন্ন্যাসের মোটামুটি লক্ষণ। ইহারা যজ্ঞ, দান, তপ—এসবই চিত্তশুদ্ধির জন্ত অনুষ্ঠান করেন। চিত্তশুদ্ধির কামনা, কামনা নহে। পরমহংসদেবের ভাষায়, মিছরীর মিষ্টি, মিষ্টি নহে। হিংচে শাক, শাক নহে। অর্থাৎ অনিষ্টঘবহীন! ইহাই সাত্বিক গৌণসন্ন্যাস। তাহার পর এই শ্রেণীর, রাজস সন্ন্যাস। কায়ক্লেশের ভয়ে যে কৰ্ম্মত্যাগ, তাহাই রাজস। তারপর তামস গৌণসন্ন্যাস। ভিতরে বাসনা রহিয়াছে (? অথচ, সম্ভব কি আলম্ব্যবশতঃ ?) তথাপি নিত্যকৰ্ম্মত্যাগ। আপনা হতে খসিয়া পড়া নহে—টেনে ছেঁড়া। জ্ঞানীর ত্যাগ নহে। জ্ঞানের ভাগকারীর ত্যাগ।

এই দ্বিতীয় শ্রেণীর সাত্বিক ত্যাগী, শুদ্ধচিত্ত হইয়া পরিশেষে গৌণ-কোঠা অতিক্রম করিয়া, পূর্বকথিত মুখ্যরাজ্যে প্রবেশলাভ করিতে সমর্থ হন। এবং অভীষ্ট লাভ করেন।

ইহাই অল্প কথায়, সন্ন্যাসের শ্রেণী-পরিচয়। কে কোন্ পর্যায়ভুক্ত, তাহা সূক্ষ্ম মনস্তত্ত্বের সাহায্যে নিজে নিজেই ধার্য্য করিতে হইবে। আচার্য্য শঙ্কর এই কথাই বলিতেছেন—এতৎ ন পরপ্রত্যক্ষং…… ন হি স্বাত্মবিষয়ং দ্বেষং আকাজ্জ্ঞাং বা পরঃ পশুতি। গীতাভাষ্য ১৪। ২২। ইহা পরের প্রত্যক্ষযোগ্য চিহ্ন নহে…আত্মবিষয়ক দ্বেষ বা আকাজ্জ্ঞা অপরে

কখনই প্রত্যক্ষ করিতে পারে না। অন্তর্ধ্যামী বিভূই আমাদের ভিতরের ভাব—ঈশ্বরমুখী, আত্মমুখী বা স্বার্থসিদ্ধির, শরীর পরিতৃপ্তির ভোগমুখী, কিনা তাহা জানেন। এবং আমরাও নিজে নিজে জানি। পরণে রক্ত-স্বেতে কিছু আসিয়া যায় না। এক জীবনে বা বহু জীবনে সকলকেই মুখ্য সন্ন্যাসমুখে আসিতে হইবে। সন্ন্যাসীর কস্মীলুষ্ঠানে, আর সাধারণের কস্মীলুষ্ঠানে তফাৎ মালুম হইবে। নয়ত শুধু খেতাব, নূতন নাম ও ভেকধারী হইলে কি হইবে ?

ঊনবিংশ পরিচ্ছেদ

নৈতিক সংযম—ভাবপরিপূর্ণতা

রামকৃষ্ণ-বিবেকানন্দের আশীর্বাদ-পূত দুইটি চক্ষের অভ্রান্ত দৃষ্টির আলোকে যারা নিজেদের, ভারতের ও জগতের জীবন দেখতে আরম্ভ করেছেন, দেখতে শিখছেন—তাদের একটি বিষয় এখানে অনুধাবন করতে অনুরোধ করি। বিষয়টি বড়ই গুরু। সেবাশ্রম নিয়েই থাকুন, বক্তৃতা নিয়েই থাকুন, শিক্ষাশালা নিয়েই থাকুন—ছেলেপিলে মানুষ করা, বা সাংসারিক প্রচলিত বিষয়কর্ম নিয়েই থাকুন—আর দেশের রাজনীতিসেবা নিয়েই থাকুন, কারুরই রেহাই নাই। ওলটপালটভাবে রামকৃষ্ণের কয়েকটি উক্তি তুলিয়া ধরিতেছি।

সাধু সাবধান। সন্ন্যাসী জগদগুরু। স্ত্রীলোকের চিত্রপট পর্য্যন্ত দেখবে না। জিতেন্দ্রিয় হোলেও, লোকশিক্ষার জন্ত, মেয়েদের সঙ্গে

আলাপ করবে না। বেশীক্ষণ নয়। ছোকরাদের সাধনার অবস্থা।
এখন কেবল, ত্যাগ।

মেয়ে ভক্তেরা আলাদা থাকবে। পুরুষ ভক্তেরা আলাদা থাকবে।
তবেই উভয়ের মঙ্গল। মেয়ে ভগবতীর অংশ। কিন্তু পুরুষের পক্ষে,
সাধুর পক্ষে, ভক্তের পক্ষে—ত্যাগ। এই এক তরফ্।

অন্য তরফ্।—যথা—তোমাদের পক্ষে নির্জলা একাদশী নয়।
তোমরা রসে বশে থাকো। ছুটি একটি ছেলেপিলে হবার পর, ভাই-
বোনের মতো থাকবে।

..... বেশী এগোতে গেলে সংসার-টংসার ফক্স হয়ে যায়।

রামকৃষ্ণ বা মেরীনন্দন পরিত্রাতা, পতিতপাবন শ্রীঈশার শ্রায় ব্যক্তি,
যখন কথা বলেন, তখন সমস্ত প্রাণমন নিয়োগ কোরে, অতীব তীব্রতার
সহিত সত্য ভাবগুলি শ্রোতা ভক্তদের মনে বসাইয়া দিবার উদ্দেশ্যই,
তঁাহাদের ভিতর প্রবল ও প্রধান থাকে। ঈশা যেমন বলিয়াছেন—যা
কিছু আছে, দান কোরে দাও। আর আমার সঙ্গে ভিড়ে পড়ো।.....
কাজে করা তো বহু দূরের কথা, যে মৈথুন-চিন্তা করবে, আমি বলবো,
নিশ্চয় বলবো, তার ওটা, ঐ কাজ করারই সামিল হোলো।.....যদি
ডান চোখটা অপরাধ করে, সেটাকে উপড়ে ফেলে দাও।.....অর্থ আর
পরমার্থ একসঙ্গে উপাসনা চলে না।..... ইত্যাদি।

রামকৃষ্ণের উপরি-উদ্ধৃত দুই তরফের কথাগুলির ভিতর আধি-
কারিকের উপর নজর, আদর্শ-পরিপূর্ণির প্রতি একান্ত মনোযোগ এবং
বেপরোয়া অতিশয়োক্তির ভাব হয়ত সবই রহিয়াছে। কিন্তু আসলে তিনি
অযুক্তিকর কিছুই বলেন নাই। অক্ষরের বা ভাষার দিকে নজর না
রাখিয়া, ভাবের প্রতি দৃষ্টি রাখিতে হইবে। তাহা না হইলে যে ছোকরা
সন্ন্যাসীকে অহরহ বিবসনা, নবীন রমণী শ্রীঈশাণীর চিত্রপট দর্শন,
ধ্যানধারণা, নামজপ করিতে হয়, তিনি ত রামকৃষ্ণের ভাবরাজ্যে প্রবেশ

করিতে পারেন না। কিন্তু নিশ্চয়ই তাঁর বলবার ওরূপ উদ্দেশ্য নষ্ট।

যাঁরা এখনও রামকৃষ্ণের বা গুরুর দয়ায় সব স্ত্রীতে মাতৃ-দর্শন বা সব পুরুষে পিতৃদর্শন, বা সর্বভূতে শ্রীগুরু অথবা শ্রীঅভীষ্ট-দর্শন করেন নাই, তাঁদের নিজেদের ভিতরের পশুত্বকে জন্ম করিতে নিজেদের দুর্নীতি হইতে বাঁচাইবার জন্ত নিঃস্বমভাবে সাবধান হইতে হইবে। কল্যাণ-দৃষ্টি বা শুভদৃষ্টি বা শুভ ভাবে সুপ্রতিষ্ঠিত হইলেও, বা চলিত কথায় “পাকা ঘুঁটি” হইয়া গেলেও (আর তাহার কোন বাঁধা বয়স নাই) রামকৃষ্ণের বা ঈশ্বরের কাজের জন্ত ছাড়া পরস্পরের সম্বন্ধ বা (স্ত্রীপুরুষ) মেলামেশা সমর্থনযোগ্য নহে। মধুরভাব সাধনে রামকৃষ্ণের কথা ধরো। এইরূপ ব্যাখ্যা না করিলে খোদ রামকৃষ্ণের উপরই যুক্তিবাদী দোষদিবেন। কারণ, আদর্শ লাভ করিয়া অনেকেই এই সংস্পর্শে আসিয়াছিলেন। অসীম প্রতিভাশালী শ্রীবিবেকানন্দ বয়সে ছোকরাই ছিলেন, শেষ পর্য্যন্ত। ভক্ত বলিবেন, যাহারা ইহাঁদের জানিতেন তাঁহারা বলিবেন, বিশ্বাস করি এবং আচরণ দেখিয়া জানিয়াছি যে, ইহারা সকলেই জিতেন্দ্রিয় লোকাচার্য্য। রামকৃষ্ণ জগদগুরু ত বটেই। সেই শ্রীরামকৃষ্ণের দয়াতেই আবার অনেক লোকাচার্য্য নিশ্চিতই হবেন। তা না হ’লে রামকৃষ্ণ-রূপ যুগভাবধারাই মিথ্যা হ’য়ে যাবে। ভক্ত আরও বলিবেন, বিশ্বাস করি না, ভগবান্ রামকৃষ্ণের চিহ্নিত বা মার্কামারা ভাববাহীদের সংখ্যা নির্দিষ্ট। বা শেষ হইয়া গিয়াছে। বা শীঘ্রই হইবে। যেদিন তাই হবে, সেদিন রামকৃষ্ণও সঙ্গে সঙ্গে নিঃশেষ হইয়া যাইবেন। কিন্তু আজ পর্য্যন্ত সভ্যতার ইতিহাসে, আচার্য্য বুদ্ধ, আচার্য্য জরথুষ্ট্র, কন-ফুসিয়াস্, লাউৎসী, শ্রীরাম, শ্রীকৃষ্ণ, শ্রীমহম্মদ, বল্লভ, নিম্বার্ক, শঙ্কর, রামানুজ, সেদিনের শ্রীচৈতন্য, কেহই এখনও মনুষ্য-জীবন-প্রবাহ

হইতে অদৃশ্য হইয়া যান নাই। শ্রীরামকৃষ্ণ কি সৃষ্টি-ছাড়া হইবেন ? রামকৃষ্ণের সমজ্ঞার সমসাময়িকেরা ধত। রামকৃষ্ণের পরবর্তী রামকৃষ্ণ-মতে বিশ্বাসী যারা, তাঁরাও ধত।

গৃহস্থ, সন্ন্যাসী—যিনিই স্বেচ্ছায় রামকৃষ্ণ ভজিবেন, তাঁহারই (যতই নিজের সুবিধামত ঠাকুরের উক্তিরশি হইতে স্বপক্ষে মত উদ্ধৃত করি না কেন) ফাঁকি দেবার জোটি নাই। সকলেই রামকৃষ্ণের সন্তান। রামকৃষ্ণ-নামরূপ যন্ত্রে সকলের সব দোষ, সব বোয়াদবি সিধে হয়ে যাবে। যেখানে থাকিলে শনৈঃ শনৈঃ সূচারূপে যার আদর্শ-লাভ সুসম্পন্ন হইবে, তাঁকে সেই স্থানেই রামকৃষ্ণ রেখেছেন। বড় সবাই, আবার বলি। পরম্পরের প্রতি শ্রদ্ধা, সমবেদনা চাই। আচার্য্য বিবেকানন্দের একটি স্নন্দর, ভারি এবং দামী উক্তি বঙ্গসাহিত্যে কিছুকাল পূর্বে শুদ্ধানন্দ দান করিয়াছেন। স্বামীজী উৎসাহ দেবার জন্ত চাইছেন, “ঘরে ঘরে রামকৃষ্ণ।” নরেন্দ্রপ্রমুখ অনেকেই যে অনেকটা বা কিছু কিছু রামকৃষ্ণ-তুল্য হইয়াছিলেন, তাহাতে আমাদের বিন্দুমাত্র সন্দেহ নাই। দুই বার বিবাহ করিয়া, সংসারে থাকিয়াও দুর্গাচরণ নাগ মহাশয় কিছু কিছু রামকৃষ্ণবৎ হইয়াছিলেন। পরমহংসদেব বলতেন, তাঁকে (ঈশ্বরকে) জেনে সংসার করো। অদ্বৈতজ্ঞান আঁচলে বেঁধে কর্তব্য করবার উপদেশ দিতেন। লোক-সংগ্রহার্থ, লোক কল্যাণার্থ, সমাজধারা অব্যাহত রাখার জন্ত, অকামহত হইয়া আদর্শ গৃহীর পুত্রোৎপাদন করার বিধান উপনিষদে আছে। জ্ঞানীর স্বদারায় গমন, আর ইতর সাধারণের ঐ ব্যবহারে আকাশপাতাল প্রভেদ। রাজা জনক, শ্রীরাম, শ্রীকৃষ্ণ ইহারা ভারতীয় সাধনার ধারায় আদর্শ গার্হস্থ্যের স্নন্দর চিত্র রাখিয়া গিয়াছেন। ইসলামের মূর্ত প্রতীক শ্রীমহম্মদের সংসারকেও এই দৃষ্টি হইতে দেখিতে হইবে।

রামকৃষ্ণ বা বিবেকানন্দ বা ঈশ্বরজানিত অগ্নাত ব্যক্তিদের উক্তির

ভিতর সব রকম, সবকিছুই বলা থাকে। ব্যক্তিবিশেষের প্রতি গোড়ায় তাঁরা বলেন। শ্রীসারদাদেবীকে কেউ কেউ ব'লছেন, “মা, বিয়ে করব কি?” তার ভাব বুঝে মা তখন ব'ললেন, “বিয়ে ক'রবে বৈকি, বাবা। দেখনা, সংসারে সব—ছোট ছোট। একটি—কোথাও নেই।” আবার কাহাকেও ব'লছেন, “বিয়ে কখনো করো না। কিছু না হোক, ঘুমিয়ে বাঁচবে।” কাউকে কাউকে রামকৃষ্ণ বলেছিলেন,—থেয়ে নে, পরে নে, যা ইচ্ছে করে নে।—এইরূপ কথাগুলি, ব্যাপকভাবে, আক্ষরিক হিসাবে লইয়া, সব ক্ষেত্রে খাটাইলে, সর্বনাশ!

ছেলে কিছুতেই হুধ খাবে না। তার মাথায়, মানতের জন্ত রাখা, মস্ত লম্বা লম্বা থোকা, থোকা, গোছা গোছা চুল হয়েছে। মা সেইগুলি রোজ রোজ যত্নের সহিত বিছানি ক'রে, সুন্দর উচু চূড়া বা খোঁপা বেঁধে দেন। চূড়ার উপর ফুল দিয়ে সাজান। ছেলে চূড়া, ফুল এসব বড় ভালবাসে। মা ব'ললেন, ওরে বোকা, তোর জুড়ি নেই ত্রিভুবনে। হুধ শিগগির, শিগগির থেয়ে নে। চূড়ো আরও বড় হবে।

ঠিক এইরূপেই নিখিলের মাতৃস্থানীয় কল্যাণকামরত জ্ঞানীকুলও অবুঝ ভক্ত মানববৃন্দকে, জননীহৃদয়ের দরদ লইয়া, কথা বলেন। একদা এক ব্যক্তি—যাঁর সাত চড়ে আওয়াজ বেরোয় না, মিন্মিনে, পিন্পিনে গোছের লোক,—সাধু হবেন বলে, বেগুড়মঠে যান। বিবেকানন্দ তখন গঙ্গার ধারে পায়চারী ক'রছিলেন। শুনেছি, ঐ ব্যক্তিকে তিনি বলেন, “সাধু হওয়া,—অত সোজা নয় হে! আগে চুরি ও বদমায়েসী কোরে, তারপর ফিরে এসো। সাধু হবে, তার আর কি? আগে ছুনিয়া দেখে নিয়ে, পরে বিরক্ত হবে।”—এই সব উক্তির তাৎপর্য-নির্ণয় ও ভাবগত অর্থ বুঝাইবার জন্তই মহাজনদের কথার উপর “মল্লিনাথ”-মণ্ডলীর সৃষ্টি হয়। উপায় নাই।

আমাদের বর্তমান সমাজ-জীবন পঙ্খ। যারা সত্য সত্য বিবেকানন্দকে

মানবেন, তাঁদের মনে রাখা উচিত—যেমন সব ছেলেদের ঘাড়ে একটা কোরে বলপূর্ব্বক বিবাহ চাপিয়ে দেবার অধিকার মা-বাপ বা অগ্র্য ফোন অভিভাবকেরই নাই, মেয়েদের সম্বন্ধেও তাই। স্বার্থেদের সমাজে চির-কুমারী ছিল। সত্যের জগত, সমাজের অযথা নিন্দার ভার যারা বহনে অসমর্থ, তাঁরা কেমন বিবেকানন্দভক্ত? বাঙ্গালী পরিবারে দেখা যায়, অর্থাভাবে বত্রিশ বছরের মেয়ে অবিবাহিতা থাকেন। সেক্ষেত্রে কাণা-ঘুসা সহ্য করা অবশ্য—অবশ্যস্বাবী। মেয়েদের শিক্ষাদীক্ষা দিয়ে স্বাধীনভাবে চিন্তা করবার অবকাশ দেওয়া দরকার। সনাতনী, গতানুগতিক ধর্ম্মের নামে, হীন দেশাচারের অজুহাতে, তাঁদের কেবল ভোগের যন্ত-স্বরূপ বানিয়ে রাখলে চলবে না। পল্লীতে ও নগরে অনেক পৌরুষহীন পুরুষকে দেখা যায়, বাহিরে জারিজুরী করিবার সব কবাট বন্ধ হওয়াতে, তাঁদের যত বদ কর্ত্তামি—ঐ ঘরের মেয়েদের ওপোর। তাঁরা ভয় করেন, শিক্ষা পেলে মেয়েরা তাঁদের “পতি পরমগুরু”-বোলে মানিতে চাইবেন না। “মেয়েদের পদদলন” ও উহা নিবারণের কথা স্বামীজী চিঠিতে তাই বলেছেন।

বিবেকানন্দের কথা অনুযায়ী কাজ করতে অনেক তথাকথিত, গৃহস্থ বিবেকানন্দ-ভক্তও হয়তো পেছপাও হবেন। বিবেকানন্দ স্ত্রীমঠের পত্তন ও স্ত্রীসন্ন্যাসিনী করিয়া গিয়াছেন। সচরাচর ক্ষেত্রে—স্ত্রীপুরুষ উভয়েরই বিবাহ ভিন্ন গতান্তর নাই। ইহা বলাই বাহুল্য। কাহারো (কি স্ত্রী, কি পুরুষ) অধ্যাত্ম ধর্ম্ম জীবনে বা সামাজিক—অথবা রাজনৈতিক উচ্চ আদর্শ ধরবার চেষ্টায় হাত দেওয়া, মহা অনধিকার। সংসার ও সমাজ এইরূপ যিনি বা যাহারা করেন তাঁহাদের অপরাধ—রামকৃষ্ণ বিবেকানন্দের জীবনালোকে—অত্যন্ত গর্হিত, একান্ত নিন্দিত—আর একেবারে অমার্জ্জনীয়। শুধু. মেলার প্রাঙ্গণে উৎসবের সময়, ভোগ খেয়ে, ব’সে ব’সে ঝিমুতে ঝিমুতে স্বামীজী মহারাজের জয়, রামকৃষ্ণ মহারাজের জয়

দিলে চলবে না। স্থূল প্রসাদ ধারণের সঙ্গে সঙ্গে তাঁহাদের স্বল্প ভাব-প্রসাদও ধারণ করিতে হইবে। নতুবা সবই হজুক বা ফাঁকা হৈচৈ।

আজ দেশের ডাকে, দেশের কাজে বাংলার তরুণ জাগিয়াছেন। তরুণীও জাগিতেছেন। যৌন সম্বন্ধে পবিত্রতা রক্ষা করিতে না পারিলে সব আন্দোলনের প্রভাবই ফুৎকারে উড়িয়া যাইবে। বিপদ গুরুতর। বাংলার তরুণদের রাজা, নেতা নরেন্দ্রনাথের একটি নিজ লিখিত সাবধান-বাণী আজ বাংলার নারীর হাতে, নরের হাতে ধরিতেছি। নিখিল বিশ্বের সকলের কাছেই। নীতি লইয়া আজ সব সুসভ্য দেশই বিষম সমস্যার সম্মুখীন। ভাব বুঝিয়া, আমাদের সকলকে সাবধান হইতে হইবে।—“যাঁহারা স্ত্রীপুরুষ সংমিশ্রণের যে সকল নিয়ম ও বাধা প্রচলিত আছে, তাহা না জানিয়া, স্ত্রীপুরুষের অবাধ সংমিশ্রণ প্রশ্রয় দেন, তাঁহাদের সহিত আমাদের অণুমাত্রও সহানুভূতি নাই।” (বর্তমান ভারত)

যে স্ত্রী বা যে পুরুষ বিবাহ করিয়া রামকৃষ্ণ ভজিতেছেন, তাঁহার কর্তব্য (যতদিন না ভিতরে আদর্শ উপলব্ধি করিতেছেন) পুরুষের সহিত বা স্ত্রীর সহিত যে মেলামেশাতে ইন্দ্রিয় সংযম নষ্ট হয়, তাহা বর্জন করা। জননী সারদা দেবী রামকৃষ্ণের ভাবে অনুপ্রাণিত মেয়েদের সুন্দর বলতেন, ওগো তোমরা পুরুষমানুষ থেকে তফাৎ থাকবে। আজকাল ঠাকুরের ভাব ছড়াচ্ছে। মেয়েরাও কেউ কেউ বিয়ে করতে চাইছে না।... অমুকের বলি, সোয়ামীর সঙ্গে শুবি না। নিজেও জলবি, আমাকেও জালাবি। ইত্যাদি।—এইরূপে বিবাহিতা কণ্ঠাকেও সারদাদেবী আশ্র-রক্ষার জন্ত যথেষ্ট সাবধান করিয়াছেন। সংযমে প্রতিষ্ঠিত না হইলে রামকৃষ্ণ-সারদাদেবীর যুগভাব ও রামকৃষ্ণ-বিবেকানন্দের করুণা কিছুই বুঝা যাইবে না।

আজকাল সভ্য সমাজে নানাপ্রকার কৃত্রিম যন্ত্র ও গুণধের সাহায্য লইয়া দাম্পত্যজীবনে সন্তানোৎপাদন বন্ধ রাখিবার সন্ধান বৈজ্ঞানিকেরা

আবিষ্কার করিয়াছেন। শরীর বিজ্ঞানের দিক দিয়া ইহা কতটা অবলম্ব-
নীয়—সে বিষয়ে মতভেদ চিকিৎসকদের আছে। নৈতিক ও আধ্যাত্মিক
দিক দিয়া ইহাকে মারাত্মক ব্যাধি বিশেষ বলিলেও বলা চলে। ফল—
বিষময় বলিয়া বোধ হয়। ভীকতা, ব্যভিচার, লাম্পট্য—এই সবই ইহার
আওতায় উৎসাহিত হইবে। যদিও নিঃসন্দেহ—যে অর্থনীতির দিক
দিয়া, অভাবের দিক দিয়া, ইহা একটি আশু প্রতীকার—চমৎকার
প্রতিবিধান বলিয়া বোধ হয়। রামকৃষ্ণ-বিবেকানন্দের জীবনালোকে
নবজাগ্রত গৃহস্থ মানব মানবী! তুমি এতৎ সম্বন্ধে সজাগ হও।
আপনাপন কর্তব্য সম্বন্ধে বিশেষ অবহিত হও। অনিষ্টকর বলিয়া যদি
বুঝিয়া থাক, জাতিকে সাবধান কর। সংযম ও ব্রহ্মচর্য্যই নৈতিক
দুর্ব্বলতার একমাত্র মহৌষধ। বেশী সন্তানের জন্ম বন্ধ করিতে যাইয়া
গৃহস্থ যেন শতগুণে মারাত্মক দেহজ ও নৈতিক-মানসিক দোষসমূহ
সমাজে আবাহন করিয়া—ঘরে ডাকিয়া, না আনেন। জাতির শরীর
ও মনের স্বাস্থ্য আজিকার দিনে বিশেষ ভাবনার বস্তু হইয়া দাঁড়াইয়াছে।

ইন্দ্রিয় সংযম লইয়া শ্রীরামকৃষ্ণের দম্ভ আসিয়াছিল বলিয়া একবার
মা তাঁহাকে নাকানী চোপানী খাওয়াইয়াছিলেন। তিনি এ বিষয়
অহঙ্কার করিতে নিষেধ করিয়াছেন। “মা মা, রক্ষা করো গো” বলিয়া
প্রতি পুরুষ ভক্তকে—আর “বাবা গো বাঁচাও” বলিয়া প্রতি সাধিকাকে,
জীবনের পথে, সাধনের পথে, রামকৃষ্ণ-বিবেকানন্দের প্রদর্শিত পথে
আগুয়ান হইতে হইবে। আর বলিতে হইবে, হে জগদম্বে, হে জগন্নাথ,
ওগো আমি শরণাগত। রক্ষা, রক্ষা, রক্ষা।

যদি ছবি আঁকিতে পারিতাম, আঁকিতাম, ঘোর অমানিশা। মন্দির,
চত্বর প্রাঙ্গণ, নহবৎ, কাছারী, কুঠী, সদাব্রত, পাকশাল, ঘোড়াশাল,
পুষ্করিণী, নাটমন্দির, উত্থান, গঙ্গার এই তট, গঙ্গার ঐ তট, গঙ্গার
স্নেহমাখা সুস্নিগ্ধ মধ্যবক্ষ—সব নিরুপম, নিস্তব্ধ। মায়ের দেউলে, মৃণ্ময়ী

শ্রামামায়ের রমণীয় আলুলায়িতকুন্তলা, কনককাস্তিময়ী সালঙ্কারা মূর্তিতে চিৎকারী চৈতন্যরাশি বিচ্ছুরিত। ভক্তের চক্ষু, স্বতন্ত্র চক্ষু। ভক্তের ভাব—স্বতন্ত্র ভাব। মায়ের সন্তান যুক্তকর—সরলতার আকর। উপাসিতা ও উপাসক—সম সত্তাবিশিষ্ট। পূজারীর আসনে মায়ের বাছা, বালক রামকৃষ্ণ উপবিষ্ট। তিনিও চৈতন্যময়। তাঁহার এখন তন্ত্র মন্ত্র, প্রাণ-নিয়মন, সব ঘুচিয়াছে। মাকে দেখে, তাঁকে সর্বদা কাছে রাখবার জ্ঞান অসাধারণ হৃদয়াবেগই সম্বল হইয়াছে! তাঁহার কলিজার মধ্য হইতে, মরমের মধ্য হইতে মধুর, নির্ভর ভাব গুঞ্জরিত হইতেছে। যদি সেই পবিত্র, পরম শুভ, গোপন মুহূর্তে কোন ভাগ্যবান কাণ পাতিয়া শুনিয়া থাকেন, তিনি মন্ত্রমুগ্ধবৎ শুনিয়া—গলিয়া গিয়াছেন। বায়ুমণ্ডল কাঁপাইয়া প্রাণের সমস্ত বেদনার পুঞ্জীভূত জমাটবাণী—ঠিক্ ঠিক্ নিজকে অসহায় ঠাণ্ডরাইয়া ফুকারিয়া উঠিতেছে—মা, মা, মা! শরণাগত, শরণাগত, শরণাগত!

বাটহাজার বৎসর তপ করিয়া ঋষির ইন্দ্রিয় চাঞ্চল্য হইতেছে। এবম্প্রকার অতিশয়োক্তিপূর্ণ আখ্যায়িকার অবতারণা করিয়া আমাদের পুরাণ—সাধক-কূলকে দম্বনাশ করিতে উপদেশ দিয়াছেন। আসল কথা, রামকৃষ্ণকে অবতার বলিয়া স্বীকার করিয়া যিনি ইন্দ্রিয় সংযমের সহিত ব্রহ্মচিন্তা বা আত্মসাক্ষাৎকারের জ্ঞান চেষ্টিত, তিনি ধন্য। আবার যিনি তাঁকে পূর্ণ মনুষ্যত্বের প্রতিচ্ছবি ভাবিয়া ঐ কাজে রপ্ত আছেন, তিনিও বাহাদুর। একদিন সারদানন্দ বলিয়াছিলেন, “যে কেহ ঠাকুরের ভাব লইয়া জীবন যাপন করবার চেষ্টা করছে, সে-ই তাঁর।” শুধু রামকৃষ্ণদেবের বা স্বামী বিবেকানন্দের জীবনের ঘটনাবলী জানিলেই চলিবে না। জানা ভাল। অনেক বুদ্ধিমান সাংবাদিকে তাহা জানেন—কিন্তু তাঁদের অনুবর্তী হওয়া চাই—উচ্চভাব কাজে ফলানো চাই! বিবেকানন্দ একবার ঠাট্টা করিয়া বলিয়াছিলেন বলিয়া কার মুখে যেন

শুনিয়াছি—আমি মরে গেলে তোরা যদি আমাকে অবতার বানিয়ে আমার ছবির সামনে খালি পিদিম ঘুরবি তো আমি ভূত হয়েছে এসে তোদের ঘাড় মটকাবো।—আচ্ছা কথা।

কিছুদিন পূর্বে এক শ্রেণীর এক ব্যক্তির সংস্পর্শে আসিলাম। আমাদের দৃষ্টিতে, তিনি দুর্ভাগ্য। তিনি কোন রামকৃষ্ণ মঠের বড় বাড়ীর—ঐশ্বর্যের সংস্পর্শে এসেছেন। মুগ্ধ হয়েছেন। ভাবসম্পদ—যাহা আসল, তাহা কিছুই ধরতে পারেন নি। বলেন, অনেক কথার ভিতর—রামকৃষ্ণের কি দরকার ছিল, ষোড়শী পূজা করবার? পত্নীর সঙ্গে মাতৃ-সম্বন্ধ পাতাবার। মুখে মা না বোলে, পত্নীর সঙ্গে ঐক্যপ আচরণ করতে পারলে, তবে তাঁকে বাহাদুর বলতাম।

বললাম, ঠিক কথা। কিন্তু তিনি নিজেকে যে জগদম্বার অসহায় বালকরূপে প্রায়ই ভাবতে ভালবাসতেন। বালকভাবই তাঁহার স্বভাব-সিদ্ধভাব। বেশী ‘বার ফটাই’ তিনি করেন নাই। করতে মানা ক’রেছেন। তাঁর পক্ষে মা, মা—বোলে সব নারীর সান্নিধ্যে যাওয়া ছাড়া গতান্তর ছিল না। কারণ, আমরা বুঝি বা না বুঝি, তিনি যাবৎ নারীশরীরে তাঁহার প্রাণের প্রাণ, শ্রামা মাকে সাক্ষাৎ দেখিয়া সর্বদাই মোহিত ও মাতৃময় থাকিতেন। আর কতো জ্বর রকমের ব্যক্তি ছিলেন তিনি, দেখুন। ছাঁদনা তলায় সাত পাক ঘুর থেয়ে, ফুলের বাঁধনে (সচরাচর যেটা, লোহার চেয়েও শক্ত, পাষাণের অপেক্ষাও কঠিন, দুর্ভেদ্য হয়ে দাঁড়ায়) এক গ্রাম্য বালিকাকে বিবাহের বাঁধনে বেঁধেও, তিনি বলতে পেরেছিলেন—আমি স্বপ্নেও পর্যন্ত কখন ‘স্ত্রী’ লই নাই। মাইরী বলছি!—হয় তিনি মস্ত ঠগবাজ, দমবাজ। নয়তো তিনি সম্পূর্ণ তারই উল্টো—পরম, চরম জ্ঞানীর শিরোমণি !!

পাশ্চাত্য শিক্ষার, পাশ্চাত্য হাবভাব-আদবকায়দার প্রথম চোখ-

ঝলসানো চটক, তখনও বাংলার নরনারী কাটাইতে পারেন নাই। রামকৃষ্ণের পূর্বে সমাজসংস্কারক-কূল বাংলার আঙিনায় দেখা দিয়া ছিলেন, সত্য! রামকৃষ্ণ ছিলেন—সন্ন্যাসী। তিনি যে নৈতিক চরিত্রের আদর্শ বজায় রাখিয়াছিলেন, গৃহস্থ সংস্কারক-কূলের আদর্শ—তাহা হইতে বিভিন্ন, বশা নিষ্প্রয়োজন। কিন্তু তিনি যে সংযম আচরণ করিয়াছিলেন, তাহা বর্তমান যুগে অদৃষ্টপূর্ব। সন্ন্যাসীতেও এইরূপ মনে প্রাণে, চিন্তায় ভাবে—সংযম-সাধন, কোন যুগেও পারিয়া ছিলেন কি না, সন্দেহ। যদি সংযমকে মানিতে হয়, তাহা হইলে পরিপূর্ণ শ্রেষ্ঠ, সংযম-আচরণকারী শ্রীরামকৃষ্ণকেও সমগ্র মানবসমাজের শীর্ষস্থানীয় বলিয়া মানিতে হয়। তারার ছিটে ফোঁটা, মিটি মিটি আলো স্বীকার করিতে হয়—আর পৃণিমার পূর্ণচন্দ্রের স্ত্রশোভন মনোহারী ছবিতেও মুগ্ধ হইতে হয়।

রামকৃষ্ণ-বিবেকানন্দরূপ আদর্শটি সাফ, সরল, পরিষ্কার। পণ্ডিত-মূর্খ সকলেই ধরিতে পারিবেন, বুঝিতে পারিবেন,—অনুসরণ করিতে পারিবেন কিনা, জানি না। কোন ঘোলাটে ভাব, এখানে নাই। ঈশ্বর ঘাঁহার যৌনস্পৃহা করুণা করিয়া ঈশ্বরের দিকেই মোড় ফিরাইয়া লইয়াছেন বা লইতেছেন, আর যিনি আন্তরিকভাবে অর্থের গোলামি বর্জন করিতেছেন—তঁাহার দ্বারাই সব চেয়ে বেশী কাজ হইবে, সুনিশ্চিত।

স্বামীজীর জীবনব্রতরূপ পরম মহৎ কর্মে ঘাঁহারা গৌরবময় অংশ লইতে চান, তঁাহাদের সম্বন্ধে তিনি একজন পাশ্চাত্যবাসীকে একটি কথা জোরের সহিত বলিতেছেন,—*They must be pure in heart.*—তঁাদের হৃদয় পবিত্র হওয়া একান্ত প্রয়োজন। গীতায় ভগবানও বলিয়াছেন অকৃতাত্মানো—অশুদ্ধ-চিত্ত ব্যক্তি যত্নশীল হইলেও আত্মসান্ধ্যকার করিতে অক্ষম হইবেন।

অপর জায়গায় রামকৃষ্ণদেব প্রসঙ্গে স্বামী বিবেকানন্দ বলিয়াছেন,—
 “যদি তুমি নিঃশেষে যৌনক্ষুধা ও অর্থ-পিপাসা পরিত্যাগ করতে পারো—ত
 তোমার আর বক্তৃতা না দিলেও চলবে। তোমার হৃদপদ্ম তাহাতেই
 ফুটে উঠবে,—আর সেই ভাব—আপনা হতেই ছড়াবে। যে কোন
 মানুষ তোমার কাছে যাবে, সে-ই—তোমার অধ্যাত্ম-অগ্নির সংস্পর্শে এসে
 তাজা, গরম, বলদৃপ্ত হ’য়ে উঠবে……চরিত্রই আমাদের সর্বত্র লাভবান
 ক’রবে, ফল দর্শাবে।” (অনুবাদ)

এক কথায় মনে রাখিতে হইবে যে, রামকৃষ্ণ-বিবেকানন্দের জ্ঞান
 সবচেয়ে উপযুক্ত তাঁহারাই, যাঁহাদের দেহমনরূপ আধার—পরম পবিত্র।
 পবিত্রতার বিছা পরম শুভকরী, পরম লাভকরী, পরম পাবনী। তাঁহাদের
 বাহ্যবিছা, কস্মরতী, বিভিন্নমুখী প্রতিভা ইত্যাদি—যদি নাও থাকে,
 ত কোনই ক্ষতি নাই, হুঃখ নাই। *Doing good is a secondary consideration. We must have an Ideal. Ethics itself is not the end, but the means to the end.* আচার্য্যের এই
 জ্ঞানবচন বিশেষ প্রণিধানযোগ্য। লোকের ভালো করা দ্বিতীয় উদ্দেশ্য।
 আমাদের একটি আদর্শ থাকা চাই। আবার একমাত্র স্নানীতিই চরম-
 গন্তব্য নহে। উহা গন্তব্যে পৌঁছবার উপায়।

আদর্শ-প্ৰীতি এবং তন্নাভের জ্ঞান আপ্রাণ চেষ্টাই সাধুজীবনের—
 শ্রীরামকৃষ্ণ-বিবেকানন্দ-ভাবধারার বিশেষত্ব। বাহ্যগুণের সমাবেশ না
 থাকিলেও, মনস্তাপের কোন কারণ নাই। ইহাঁদের অনুবর্তীগণ ঐ
 একান্ত কাম্য এক গুণেই—ঐ একের জোরেই ‘বাজীমাং’ করিয়া দিতে
 পারিবেন। আর প্রভুর কাজের জ্ঞান, প্রয়োজন হইলে, তাঁহারা কেহ
 কেহ তাঁহাদের শুদ্ধ সংযত ধীশক্তি—লৌকিক বিছাবিশেষে খাটাইয়া
 পারদর্শিতা অর্জন করিয়া লইতেও পারেন। ঐ মূলের ঘরে বিশেষ ফাঁক
 থাকিলে, যদি আমাদের ভিতর লক্ষ লক্ষ কেরামতীও থাকে,—চতুরতার

চূড়ান্ত থাকে, তো সকলই নিষ্ফল। সবই প্রতারণায় পরিপূর্ণ, সম্মোহিনী যাহুবিচার সামিল। সকলই—বহুবারস্তে লঘু ক্রিয়া। আর ঐ এক অমূল্য দ্রব্যটি—আমাদের স্বভাবের শোভারূপে, অঙ্গের আভরণরূপে, ধর্মণীর রক্তপ্রবাহরূপে লাভ করিয়া, বাড়ার ভাগ—যত গুণ, যত কৌশল, যত শিক্ষা লাভ করিতে পারি, ততই যঙ্গল। তাহাই শ্রেয়ঃ।

বিংশ পরিচ্ছেদ

জাতি-সংগঠনে আত্মিকশক্তির আবশ্যকতা

দেশের রাজনৈতিক সমস্তা, আজ এক নূতন অধ্যায়ে আসিয়া পৌছিয়াছে। আচার্য্যপাদ বিবেকানন্দের সেই কথাগুলি এখন মনে হইতেছে—“আত্মশক্তিই ভারতকে তুলবে। পণ্ডবল পারবে না।…… ভেতরের দেবত্বকে জাগাও, তার মহিমাতেই তোমরা ক্ষুৎপিপাসা, শীতোষ্ণ—সব সহ্য করতে সক্ষম হবে।……তোমাদের স্বাচ্ছন্দ্য, তোমাদের সৌয়াস্তি, তোমাদের আমোদআল্লাদ, তোমাদের নামঘণ ও পদলাভের আকাঙ্ক্ষা—মায় জীবন পর্য্যন্ত, বিসর্জন দিতে বলি।……শান্তি ও আশীর্বাণীর সহিত মহিমাময়ী ভারতমাতার মহিমা বিশ্বের সর্বত্র বিঘোষিত করো।” (তর্জমা)

বর্তমান যুগে কটিমাত্র-বস্ত্রাবৃত গুর্জর-জাত মহাত্মা—এই বাণীর জীবন্ত বিগ্রহ। গান্ধীর অহিংস আন্দোলন কার্য্যকরী ও সফল হইলে, শুধু ভারতে কেন, পৃথিবীর রাজনীতির অনেক নীতি পাণ্টাইতে হইবে।

বিবেকানন্দ প্রতিষ্ঠিত রামকৃষ্ণ-(সন্ন্যাসী ও গৃহস্থ) সংঘ বা অল্প ব্যক্তি কর্তৃক গঠিত, রামকৃষ্ণ বিবেকানন্দ নামাঙ্কিত, অ-রাজনৈতিক দলগুলির, বর্তমান সমস্তার কর্তব্য কি, তাহা নির্ধারণ করিবার সময় আসিয়াছে। যাহারা নিজেদের অ-রাজনৈতিক সেবকদল বলিয়া রেজেষ্টারী করিয়াছেন, তাঁহাদের সাক্ষাৎ রাজনীতিতে যোগ দেওয়া চলিবে না, ইহা বলা নিশ্চয়োজ্ঞন। আর দল হিসাবে, রুচি অনুসারে, নিজেদের মতবাদ-অনুযায়ী স্বেচ্ছায় তাঁহারা ঐ ভাবে একীভূত হইয়াছেন। ইহাও ঠিক। এবং রাজনীতিতে নেতৃত্ব করিতে অ-রাজনৈতিক দলসমূহ কোন কালে চান না, ইহাও যথার্থ। রাজনীতির ক্ষেত্রও—সমাজসেবা ও দেশ-সেবার একটা মস্ত প্রয়োজনীয় অংশ, সন্দেহ নাই। তবে রাজনীতি হইতে তফাৎ থাকিবেন বলিয়া যারা স্থির করিয়াছেন তাঁহাদের সর্বাংশে ঐ প্রতিজ্ঞা পালন করাই বিধি। রাজনীতির পথে থাকিয়া পবিত্রতা ও সত্য-সত্যতার সহায়ে মিষ্টার গান্ধী—মহাত্মা গান্ধী হইলেন।

বিবেকানন্দের ভাবসমুদ্রের কতকগুলি ভাব আমরা এতদিন সম্যক বুঝিতে পারিতাম না। গান্ধীকে দেখিয়া, সেইগুলির বাথার্থ্য আরও দৃঢ় বিশ্বাস হইতেছে। আর সঙ্গে সঙ্গে মনে হইতেছে, স্বামীজী কত বড় যে ভবিষ্যৎ-দ্রষ্টা ছিলেন, তাহার আর ইয়ত্তা নাই। তাঁর প্রতি কথা বর্ণে বর্ণে সত্য হইতে বাধ্য—যথাকালে। অধ্যাত্মজীবনই যে ভারতীয় সভ্যতার মূল ও শীর্ষ, একথা সেদিন কলিকাতাতে মহাত্মাও বলিয়া গেলেন। কারে পড়িয়া আমাদের জাতি হিসাবে রাজনৈতিক আন্দোলনে অনেককেই আত্মনিয়োগ করিতে হইতেছে। বিবেকানন্দের বাণীর মধ্যেও এই কথা বারম্বার স্মরণ করানো আছে। ইহা বলিলে, গান্ধীর মৌলিকতার কিছুই হানি হয় না। বিবেকানন্দের মতে, রাজনীতির পদ্ধতি স্বতন্ত্র—অধ্যাত্ম ধর্মনীতির স্বতন্ত্র। আততায়ীকে শারীরিক বলপ্রয়োগে গৃহস্থ মানব হটাইবেন,—মহা মহাত্মার এই উপদেশ পুনর্ব্বার

গৃহস্থদের উপর স্বামীজীর বাণীরূপে প্রতিধ্বনিত হইয়াছে। ইহাই জমগণ-ধর্ম। গান্ধীর জীবনধর্ম, রাজনীতি ক্ষেত্রে, বাণিজ্যের ক্ষেত্রে, পরখ করিবার সুযোগ হইয়াছে, হইতেছে—ভারতের নিরস্ত্র অবস্থার জন্ম, ইহাও ঠিক। তথাপি, হৃদয়ভাবে দেখিলে দেখা যাইবে, বিবেকানন্দের কতকগুলি ভাব-সূত্রের ভাষ্য রাজনীতিক্ষেত্রে গান্ধীমহারাজ করিবার চেষ্টা করিতেছেন। একবার বেলুড়মঠে ঠাকুরের জন্মমহোৎসব দর্শন করিতে আসিয়া, গুর্জরসিংহ স্পষ্ট বলিয়াছিলেন,—রামকৃষ্ণ-বিবেকানন্দের জীবন ও উপদেশ পড়িয়া, আমার দেশ-প্ৰীতি স্মৃদু হইয়াছে। স্বামীজীর দরিদ্রনারায়ণ সেবামন্ড্রে, গান্ধীজী দীক্ষা লইয়াছেন। পৃথিবীর ইতিহাসে গান্ধীর পূর্বেও সত্যগ্রহী ছিলেন। ভারতের প্রফ্লাদ, বাংলার নিত্যানন্দের নাম উল্লেখযোগ্য। গ্রীসের সোকরাতেস্, এসিয়ার যীশু। যুরোপেও এ শ্রেণীর মহামানব জন্মিয়াছেন।

কিন্তু, তাই বলিয়া বিপুল আকারে, ব্যাপকভাবে রাষ্ট্রক্ষেত্রে এ আদর্শ সফল করিবার চেষ্টায় ইতঃপূর্বে কেহ নামিয়াছেন, বা এই আদর্শে অনুরূপ অনুবর্তী পাইয়াছেন বলিয়া শুনা যায় না।

পাঠকবর্গ, বিবেকানন্দের বাণী শ্রবণ করুন। তারপর, গান্ধীর প্রতি তাকান। স্বামী—“আমাদের জীবনের রক্ত হচ্ছে আধ্যাত্মিকতা। রাজনৈতিক, সামাজিক ভারতের বহির্বস্তু-গত বা কিছু দোষ, মায় তার দারিদ্র্য পর্যন্ত আরাম হবে, যদি এই অধ্যাত্মশোণিত পরিষ্কার থাকে। * * * * * ত্যাগই ভারতকে পূর্বে জয় করিয়াছে, আবার ইহাই ভবিষ্যতে করিবে। * * * * * অধ্যাত্মধর্মই ভারতীয় জীবনের কেন্দ্র।...আর যা কিছু সব—গৌণ। * * * * * যদি এই অধ্যাত্মধর্ম তোমরা ছুঁড়িয়া ফেলিয়া দাও, তোমরা নিশ্চিহ্ন হইয়া মুছিয়া যাইবে। * * * * * জগতের সব জাতের ভিতর, একা আমরাই রক্তপাত করিয়া, অপরকে রাজনৈতিক পরাধীনতার শৃঙ্খলে আবদ্ধ করি নাই। আর এই আশীর্বাদে জোরেই

আমরা আজও বেঁচে আছি। * * * যেদিন “শ্লেচ্ছ” শব্দ আবিষ্কার করে আমরা অপরের সঙ্গে মেলামেশা বন্ধ করেছি, সেই দিনেই আমাদের পতনের চাপরাস তৈয়ের হয়েছে। * * প্রতি ব্যক্তির সত্যের উপর ভারতের মুক্তি নির্ভর করছে। প্রত্যেককে তার ভিতরের দেবতাকে জাগাতে, উপলব্ধি করতে, কার্য্যকরী করতে হবে। * * জেনো, পল্লীর কুটীরে কুটীরেই জাতটা রয়েছে। কিন্তু হায়, তাদের জ্ঞান কেও কিছু করে না। * * পাশ্চাত্যের আঘাতে মনে হচ্ছিল, বুঝি বা আমরা আমাদের জাতীয় জীবনের কেন্দ্রস্বরূপ, মূলধারস্বরূপ—অধ্যাত্মধর্মকে ছেড়ে দিলাম। কিন্তু, তা হবার জো নেই। তাই এই মহাশক্তিরূপে রামকৃষ্ণের আবির্ভাব।” (অনাক্ষরিক ভাষান্তর)

ভারতীয় কৃষ্টির অবিনাশী, অপরিত্যাজ্য সুন্দর ভিত্তির উপর দাঁড়াইয়াই যে, আমাদের ব্যক্তি ও জাতি সংগঠন করিতে হইবে, পরদেশীর দ্বারা শিথিতে হইবে,—বলিলে সম্ভব অত্যাক্তি হইবে না; সর্ব্ব পাশ্চাত্যশিক্ষা-বিবর্জিত সত্যকার সাধনার ধন—পরম কুলীন ব্রাহ্মণ শ্রীগদাধর চট্টোপাধ্যায়, সাং কামারপুকুর, জিলা হুগলী, বা রামকৃষ্ণ পরমহংসই প্রথম এই ভাবের—ভারতীয় জাতীয়তার প্রথম মঙ্গল-বৈতালিক। তিনিই আমাদের ব্যক্তি ও সমষ্টিগত নবজীবনের ভগবান্—আমাদের মহনীয় উদ্বোধন-মন্ত্র। আর, তিনি কতকগুলি ইয়ং বেঙ্গলকে এই মন্ত্র লওয়াতেও সক্ষম হইয়াছিলেন। তাহার ফলেই, রামকৃষ্ণ-বিবেকানন্দ আন্দোলন। বঙ্গদেশকে কেন্দ্র করিয়া সমগ্র ভারত ও ভারতের দেশসমূহও এই যুগভাবধারা ক্রিয়াশীল। এই তরঙ্গের একটি মহোদ্যম—স্বামী প্রেমানন্দকে বলিতে শুনিয়াছি—“ওরে আমরা কি-ছাই ঠাকুর দেবতাকে পেলাম ক’রতে জানতুম্? ঠাকুর আমাদের হাত ধরে, তাও শিখিয়ে-ছেন।” শ্রীরামকৃষ্ণ ঘটবাটি দেওয়ার ত্রায় অধ্যাত্মধন মানুষকে দিবার ক্ষমতা ধরিতেন।

ঠাকুর রামকৃষ্ণ মানুষকে জীবনে দিব্য, চিরশান্তি, চিরঅভয়লাভের উপায়স্বরূপ তিতিক্ষা, নিত্যানিত্য-বিচার এবং পরিশেষে প্রগতি, নতি, শরণাগতি বা ঐশ্বরিক শক্তির সমক্ষে চরম আত্মসমর্পণ শিক্ষা দিয়া গিয়াছেন।

রবীন্দ্রনাথ সুন্দর বলিয়াছেন,—“সভ্যতার কাজ হইতেছে, চরম পূর্ণতা প্রাপ্তির যে আদর্শ, তাহার বাস্তবতা সম্বন্ধে মানুষের কাজ ও সরল বিশ্বাস জাগ্রত রাখা। সভ্যতা,—শিল্পীর সৃষ্ট বস্তু। কল্পনা-শক্তি সদা সর্বদা, মানুষের ব্যক্তিত্ব এবং তাহার পরিবেষ্টনীকে গড়িয়া তোলে।”

—এই দিক দিয়া দেখিলে, পরণের কাপড়ের ঠিক না থাকিলেও, রামকৃষ্ণকে সভ্যসমাজের চরম শীর্ষ-স্থান দিতে হইবে। আর সঙ্গে সঙ্গে ইহাও বলিতে হইবে—তিনি শিল্পীর সেবা, শিল্পীর রাজা—শিল্পীর ঠাকুর। তিনি কবি,—মহাকবি। তিনি চরম কল্পনার পরম নায়ক।

একবিংশ পরিচ্ছেদ

কর্ম ও জ্ঞানের সমন্বয়ে অলৌকিক ভাবসাধনা

রামকৃষ্ণ-বিবেকানন্দের ভাববাহী যাহারা হইবেন, তাঁহাদিগকে গীতার জ্ঞান ও নিষ্কামকর্মের সমন্বয় স্মরণ করিতে হইবে। রামকৃষ্ণ-বিবেকানন্দের মানসপুত্রগণ ও স্নেহের কণ্ঠাগণ হইবেন তত্ত্বদর্শী, ক্রান্তদর্শী ঋষির গণ—সদা সর্বতোভাবে জীবহিতে ব্রতী (৫২৫ গীতা)

ঋষয়ঃ ক্ষীণকল্মষাঃ.....সৰ্বভূতহিতে রতাঃ ॥ আর তাঁদের কর্মফলাসক্ত থাকিবে না; তাঁরা যে নিত্যতৃপ্ত (৪।২০)। তাত্ত্বা কর্মফলাসক্তং নিত্যতৃপ্তো.....কর্মণি অভিপ্রবৃত্তোহপি নৈব কিঞ্চিং করোতি সঃ ॥ আর যদি ঠিক ঠিক ভাব না লইয়া কার্য্য করিতে আরম্ভ করি, তা হইলে শ্রীগীতাবক্তার ভাষায় সেই কাজ “মোঘকর্মাণো” হইবে। বৃথাই কর্ম। অবশ্য, আদর্শের দিক হইতে। সে কর্ম যতই আড়ম্বরযুক্ত হউক না কেন, তা থেকে নিশ্চয়ই আমাদের স্বভাবসংস্কার কোন কালেই রামকৃষ্ণ-বিবেকানন্দমুখী, পরব্রহ্মমুখী হইবে না।

পরমার্থজ্ঞানের পরম অবলম্বনশূন্য—তুচ্ছ কোন এক বস্তুকে আদর্শ ভাবিয়া যিনি কামড়াইয়া পড়িয়া থাকেন, তাঁহার সেই ভাবটি তামসিক জ্ঞানপ্রসূত; কর্ম করিতে হইবে—নিয়ত আসক্তিশূন্য রাগ-দ্বेष বিবর্জিতভাবে। কটুত্বের অভিনিবেশ থাকিবে না। শুদ্ধানন্দ এক রাত্রে, স্বামী বিবেকানন্দকে ঘুমন্ত অবস্থায় তালপাখার হাওয়া করিতে করিতে, বলিতে শুনিয়াছিলেন,—“অহংকারটা নাশ ক’রতে হবে।” ফলাকাজ্জ্ঞাও থাকিবে না। ফলাভিলাষ—ব্যক্তির নিজের জ্ঞান হইলে ত স্পষ্টতঃ আদর্শচ্যুতি হইলই। কিন্তু, যদি নিজেকে মুছিয়া—সমষ্টির ভবিষ্যৎ কল্যাণের জ্ঞান কেহ ফলেচ্ছা রাখেন, সেটা মিছরির মিষ্টির মত নির্দোষ কি না, ভাবিবার বিষয়। হিংসা যদি থাকে, দম্ব যদি থাকে, বড় কষ্টী বলিয়া পরিচিত হইবার সাধে, ক্ষমতার অতিরিক্ত কাজ জেদ করিয়া করিতে যাওয়ার ভাব বর্জনীয়। শ্রীরামকৃষ্ণ-বিবেকানন্দের ক্রুপায় তন্নামাক্ষিতকে কখনও অযুক্ত, শাস্ত্রজ্ঞানবিহীন, অনগ্র, শঠ, পরের অবমাননাকারী, অলস ও দীর্ঘস্থত্রী হইলে চলিবে না—(গীতা ১৮।১৬-৪০)। আর স্মরণ রাখিতে হইবে,—সর্বশেষে “শাস্ত্ররজসং” (৬।২৭) রজোগুণকে শাস্ত্র করিতে হইবে।

পৃথিবী এক দিক দিয়া গুণের গোলাম! লোকে কি ঠাকুর বানাতে

পারে ? গুণে বানায় । বিভূতিবান্ ধারা, শ্রীমান, বলশালী ধারা, তাঁরাই ত জগতে চিরকাল সর্বযুগে, সর্ববিষয়ে নেতৃত্ব করে আসছেন । তাঁদের হটাতে কেউ পারবে না । ঘরে বসে হিংসা করতে পারবে । সর্বক্ষেত্রেই ঠাকুর আছেন । ঠাকুরের হাত থেকে রক্ষা নাই । কাব্যে ঠাকুর আছে । শিল্পে ঠাকুর আছে । ব্যবসায় ঠাকুর আছে । মনস্তত্ত্বে, বিজ্ঞানে, অধ্যাত্ম ধর্ম-সাধনে, শুধু ঠাকুর নয়, বাপুবাছা, বাপের ঠাকুর ।

শক্তি না মেনে উপায় নাই । সে বড় শক্তি সত্য । শক্তিমানদের সামনে মানুষ প্রদীপ ধরে শাঁখ ঘণ্টা বাজিয়ে থাকে । যারই ভিতর ফুল ফুটেবে, মোমাছিরি এসে গুণ গুণ শব্দে গুণগান ক'রতে থাকবে । বুদ্ধদেব ব'ল্লেন,—প্রতিমায় কাজ কি ? প্রতিমাপূজা ক'রো না । আমিও তোমাদের মত দোষে ছুঁষ্ট মানুষ ছিলাম, কিন্তু, চেষ্ঠার জোরে জ্ঞান পেয়েছি । মানুষ মানলে না, সে কথা । কেবল বুঝলে—আস্থাস, উৎসাহ দেবার জন্ত 'মেস্তা'ময় পুরুষসিংহ ভগবান সকলের সঙ্গে নিজের সমান আসন দিচ্ছেন । উহা তাঁর আরও একটি অত্যাচ্ছ, লোকোত্তর উদারতা গুণেরই পরিচয় । একটু বিচারশীল হ'য়ে ভক্ত-মন ব'ল্লে, আদর্শ, নীতি, এ সব ব্যক্তির চেয়ে বড় বটে । কিন্তু এই গুলিকে ঠিক ঠিক বড় ব'লে লোকের মনে ধারণা জন্মিয়ে দেবার জন্তে—বড়লোক, মহান ব্যক্তির, ভগবান তথাগতের আসা প্রয়োজন ।—ফল এই মাত্র আখেরে ফল্লে । মানুষের বুকের রক্ত দিয়ে, মনের নৈষ্ঠিক শ্রদ্ধার সহিত তাঁকে পূজাই ক'রলে । আর তাই আজও করে চলেছে । অনন্ত মূর্তি, অনন্ত অসংখ্য তাঁর মন্দির, পট, মঠ, গুহা, গুফা গড়ে উঠলো ।

যে বিশটা যুবকে বজ্রবাঁধনে প্রভু রামকৃষ্ণের আদর্শকে বুকে জড়িয়ে ধরেছিলেন, যাদের পুণ্যে, যাদের সাধনে, যাদের সত্যে, কাজের পাকা বনিয়াদ গড়িয়া উঠিয়াছে তাঁহারা সাধের নায়ক-সঙ্গ (তাও বেশী দিন নয়—কেহ দেড়, কেহ তিন, কেহ বা হৃদ ছয়বছর পেয়েছিলেন) দীর্ঘ-

কাল পান নাই। যে তালিম তিনি দিয়া গিয়াছিলেন, তাঁদের ভিতর অসাধারণ অধ্যাত্মশক্তি নিহিত ছিল বলে, তাঁদের ভিতর পবিত্রতা সরলতার প্রকাশ সমধিক ছিল বলে, তাঁরা অনেকেই শীঘ্র ফুটে উঠলেন। অঘটন ঘটলেন। পরমহংসদেবের তাঁহাদিগকে চেনা এবং ইহাদের তাঁহাকে চেনা—তুই-ই অদ্ভুত। তুই-ই বিচিত্র। ইহারা নগ্ন, অন্ন বা নিরাহারী রহিয়া, ক্রেশের চরম সহ করিয়া, সাফল্য-গঙ্গা এনেছেন, উচ্চাঙ্গের গানের বারো আনা শিক্ষানবীশের নিজের ভিতরেই আসা চাই। আনা চাই। বাকী চারি আনা ওস্তাদের স্পর্শ। সঙ্গতদারদের কৃতিত্ব। এই জন্যই ক্ষণজন্মা, প্রতিভাবান্ মহাপুরুষদের সম্মান। যদি ইহাদের জীব বলো, ত বলতে হবে, সঙ্গে সঙ্গে, পূর্বজন্মে কত কাজ আগানো ছিল। আর যদি সকল রাজ্যের এই প্রকার গুণী, প্রতিভাশালী ব্যক্তিদের সিদ্ধপুরুষ বলো, তো বলতে হবে, লোকশিক্ষার বাহক ক’রে, ভগবান্ তাঁর দিবা কর্মের জন্তু এঁদের আনেন। নতুবা চেষ্টার দ্বারা গড়ে পিটে এ জীবনে (যদি নির্ঝিল্লি চেষ্টা করাটাও সম্ভব হয়) বেশ পটু পোক্ত, কাজের লোক বানানো নিশ্চিতই যায়। হয়ত তার ভিতর প্রতিভার স্বাভাবিকস্পর্শের অভাব হবে। কিন্তু, তাতে দমবার কিছু নাই।

অধ্যাত্মধর্মের অনধিকারীকে পরমহংসদেব বলতেন, ওগো, যাও তোমরা রাসমণি কেমন সুন্দর Building (মন্দির-বাড়ী, ঘরদোর) করেছে, ঘুরে ফিরে ঘাখোগে। তাঁর সমাধি, ভাব—এসব কাকুর কাকুর নিকট ছোট ভট্টাচারের গ্রাকামি, পাগলামি ব’লে বোধ হোতো। শ্রীরাম-কৃষ্ণের মানসপুত্র শ্রীব্রজানন্দ মহারাজকে কখন কখন দেখা যাইত, লম্ব-শাট-পটাবৃত বাবুর সঙ্গে কেবল গাছ, বীজ, চারা, ফুলের রকমফের, ইত্যাদি সম্বন্ধে কথা কয়ে—বিদায় দিলেন। তিনি বাহিরে এতদূর

সচরাচর চাপা ছিলেন। অধ্যাত্ম প্রসঙ্গ বিশেষ উৎসুক অধিকারী ব্যতীত অজিঙ্গাসিত হইয়া—কহিতেনই না।

নিজেকে একেবারে অনধিকারী ঠাওরাইয়া ছাড়িয়া দিলেও কি চলিবে? রামকৃষ্ণ-বিবেকানন্দ-নামে যে সব গৃহস্থ বলিদত্ত হইয়াছেন, তাঁহাদেরও দায়িত্ব গুরু। হেলার জিনিষ নহে। একথা ভুলিলে চলিবে না। সং গার্হস্থ্য ও সং সন্ন্যাস একহারে গাঁথা। প্রভুর যুগচক্র সংস্থাপনে কাঁহার দ্বারা কতটা হইবে, কি হইবে, কখন হইবে, কিছুই জানা নাই। এঁদের আশ্রিত এক আক্ষিপ্ত গৃহস্থের প্রতি একবার স্বামী সারদানন্দকে দৃঢ়কণ্ঠে বলিতে শুনিয়াছিলাম—“তুই মার ছেলে। তোর শ্রাতাজোবড়া গেরস্ত হলে চলবে কেন?” আমি তাঁর সন্তান, আমাকে ভাল হইতে হইবে—এই ভাবটি আনা চাই। ঠাকুরের সংসার যেন দেখিয়াই বুঝা যায়। তিনি যে সবাকার। কাহাকেও—একটিকেও বাদ দিবার উপায় নাই। পরমহংসদেব বলিয়াছেন, ভগবান মন দেখেন, কে কি কাজে আছে, কে কোথায় পড়ে আছে, তা দেখেন না। বেণ্ডালয়ে মৃতব্যক্তিকে বিষ্ণুদূতে নিয়ে যায়। আবার ভাগবত সভায় পঞ্চত্বপ্রাপ্ত মানবের স্তম্ভশরীরকে যমদূতে ঘাড়ে ধাক্কা মারতে মারতে যমালয়ের পথে নিয়ে চলে। ভাগবত সভাতে, সাধুসঙ্গেই থাকিতে হইবে, পরস্তু সাধু-সঙ্গের, ভাগবত সভার উপযুক্ত ভাবরাশি মনে লইয়াই।

ধ্যান করিতে ইচ্ছা হয়, শ্রীরামকৃষ্ণের সেই সদা সংসার-বিস্মৃতত্ব, উদ্ভ্রান্ত, উন্মনাভাব। উচ্চ ভূমিকায় মনের পুনঃ পুনঃ আরোহণ। আবার “মা—মা” বলিতে বলিতে পুনঃ অবরোহণ। মাতৃত্বের অবমাননা বাংলায় সহজিয়া যুগে ষোলকলায় সংঘটিত হইয়াছিল। অতি কদর্যা, ঘৃণিত, পতিত বৌদ্ধ তন্ত্রাচারের আবরণে ব্যভিচারের চরম। অতি কঠিন পরকীয়া প্রেমের নামে, ভগবান্ শ্রীকৃষ্ণের পরমপাবননামে, কলঙ্ক-কালিমায় সমাজ-দেহ তখন জর্জরিত, ভরপুর। ব্রাহ্ম-আন্দোলন এই

শ্রোতে প্রবল, প্রয়োজনীয় বাধা প্রথম দেন। তারপর জননী আপনি এবার সোহাগের রামকৃষ্ণ বিগ্রহে মূর্ত্ত হইয়া বাংলাকে “মা” বুলি শিখাতে এসেছেন। বাংলার লাক্ষিত নারীর গভীর মর্শ্ববেদনা “সর্বতঃ শ্রোত্রঃ সর্বতঃ চক্ষুঃ” মায়ের পরাণে বাজিয়া উঠিয়াছিল। তাই এবারে সমগ্র জাতির অপরাধের জন্ত দক্ষিণেশ্বরের আপনভোলা পূজারীর, বরষ বরষ ব্যাপী তিল তিল করিয়া আপনার উপরই প্রায়শ্চিত্ত-বিধান। অপূর্ব আত্মবলিদান। আপনি আচরি জীব, এই মহাশিক্ষা দান। এত চড়াভাবে তিনি শক্তিপূজা শিখাইয়া গিয়াছেন। শ্রীরামকৃষ্ণরূপ ঘরের বাহার বাহার দর্শন ভাগ্যে ঘটিয়াছে সকলেই এই পরম বিদ্যার পারদর্শী দেখিয়া মুগ্ধ হইয়াছি। তবে আমরা ভোলানাথের সন্তান। তাই এ শিক্ষা শীঘ্রই ভুলিবার আশঙ্কা।

শ্রীরামকৃষ্ণ নিজদেহে কুণ্ডলিনী শক্তির পিপীলিকা, ভেক, বানর, পক্ষী, সর্প ইত্যাদি প্রত্যেক প্রাণীটির গতিযুক্ত হইয়া, নিম্নহান হইতে উর্দ্ধদেশে আরোহণের কথা কহিয়াছেন। আবার নিজ শরীরগত পাপপুরুষের দহন, তাহাও বলিয়াছেন। মানবত্বের দিক দিয়া, সাধক-ভাবের চরম পরাকাষ্ঠা দেখাইয়াছেন। ইতিহাসে কোনযুগে এক শরীরে অতগুলি সাধন-প্রক্রিয়া অনুষ্ঠিত হয় নাই। তিনি পিপড়ের নিঃশব্দ গতিতে শ্রামের হুপুরুধ্বনি শুনেছেন! তিনি কেমন, কত বড় দরের সুন্দর শিল্পী, ক্রান্তদর্শী, সূক্ষ্মধী—কবি, কে জানে? কচি সবুজ ঘাসের ওপর দিগে লোক চলে গেছে। চৈতন্যময় মহৎ সত্ত্বায় সদাজাগরুক শ্রীরামকৃষ্ণের তাহা দেখিয়া বড় কষ্ট হইতেছে। তাঁহারও বুক, সঙ্গে সঙ্গে বাস্তবিকই লাল হইয়া উঠিল। অপূর্ব ভাবতত্ত্বের উপর—ভাবের অপূর্ব প্রক্রিয়া। সচরাচর এরূপ দৃষ্ট হয় না। একজনকে, একজন নির্দয় প্রহার করিল। তাঁহার পিঠে সেই আঘাতের দাগ কোথা থেকে আসে? চৈতন্যযুগে বাংলা একবার চরম ভাবসাধনা করিয়াছিল।

রামকৃষ্ণলীলায় তাহাই আবার পুনঃ জাগরুক হইল। লোকের ছাতা-
লাঠি রাখার রকম দেখে তিনি তাদের স্বভাব ধরেছেন। কারুর কারুর
ভিতরটা, কাঁচের গ্লাসের মত চোখের সামনে প্রকট দেখেছেন। কাহাকেও
কাহাকেও নিকটে টানিয়া জগদম্বার কাজে লাগাইবেন বলিয়া,
শরীরের প্রতি অঙ্গ-প্রত্যঙ্গ ঘুমন্তে—জাগ্রতে পরীক্ষা করিয়া লইয়া,
সন্তানস্বের তিলক মাথায় পরাইয়া দিয়াছেন। স্বামী প্রেমানন্দ,
স্বামী সারদানন্দপ্রমুখ অনেক সন্ন্যাসীই এই বিষয়ে সাক্ষ্য দিয়াছেন।
লুচির ফুলের ঘায়ে আবার এক সময়ে তাঁর জিব্ কেটে
গেছে। তখন তিনি কোমলাদপি কোমল। ঘন ঘন সমাধি-স্রোত
শরীরের উপর দিয়া বহিয়া গিয়া তাঁহার অস্থিপুঞ্জকে অপূর্ব
অসাধারণ-ভাবে বাঁক চোর করিয়া, বিভিন্ন মুদ্রায় নমিত করেছে।
'জিমনাষ্টিক'—কুচকাওয়াজ কসরতীতে সেধে, ইচ্ছাপূর্বক অতটা
আনা যায় কি না সন্দেহ। পরমহংসদেবের শরীরে যে অস্থি ছিল, তাহা
শিশুতেও বলিবে। কিন্তু পূজনীয় রামকৃষ্ণানন্দ বা শশীমহারাজ
তাঁহার কোন এক সেবককে একদিন ব'লেছিলেন,—“ওরে আমি
বলছি, তাঁর অঙ্গ-সেবা কোরে দেখেছি, তাঁর শরীরে হাড় ছিল না”।
ইহা আক্ষরিক সত্য নহে। কিন্তু ভাব-সাধনা করিতে করিতে, যুগাদর্শ
যুগগুরু শ্রীরামকৃষ্ণের ভাগবতী তনু বিরূপ কোমলতা প্রাপ্ত হইয়াছিল—
শশীমহারাজের উক্তিটি এই দিকের সাক্ষ্য হিসাবে লইতে হইবে,
নিঃসন্দেহ।

হে রামকৃষ্ণ-রসিক নব্যবঙ্গ! Ecco Homo! তাঁর দিকে
তাকাও। ঝাখো ঝাখো, “তাঁর প্রসন্ন বয়ান—চিন্তাবিনোদন। ভুবন-
মোহন।” আমরাও কি ইহারই? যদি সত্যই তাই হই, তবে
স্বপ্নরাজ্যে আমাদেরও তৎপ্রসাদে দৃষ্টি খুলিতে বাধ্য। আমরাও যে
ইহার নির্দিষ্ট—ইহারই অভিপ্রেত পথে চলবার চেষ্টায় আছি। ভক্তের

ভয় কি ? দ্বাপরে প্রোক্ত শ্রীকৃষ্ণের অভয়বাণী আজও ভক্তমুখে ঝঙ্কত হইতেছে। বাপকো বেটা হইতেই হইবে। তিনি “কুহু কুহুভি” অন্ততঃ করাইয়া লইবেন। তিনি যেন সদাই বলছেন, হে কর্ম্মরত ! একবার একবার অন্ততঃ নিরত, বিরত হও। আমায় ঢাথো—আর জীবনে—জীবন মিলিয়ে নাও। ভাবো—কোন্ পথে চলেছ ? কেনই বা চলেছ ?

রামকৃষ্ণ-বিবেকানন্দ যেন মহাসমুদ্ররূপে রয়েছেন। বিশাল, বিরাট। আর আমরা হাঁড়ির মাছ। মহাসমুদ্রের তীরে দীর্ঘকাল স্থিরচিন্তে বসিয়া থাকিলে মন যেন অনন্তে মিশাইয়া যায়। নিজের অস্তিত্ব, ক্ষুদ্রত্ব-ভাবনা কোথায় উড়িয়া যায়। তাই নিত্যঅভ্যাস কিছুক্ষণ প্রয়োজন।

দিব্যচক্ষে কল্পনা করা যায়—করিতে লাগে ভালো, সমবেদনা-মাখানো শ্রীবিবেকানন্দের পদ্ম-অঙ্কি-শোভাধারী অপরূপ মনোহারী মুখশ্রী। তীরবিদ্ধ—দরদরধারায় ধরণী-বিলুপ্তিত, আঘাতপ্রাপ্ত, মেহের শাবককে পক্ষীমাতার গ্রায় পরম দরদের সহিত আলিঙ্গন করিয়া, তিনি আমাদের ঘন ঘন সাস্থনা দিতেছেন। শরীরে সর্বত্র রোমাঞ্চ-পুলককর, তাঁহারই মধুরিমাময় স্পর্শ। আর শিরে আশীর্বাদের সুকোমল কর-রেখা। বলছেন, বৎস ! বেশ, বেশ !—কিন্তু বাছা, আরও এগিয়ে যেতে হবে। Excelsior—Higher, higher, still, Bravo, my dear children, my darlings ! দূরে—বহুদূরে। “যোজন—যোজন সে বিস্তার। অভ্রভেদী নিরভ্র আকাশে।……বাকমকি জ্বলে হিমশিলা, শত শত বিজলীপ্রকাশ।……শৃঙ্গে শৃঙ্গে মূচ্ছিত ভাস্কর ……এ ব্রহ্মাণ্ড গোম্পদ সমান……বাজে তথা অনাহত নাদধ্বনি। —তব বাণী।”

দ্বাবিংশ পরিচ্ছেদ

জ্যোতিষ্ময় জীবনের দীপ্তিতে

দেবাদিদেব মহাদেব, মানবকূল-তিলক শ্রীরামকৃষ্ণের একজন শ্রেষ্ঠ ভাববাহী, বেলুড় রামকৃষ্ণ-সঙ্গ ও মিশনের নরেন্দ্র-নির্বাচিত (আজীবন) সম্পাদক, যুগগুরু উপযুক্ত ভাব-ব্যাখ্যাতা লোকনায়ক ধীর, গম্ভীর, সদা-অচঞ্চল শ্রীমৎ স্বামী সারদানন্দকে গ্রন্থাবশেষে বিশেষভাবে স্মরণ হইতেছে। কারণ রামকৃষ্ণ-বিবেকানন্দ-বোধপথে তিনিই আমাদের সত্য সত্য হাত ধরিয়া দাঁড় করাইয়া দিয়াছেন। খেই ধরাইয়া গিয়াছেন। বুঝিবার ও বুঝাইবার তিনিই হেতু। তিনিই আদর্শ। ব্যক্তিগতভাবে তিনিই মূল। তিনিই উপলক্ষ্য। চক্ষের সমক্ষে—দীপ্তিমান রবি-বিশ্ববৎ সর্বদা বিরাজমান। অধ্যাত্ম মহাকাশে প্রোজ্জ্বল ভাস্কর। অপূর্ব স্নেহকোমল। অথচ কর্তব্যে কঠোর। উচ্চদিকে তাকাইবার তিনিই অধ্যাত্ম-দৃষ্টান্ত। ভবজলধিপারের তিনিই কাহারও কাহারও নৌকা বা মহাসেতু। কেমন হতে হয়—তাহাই। তিনি পথ-প্রদর্শক। তিনি তীর্থঙ্কর। শুদ্ধ মুক্ত, বুদ্ধ।

আমাদের চারটির উপর পাঁচটি কাজ পড়িলে, ঝঙ্কাট বাড়িলে, জপতপ ভুলিয়া যাই। মেজাজ খিটখিটে, হ্রস্ব-দীর্ঘ-জ্ঞান-বিবর্জিত হইবার উপক্রম হয়। এক আধারের সহিত আর এক আধারের কি বিপুল ব্যবধান! তিনি কিন্তু কাজের বোঝা, কাজের শ্রোতের মধ্যে—চরম কর্ম-তত্ত্বের মধ্যে—চরম শাস্ত সমাহিত ভাবের কমছবি। জলন্ত সাহস। বুকভরা বিশাল সাহস। বলরামবাবুদের কৌলিক গুরুপুত্রের একবার মারাত্মক বসন্ত ব্যাধি। তিনি শান্তভাবে নিজেই সেবাভার লইলেন।

বোগসংসিদ্ধ, স্থিতপ্রজ্ঞ ঐক্লপই হয়েন। মার আমলে যখন তাঁর দম ফেলিবার সময় থাকিত না এবং পরেও—তিনি কোন দিন নিত্যকার আত্মচিন্তন-অভ্যাস পরিত্যাগ করেন নাই। তাঁহাকে দেখিলে, কাছে থাকিলে, শাস্ত্রবোধ স্নগম হইত।

দেখিতাম,—তাঁর বিরাট মন যেন পদ্ধতি শৃঙ্খলার অটুট পাষাণে নিশ্চিত। যেন একটি বহু প্রকোষ্ঠ বিশিষ্ট রাজপ্রাসাদ। রাজ অট্টালিকা। দৃষ্টান্ত দেওয়া শক্ত। মনের যেন একটার পর একটা, তারপর আর একটা—কুঠরী। একটি—স্তরের পর স্তর সংগ্রস্ত “বিশ-কৌটা”র প্রতীক। একটার পরদা যেই পড়ে গেল, একটার তালাচাবি বন্ধ হল। আর একটার কাজ শুরু হল। নূতন অধ্যায়। নূতন পর্যায়। নূতন কাঠামো। নূতন টাট। আর তিনিও সঙ্গে সঙ্গে আর এক নূতন—পৃথক মানুষ। প্রথমটার চিন্তা যেন একদম ভুল। মন-মত্তকরীর উপর কি বিপুল—অধিকার!—হ্যাঁ, বলা চলে, জীবনে অন্ততঃ একটি অসীম মন-বল-বিশিষ্ট সাধু, শক্তিমান পুরুষ-প্রবরকে দেখা গিয়াছে। ঠাকুরের অন্তর্ধানের পর শরচ্ছন্দ্র অকপটে ঈশ্বরার্থ কঠোর তপশ্চরণের ফলেই এই সব গুণ অর্জন করিতে সক্ষম হইয়াছিলেন, নিঃসন্দেহ।

শরচ্ছন্দ্র নরেন্দ্র অপেক্ষা দুই বৎসরের ছোট! দুই জনেই,—উত্তর-কালের দুইটি ঘনিষ্ঠবন্ধুই একই সন্ন্যাসরোগে হঠাৎ আক্রান্ত হইলেন। একজন কয়েকদিন রোগ ভোগের পরে তনুত্যাগ করিলেন।

সন্ন্যাস ছয়টায় গৃহস্থের ঘরে প্রদীপ জলিয়া উঠিবার সঙ্গে সঙ্গে—দুই বৎসরের শিশু শ্রীমান নরেন্দ্র যখন সিমলায় আধ আধ মধুমাখা বুলি বলিতে বলিতে হামাগুড়ি ছাড়িয়া, একটু একটু চলা শুরু করিয়া মায়ের প্রাণে আনন্দের ঝলক, আনন্দের ফোয়ারা তুলিতেছিলেন—নরেন্দ্রদের সহর কলিকাতার অপর এক নিকটবর্তী পাড়ায়, পটলডাঙ্গায় ইং ১৮৬৫,

২৩ ডিসেম্বর, লোক-পরিব্রাতা প্রেমময় ভগবান যিশুখৃষ্টের সত্তাবিশিষ্ট ও সেই আচার্য্যেরই জন্মকাল-সমীপবর্তী দিবসে,—প্রকৃতিগত সংসারের সর্ব শৈত্যের মধ্যে—ঐশীতপ্ততা, ঐশীসংস্পর্শ ও ঐশী ভালবাসার নিবিড়, সদা ক্ষমাময় কেন্দ্রস্বরূপ নরেন্দ্রের সাধের সহচর—এই বীর মহামানবের শ্রামতমুর অপর এক প্রসূতিবক্ষে শুভ উদয়কাল। দেবীভক্তির হৃদ-তন্তুতে গঠিত—দেবীভক্ত,—উত্তরকালের এই ব্রহ্মময়ীপ্রাণ মহামানবের—দেবীর বার—শনিবার,—দেবীরই অঞ্চলনিধিরূপে মায়ের কোল জল্-জলাট করিয়া যেন মার কাজের জন্তই জগতে আসা। পৌষ গুণ্ঠাবধী।

জীবনোদ্দেশ্য পরিপূর্ণ করিয়া রামকৃষ্ণ-বিলেকানন্দরূপ মহাদর্শের সেবক—বাহ্য বাব্ধোপ-অবস্থায় যখন, তিনি আমাদের সমক্ষে শয্যাগ্রহণ করিলেন—সেও অপর এক শনিবারেরই সন্ধ্যা। শ্রাবণ মাস। তখন সেই সবেমাত্র ‘উদ্বোধন’-মঠে শ্রীশ্রীঠাকুরঠাকুরাণীর সন্ধ্যারতির শঙ্খ-ঘণ্টাধ্বনি নিখর হইয়াছে। বোগী শরচ্চন্দ্রও যেন মহাসমাধিযোগে তনুতাগ-মানসে মহাশয্যায় শায়িত হইলেন। মৌনব্রত অবলম্বন করিলেন। শ্রীভগবান রামকৃষ্ণের সুর সৈন্যদলের পরম নায়ক—যাঁহার শ্রীমুখ হইতে সূদীর্ঘ ত্রিশবর্ষ কত সাধু, কত ভক্ত, কত কর্মী, কত ত্রিতাপতাপিত সংসার-মরুভাঙ্গী—পথের ইঙ্গিত-উপদেশ যুগের পর যুগ—গুনিয়া ধন্ত হইতেছিলেন—সেই মহামানবের মুখ আজ জগন্মাতা বন্ধ করিলেন। শরচ্চন্দ্র ছিলেন নাদ-সাধক। তাঁহার সুরকণ্ঠের মধুর গম্ভীর আরাব—সব সুর স্তিমিত হইল—ধীরে ধীরে মহাকাশে বিলীন হইল। জীবনের তালে, জীবনের ছন্দে, জীবনের গানে চির-সোম আনিল—কবি কথিত ‘শ্রাম সম মরণ’ আসিয়া দেখা দিল। ত্রয়োদশ দিবস শরচ্চন্দ্র সজ্জের সকলকে—ভারতের দুর্বাবস্থায়ী ও নিকটস্থিত—সকলকেই শেষ দেখা দিবার জন্তই যেন বাক্য-হারা, শব্দবিহীন অবস্থায় পড়িয়া রহিলেন।

যাঁহার ভিতরে—ব্যক্তিগত কুংসা-নিন্দাবাদ প্রবৃত্তির তিলমাত্র স্থান ছিল না, সাধারণ মানবের স্তর হইতে অতি উচ্চ, প্রায় কল্পনাতীত মনোভাববিশিষ্ট, মানবের সব দুর্বলতা পরিজ্ঞাত অথচ চিরদিন মানব-বন্ধু, মহিমময় চরিত্র—এই পুরুষসিংহ, এই সিদ্ধসাধক সন্ধ্যা দেবীর কৃষ্ণাঞ্চলে দেবীর কোলে কালক্ষেত্র কলিকাতাতে দেহ ধারণ করেন। আবার শ্রীমতী সারদারূপিণী সেই শ্রামামায়েয় লীলাতুলে ঐ সহরেই, মায়েয় বক্ষের ধন, মায়েয় অশেষ কৃপাসিদ্ধ, তাঁর নিজ ভাবায় মায়েয় “দরোয়ান”—দেবীর তিরোভাবের কক্ষের ঠিক সংলগ্ন পার্শ্ববর্তী প্রকোষ্ঠে, মহানিশায় নিঝুম রাতে, মায়েয়ই কৃষ্ণাঞ্চলে তাঁর প্রিয়, কালো মায়েয় কালোছেলে শ্রীমান্ শরচ্চন্দ্রের শেষ স্বাস্ত্যাগ। সুন্দর মিল। দেহত্যাগ—লক্ষ্মীরূপিণী দেবীরই বায়ে। লক্ষ্মীবারে, শান্ততদ্বোক্ত মহানিশায়—রাত্র ১টার পর। এলা ভাদ্র, বৃহস্পতিবার, কৃষ্ণা সপ্তমী, ১৩৩৪, ইং ১৮ অগষ্ট, ১৯২৭।

কালীনামে মাতোয়ারা শ্রামামায়েয় স্নেহের বালক—ভগবান্ শ্রীরাম-কৃষ্ণের সঙ্গে শরচ্চন্দ্রের পরমশুভ সাক্ষাৎকার—তাঁহার ঊনবিংশতি বৎসর আন্দাজ বয়সকালে। আর যখন তিনি একবিংশ বৎসরের বলিষ্ঠ যুবক, তখন নরেন্দ্র, যোগেন্দ্র, রাখাল, বাবুরামাদি তাঁহাদের সকলকে কাঁদাইয়া, শ্রাবণসংক্রান্তির এমনি এক মহানিশায় নিরাকারা শ্রীশ্রীতারায় ইং ১৮৮৬তে শ্রীরামকৃষ্ণ চিরলীন হন।

জগতজোড়া বর্ষায়, আকাশ-ফাটা বৃষ্টিধারার সহিত, যেন প্রকৃতিরানীর ঝর ঝর শোকবারির অভিষেকে, পর পর কয়েকবার শ্রীরামকৃষ্ণভক্ত-মণ্ডলীকে এইভাবে শোকসুর্ধুনীর স্রোতে ভাসিতে হইয়াছে। শ্রাবণের মহানিশায় পরমমঙ্গলরূপিণী দেবী শ্রীশ্রীসারদামাতার মঙ্গলবারে তনুত্যাগ। বর্ষারাত্রি নরেন্দ্রের তনু বিসর্জন। শ্রাবণধারায় বেলুড়ঠাটভূমিকে সিন্ধু, প্লাবিত, অত্যন্ত আর্দ্র করিয়া, তাহার বহুদিনের পালয়িত্রী মাতৃদেবীসম

শ্রীপ্রেমানন্দের বেদাগ-নিষ্পাপ-দেহকে—চতুর্দিকে ভক্তনয়নের শোকতপ্ত বারিপাতের পরিধির ভিতর, অগ্নিমূর্তি শ্রীরামকৃষ্ণ তাঁহার স্নেহের পুতলীকে ফিরাইয়া লইলেন। আবার এই ঋতুতেই শ্রীরামকৃষ্ণসম্বৎ শরত-হারা হইলেন। তাহার প্রাসাদচূড়া, মাথার তাজ, তাহার অপূর্ব গঠনকারী নিজের স্বতন্ত্র গঠন, স্বতন্ত্র সত্তা মহাভূতে মিলাইয়া দিলেন।

ইহাদের সকলকে শ্রদ্ধা করা, পূজা করা—জীবনের সর্ব ঘটনাবলী আলোচনা করার মূল অর্থ কি? অর্থ—মহান্ চরিত্রের পূজা। অধ্যাত্ম-ভাবে ভরপুর হইবার জগ্ন কৰ্ম্ম করা। চেষ্টা করা। ভজন করা।

জ্ঞানময় কঠ-শ্রুতির উক্তি—“মহাস্থং বিভুং আত্মানং মহা ধীরো ন শোচতি।” মহান্—বিভু-আত্মাকে জানিলে ধীর ব্যক্তি শোক করেন না। আমরা বলি, মহতের চরিত্র আলোচনা করো। তুমিও ধীর হইবে।

নন্দকুলচন্দ্রমা ভগবান শ্রীকৃষ্ণ ইহাকেই গীতামুখে ভিন্ন আখ্যা দিয়া ধনঞ্জয়ের সমক্ষে ধরিয়াছেন। তিনিই ঈশ্বর—বিনি লোকত্রয়ের মধ্যে অনুপ্রবিষ্ট হইয়া রহিয়াছেন। তিনিই পরমাত্মা। তিনিই উত্তমঃ পুরুষঃ। পুরুষোত্তম—১৫।১৭ ॥

রামকৃষ্ণ-বিবেকানন্দ বা তাঁহাদের ভাববাহী সকলেই এই ঈশ্বর জ্ঞানের, পরমাত্মজ্ঞানের, পরাভক্তির, আত্মজ্ঞানের উদ্দীপক। উৎসাহ-দাতা। উদ্বোধন-কারী। তাঁহাদিগকে সম্মান করার অর্থ—তাঁহাদের চরিতকথা চর্চা করার অর্থ—এই আত্মজ্ঞানের আদর্শকে জীবনে মর্যাদা দেওয়া।

পর পর তিন চারিটি কন্ঠার পর মাতৃকোড় আলো করিয়া প্রথম পুত্রসন্তানরূপে শরচ্ছন্দ দেহ ধারণ করিয়াছিলেন। তাই বড় ছেলের আদরষড়ুও যে বড়দের হইবে, তাহা বলাই বাহুল্য। ‘জায়তে’র পর—‘বর্দ্ধতে’। জন্মের পর বৃদ্ধি। তিলে তিলে দিনে দিনে তিনি বাড়িয়া

উঠিলেন। ছেলেবেলা থেকেই তাঁর খুব মোটাসোটা গোল-গোল গড়ন ছিল। তাঁহার মুখে শুনিয়াছি, হেয়ার স্কুলের সহাধ্যায়ীরা এইজন্ত তামাসা করিয়া বালক শরৎ চন্দ্রকে—‘ফুটবল’ নাম দিয়াছিল। আবার শৈশব হইতেই তাঁহাতে—তাঁহার জীবনের সেই শ্রেষ্ঠ উপাদান, অসাধারণ সম্পদ—বেলুড় শ্রীরামকৃষ্ণ-সঙ্ঘে সুপরিচিত ও ঐ সঙ্ঘের বৃদ্ধির মূল উপাদান, শরৎ মহারাজের সহনশীলতাগুণ দেখা দেয়। বলিতেন—সাথীদের কিল চড় খাইতাম। পাণ্টা প্রতিদান বড় একটা প্রায়শই করিতে জানিতেন না।

ক্রমে ক্রমে এক-এ পাশ করিয়া ফেলিলেন। শরীরে শক্তি ছিল অসাধারণ। নরেন্দ্রদের সিংলা পল্লীর অতি স্নায়িকটে, তখনকার পান্তীর মাঠের আখড়ায় (এখন সেখানে বিদ্যাসাগর হোষ্টেল) কিছুকাল শরীর-চর্চা করিয়া খুব পটু, দৃঢ়মায়ুর্বিশিষ্ট ও কন্মঠ হইয়া উঠিলেন।

পিতা গিরীশচন্দ্র পুত্রকে মেডিক্যাল কলেজে ডাক্তার বানাইবার জন্ত পাঠাইলেন। ছেলের ঐ বিদ্যা লাভে কাজের সুবিধা হইবে ভাবিয়া, ভবিষ্যৎ অভ্যুদয়ের স্বপন দেখিতে দেখিতে পিতা ঔষধপত্রের একটি দোকানও খুলিলেন।

ইতিমধ্যে উনিশ কুড়ি বৎসরের যুবক শরৎ চন্দ্র, ব্রাহ্মসমাজ হইতে জীবনালোক পাইবার আশায় ব্যর্থ হইয়া, অধ্যাত্ম-“বস্তু” লাভের জন্ত ব্যাকুলভাবে চাতকবৎ পথপানে চাহিয়াছিলেন। তবে ইহা সিংসন্দেহ তখনকার ব্রাহ্মাচার্য্যদের সুদৃঢ় সুবিমল নৈতিক চরিত্র—তাঁহার স্বভাবসুলভ সংযম ভাবকে পরিপুষ্ট করিয়াই থাকিবে। ক্রমে সৌভাগ্য-রবি জীবন-গগনে উদ্ভিত হইল। দক্ষিণেশ্বরের সমাধিমগ্ন বোগীর সাক্ষাৎকার লাভ হইল। অধ্যাত্ম-“বস্তু”ও কিছু পাইলেন। কেবল “বাগ্-বৈখরী শব্দবরী” নহে।

শুনিয়াছি, শরৎ চন্দ্রের পিতা প্রথমটা পুত্রের এইখানে ঘন ঘন

গমনাগমনে ইতিকর্তব্যতা ধার্য্য করিতে পারেন নাই। অনন্তোপায় হইয়া নিজ দীক্ষাগুরু শ্রীযুত জগন্মোহন তর্কালঙ্কার মহাশয়কে পরমহংস-দেবের কাছে পাঠাইলেন। উদ্দেশ্য, তিনি পরখ করিয়া দেখিয়া বলিবেন—ঐ যোগীর সহিত মেলামেশায় শরতের অমঙ্গল হইবে কি না। গুরু—পরমহংস দেখিয়া আসিয়া শতমুখে বলিলেন—এমন মহাজনের সঙ্গলাভে শরতের ইহ-পারলৌকিক অশেষ মঙ্গল হইবারই কথা। মহা-ভাগ্যোদয় হইলে তবে সংসারের মানবের ঐরূপ মহামানবের সহিত দর্শনলাভ সংঘটিত হয়।

শরচ্চন্দ্র শ্রীরামকৃষ্ণকে বার বার বাহিরে দেখিলেন। ভিতরেও তাঁহাকে পাইলেন। গিরীশচন্দ্র ও গর্ভধারিণীর স্নেহ—কোথায় ভাসিয়া গেল! এই প্রেমপাথারের তুলনায় গোষ্পদের সামিল হইল। ঈশ্বর-লাভের টানে—টানা পড়িলেন। শ্রীরামকৃষ্ণ যে একদিন তাঁহাকে বলিয়াছিলেন—“ওরে, তুই ডাক্তার হোলে আর তোর হাতে খেতে পারবু নি বাপু”—সেই কথা প্রাণে গোঁচা লাগাইতে লাগিল। পরে ডাক্তারী বিদ্যাশিক্ষা নিষ্ঠীবনবৎ ফেলিয়া দিলেন। তাঁহার আত্মিক-জীবনের একটি সম্পূর্ণ নূতনরূপ ফুটিয়া উঠিল! রামকৃষ্ণের চরণরেণু শরচ্চন্দ্র, রামকৃষ্ণের আশ্রিত, রামকৃষ্ণের শরণাগত শরচ্চন্দ্রকে জগৎ পাইল—সজ্জ পাইল। আমরা পাইলাম। শ্রীরামকৃষ্ণ অলঙ্কিতে শরচ্চন্দ্রকে তাঁহারই জগতজোড়া ডাক্তারখানা বা হাঁসপাতালের—ভব-রোগ নির্ণয়ের ও নিবারণের পরমবৈজ্ঞে পরিণত করিলেন।

তাহার পর নানা ঘাত-প্রতিঘাতের মধ্যদিয়া উত্তরকালে ক্রমে ক্রমে ইনিই, শ্রীশ্রীনরেন্দ্রনাথের পার্শ্বচর হইয়া, প্রায় বাষট্টি বৎসর পৃথিবীতে দেহস্থ থাকিয়া ভগবান্ শ্রীরামকৃষ্ণের একজন অতি উচ্চদরের, শ্রেষ্ঠ পতাকাবাহীতে পরিণত হইলেন। সাধুত্বের চরম .শিখরে উঠিলেন।

লগুনে থাকিবার সময় স্বামী বিবেকানন্দের সংস্পর্শে আসিয়া জাম্মা-
গীর মহামনীষী পণ্ডিত মোক্ষমূলার, পরমহংসদেবের চরিতকথা জানিবার
ও প্রচার করিবার জন্ত কোতূহলী হইয়া,—একটি সংবদ্ধ জীবনী
লিখিয়া পাঠাইতে, স্বামীজীকে অনুরোধ করেন।

শরত মহারাজকে স্বামীজী বলিলেন—তুই একটা লেখ। আমি
দেখে দোবো।

তাঁর আদেশে, স্বামী সারদানন্দ যাহা লিখিয়া দিয়াছিলেন তাহাই
অবলম্বন করিয়া জগত পাইল—ম্যাক্সমুলরের ‘রামকৃষ্ণ-জীবনী ও
উপদেশ’। স্বামীজী—লেখা পূর্ণ অনুমোদন করলেন। প্রত্যেক পাতা
উটে গেলেন। কিছুই কাটলেন না। উহা অধ্যাপককে পাঠাইয়া
দিলেন। নরেন্দ্রনাথ কর্তৃক আদিষ্ট ও নরেন্দ্র কর্তৃক অনু-
মোদিত, চিহ্নিত, মনোনীত হইয়া, জগতকে সারদানন্দ রামকৃষ্ণকথা
শুনাইলেন।

উত্তরকালে স্বামী সারদানন্দের গ্রায় একজন অসামান্য অনুভূতি-
সম্পন্ন মহাপুরুষ শ্রীরামকৃষ্ণের চরিত্রলীলা—ধীরে ধীরে সম্যক চিন্তার
পর, ধ্যান ধরিয়া মাসের পর মাস, সাময়িক পত্রে লিখিয়া জগতকে
শুনাইয়া ধন্ত করিয়াছিলেন। রামকৃষ্ণ-লীলার অত্যন্ত ভাব-ব্যাখ্যাতা
নৈব্যাস-রূপী শরত মহারাজ।

এ হেন ব্যক্তি শেষজীবনে শ্রীরামকৃষ্ণের চরিতকথার বাকিটুকু
(কাশীপুর বাগানের ঘটনাবলী) লিখিয়া অমর ‘লীলাপ্রসঙ্গ’কে পূর্ণ
অবয়ব—সম্পূর্ণ গঠন দিবার জন্ত অনুরুদ্ধ হইলে, একদিন বলিয়াছিলেন—
“আখো, এখন দেখছি, ঠাকুরের সম্বন্ধে কিছুই বোঝা হয়নি। তাঁর ইচ্ছা
হয় ত, লেখা হবে।”

স্বামী সারদানন্দের এই বাণীট মৌখিক বিনয় নহে। শ্রীশ্রীমা,
স্বামী ব্রহ্মানন্দ, যোগীন মা প্রভৃতি ঐহাদের অবলম্বন করিয়া, তিনি

ঠাকুরের কাজ লইয়া তাঁহার হোমাপাখীর ছায় ব্রহ্মমুখী, উদ্ধমুখী স্বভাব-গতিবৃত্তিকে বহুজনহিতায় নামাইয়া রাখিয়াছিলেন—শ্রীরামকৃষ্ণের ইচ্ছায় একে একে ঐ অবলম্বনগুলি—ঐ নোঙ্গরগুলি ভাসিয়া গেল। চলিয়া গেল। শ্রীরামকৃষ্ণময় তিনিও বুঝিলেন—অভিনয়ের অধ্যক্ষ তাঁহাকে রঙ্গপীঠ হইতে সরিয়া আসিতে ইঙ্গিত দিতেছেন। এই সময় তিনি কোন আবালা-সঙ্গপ্রাপ্ত ব্রহ্মচারীকে, তাহার আত্মনির্ভরতার অভাব দেখিয়া বলিয়াছিলেন—“আমার শরীর কি চিরদিন থাকবে? নিজের পায়ের ওপর দাঁড়াও……তায়শাস্ত্র ইত্যাদি পড়বার, দেখে নেবার কোঁক হয়েছে, দেখে নাও। ভাল। কিন্তু জেনো, বইএর ভেতর ভগবান নাই। তোমরা নিষ্ঠাপূর্বক জপতপ করতে পারো কই? তাই ঠাকুরের কাজ নিয়ে সঙ্গে সঙ্গে—ঐ দিকে বেশী মন দেবে। যদি কখনও খালি জপবান করবার ইচ্ছা হয়, সব ফেলে তাই করবে। সাধনভঙ্গন না করলে—ঠাকুরকে বোঝা কখনও বাবে না।”

স্বামী ব্রহ্মানন্দও বলিতেন—যদি একটা ছেলেও ধ্যানজপ প্রকৃতপক্ষে করে, তো তারই পুণ্যে একটা মঠ চলে।

বাবুরাম মহারাজ ও শরত মহারাজ ইহাও বলিতেন যে, কোন কেন্দ্রে অবস্থানের কালে সকলেরই ধ্যানজপ ছাড়া, কিছু কিছু অন্ততঃ ঐ কেন্দ্রের বাহ্য কর্ম করা উচিত।

ইংরাজী ১৯২৭শের প্রথমভাগ। তখন স্বামী সারদানন্দ “ঘরমুখো”। যেমন তিনি স্পষ্ট বলতেন—“ওপারের পাসপোর্ট কাটাইয়া পুঁটুলী বাঁধিয়া” প্রভুর ডাকের জ্ঞাপন করিতেছিলেন। দিনের পর দিন, বাহিরের সব কাজকর্ম ছাড়িয়া, শরণাগত ভক্তদের তাঁহার নিকট ব্যক্তিগত গচ্ছিত অর্থ ও হিসাবের কাগজপত্র একে একে বুঝাইয়া ফিরত দিতেছিলেন। “সে আলোকে মহাসুখে আপন-আলয়মুখে” সংসারের প্রবাসপথ পরিত্যাগ-

উদ্দেশ্যে, সব বাধা দূত্বহস্তে, সৈনিকের মত নিষ্কাশিত করিয়া, ভক্তবৃন্দের প্রেমের স্বর্ণশৃঙ্খল ছিন্ন করিয়া, বতই শ্রীরামকৃষ্ণের স্বরূপসাগরে আত্মসমর্পণ করিয়া, স্বতন্ত্র সঙ্গার বেড়াজাল ভাঙিয়া —দরিয়ায় নিমজ্জিত, নিমীলিত হইতেছিলেন—সব অন্তরাল অপসারিত করিয়া কুলহারা রামকৃষ্ণ-পাথারের গভীরতা ততই উপলব্ধি পূর্বক—হয়ত বিমোহিত শ্রীসারদানন্দ—পূর্বোক্ত উক্তি করিয়া থাকিবেন !

কে জানে ? আমরা—অনুমান মাত্র করিতে পারি।

•

উপসংহার

মহাজনের কথা স্মরণ করিয়া ও করাইয়া আপনাদের বলিতে চাহি—
‘আমাদের ছায় অল্পবুদ্ধি, অল্লাধারের পক্ষে রামকৃষ্ণ-বিবেকানন্দের কথা
কওয়া ও তাঁদের জীবনালোক জগতে ছড়াইবার প্রচেষ্টা বালশূলভ চপলতা
বলিয়াই বোধ হইবে।’ গ্রন্থের প্রাণ ও বিষয়—উভয়ই প্রগাঢ়তায় ও
অসীমতায় সাগর সদৃশ—উচ্চতায় গগনস্পর্শী। ‘শিব মহিম্নের’ কথা স্মরণ
হইতেছে। সাগর যদি দোয়াত, হিমালয় কালী, পারিজাত গাছের
শাখা কলম, পৃথিবী কাগজ এবং লেখিকা স্বয়ং বর্ণময়ী দেবী সারদা
হইতেন এবং অনন্তকাল শ্রীরামকৃষ্ণ-শ্রীসারদা-সমেত শ্রীবিবেকানন্দের
জীবনপ্রসঙ্গ লিখনে অনুরত থাকিতেন, তাহা হইলেও তাহার শেষ—
তাহার পার, বুঝি পাইতেন না। ইহা কবিত্ব নহে। অতি সত্য।

পরিজ্ঞাতা মেরীতনয়ের একজন শ্রেষ্ঠ ভাববাহী সাধু শ্রীপল মহোদয়
কর্তৃক রোমকদের নিকট লিখিত পত্রের একটি বাণী স্মরণপথে ভাসিয়া
উঠিতেছে।—রাত্রি অনেকটা কাটিয়াছে। দিন সমাগত ঐ। অজ্ঞান
মোহাদির সহিত সংশ্লিষ্ট কার্যাবলী পরিত্যাগ করিয়া এসো, আমরা
অধ্যাত্ম-আলোকের সুদৃঢ় সংরক্ষণশীল বর্ম পরিধান করি। আমরাও
এই সুরে সুর মিলাইয়া বলি—দেবী সারদা সমভিব্যাহারে দেব—শ্রীরাম-
কৃষ্ণ নরেন্দ্র-রাখাল-বাবুরামাদিকে সঙ্গে লইয়া আসিয়াছেন। আমাদের
ব্যক্তিগত, জাতিগত জীবনে অরুণ-উদয়কাল সমুপস্থিত। মোহময়ী
ত্রিবাণা বিগত।—The night is far spent, the Day is at hand.
Let us therefore cast off the works of darkness and let us
put on—the armour of *Light*.

আমরা শ্রীরামকৃষ্ণ সমীপে কাতর-প্রার্থনা জানাইতেছি যেন, তিনি শ্রোতা ও বক্তা, পাঠক ও লেখক—উভয়কেই এই লীলা “বোধে • বোধ” করাইয়া দেন! যেটুকু সামান্য আলোচনা এগ্রেছে হইল তাহার ফলে জীবত্বের সংস্কার, জীবত্বের খাদ গলাইয়া ‘কাঁচা আমি’-কে সমূলে উপড়াইয়া, উৎপাটিত করিয়া শিবস্বরূপতায়—শুদ্ধাভক্তি, শুদ্ধজ্ঞানের হেমময় প্রভায় জদিস্ত জন্মজন্ম পুঞ্জীভূত গহনাকার বিদূরিত হইয়া যায়। কারণ তাহাই গীতাবক্তার উক্ত—সেই মহান্ লাভ, যে লাভ ঘটিলে জগতের যাবৎ লাভই অলাভ হইয়া বাইবে।

পরমহংসদেবের জীবদ্দশায়, বহুলোক যে জ্ঞানভক্তিপিপাসু হয়ে, তাঁর কাছে আস্তেন, ইহা শুধু ‘লীলাপ্রসঙ্গ’কারই বলেন নাই। তাঁহার অ-শিষ্য স্ট্রটস্ম্যান পত্রিকার কোন সমসাময়িক লেখক ইংরাজী ১৮৮৪ সালের ৯ই জানুয়ারী তারিখের কাগজে দেহত পরমহংসদেবের সম্বন্ধে লিখিতেছেন—“A Hindoo *Jogee* lives in this holy place (Dakhinesvara), who is respected by all. On Sundays and holidays many come here from Calcutta and the neighbouring villages to pay their respects to this venerable man. His disciples are increasing in number daily……this once solitary and deserted village has become the regular resort of devout men.”

অসার্থ—এই পবিত্র দক্ষিণেশ্বর গাঁয়ে একজন হিন্দু যোগী থাকেন। একে সকলেই সম্মান করেন। রবিবারে রবিবারে এবং অগ্রাগ্রা ছুটির দিনে, কলিকাতা এবং আশপাশের গ্রাম থেকে অনেকে এই মহাশয় ব্যক্তির নিকট আসিয়া, ভক্তিজ্ঞাপন করেন। তাঁর শিষ্য-সংখ্যা দিন দিন বাড়ছে।……আগেকার সেই নির্জন এবং লোক-পরিত্যক্ত

দক্ষিণেশ্বর গ্রামখানি এখন রীতিমত পিপাসুভক্ত সজ্জনের সমাগমস্থল-রূপে পরিণত হয়েছে।

শ্রীরামকৃষ্ণের অপূর্ব চরিত্র জগতে তাহার অমোঘশক্তি পরিব্যাপ্ত করিতেছে। সে পূজার উদ্বোধন শ্রীনরেন্দ্র করিয়া গিয়াছেন। পুরাণের অবতার লক্ষণ সকল (বিশেষতঃ, সকল মনের ক্ষুধা নিবৃত্তির ক্ষমতাটি) শ্রীরামকৃষ্ণে মিলাইয়া পাইয়া যে বহু সজ্জন, তাঁহাকে ভগবান্ শ্রীরামকৃষ্ণ আখ্যা দিবেন, ইহা আর বিচিত্র কি ! কিন্তু এইমাত্র বলিয়া বসিয়া থাকিলে চলিবে না। ভগবান্ শ্রীচৈতন্যকে অবতারের আসন দিয়া আমরা বাহাতে তাঁহার শিক্ষার প্রভাব আমাদের স্বভাবের উপর ফিরিয়া পাই, তাহার প্রতি দৃষ্টি নিবদ্ধ রাখিতে হইবে। রামকৃষ্ণকে অবতার বলিয়া বিশ্বাসী যাঁহারা, তাঁহাদের ভিতর এক নূতন সম্প্রদায়ের সৃষ্টি তাঁহারা করুন, তাহাতে ক্ষতি নাই ! কিন্তু, অগ্র অবতারের সম্মান যেন খাটো করার চেষ্টা না হয়। তাহা হইলেই শ্রীরামকৃষ্ণ-ভক্ত নরেন্দ্রোক্ত “অসম্প্রদায়িক সম্প্রদায়”-সৃজন সার্থক হইবে। আমাদের আত্মোন্নতির চেষ্টা বোল-আনা চাই। ভাবের ঘরে ফাঁকি যেন না থাকে। সাধনের উপর দৃষ্টি চাই।

হে বীরেশ ! হে বিবেকস্বামিন্ ! তুমি মাতৃভাষায় বাংলার নরনারীকে উদ্বোধিত করিবার জন্ত উদ্বোধন মন্ত্র—সমগ্র জাতির জাগরণ মন্ত্র গাহিয়া গিয়াছ। পরদেশীর বচনো, বিশ্ববাসী সকলকে আপনার জ্ঞান করিয়া প্রবুদ্ধ ভারতের কথা,—জাগরিতা, চৈতন্যবিচ্ছুরণকারিণী জননীর সাধনোদ্দীপ্ত তপোবনের বাণী দিকে দিকে শুনাইয়া মানুষকে উচ্চতর—উচ্চতম আদর্শের সন্ধান দিবার পথ প্রস্তুত করিয়া দিয়াছ। ১৮৯৭ সালের প্রথমভাগে অধ্যাত্ম দিগ্বিজয়ী সার্কবৌম, অশেষ শক্তিসম্পন্ন নানাগুণালঙ্কৃত বীর তরুণ-আচার্য্যরূপে পাশ্চাত্য হইতে—তুমি ফিরিয়া আসিলে। পরম কৃতী হইলে। তোমাকে দেখিবার জন্য, তোমাকে

লইয়া সাধ-আহ্লাদ করিবার জন্ত, তোমার গর্ভধারিণী একদিন ঐ সময়ে গিরিশঙ্করের বাটীর সম্মুখে মা সারদা দেবীর ভাড়াটীয়া বাটীতে তোমার সহিত দেখা করিতে আসিলেন। তিনি কিছুতেই তোমার কাছছাড়া হইতে সেদিন চাহেন নাই। আর তুমি সেদিন তাঁহার মন আরও উচ্চে লইয়া বাইবার সহায়তা জন্ত পুনঃ পুনঃ গর্ভধারিণী জননীকে তোমার উপর দেহাত্মিকা মমতা ছাড়িয়া, জগন্মাতার পরিপূর্ণপ্রকাশ—শ্রীসারদাদেবীর কাছে—উপরে গিয়া তাঁহার পুত্ৰসঙ্গে দত্তা হইতে,—বেশীকাল কাটাইতে বলিলে। ভুবনেশ্বরী দেবী বালিকার মত বলিলেন,—যাবো'খন। তুই অত ব্যস্ত হয়ে আমাকে তোর কাছ থেকে তাড়াচ্ছিস্ কেন ?

ভারতীয় গণচিন্তের চেতয়িতা তুমি। নিরাশের আশা। পদদলিত নিষ্পেষিত নির্ধনের তুমিই সহায়। সম্পদ, আশ্রয়। শরণ। আশীর্বাদ করো, যেন তোমার শ্রীপদাঙ্ক অনুসরণে প্রবৃত্ত বাঁহারা—তাঁহাদের কলিজায় কলিজায় নির্ভরতা, জ্ঞানভক্তি, প্রেম ফুটিয়া উঠে। বলো, তোমার সেই মেঘমন্দ্রস্বরে—স্মৃষ্টি অথচ সৃগন্তীর আরাবে—Once more Awake !strong, steady, blissful, bold and free.....no death for thee ! Awakener, ever forward, speak thy stirring words. জাগে আরো একবার...তব মৃত্যু নাহি কদাচন।.....আনন্দ-মগন, শক্তিমান, মুক্তবীর, হে স্থির ! হে স্তুতিহারী, চিরাগ্রণী, ব্যস্ত কর তব বজ্রবাণী।

From dreams awake, from bonds be free ! Be not afraid,—this mystery. স্বপন ছাড়ো। বন্ধন থেকে মুক্ত হও। আর ভয়াতুর হয়ো না। ইহাই স্বাধীন জীবনের রহস্য।

সেই শিবরাত্রির পর ফাল্গুনী শুক্লা দ্বিতীয়া ঘনায়মান। এমনি এক বশন্তের মধুময় ফুলসাজে সাজিয়া, দক্ষিণবাহী মুহম্মদ পবনান্দোলনে আন্দোলিতা বঙ্গ-প্রকৃতি—ভারত-ধরিত্রী একশত বৎসর পূর্বে শ্রীরাম-কৃষ্ণকে বক্ষে ধারণ করিয়া ধরা হইয়াছিলেন! সঙ্গে সঙ্গে সমাগরা ধরণীকেও কৃতকৃতার্থা করিয়াছিলেন। এক শতাব্দী পূর্বে শ্রীরামকৃষ্ণ-সূর্য্য ভারতের ও পৃথিবীর মনোগত ও আত্মগত সর্বপ্রকার গ্লানি, সর্বপ্রকার কপটাচার, মিথ্যাচার বিদূরিত করিবার জন্ত কামারপুকুর গ্রামের এক সরল গ্রাম্য বালকের বেশে উদয় হইয়াছিলেন। চিদম্বনকায় চৈতন্যময়—সেই অনন্ত ভাবময় জীবন-মহাকাব্য, পর্বে পর্বে একটির পর একটি অধ্যাত্ম সাধন কালীবাড়ীর নির্জন বেঠনীতে কলিকাতা রাজধানীর অতি সন্নিকটে আত্মপ্রকাশ করিয়াছিল। শ্রামার পূজারী ছিলেন স্বভাবসুলভ ভাবে ভরপুর—কৃত্রিমতার লেশমাত্র পরিশূন্য।

শীঘ্রই বেলুড় মঠভূমিতে আচার্য্যপাদ বিবেকানন্দের ইচ্ছা ও অনেকটা ইঙ্গিত মত বিরাট শ্রীশ্রীরামকৃষ্ণ দেউল দেখা দিবে। ভক্তপ্রাণ সেই দিনের জন্ত ব্যগ্র। বিশেষ সমুৎসুক। জন্ম-শতাব্দী অনুষ্ঠান, পালন ও উদ্‌যাপন করিবার জন্ত ভারতের দিকে দিকে প্রদেশে প্রদেশে কন্ঠ্যার দল সাজ্ সাজ্-রব তুলিয়া—“আজি শতেক বরষ পরের”—গীতিতে আকাশ বাতাস মুখরিত করিয়া, শীঘ্রই মাতিয়া উঠিবেন। ভারতে নব জাগরণ আসিয়াছে। জাতি তাহার মহাজনদের স্মৃতি জাগাইয়া রাখিতে চহিতেছে। দীর্ঘ ছই বৎসর ভারতের স্থানে স্থানে, বাহিরেও রামকৃষ্ণের জন্ম-জয়ন্তিয়া নানাপ্রকারে সমন্বীত হইবে। তাই আজিকার দিনে শ্রীরামকৃষ্ণ বিবেকানন্দ-জীবনাদর্শ আলোচনা বিশেষ সমরোপযোগী। আবহাওয়ার অনুকূল।

শ্রীরামকৃষ্ণের আগমন—শৈত্যের পর যেন বসন্ত সমাগমের

সুচক। নববেশে নবীন ঋতুরাজের বহিঃ-প্রকৃতির তরুতে তরুতে শাল-পিয়াল-অশোক-পলাশের লতায় পাতায় ফাগুরার লাল নিশানার জানানু দিয়া আসা। মনোরাজ্যেও মানবের অজ্ঞান অন্ধকার বিদূরণ অন্তে—নিত্যনবীনতার মধুমাসেরই গ্রায়, সচ্চিদানন্দ স্বরূপের আত্মপ্রকাশ। শুধু আনন্দোৎসবের মেলায়, খানাপিনাতে আমরা কি অবশ হইয়া যাইব, অবসন্ন হইব? নবযুবরাজ ঋতুরাজরূপী শ্রীরামকৃষ্ণের জন্ম-জয়ন্তিয়া দিবসে শুচিশুদ্ধচিত্তে ভাবিতে হইবে—আমাদের জাতির বাহ্য জীবনোন্নতির সঙ্গে সঙ্গে মনোন্নয়ন ও আত্মিক জীবনালোক-লাভ কতটা হইল? রামকৃষ্ণের জাতির লোক, রামকৃষ্ণের দেশের লোক, পাড়ার লোক, গ্রামের লোক—আমরা—কেবল এই বলিয়া গর্ব করিলে ত চলিবে না! আমরা—যদি যুগাবতার, পতিত অবনতের ভগবান বলিয়া তাঁহাকে হৃদিস্থ কনকাসনে বসাইয়া থাকি—আমরা তাহার ফলে—প্রকৃত মনুষ্যত্বের দিকে কতদূর অগ্রসর হইলাম? আর—যদি তাঁহাকে মহামানব বা যুগমানবজ্ঞানে ভিতরে স্থান দিয়া থাকি, স্বীকার করিয়া, মানিয়া থাকি,—তাহা হইলেও—একই প্রশ্ন।—কি করিলাম?—কি হইলাম? কতটুকু অধ্যাত্ম-বস্তু ভিতরে সঞ্চিত করিলাম—‘আত্মনো মোক্ষার্থং’? আর “জগতের হিতায়”—ভারতভূমির দশদিকে পরিপূর্ণ অজ্ঞান অন্ধকারে নিমজ্জিত ভারত-ভারতীর জীবন—পরিপূর্ণ, ধন্য করিবার পথে কতটা তাহাদের আগাইয়া দিলাম? আত্মবন্ধু ও লোকবন্ধু শ্রীরামকৃষ্ণ সকলের চক্ষু ফুটাইয়া সেই আদর্শ জাজ্জল্যমান করিয়া গিয়াছেন। মুষ্টিমেয় মোক্ষমাগী—জাতির “salt of the earth” মাথার মণি, জীবনগতি-নিয়ামক। অভ্যাদয়কামী, ত্রিবর্গতুষ্ট সর্বসাধারণের উপর ইহারা সদাই প্রেমনিবদ্ধদৃষ্টি ও সকলেরই হিতকারী। সর্বোপকার-করণে সদা আর্দ্রচিত্ত। প্রাচীনভারতে, স্বাধীনভারতে ইহাই সাধনেতিহাসের ধারা। অধ্যাত্মকে না ধরিয়া কন্ঠে নেতৃত্ব করিলে জঞ্জাল বাড়িবে।

ধরিয়া করিলে, সবই অর্থপূর্ণ, সরল হইয়া যাইবে। শাস্ত্রতকে পাইবার সোপান হইবে। দেহ ধারণ সার্থক করাইবে।

মনোময় ও আত্মময় জগতের মহান অধিনায়ক—সৰ্ব্বধর্মের সাধক ও সংসিদ্ধ শ্রীশ্রীগদাধরকে আমরা কার্যো—জীবনে কতদূর ‘ফলাইলাম’ কতটুকু মর্যাদা দিতে পারিলাম? শতাব্দী অন্তে যেন আমরা আমাদের ব্যক্তিগত, জাতিগত অবনত অবস্থার প্রতীকার-কল্পে বদ্ধ-পরিকর হই। উদ্বুদ্ধ হই। সজাগ হই। কোন সমাজকর্মীকে লক্ষ্য করিয়া তিনি বলিয়াছিলেন—অন্তরে সোনা চাপা আছে। যদি তার সন্ধান পেতো, বাইরের কাজ কমে যেতো।

হুজুগে হাবাতে কতগুলো লোক—আদর্শ কর্মবাদের ক্ষেত্রে কটক-বিশেষ। আদর্শৈকপ্রাণ, পদে পদে ত্যাগস্বীকারে ইচ্ছুক, অল্ললোকের দ্বারা জগতে প্রভূত উপকার হয়। মেলা দেখিবার জমায়েতে চিরকালই মেলালোকের ঠাসাঠাসি দেখা যায়। কেবল সংখ্যার প্রতি—কর্ম-যোগীর লক্ষ্য না থাকাই ভাল। একদা বহু লোককে শ্রীরামকৃষ্ণ-জন্ম-মহোৎসব প্রাঙ্গণে বেলুড় মঠভূমিতে দেখিয়া কোন ভক্ত বিশেষ উৎফুল্ল হইয়াছিলেন। ভাব-ভক্তির প্রতি, আন্তরিকতার প্রতি দৃষ্টি আকর্ষণ করিয়া পরমাভিজ্ঞ জ্ঞানগুরু বিবেক মহারাজ বলেন—ওরে, এরা সব হৈ হৈ রৈ-রৈ করতে এখানে এসেছে। দেখতে পাচ্ছি না? হুজুগ দেখতে, মাচাতে—মেলায় মাত্র মিলেছে। মনে করিস্নি, সকলেই ঠিক ঠিক ঠাকুরের ভক্ত। বা তাঁকে আদর্শ ব’লে স্বীকার ক’রে জীবন যাপন করবার চেষ্টা করছে। তা হলে আর ভাবনা থাকতো না।

আদর্শ-পরিপুষ্টি ও উহার উপর মনোযোগ আকর্ষণ করিয়া স্বামীজী একখানি ইংরাজী চিঠিতে লিখেছেন—যদি জীবনে দুএকটি নরনারীকেও অধ্যাত্ম ধর্মের সন্ধান, পথ দেখাইয়া থাকি, তা হোলেই আমার উদ্দেশ্য সফল। সঙ্গে সঙ্গে নিজেকে ধাতু মনে করি।

তিনি চাহিয়াছিলেন—সেই শ্রেণীর চেলাদের, যারা Unto the jaws of death মৃত্যুমুখ পর্যন্ত অচল অটলভাবে তাঁর আদর্শ অনুসরণ করতে সাহসী হবেন ।

ইসলামের প্রথম ইতিহাস মনে পড়ে । দশ বার বৎসর প্রচারের পর, একেশ্বরের মহিমায় মস্গুল পয়গম্বর শ্রীআচার্য্য মহম্মদের পঞ্চাশটি-মাত্র অনুবর্তী জুটে । আর ইরানের পরমর্ষি পারসিক লোকগুরু জরথুষ্ট্রের প্রায় ঐ দীর্ঘকালেই—মাত্র একটি । মরিয়মপ্রাণ শ্রীশ্রীঈশ্বর কথা ইতিপূর্বেই বলা হইয়াছে । কিম্বাশ্চর্য্যমতঃপরং ? পৃথিবীর ধর্ম্মেতিহাস-আলোচনাকারীদিগের জ্ঞাত এই সব দৃষ্টান্তের ভিতর ভাবিবার অনেক উপাদান নিহিত । যে কোন অধ্যাত্ম ধর্ম্ম-সজ্জা যিনি যোগ দিয়াছেন বা যিনি কোন সজ্জ-নিয়ামকতা করিতেছেন—তাঁহাদের সকলেরই আপনাপন জীবন নিয়ন্ত্রণপথে,—এই দিকে সম্যক্ চিন্তার প্রয়োজন ।

পবিত্রমূর্ত্তি প্রেমানন্দের একদিনের কথা—“ঠাকুরের মহাভাব হয়েছে । তাঁকে ধরতে হবে । পড়ে—না যান । অতি সন্তর্পণে ধরে আছি । আর মনে মনে অতি কাতর ভাবে সভয়ে বলছি, দেখো বাবা, ‘আঁক্’ করে উঠো না ।”

অর্থাৎ—যদি হঠাৎ আমার ভিতরে কোন কুচিন্তার উদয় হয় তাহা হইলেই তিনি শিহরিয়া উঠিবেন । মন , সাবধান !—তখন বাবুরাম প্রভুর বিশেষ চিহ্নিত সন্ন্যাসিগোষ্ঠীর অনেকেই থায়—বালক ।

...—কথাটা প্রাণে লইবার । অপবিত্রতার লেশমাত্র ভিতরে আসিলে, রামকৃষ্ণপ্রাণ প্রেমানন্দ যেন আজও স্মরণ করাইয়া দিতেছেন—ঠাকুর শ্রীরামকৃষ্ণকে ধরা হইবে না । গ্রন্থশেষে আমাদের সকলের এ কথা মনে রাখা বিশেষ বিধেয় । কঠ-শ্রুতিরও বচন, দুঃশ্রুতি হইতে অবিরত অশান্ত, অসমাহিতের আত্মজ্ঞান আইসে না । প্রজ্ঞানের দ্বারাই তাঁহাকে জানা যায় (১২২৪) ।

স্বামী সারদানন্দ একদিন একটি ব্যাকুলচিত্ত বালককে এইভাবে সমাধান দিয়াছিলেন। বালক বলিয়াছিল—মহারাজ! আমাদের এত গলদ, —সন্দেহ হয়, ঠাকুর কি আমাদের মত হতভাগাদের দেখা দেবেন ?

উত্তরে, ব্রহ্মচারীকে অশেষ সাস্তুনা দিয়া, তিনি বলিয়াছিলেন—তাকে ডেকে যাও, বাবা। খাদ গলাইয়া, মনকে গড়ে পিটে তৈরী কোরে তিনিই নেবেন। তিনি দেখা দিবেনই। দিবেন। ভয় নাই। বিশ্বাস করো।

স্বামী সারদানন্দের রচা শ্লোক আবৃত্তি করিয়া আমরা পরমশ্রদ্ধাশ্লুত চিত্তে গ্রন্থ-অন্তে শ্রীসারদানন্দের জীবনদেবতাকে বলি—

সৰ্ব্বধৰ্ম্মস্থাপকস্ত্বং সৰ্ব্বধৰ্ম্মস্বরূপকঃ।

আচার্য্যানাং মহাচার্য্যো রামকৃষ্ণায় তে নমঃ ॥

সঞ্চয়ন

ভজনানন্দ, ব্রহ্মানন্দ—এই আনন্দই সুরা—প্রেমের সুরা। মানব-জীবনের উদ্দেশ্য—ঈশ্বরে প্রেম, ঈশ্বরকে ভালবাসা।...আত্মজ্ঞান হলে সুখ, দুঃখ, জন্মমৃত্যু স্বপ্নবৎ বোধ হয়।...ঈশ্বর সন্মুখে কিছু হিসাব করবার যো নাই। তাঁর অনন্ত ঐশ্বর্য। মানুষ মুখে কি বলবে!..... ঈশ্বর দর্শন হলে রমণসুখের কোটাগুণ আনন্দ হয়।...নামের প্রভাবে সব সন্দেহ দূর হয়ে যায়। নামেতেই চিত্ত শুদ্ধ হয় এবং নামেতেই সচ্চিদানন্দ লাভ হয়ে থাকে।...এই পাথা যেমন দেখছি, সামনে—প্রত্যক্ষ—ঠিক্ অমনি আমি (ঈশ্বরকে) দেখেছি।...দেখলাম তিনি (ঈশ্বর) আর হৃদয়মধ্যে যিনি আছেন, এক ব্যক্তি।—শ্রীরামকৃষ্ণ

শ্রীসারদাদেবী—(গৃহস্থদের প্রতি)—তোমরা একহাতে ঠাকুরকে ধরো। অগ্নাহাতে সংসারের কাজ করো। তবেই বাঁচোয়া।—(সাধুদের প্রতি)—তোমাদের গাছতলায় দিন কাটাবার কথা। ঠাকুরের দয়ায়—খাবার, পরবার, থাকবার ব্যবস্থা হয়েছে—তিনিই ক’রে দিয়েছেন। তিন পেরুলেই ফরসা। এইবেলা সময় থাকতে থাকতে খুব ক’রে ভগবানকে ডেকে নাও। খাটো। খাটো! এরপর আর পারবে না। এরপর এলিয়ে পড়বে—তখন কেবল জাবর কাটতে হবে।

ঠাকুর কি কারুর একলার জন্তে এসেছিলেন, কি জগতের জন্তে?...তাঁর জীবন না বুঝলে, বেদ বেদান্ত—অবতার প্রভৃতি বোঝা যায় না।...তিনি যেদিন থেকে জন্মেছেন সেদিন থেকে সত্যযুগ এসেছে ... ভেদাভেদ উঠে গেল, আচণ্ডাল প্রেম পাবে।...ভারতের দুই মহাপাপ। মেয়েদের পায়ে দলন। অন্ন—জাতি, জাতি! গরীবগুলোকে পিষে ফেলা। ব্রাহ্মণ চণ্ডাল, মেয়ে বা পুরুষ, তাঁর পূজায় সকলের অধিকার। যে তাঁর পূজা করবে, মুহূর্ত্ত মধ্যে মহান্ হবে। এবারের মাতৃভাব। তিনি স্ত্রীজাতির,—ইতর, উচ্চনীচ—সকলের উদ্ধারকর্তা।.....এ সব কারি শক্তিতে হচ্ছে?—তাঁর।...তিনি আমাদের ভালবেসে বশীভূত করেছিলেন। আমি, তাঁর জন্ম-জন্মান্তরের দাস। রামকৃষ্ণকে জীবদ্দশায় ইউনিভারসিটির ভূত-ব্রহ্মদত্তিরা ঈশ্বর বোলে পূজা করেছে।.....প্রাণহীন যন্ত্রের স্থায় চালিত হয়ে করে—তাতে মনোবৃত্তির ক্ষুণ্ণি নাই, হৃদয়ের বিকাশ নাই, প্রাণের স্পন্দন নাই, আশার তরঙ্গ নাই, ইচ্ছাশক্তির প্রবল উত্তেজনা নাই, তীব্র সুখানুভূতি নাই, বিকট দুঃখেরও স্পর্শ নাই, উদ্ভাবনীশক্তির উদ্দীপনা একেবারে নাই, নূতনত্বের ইচ্ছা

নাই, নূতন জিনিষের আদর নাই। এ হৃদয়াকাশের মেঘ কখন কাটে না, প্রাতঃস্বর্গের উজ্জলচ্ছবি কখনও মনকে মুগ্ধ করে না। এ অবস্থার অপেক্ষা কিছু উৎকৃষ্ট আছে কি না, মনেও আসে না, আসিলেও বিশ্বাস হয় না, বিশ্বাস হইলেও উদ্বোধন হয় না, উদ্বোধন হইলেও উৎসাহের অভাবে তাহা মনেই লীন হইয়া যায়।...আমি বলি, বন্ধন খোল, জীবের বন্ধন খোল, যতদূর পার বন্ধন খোল। কাদা দিয়ে কাদা ধোয়া যায়? বন্ধনের দ্বারা কি বন্ধন কাটে? কার কেটেছে? সমাজের জগৎ যখন সমস্ত নিজের সুখেচ্ছা বলি দিতে পারবে, তখন ত তুমিই বুদ্ধ হবে, তুমিই মুক্ত হবে।—(স্বামীজীর পত্রাংশ)...যুগযুগান্তরবাপী বিখণ্ডিত ও দেশ-কাল যোগে ইতস্ততঃ বিক্ষিপ্ত ধর্ম-খণ্ডসমষ্টির মধ্যে যথার্থ একতা কোথায় তাহা দেখাইতে—এবং কালবশে নষ্ট এই সনাতন ধর্মের সার্বলৌকিক ও সার্ব-দৈশিক স্বরূপ স্বয়ং জীবনে নিহিত করিয়া সনাতন ধর্মের জীবন্ত উদাহরণস্বরূপ হইয়া, লোকহিতায় সর্বসমক্ষে নিজ জীবন প্রদর্শন করিবার জগৎ শ্রীভগবান রামকৃষ্ণ অবতীর্ণ হইয়াছেন।...এই নবযুগ প্রবর্তক শ্রীভগবান রামকৃষ্ণ পূর্বগ শ্রীযুগধর্ম-প্রবর্তকদিগের পুনঃসংস্কৃত প্রকাশ। হে মানব, ইহা বিশ্বাস কর, ধারণা কর।...আমরা প্রভুর দাস, প্রভুর পুত্র, প্রভুর লীলার সহায়ক—এই বিশ্বাস হৃদয়ে দৃঢ়ভাবে ধারণ করিয়া কার্যক্ষেত্রে অবতীর্ণ হও—(স্বামীজীর মূল প্রবন্ধ।)

“আমরা অন্নদিন হইল, দক্ষিণেশ্বরে পরমহংস রামকৃষ্ণকে বেলঘোরের বাগানে দর্শন করিয়াছি। তাঁহার গভীরতা, অন্তর্দৃষ্টি ও বালকস্বভাব দেখিয়া আমরা মুগ্ধ হইয়াছি। তিনি শান্তস্বভাব, কোমলপ্রকৃতি, আর দেখিলে বোধ হয়, সর্বদা যোগেতে আছেন।”—আচার্য্য কেশবচন্দ্র, ইণ্ডিয়ান মিরর, ২৮ মার্চ, ১৮৭৫—অনুবাদ।

“মানুষ মাথা পেতে নেবে না। চোক চেয়ে দেখবে না। কেবল বাজে বকুবকু করবে। আসল জিনিষ কে চায়? সৎপথে থাকার বাধা—অনেক। মহামায়া সহজে ছেড়ে দেন না। তাঁর কৃপা পাবার জন্তে অনেক খাটতে হয়। সাবধান! অল্প ছাপ যেন না আসে। খাটু খাটু খাটু। সময়ের ও বয়সের সৎ ব্যবহার করে নে।...খুব advanced না হোলে নিরাকার ধ্যান হয় না। প্রথমে স্থূল, তারপর কারণ বা লিঙ্গ-শরীর, তারপর মহাকারণে লয়। মানুষের স্থূল শরীর কিছুই নয়।...খুব বিশ্বাস কর। নাম আর ভগবান। নাম—নামী এক করে ফেল। ভগবানই নাম হইয়া ভক্তহৃদয়ে বাস করেন। ভগবানকে খুব ডাকতে

থাকো। নির্জনে একা বসে তাঁকে ডাকতে হয়।...গুধু কক্ষ কল্লোই হবে না। ভগবৎভাব আশ্রয় কোরে কক্ষ কত্তে হবে।...ব্রহ্মচর্য্যপরায়ণ মনুষ্যজীবনে অদ্বুত শক্তির বিকাশ হয়।...গুরুবাক্যে যদি বিশ্বাস না থাকে, গুধু মন্ত্রতন্ত্রে কিছু হয় না।...ধ্যানের সময় এরূপ ভাববে—সংসার যেন মরুভূমি। তুমি যেন সেই মরুভূমির মধ্যে রয়েছ, শান্ত ক্রান্ত হয়ে গাছতলা পেলে যেমন আনন্দ হয়, সেইরূপ তোমার ইষ্টরূপ গাছতলায় বসে প্রাণমন শীতল হবে। শান্তি অনুভব করবে।” — স্বামী ব্রহ্মানন্দের উপদেশ হইতে।

“এক ঠাকুরের নামে মানুষ শান্তি কি, সুখ কি, আনন্দ কি বস্তু জানতে পারবে। মঙ্গলময়ের নামে সকল অমঙ্গল দূর হবে। মানুষ দেবতা হবে, জীব শিব হবে, বিশ্ব আনন্দে উন্মাদ হবে। খুব নিষ্ঠা করে প্রভুর সেবা পূজা করে যাও। মূর্থ পণ্ডিত হবে—ঠাকুরের নামের বলে। অসাধু সাধু হবে, অপবিত্র পূর্ণ পবিত্রতা লাভ করবে, রামকৃষ্ণ নাম গ্রহণে।”—স্বামী প্রেমানন্দের পত্রাংশ।

“রূপা ব্যতিরেকে সাধনা দ্বারা কেহ কিছুই করিয়া উঠিতে পারে না। তবে, আন্তরিকভাবে সাধনাদি করিলে তাঁহার রূপার উদয় হইয়া থাকে। ভগবানই গুরু।...প্রভুর শ্রীপাদপদ্মে তোমাদের ভক্তি, বিশ্বাস, অনুরাগ উত্তরোত্তর বৃদ্ধিপ্রাপ্ত হউক, তাঁহাতে তোমরা একেবারে মগ্ন হইয়া যাও এবং মানবজন্ম ধারণ সার্থক কর। ইহাই আমার প্রার্থনা।”—স্বামী তুরীয়ানন্দের পত্রাংশ।

“আগে ঠাকুর প্রণাম করে তারপর আমাদের—‘তস্য ভাসা সর্ব্বমিদং বিভাতি’—তঁার আলোকে সব আলোকিত। ‘তমেব ভাস্তং অনুভাতি সর্ব্বং’—তিনি প্রকাশিত আছেন বলে সব প্রকাশিত আছে।...তিনিই আবার সচ্চিদানন্দ।”—স্বামী শিবানন্দের বাণী।

“অত্র দেশে যা শতহস্তে ধনধান্য ঢালিয়া দিতেছেন। দেখিয়া ঈর্ষায় তোমার অন্তস্তল জলিয়া উঠে। তাহাদের হৃষ্টপৃষ্ট সন্তানসকলের প্রফুল্ল মুখকমলের সহিত, ক্ষুৎক্ষামকণ্ঠ, আচ্ছাদন-বিরহিত, রোগে জর্জরিত, তোমার সন্তানসকলের তুলনা করিয়া তুমি জগদম্বাকেই শতদোষে দোষী কর। অন্তের পদাঘাতপীড়িত হইয়া তুমি অদৃষ্টকে শতবার ধিক্কার দিতে থাক—কিস্তি দোষ কার?...জগন্মাতা তোমাঃ দিবেন কেন?...তিনি বলিপ্রিয়া।...প্রতি কার্য্যে মহাপ্রজ্ঞাসম্পন্ন হইয়া স্বার্থসুখত্যাগে

আত্মবলিদানে, তাঁহার তর্পণ কর, তাঁহাকে প্রসন্ন কর, দেখিবে, শক্তি-
রূপিণী জগদম্বা তোমারও প্রতি পুনরায় ফিরিয়া চাহিবেন!...আর তুমি,
হে শ্রদ্ধাসম্পন্ন শ্রোতা! তুমিও ভগবান শ্রীরামকৃষ্ণ ও বীরেশ্বর
শ্রীবিবেকানন্দ-প্রচারিত মহাসত্যসকল যত্নে হৃদয়ে ধারণ করিয়া সেই
অপারমহিম অপ্রতিহতপ্রভাব গুরুশক্তির কথা ভারতের ঘরে ঘরে
প্রচারে দৃঢ়বদ্ধপরিকর হইয়া—‘উত্তীর্ণত জাগ্রত প্রাপ্য বরান্ নিবোধত’
-রূপ অভয়বাণী উচ্চারণে সকলের প্রাণে আশার সঞ্চার কর! নবযুগে
তোমাতে নবশক্তি সঞ্চারিত হউক—প্রকাশিত হউক!...ঐধ্য ধর,
পবিত্রভাবে নির্ভীক হৃদয়ে তাঁহারই অনন্তশরণ হইয়া থাক—তোমাকে
অবলম্বন করিয়া শ্রীগুরুর এখনও অনেক লীলা প্রকটিত হইবে।
দেখিতেছ না কি—অন্তর্জগতে, ধর্মজগতে তোমার সন্তান এখনও রাজা?—
—স্বামী সারদানন্দের ‘ভারতে শক্তিপূজা’র অংশবিশেষ।

“শ্রীরামকৃষ্ণের অনেক সাক্ষাৎ শিষ্যই তাঁহার স্থল দেহাবশেষের পর
তাঁহার দর্শন পাইয়াছেন। যদি তাঁকে দর্শন করবার জন্ম তোমার
প্রকৃত ব্যাকুলতা থাকে, তিনি নিশ্চিতই ঐ সাধ পূর্ণ করিবেন। ঈশ্বরের
আকার সমূহ কেবল শব্দগত রূপক নহে। ঐগুলি সত্য।... পুরী
যাইতেছি (মাদ্রাজ হইতে)—আমাদের সজ্জনায়ক স্বামী ব্রহ্মানন্দকে
আনিতে। তাঁহার ঞ্চায় মহান ব্যক্তি বাহা কিছু স্পর্শ করেন তাহাই
পবিত্র হইয়া যায় এবং পবিত্রতার শক্তি লাভ করে। তিনি বক্তৃতা দিতে
আসিতেছেন না, বাহারা প্রয়োজন বোধ এবং যাচ্ছা করেন, তাঁদের
তিনি অধ্যাত্মধর্ম বিলাইতে আসিতেছেন। সাধারণের সমক্ষে বক্তৃতায়
খুব বেশী কাজ হয় না.....এই সেই মানুষ যিনি সন্তপ্ত হৃদয়ে আশীর্বাদ-
ধারা প্রবাহিত করিতে পারেন, যিনি ধর্ম দিতে পারেন এবং মানুষকে
ঈশ্বরের নিকট হাত ধরিয়া উপস্থিত করিতে পারেন।”—স্বামী রাম-
কৃষ্ণানন্দের পত্রাংশ (অনুবাদ)

“ভোগ যতই বাড়াবে ততই, বাড়বে। আর যতই কমায়ে ততই কমবে।
আর ভোগ যত করবে, ততই অশান্তি বাড়বে। ভোগ-প্রবৃত্তি কখনই
শান্তি দিতে পারে না। সুখ দিতে পারে না। ভোগ হতে যত মন নিবৃত্ত
হবে, ততই সুখ পাবে। আর এ ছাড়া শান্তির উপায় নাই।”—ভোগসর্বস্ব
বর্ন্তমান যুগের মানবের প্রতি স্বামী অদ্বুতানন্দের সাবধানবাণী।

(লাটুমহারাজ)

উদ্বোধন

শ্রীরামকৃষ্ণমঠ পরিচালিত স্বামীজী প্রতিষ্ঠিত মাসিক পত্র। অগ্রিম বার্ষিক মূল্য সড়াক ২৥০ টাকা।

স্বামী বিবেকানন্দের সকল গ্রন্থই (ইংরাজী ও বাংলা) উদ্বোধন-গ্রাহকগণকে সুবিধায় দেওয়া হয়।

পুস্তক	সাধারণপক্ষে	গ্রাহকপক্ষে
বাংলা রাজযোগ	১।০	১।০
জ্ঞানযোগ	১।০	১।০
ভক্তিযোগ	৮০	৮০
কর্মযোগ	৮০	৮০
পত্রবলী (৫ খণ্ড) প্রতি খণ্ড	৮০	৮০
ভক্তি-রহস্ত	৮০	৮০
চিকাগো বক্তৃতা	৮০	৮০
ভাববার কথা	৮০	৮০
প্রাচ্য ও পাশ্চাত্য	৮০	৮০
পরিব্রাজক	৮০	৮০
ভারতে বিবেকানন্দ	১।০	১।০
মদীয় আচার্য্যদেব	৮০	৮০
বর্তমান ভারত	৮০	৮০
বিবেক-বাণী	৮০	৮০
পণ্ডহারী বাবা	৮০	৮০
হিন্দুধর্মের নবজাগরণ	৮০	৮০
মহাপুরুষ-প্রসঙ্গ	৮০	৮০
ভারতীয় নারী	৮০	৮০
শ্রীরামকৃষ্ণ-উপদেশ (স্বামী ব্রহ্মানন্দ সংকলিত)	৮০	৮০
ভারতে শক্তিপূজা [স্বামী সারদারানন্দ প্রণীত]	৮০	৮০

উদ্বোধন কার্যালয়ের অগ্রাংশ গ্রন্থ এবং ঠাকুর ও স্বামীজীর নানাবিধের ছবির তালিকার জন্য উদ্বোধন কার্যালয়ে পত্র দিন।

গ্রন্থকার রচিত

শ্রীশ্রীরামকৃষ্ণ হোমমন্ত্রমালা

ভগবান্ শ্রীরামকৃষ্ণদেবের

মহিমাকীর্তনমূলক অষ্টোত্তরশত হোমমন্ত্র

নিত্যযজ্ঞে ও হোমে—

ভক্তপ্রাণে প্রেরণা ও আনন্দ দিবে ।

আহ্নিক-কৃত্যে—নিত্যকর্ম্মে—তর্পণে—

এই স্মধুর মন্ত্রগুলি—

ভক্তচিত্তে শান্তি-সুখা সেচন করিবে ।

উদ্বোধন-কার্যালয়ে পাওয়া যায় ।

দাম তিন আনা

